

H. II. 14

JOANNIS PAULI OLIVA

PRÆPOSITI GENERALIS

Societatis JESU

ALLOCUTIONES

Ad suos in Urbe,

SIVE

EXHORTATIONES
DOMESTICÆ.

Interprete JACOBO BOSCHIO

Ejusdem Societatis Sacerdote.

PARS PRIMA.

P. P. C. S. S. S. S.

Indep. p.

Vat. a.



ad. Adm. Roto Pr.

Lebro Viurechi.

Procuratore Soc.

Jesu minor. Bro.

unus donat.

PRAGÆ, Typis Universit. Carolo-Ferdinand:

in Colleg. Soc. Jesu ad S. Clem. An. 1676.

TO THE HONORABLE

THE SENATE

OF THE UNITED STATES

IN SENATE

ALLOCATION

OF THE

EXERCISES

DOMESTIC

INTEREST

OF THE

UNITED STATES





PATRIBUS
FRATRIBUSQUE
SOCIETATIS JESU,

HIERONYMUS CATANEUS

Secretarius ejusdem Societatis

Salutem.

Diu multum-
que laboran-
dum nobis fu-
it, ut, quas P.N.
ad Romanos Sodales priva-
tim Allocutiones habuit,
vulgari pateretur: sive quod
cas hominum nostrorum a-

nimis, quàm chartis impref-
fas mallet; five quòd fatìs la-
te-patêre fructum earum
putaret, si in Auditorum
suorum mores inducta per-
fectæ Virtutis Præcepta to-
ti deinde Societati illis Inter-
pretibus & Exemplaribus
traderentur. Sic enim Di-
vinarum rerum scientiam
apud Gentes quasdam nullis
consignatam litteris felici-
ter perennâsse solâ dicentiũ
discentiũq; memoriâ. De-
dit tamen manus filiorum
suorum postulatis Optimus
Pater, persuasus potissimũ
Decessorum suorum exē-
plis, qui quas adire Provin-

cies, ut maximè optarent,
vetabantur, litteris suis con-
venire consuevère, in quas,
animorum suorum sensa
conjecerant prompta sem-
per legentibus, & ab Aucto-
rum morte victura. Itaq;
Italico primùm, hoc est na-
tivo sermone, Paræneses istæ
prodierunt, stylo forsan or-
natiore, quàm privatarum
Exhortationum simplici-
tas, & argumentorum quæ
tractabantur natura postu-
lare videbantur. Nempe as-
suetam Vaticanis Rostris E-
loquentiam inclinare, to-
tùmq; dicendi genus repen-
tè convertere non perinde
* 3 prom-

promptum fuit: Manè u-
dem excusādum fuerit Hie-
ronymo, postquam stylum
ab eruditis & contentiosis
disputationib⁹ adversùs Hæ-
reticos ad Asceticas præce-
ptiones traduxisset; *Misi-*
mus interim, inquiebat, *te ti-*
bi, id est Paulo Seni Paulum Se-
niolem, in quo propter simpli-
ciores quosq; multùm in de jici-
endo sermone laboravimus. Sed
nescio, quo modo etiamsi aqua
plena sit, tamen eundem odorem
lagenæ servat, quo dum rudis
esset, imbuta est. Quòd si dein-
de acriùs aliquantò pro Reli-
giosa Disciplina pugnare ali-
cui videbitur, argumento
est,

est, longè maximas eas opes
esse, pro quibus excubent
vel Dracones, seu, ut sancti-
us loquamur, sacrarum ædi-
um vestibula non minùs
ac terrestrem Paradisum
flammeo versatiliq; gla-
dio custodiri debere, qui
licèt, quæ Dei clementia
est, in quæ pugnet, monstra
non habeat, labeculas tamē
ac naevos; sine quibus mor-
talium vita non ducitur, e-
radat, atq; aboleat. Sanè quæ
Vulpeculas parvulas tã stu-
diosè vestigavit ad laque-
um, professâ est, aliquando
Sanctitati periculum è mi-
nimis rebus existere: nec

propterea laxanda in custo-
diam remittendúmque de vi-
gilantia esse, quòd Ursi Par-
dique desint sacratæ Superis
Vineæ Vastatores. Sed & hos
quoque procul ab aggere, pro-
cul à maceriere moveri, cùm
in bestiolas illas tam curiosa
perquisitio instituitur. Bea-
tissimos proinde Cœtus illos
esse putandum est, in qui-
bus nævi tanquam vulnera
curantur, & quælibet um-
bra Ægyptiarum instar te-
nebrarum admotis facibus
dispungitur. Has igitur tales
Paræneses, ut montes ultra
tránsque maria sonarent, Lati-
no

no subinde sermoni comē-
davimus, ut omni prorsus in
Gente terraque posita Jesu
Societas Parentis sui vocem
exaudiret, ac monitis infor-
maretur. Valetc.

EX-



EXHORTATIO I.



*Bedientia Religiosa :
Virtus propria Socie-
tatis.*

EXHORTATIO II.

*Revelatio Conscientiae: Ani-
ma Societatis; quis illius usus,
ac modus.*

EXHORTATIO III.

*Zelus Animarum: quàm ne-
cessarius Religiosis Societatis.*

EXHORTATIO IV.

*Zelus Animarum, si vitat
* 5 erum-*

*arumnas, Peccatores non con-
vertit.*

EXHORTATIO V.

*Zelus Animarum sit inter
Proximos serius, siquidem eos
efficere sanctos cupit.*

EXHORTATIO VI.

*Zelus Animarum domi de
Deo loquatur, ut subinde cum
fructu de eodem differat cum
Proximo.*

EXHORTATIO VII.

*Insectationes, Indicia sunt
Virtutis; cui, si prorsus eximia,
& ab omni nevo pura fuerit,
denique malevolentia succum-
bit.*

EX-

EXHORTAT! VIII.

Lingua Religiosa peccantes commoveat, & soletur pœnitentes. Benignam se peccata sua confitentibus exhibeat, sitque in conversatione cum Proximo planè cœlestis.

EXHORTATIO IX.

S. Franciscus Indiarum Apostolus exemplo suo Apostolatuum fundare docuit in omni-modâ, plenâque Indifferentiâ ad Ministeria, Domos, Provincias, ac Cœli temperiem.

EXHORTATIO X.

S. Franciscus Apostolus India-

diarum insatiabili ærumna-
rum siti, & capitali odio com-
modorum, & honorum Ori-
entem expiavit, consecravít-
que : ac Nobis Formam præ-
scripsit perficiendi Fideles, &
Infideles convertendi.

EXHORTATIO XI.

*S. Franciscus Apostolus In-
diarum caducas illecebras de-
testatus, divinæque à se sola-
tia reiiciens, eò convolabat, u-
bi plus sudoris, minúsque gra-
tas suas industrias sperabat
fore. Tantundem præstet,
quisquis de Societate se tanto
Apostolo addere Socium cu-
pit.*

EX-

EXHORTATIO XII.

Quilibet Societatis Sacerdos Regularum observantiâ, & exemplo Vitæ sit illustris. His ornamentis Presbyteri, quibus ætas provectior, Religiosos juniores antecellant. Id nimirum consequentur, si se mortificationis studiosos, Legum Vindices, & hostes tepidorum profitebuntur.

Imprimatur,

Si videbitur Reverendissimo P. Mag. Sac.
Pal. Apost.

I. de Ang. Archiep. Urb. Vicesger.

Imprimatur.

Fr. Raymundus Capisuccus
Ord. Prædic. S. P. A. Magister.

EXHORTATIONES

DOMESTICÆ

HABITÆ

In Domo Professorum Romanâ.

EXHORTATIO I.

In Pervigilio S. JGNATHI
CONFESSORIS.

Et vos similes hominibus expectan-
tibus Dominum suum. *Luc. 12.*

Obedientia proprium ac pecu-
liare Societatis decus, quò ma-
gis caca, eò sanctior. Præcepta non
examinat, dura non fugit, non quæ-
rit blandimenta, cum Superioribus
non paciscitur, id unū accurat, ut Di-
vine voluntati suam conjungat ad
omnem ejus nutum intenta.

Ub hanc sanctissimorum
Votorum Instaurationem
diu multumq; mecum deli-
beravi, eccui potissimum è
tribus verba commodarem: sedit deniq;
animo, tertium, idq; postremum, Obe-
dien-

dientia videlicet, expendere, In quam sententiam dies me pariter & Votum adduxerunt. Illa quidem; quod cum obeunda esset tam venerabilis nobis solemnitas, quam natalis lux S. Parentis Nostri nobis imperabat; videbar illi facturus injuriam, si de Obedientia tacuissem, quam is tam studiosè nobis commendarat, ut profiteretur, pati se posse, si alijs Religiosis Ordinib⁹ sermonis parsimoniâ, pedum nuditate, labore manuum, asperitate vestitûs, vigiliarum, inediaeque molestijs, vel denique horrore solitudinis ultrò primas concederemus; ità duntaxat, ut essemus Obedientia laude præcipui. In hujus laudes caelestem illam scripsit Epistolam, quæ passim in omnibus pæne sacris cœtibus, ad communem mensam prælegitur. Hanc eandem esse gentilitium nobis Insigne voluit, & pro ejus asserendo principatu omnes Societatis suæ Professos Romanorum Pontificum imperio peculiari Voto subjecit. Errarem itaque, si tam festâ luce, utpote sancti illius Viri
me-

memoriæ consecratâ, qui tam magnificè de Obedientia, & sensit, & scripsit, aut de ipsa tacerem, aut de alio argumento disputarem. Votum subinde virtutis quidem summæ, sed præ reliquis omnibus leviori armaturâ instructum, magisque vulneri patens, ad se tegendum, defendendûmque me hortatur. Animos adhibet: Paupertatem propugnant Concilia, & Ecclesiæ Canones; dum paucorum nummorum usurpationis in eam reos, Proprietarios, & infames pronuntiant; refossis quin etiam è cœmeterijs eorum damnatis corporibus, & ad corvorum pastum in fimetum abjectis. Pudicitia pariter tantâ vigilantia custoditur à Pontificibus, & Theologis, ut hujus Angelici decoris contemptores, nullâ materiæ parvitate indultâ, lethalis in Deum offensæ condemnent. Perinde siquidem est, hoc honestatis speculum inficias, ac comminuas: tot scholis personantibus, tot oraculis conclamantibus: NON DATUR PARVITAS MATERIÆ. Con-

trâ verò, ut sacrilegij reus in Obedientiam peragatur, necesse est, ut vel in serpentem subditus abeat, ac damnato illo manifesti contemptûs sibilo proclamet; *Nolo*; vel ut Præses, districto, quod ejus armamentarium habet, potentissimo telo horrendum intonet: *Impero tibi pro omni ea potestate imperij, cui te Voti Sacramento addixisti.* Jam verò quam insolens illud ac rarum est, ut vel subiectus tam protervè respondeat, vel tam acerbè Præses edicat? Accedit Beati Legislatoris nostri solemnis illa testificatio, quâ nè venialis quidè culpæ damnavit qualiscumq; Regulæ neglectû. Quæ cum ita sint, nemo non videt, quanto in periculo versetur vitæ nostræ perfectio; cum hinc choro, solitudine, asperitate vestis ac laboris exempta, nō nisi ab Obedientia pendeat: ex alia verò parte pro modum destituatur, tum loricâ ad repellendos, tum mucrone ad inferendos ictus; utique cum reperire vix aliquem sit, qui peccare graviter in eam possit. Quæ causa est, ut ego in hoc diei exordio

dio pro incolumitate Voti tam inermis,
& sanctitati nostræ tam necessarij expo-
nendum mihi sumpserim, quàm pro-
num sit, ejus meritum corrumpi, quàm-
que gravia sint ejus non ad unguem ser-
vati detrimenta.

2. *Et vos similes hominibus expectan-
tibus Dominum suum.* Animadvertimus
scilicet omnes, eâ expectatione Obe-
dientiam adumbrari, prorsus ignaram,
quô tempore, loco, ac causâ supervenire
ipsi Præsidis imperium possit. Equidem
beata ejusmodi cæcitas, & ambiguitas
gloriosa ad coronas nobilissimas obe-
dientem provehit. Quippe Paupertas
eorum, qui vel in transtris sedent, vel sti-
pem ostiarum colligunt, vel armento-
rum greges sequuntur, tametsi sit egen-
tissima, non tamen ea remigibus, men-
dicabulis, bubulcis, palmam virtutis, aut
sanctitatis titulos confert. Sic quoque
innumerabiles invenias, qui licet illece-
bras ac petulantiam sensuum, ob ejus
nempe sceleris turpitudinem studiosè
fortiterque compescant: non tamen illi

propterea vitæ perfectæ gloriam assequuntur. Cùm è contrario, qui se vel Cœnobij legibus, vel Antistitis imperijs ultrò subjecit; dum integrè Ductoris sui mandata exequatur, & vestis, quam gerit, dignitati respondeat, eo solùm nomine, ceu Christi familiaris, & Apostolorum collega habeatur. Hinc est, quòd Lucifer nocendi callidissimus artifex, cùm excellentem probitatem Protoplastorum parentum pessundandam sibi sumpsisset, non ijs aut Contemplationis otia, aut divini ardorem Amoris, aut demissam erga Conditorem suum venerationem dissuasit. Non eorum appetiit virginitatem tam innocentem, ut suam nuditas lateret. Non eorum fidem oppugnavit, in dubitationem adductâ Dei charitate, pomi unius gustum, mortis poenâ vindicantis. Non naturæ in Gratia creatæ conditionem in majus extulit, ut contenti, quem habebant, in res creatas, mundumq; universum principatu, futurorum bonorum curam omitterent. Solam Obedientiam,

tiam, & obsequium Deo debitum infringere conatus est; neque, ut eam prosterneret, suâ ipse manu veritos fructus decerpfit, vel in aureis pateris Adæ atque Evæ ad cænam, & corporum refectiorem obtulit improvisus: Hæc enim omnia (itâ secum ratiocinabatur Dæmon) atque his plura obtinebo, si Obedientiam in controversiam voca-vero; & huic virtuti beatum illud fidelis cæcitatæ velum detraxero, quod tam altè provehit eorum merita, qui è nutu Dei se pendere profitentur. Simul ego horum oculos aperiâ, simul excæcabo: in mortem quoq; illos impellam, si effecero, ut graventur palpebras submittere nimîâ interdicti reverentiâ dejectas. Satis erit, ut litem deceptis moveâ super oppressione servitutis; & continuo famulatûs jugum excutient, ac Tabulas Legis pedibus proterent. Cùm dixerò: CUR PRÆCEPIT? decurrent ij sinè mora ad arborem, respicient surculos, ramos inflectent, & colorem fructuum admirati, poma devorabunt; qui-

buscumq; id prohibentis ingratij. Dictum factum. Animadvertere autem hîc libeat & proclivitatem lapsus, & oppugnationis ingenium. Equidem mihi persuadeo, quòd, sicut Deus Jobum invadendum, torquendumq; Dæmoni permisit, si modò vitæ parceret; ità factam impuro Spiritui potestatem tentandæ feminæ, ità tamen, nè ad eam evertendam Angelum Lucis indueret; nè vultus Seraphici splendore, dictis suis veneratione collectâ, tantæ lucis prodigio attonitæ, & mendacijs suis fidem faceret. Tenta sanè, inquiebat Deus, mulierem, sed sub schemate aut volucris, aut feræ. Conditionem figuræ nihil moratus Tenebrarum Princeps, certusq; de victoria, quàm primùm controversam fecisset æquitatem Ediæ; & neglectâ, quâ se feminæ spectandum daret, vel ardæ formâ pretiosis plumis coronatæ; vel cygni, cantu, coloréque jucundi; aut pelle leonis, jubarum texto formidandi; aut mole elephanti, seu monocerotis, ebore, antidotisque nobili-

bilium belluarum: Qualemcumque, in-
 quiebat me primis hominibus obtule-
 ro, si hanc ex me syllabam potiùs, quàm
 vocem: CVR? audierint tantopere dile-
 ctam novitatis libertatisq; amantibus;
 secedent à Creatore, & factioni accedēt
 Inferorum. Personam mihi aptabo totā
 terrā vilissimam, & coluber effectus, pri-
 mo alloquio, & corrumpam innocentes
 & sanctos agam in triumphum. Hæc ef-
 fatus, & in serpentis spiras se se contor-
 quens, Adami conjugem miserantis in-
 modum sibilans alloquitur: CVR
 PRÆCEPIT VOBIS DEUS, *ut non Gen. 3.*
comederetis de omni ligno Paradisi? His
 igitur vocibus excantata mulier, tamen
 fraudiret, tam palmare mendacium, fœ-
 dāque adeò monstri speciem haberet
 præ oculis, tamen ubi propositum edi-
 ctum quatiebatur, jugūque moveba-
 tur impositū, mentienti aures præbuit,
 & post paucas periodos, dolis latronis
 capta, convolavit ad stirpem, cibum ra-
 puit, helluata est: ac tantā Marito aucto-
 ritate porrexit, ut is quoque, non ex-

penso terrore supplicij, aut imperantis
majestate, deglutiret præmorsi fructûs
reliquias; certus licet de jactura divinæ
amicitiæ & imperij orbis terrarum. Tan-
tum possunt in animas gratiâ illustratas,
& illustratas cœlestibus visis hæ duæ vo-
culæ: CUR PRÆCEPIT! Jam verò si
vox una trium litterarum præcepto op-
posita, cujus Deus Auctior pariter fuit, ac
Præco, homines planè sanctos inflexit, ut
id flocci facerent, violarent, ac perduel-
lione manifestâ, & publicâ pergræcatio-
ne conculcarent, quid deniq; nõ efficeret
adeò pestilens: CUR? cùm authorita-
tem infregerit edicti ab homine lati:
cùmq; impugnaverit non copiam deli-
ciarum infinitam, sed unius abstinenti-
am pomi; sed in summa humanorum
solatiorum penuria jejunium à favis:
sed haustum myrrhæ? Quòd si enim
homines ejusmodi, qui cum vitali aura,
vitæ quoquè sanctitatem imbiberant,
quosq; subinde cœlestia spectacula cor-
roborârunt, ubi primùm legem ipso La-
vore Deo rogatâ exhibilari à serpente au-
die-

dierunt : CUR PRÆCEPIT VOBIS
DEUS? continuò cælo tergû obvertunt;
chirographum salutis conculcant; Sa-
tanæ mancipantur; & fructûs unius gu-
stus amicitia Conditoris sui, spei æter-
nû regnandi, & crebris Angelorum
aspectibus anteferunt: subituri quin-
etiam Monarchiæ jacturam, mortis im-
perium, & ignis æterni supplicium: In-
quam, Deus immortalis! ruinam impel-
letur, juvenis ætate fragili, nupérque ad-
modum ex Ægypti paludibus emersus,
si quando sibi occinentem audierit ipso
in religiosis munijs potiozem, & huma-
nis non divinis constitutionibus obtre-
ctantem: CUR PRÆCEPIT VO-
BIS? Heu me! actum est de sanctita-
te nostrâ, ac disciplinâ; nisi eos repella-
mus, qui dum leges ad examen vocant,
venenum nobis propinant; nisi liberis
vocibus pro se quisq; exclamet: Meum
est facere imperata, non scrutari impe-
ria. Prô nimium verus primorum no-
strorum parentum sanguis, & erroris
hæredes sumus! Pronis auribus excepe-
runt

runt miseri illi Cacodæmonis susurros, & à voce Dei invitantis ad veniam, & ad obedientiam, quam exuerant, revocantis se absconderunt. AUDIVI *vocem suam & timui*. In hunc fortè modum aliquis nostrum eum, quem observantiæ erga sanctiones Legum auctorem, habet, fugiens, in unguibus hæret alterius captiosæ quæstionis præstigijs ipsum suffocantis: CUR PRÆCEPIT? *Tedi-*

S. Augustin.

Tract. 45.

in Io. Tom.

38. 173.

um patiuntur ad revocantem, & NON INTELLIGUNT JUGULANTEM.

Accenseat se igitur Gratiæ transfugis, quisquis præceptorum æquitatem audet trutinare.

3. Non ità profectò Apostolus egit, in præstando Numinis obsequio sponte cæcus, vel post receptam oculorum lucem. Quapropter cùm incredibili Romanam adeundi desiderio teneretur, sed à Divina Providentia jam olim ab illo itinere distineretur, hanc semper absentiaæ suæ causam Romanis attulit, sempérque secum ipse deveneratus est, omni curâ depositâ, illius impeditenti causas curiosè

riosè vestigandi: *Nolo vos ignorare, fratres, quòd saepe proposuerim venire ad vos, licet præpeditus fuerim.* Certiores de impedimento Neophytos facit, sed in impedimenti rationes non inquirat. *Quid prohibitum fuerit, dicit; quamobrem autem, non item.* Deniq; colligit S. Joannes Chrysostomus, admirabilem cæcitatem obsequentissimi Apostoli demiratus: **NEQUE ENIM EXAMINAT MANDATUM, SED PARET.** In hac celestium decretorum reverentia, uñ tempore, sic etiam merito præcessit Apostolum Paulum Abrahamus Patriarcha. Post egressum è paterna domo, patriæq; finibus, cum vir egregius molestissimum exilium toleraret inter populos religionē diversos, & latrocinij assuetos; dum nonnullam quietem à tam acerbis imperijs sperat, monetur Angeli voce circumcideret se se, ac eundem cultum in familiarium & filij sanguine cruentaret. Erat is ritus inter homines novus: erat vulneratis gravissimus: erat cum vitæ quoq; periculo conjunctus, in
 ijs ma-

Rom. 1.

 Hom. 1. in
 Ep. ad Rom.
 Tom. 4. 26.

ijs maximè, quibus ætas provectior. Non igitur abs re videbatur, ut vir tantus Dei Legato, seu, ut melius dicā, Deo ipsi, quem Ediçti de circumcissione auctorem pariter & præconem Sacræ literæ nobis exhibent, intercederet, in hunc modum: An fortè ceremoniæ tibi desunt, ô Deus, quibus servitio tuo initiemur, quin nos ludum Gentibus facias, tam pudendi vulneris opprobrio? Sacrificia postulares; & nomini tuo tota armenta caderemus. Juberet in dedicatis tibi sedibus supplices fieri; nōsq; depresso in terram vultu, te Deum nostrum, & Principem publicaremus. Si cumulari altaria tua thesauris nostris amas; ecce superinjicimus quidquid ubiq; gemmarum est, atq; auri. Parce modò, nos Chananæorum ac Pherezæorū sannis objicere, tam fœdi stigmatis cruore notatos. At verò nihil horum, aut dixit, aut somniavit afflictissimus exul, sed è vestigio obligatis sibi oculis, nè inaudiræ ante illum diem consuetudinis absurdum in speciem dedecus aspi- ceret,

ceret, exacuit chalybem, domumq; vulneratis implevit. **E ADEM DIE** *cir- Gen. 17. 26.*
cumcisus est Abraham, & Ismaël filius ejus,
& omnes viri domus illius. Quo loco

Chrysologus totâ contentione vocis ex- *Serm. 53.*
 clamat; *Patris monita retractare non li- Tom 3. 4.*
 cet. Sic Abraham, ubi Deum credidit,

MANDATORUM FORMAS NON ATTENDIT *asperas & acerbis.* *Circumcisionem accipit verecundam, & que celestis Pater jubet,* **NON DISCUTIT, SED JUDICAT GLORIOSA.** At neque hîc stetit tentati Senis obsequium. Quippe cûm per quietem demandata illi fuisset Isaaci filij cædes, non exhorruit vel Oraculi severitatem, vel facinoris immanitatem. Vidit imperati parricidij difficultatem: tam crudi holocausti pænè insuperabilia incommoda consideravit: præsensit invidiam, quam esset subitur^o tantâ impietate perpetrâtâ; cognovit futurum, ut adolescente trucidato, ipse aut catenis vinciretur ut furiosus, aut tanquam parricida membratim divideretur: clausis nihilomi-

nus ad hæc omnia Rationis oculis, strenuè processit ad montem, & altè ferrum in primogeniti collum extulit. In eo tam grandi horrore stirpis funditus excisæ, hæredis jugulati, conjugis in perpetuos luctus damnatæ, famæ deperditæ, inimicitiarum cum ejus Provinciæ populis susceptarum; satis illi fuit Deo paruisse. *Parricidium considerat per selestum, sed* QVIA DEUS IMPERAT, totum pietati committit.

Ibidem.

4. In hac tamen filij à patre prope modum occisi specie, majus mihi paradigma se offert, ad confirmandos nos in tertij Voti servanda custodia peridoneum. Video in monte multò magis funesto, & carnificina incomparabiliter acerbiorè, probrosiorèque Patris æterni jussu coævum illi Filium, & pro nostra salute Hominem factum cum propinquâ morte Crucis in stipite luctantem. Quæ ratio, quæ necessitas esse potuit scenæ illius, ad cujus spectaculum tellus contremuit, fugit dies, Sol defecit, Mors mortuis vitam reddidit? Nemo sanè dixerit

xerit tribus clavis, septuaginta spinis, & pluribus flagellorum millib⁹ humanam Redemptionem opus habuisse. Quippe, ut abrumperentur captivitatis nostræ catenæ, nosque in libertatem è servitute assereremur, satis superque fuerat primus, quem edidit, vagitus, aut prima, quam præsepi Servator infudit lacrymula. Poterat imò Filius Hominis, ob infinitam, quâ erat, dignitatem, & inexplicabile pretium, quod ejus ætiones ducebant ab Unione hypostatica, quæ inter humanitatem suam, & Verbi Personam intercedebant, geminato residens in throno, & purpurâ fulgens, hominum gentem reparare, & Orcinæ tyrannidis jugo exsolvere. Id tamen haud fecit; tum quia, salvo Patris præcepto, mors erat Christo subeunda, si nos salvos vellet; tum, multoque id magis, quia Deus nostrâ erga Præpositos Constitutionesq; nostras contumaciam dare in ruborem voluit, dum Homo-Deus animam ageret in cruce, non alio quàm obediendi studio, ac desiderio mortiferi ligni cru-

*Sermone in
Ps. 50. Tom.
37. 157.*

ciatu stirpis alterius delicias compēsan-
di. *Venio in veritate crucis*, (scribit Am-
brosius) *Mortis humilitate obedientiam
probaturus, ut inobedientia deleatur.*

§. Exclamabunt forsan hīc aliqui: O
beatam igitur Societatem; in quā tan-
topere floret, regnatq; regium Obedien-
tiæ Vorum! Huic concentui jungerem
ego quoq; voces meas, & lætus augerem
itā sentientium festam hilaritatem, nū
conceptam lætitiā idem Abrahami sa-
crificium restingueret, in quo non tam
sacrificij difficultas, quā circumspe-
ctio me terret Sacerdotis. Equidem
Isaacus summā voluntate Religioni se
victimam obtulit; conscendit cum Pa-
tre Moriæ verticem, humeros lignis, ac-
censā facie manum oneravit, Aram ipse
sibi composuit; Deo grates retulit,
quod se in exemplum perfecti erga sua
statuta obsequij posteritati proposuisset.

Nihilo tamen minūs, innocentem ju-
venem pater tenacibus funibus fortissi-
mis pyræ statuminibus adstrinxit: neq;
unici filij solas manus, aut sola genua
illi.

illigavit Patriarcha; verum implicatos ineluctabilibus vinculis omnes hæredis sui artus duris stipitibus tam arctè junxit, ut nullam in partem, aut os ullum, corporis, aut ullum pedis digitum posset deflectere. *Vincitur innocens Hostia*. An fortè dubitavit anxius Sacerdos, nè juvenis mortis metu percussus, ex ara desiliens in vicinum nemus profugeret? ne utiquam sanè: magno enim animo religiosissimū ictum opperiebatur. Quid igitur attinebat sponte pro Deo morienti vinculorum dedecus & tormentum superaddere? Nempe non satis cautam Isaaco putavit perspicax Mystes, nè scilicet quantumcumque religiosus, homo tamen, ad fulgorem ferri expallesceret, & ardorem animi naturæ imbellicitate superante sub ictu aliquantulum trepidaret. Lubet in re præsentia audire Augustinum. *Vincitur* (inquit ille) *innocens Hostia, nè offerentis devotio putaret, se minus aliquid exhibere*, SI IMPATIENTIA DOLORIS VICTIMA CALCITRARET. Quapropter si sub

iactu positus gladij, quo feritur, tantillum vacillet, & quamvis obsequio collum præbeat, sed tamen, metu mortis, pedem subtrahat, pretiū imminuit hostiæ tam prodigiosæ; crediditq; Abrahamus à se filium non ritè dari, si cervicem is quidem per inauditam fortitudinem, submittens, tantillum tamen extremam corporis partem moveret: nos scilicet nobis obedientes videbimur, si, non dicam, in acerbissimæ mortis articulo, sed vel tolerabili oblato incommodo, aut levi rubore incusso, manibus pedibûsque, connixi, linguam, caput, & totum denique corpus à vertice usq; ad calcem agitantes, declinare imperium contendamus? certè Isaac suspicionem nullam moverat, nè manum brachio patris inijceret, aut ensen extorqueret. Non timebatur, nè altè sublato clamore viciniæ imploraret auxilium, & ad vitæ suæ præsidium agricolas excitaret. Illud modò sollicitum habebat religiosum, Patriarcham, nè tantis Natalibus editus Princeps, tam opulenti patrimonij hæ-

res, sanctissimarum exequiarum gloriam, imprudenti licet, pedis aut colli flexu obscuraret. *Nè offerentis devotio putaret se minus aliquid exhibere, si impatientiâ doloris victima calcitraret.* Jam verò nos, qui audimus obedientiæ victimam reprehendi, si quando nobilis primogenitus latus quidem in mortem vadit, sed vel frontem contrahit, vel latus inflectit: gloriabimur scilicet, vivere, nos in Ecclesiæ facie veluti quasdam dilaudatæ promptitudinis Hostias, tum quoque cum regentibus adversi & frontis rugis, & oris pallore, & stridore verborum, & decussatione manuum, membrorumque omnium jactatione testemur obedire nos invitos, coactosque. Quid? si promptitudinem obsequij jactaret is, qui Legum impatiens & ad jussa contumax, gemitibus, precibusque hujus Voti jugum in lectulum commutasset, in quo desideria sua otiose quiescerent? At quæ Dei misericordia est, tam portentosum monstrum inter nos neutiquam deprehenditur, nisi forsan in

tanto numero Provinciarum & Collegiorum è nobis etiam Dathanus aliquis in Moysen seditiosus, aut Absalomus in Patrem perduellis exsurgeret.

6. Id, quod maximo quidem virtutis nostræ detrimento cadere in nos possit, est: stulta imitatio cæci Jerichuntini. Huic Servator obvium se ferens, ut pacaret ejulantem: *Quid tibi vis faciam?* dixerat. Quo indulgentiæ formidandæ potiùs, quàm optandæ, sono attonitus, & sermone colloquentium conditioni tantopere repugnante perturbatus Bernardus in rude, imperitumq; mendicabulum invehitur. Tunc igitur, exclamat Sanctus Abbas: audias Deum tibi loquentem, quid tibi à se fieri potissimum cupias, quæve ratione desiderijs tuis obsecundet, magis; nec contremis, nec concidis, & ore impresso pulveri non exclamas: Tunc, mi Deus; meo arbitrio agas quidpiam, cum omni vermiculo sim despiciatior in oculis tuis? Age potiùs, quod visum tibi, & quod tute statuisti, jube. *Quid vis ut faciam tibi?*

tibi? Siccine Dominus querit, ut servi faciat voluntatem? verè cecus ille, quia non consideravit, non expavit, non exclamavit: Absit hoc Domine, TU MAGIS

*Serm. 1. in
Conc. D. 1
Paul.
Tom. 43.
161.*

DIC, quid me facere velis, sic enim decet, sic omnino dignum est, non meam à te, sed à me tuam queri & fieri voluntatem Nolem equidem beatam cæcitatem vigilantis obnoxiaeq; Obedientiæ in temerarium arbitrium detestabilium cæcorum deformari. Vereor, nè in nostris etiam ædibus, ut in semitis Jerichuntinis, subditos suos Præsides compellent: Quid tibi vis faciam? Quis tibi locus minimè ingratus est? Quod præ reliquis tibi ministerium arridet? quò tuus te genius trahit? quænam denique foret tuorum, meta desideriorum? & erit aliquis, qui voces ejusmodi pronis auribus excipiat, à Religiosa servitute, quam juravit, tantopere alienas? Quin effeminato illi: Quid tibi vis faciam? Apostolicum, aliud magnis animis opponitis? Domine quid me vis facere? objurgent Præpositos suos subditi de sua virtute diffisos,

quique, cum possent, imperandi libertate, æterna suis diademata elaborare, ad incitas eos redigunt, quos scilicet invitant, ut regnantem in cœnobijs servitutem servili propriarum propensionum obsequio commaculent. Capita capitibus nostris submittamus, moneamúsque; constanter eos, à quibus molli freno regimur, optare nos integro votorum nostrorum fructu, præstito Vicarijs Dei obsequio, perfrui.

7. Id sanè præstarent omnes, interpellabit ex eorum numero aliquis, qui præcepta oderunt; nisi vel imperantis rusticitas, vel oneris impositi moles ab obsequio generosâque erga Præsides nostros submissione nos avocarent interdum. Nulla vos causa purgabit. Et primum quidem faciliùs Phœnicem reperias, quàm Præsides injuriosos; utpote quorum electionem tot manus trutinârunt, tot expenderunt consilia; ut fieri haud posse videatur, sacrorum Cœtuum præfecturas hominibus committi, uti dicitis, crudis, atque omnis humanitatis experti-

expertibus. Fac autem ita esse, quemadmodum injuriâ objicis: quò agrestior, aut est, aut videtur, qui sacrorum Cænaculorum claves tenet, eò pretiosior corona textitur dura, & intèpestiva Præsidis sui mandata veneranti. Hujus Evangelici effati auxesis, ut videri potest, audita primùm in Clara-Valle, magnâq; voluntate à Sanctis illis Monachis fuit excepta. IN QUANTUM GRAVA-
 RIS, IN TANTUM LUCRARIS. *Ep. 73. Ro. mel. Abb. Tem. 58. 360.* Et
in quantum juvaris, in tantum tua tibi premia minuis; elige ergo, quos eligas: an qui gravando juvant, an qui juvando gravant? Hi tibi promeritores, illi fraudatores meritorum existunt. Prohibeat à nobis Deus Gubernatores benignos! Imperantis lenitas, veluti quædam diadematum nostrorum rubigo, dehonestat, & deterit præmiorum nostrorum pretium. Equidem inopes mercedis æternæ sacros intra parietes viveremus, si, qui nos in Thaborem transfigurandos deducunt, per indignam miserationem, lacte nos potiùs, quàm felle potarent;

nec frontibus nostris sudorem contentione ascensus exprimerent, sed in ipsa etiamnum planitie stantibus rosas injicerent, ac tempora coronarent, molli-
tiei videlicet nostræ obsecuti; & obstinatos favorum ambrosiâ, & indulgentiæ melle irrorarent. *In quantum ju-
varis, in tantum tibi præmia minuis.* O
térq; quaterque beata illa Collegia, in
quibus & Operarij ambiunt vulnera, &
Præsides non recusant, aut minis grati,
aut etiam invisi suis videri, dum Aposto-
lico desiderio exercendæ suorum vir-
tutis inflammantur. *In quantum gra-
varis, in tantum lucraris.* Quàm forent
& copiosiores, & locupletiores æterni-
tatis nostræ thesauri, si Gubernatores
severos nacti, in necessitatem felicissi-
mam incideremus abnegandæ propriæ,
& divinæ voluntatis momentis, rebûsq;
omnibus explendæ. *Hi promeritores, IL-
LI FRAUDATORES MERITORUM
existunt.* Neq; verò, primo munimen-
to superato, vallum aliud objiciant Te-
pidi: scilicet intolerandum imbecilli-
tati

tati nostræ pondus ab Obedientia impositum. Quisquis in hanc sententiam differit, intueatur ille bellatorum egregiorum difficillimam virtutem, in castris ad hostilem arcem metatis. Hic pro se quisq; in primis ordinibus locum postulat; unusquisq; scalas poscit ad defigendum in vallo victoriæ signum: quilibet obvium mucronibus pectus offert; neq; ullus in tot cohortibus versatur, qui non perinde sit proprii sanguinis prodigus, quàm avarus alieni, suæ quoq; mortis impensis eliciendi. Et hæc quidem expeditiones palmis inumbrantur, & illustrantur triumphis. Cedo jam mihi de sylvis latrones, inquit Cyprianus: Hi Ducis sui, quem legerunt, tyrannidi se submitunt, & ad omnem nutum impotentis illius Furie expediti ad innocentium cædem, aut prætereuntium spolia in semitas procurrunt. Et tamen immanissimum hoc vitæ genus aut expectat restis, aut excipit rota. *Præpositus illic agnoscitur & timetur: NON QUEM DIVINA SAPIENTIA CONSTITUIT, sed*

*Lib. 4. Ep. 9.**Tom. 4. 120.*

*in quem factio perditæ, & nocens catervæ
consensit.* Deum immortalem! In Eu-
ropa Christiana innumerabiles catervæ
grassatorum versantur, quos à nefandis
facinoribus non absterret per extrema
supplicia vitæ abrumpendæ periculum;
si quando illa imperaverit cruentæ co-
hortis Decurio. In quam rem tanta se
multitudo impendit, tanto cum pericu-
lo corporis primùm carnificum mani-
bus laniandi, tum etiam animæ æternis
supplicijs transmittendæ eo solùm furo-
re percita, ut in persona latronis dæmo-
ni obedientiam præster. Et inter viros
Religiosos invenietur quispiam, cui De-
um in Ministris suis audire grave sit? seu
cùm Apostolici muneris obeundi se in-
signis offert occasio, seu cùm honestissi-
morum officiorum charitatis & zeli op-
portunitas præbetur. Quæ verò inter-
cedere comparatio potest inter nostra
ministeria, & certa bellorum pericula;
vel inter Doctrinæ Christianæ, quâ ru-
des informamus, quali acumque incom-
moda, & obnoxias lectoribus latronum
infi-

insidias? neq; tamen minùs *Præpositus illic agnoscitur & timetur*, cui sceptrum, non à SS. Triade per Vicariorum suorum manus, sed à Cacodæmone per sacrilegam conjurationem monstrorum, malo genio possessorum traditum est. Qui deinde & hæc sentit, & hæc novit, ausitne ille suæ in sacratissimum Votum perduellioni mendacem speciem injustæ oppressionis obtendere?

8. Imò, quod amplius est atque deterius, quidquid Christo dicamus, id animis nostris aut Heroicum, aut majus humano facinus videtur; contrà verò, quod voluntati nostræ immolatur, tametsi sit plumbo ponderosius, & flammâ sævius, plumæ aut spirantis instar zephyri habetur. Quod dictum tam est verum, ut & sacris Doctoribus, & ipsi Ecclesiæ propemodum irascar. Agite enim, estne apud sacros Interpretes pagina, quæ celebre Abrahami sacrificium Deo non quodammodo in os objiciat? litteræ omnes, Scriptores universi, Aræ, Exedrae, inauditis exaggerationibus ampl-

plificant Isaacum, cæli victimam, pyræ
 impositum. Neq; tamen Dynastæ illi,
 aut pilus evulsus, aut gutta sanguinis est
 in monte prolicita. E contrario Cha-
 nanæorum mutis & Tartareis statuis
 maximos infantium greges, & puero-
 rum agmina nepotes Abrahami immo-
 lârent, eâ constantiâ, ut in tam funesta
 Idololatria in potestate vel gemitum
 haberent. Quin ab ipsis Parentibus Fi-
 lij, Filiæq; promiscuè, sinè numero mar-
 moreis simulacris cædebantur. Neq;
 tamen Libitinam tam crebrò repetitam,
 aut verbo, aut scripto, in Religionis ac
 fortitudinis suæ speciem Israëlitz pro-
 duxerunt. Natabant humanarum ho-
 stiarum sanguine campi, utq; ad delubra
 pervenirent Levitæ sacrilegi, nisi vellent
 eâ illuvie inquinari, ad ea procedebant
 summis pedum digitis nixi, & ad genua
 usque veste succinctâ. Fidem non in-
 veniam, nisi eam sacer scriptor sanciret.
 ET IMMOLAVÉRUNT FILIOS SU-
 OS ET FILIAS SUAS DÆMONIIS,
 & effuderunt sanguinem innocentem,
 san-

sanguinem filiorum suorum, & filiarum suarum, quas sacrificaverunt sculptilibus Chanaan; & infecta est terra in sanguinibus, & contaminata est in operibus eorum; & fornicati sunt in adinventionibus suis. Quam holocaustorum in falforum Numinum cultum immolatorum incredibilem prodigientiam, etsi hâc tempestate in tam immani nobilium corporum macello videre non sit, revocatur illa tamen in rebus asperis, atque difficilibus, multumque accedit gravissimarum molestiarum patientiâ ad furialem Tartareâque tolerantiam tot liberum simulacrorum cultui occisorum. Quod si enim è Nostri Sacerdos aliquis invitetur, ut unam alteramve noctem animam agenti vigil assideat, jussæ vigiliæ religiosè quidem suscipiuntur, obedienterque; at eas subinde veluti grande virtutis opus Operarius prædicat, cæteri; Domestici Societatis Caritatem ad dura quæq; tam propensam, & in hac aliisq; in hunc modum occasionibus promptam summis laudibus effugunt.

runt. Ità pariter amplificantur studia nostrorum, si quando vicinos in montes ad rusticanos homines edocendos excurrimus, eorūque commodo extradomos nostras in communi diversorio noctem agimus. Interim, ut Poëseos æstrum sequamur in pertexenda, quam cepimus, oda; seu ut firmissimis argumentis Commentationum nostrarum placita corroboremus: sæpenumero complures noctes insomnes ducimus: id quod à nobis, haud equidem dixerim, ambitio impetrat, (cū perspectum habeam, hæc à non paucis Dei, ac Religionis causâ tolerari) sed, quod asserere de non paucis debeo, Nominis immortalitati consecrandi ardor, seu Typis Academicis, seu scholasticis concertationibus, diuturna illa, & laboriosa insomnia persuadet, quorum arctiora, longè spatia ex Obedientia traducta facinus Anachoretæ, & quædam similitudo Martyrij videretur. Ità antehac nec sinè admiratione, videmus, non unum duntaxat aliquem è nostris, qui, hye-
man-

mante cœlo, tumidos aquis fluvios vado
transmitteret; Apenninos nivibus obfi-
tos scanderet, ut consanguineorum re-
bus adesset, iisq; opulenta conjugia con-
ciliaret. Scio duos è nostris Sacerdotes
Theologos, ad summa quæque Societa-
tis obeunda munia peridoneos, totam
propemodum vitam contrivisse in igno-
bilibus viculis consanguineorū suorum
reb⁹ intentos; in quos si fuissent ab Obe-
dientia ad trium non amplius mensium
moram relegati, ut vitia extirparent; ut
rudes perdocerent; pares se fuissent cre-
dituri vel Thomæ, Fidei disseminandæ
causâ transgresso in Indiam; vel Andreæ
vitam agitati in Scythia. Sic est profe-
ctò; sic est; per omnia templa Isaaci
prostat effigies ad umbratilem tantum
sacrificij speciem destinati; & innume-
rabilium infantium famosorum Numi-
num honoribus crematorum nullo in
pariete vel unum aliquod emblemã
conspicitur. *Effuderunt sanguinem in-
nocentem, sanguinem filiorum suorum, &
filiarum suarum, quas sacrificaverunt*

C

sculpti-

Sculptilibus Chanaan. Nempe in amicorum, in necessariorum gratiam labores, molestiæ ac pericula devorantur, quæ forsan non omnes subirent pro sacratissimo juratæ Obedientiæ Voto.

9. Et tamen hæc Virtus adeò inter omnes Religiosorum Coetuum actiones effulget, ut nullam illarum inobscurari unquam contingat, quàm diu ista resplendeat. In nostra quidem Societate, quod Dei misericordiæ debemus, divexationes sui, tum privatæ, tum publicæ frequentes sunt, asperæque: Paupertas tam rigidâ custodiâ servatur, ut citra factam à Moderatoribus copiam, nec folium chartæ tribuamus; nec filum accipiamus; nec in conclave pes inferatur à quoquam seu hospitis, seu ægri salutandi causâ; Exercitationes quotidianas suæ demissio occupat: dum quisque sibi domi suæ famulus est, aliisque discumbentibus ministrat: exceptis ijs, quibus id, vel per negotia, vel per ætatem non licet. Mundo palàm est patientia nostra in educandis adolescentibus, in captivis solan-

landis, in erudiendis mancipijs, in peccatoribus absolvendis, in concionibus per omnes anni festos dies habendis. Ipsa Ecclesia tot nostros Sacerdotes fausta cum prece dimittit, qui à littore Europæo ad Americanorum Chinenſiumque portus provehuntur: ut nihil jam dicam de tot Missionarijs, qui Christianorum pagos percursant, seu ut dedoceant Hæresim, seu ut Catholica, verâque dogmata exponant. His tamen omnibus, admirandis licet, ardoris Apostolici ornamentis, Obedientia supereminet, quæ una omnibus & animam inspirat, & coronam imponit. *Melior est enim Obedientia, quàm victima.* Id si ego de tot nostris Operarijs dico, jam olim idem de Apostolis primùm affirmavit Chrysostomus, & subinde inter Angelos evenire comprobavit. *Quid in Angelis magnificum prædicamus? profectò* **QUIA CUM OMNI CURA OBEDIUNT DEO.** *Quod David, quoque admirando dicebat: Potentes virtute, facientes verbū illius.* Quapropter post enumeratas præ-

*Homi 1. de Lau.
D. Paul.
Tom. 37 168.*

Psal. 102.

cupias dotes Beatorum illorum Spirituum, accuratòque studio expensas Pauli Apostoli prodigiosas virtutes, dejerare, non veretur, eas omnes Obedientiæ principatui, ut stellas Soli, concedere. *Huic enim bono aequale est nihil.* Adeò ut, si Seraphinis proponeretur electio, impossibilis illa quidem, ut vel Dei visionem, amitterent, dum tamen ejus voluntatem exequerentur; vel neglectis ejus imperijs, beatitatem nihilominus retinerent suam; mallent ad unum omnes hanc perdere, nè videlicet amitterent Obedientiam. *Potentes virtute, facientes verbum illius. Prorsus etiam si sint milites in corporei,* HOC EST quod MAXIME PRÆSTAT EOS BEATOS, QUIA OBEDIUNT PRÆCEPTIS DEI. Jam verò nos, qui tam illustre testimonium dici audimus, pro dignitate amplissimâ Voti à S. Patre tanquam Tutoris cæterorum, proque perfectionis nostræ gentilitia tessera nobis relictî, poterimusne, non omnibus artibus contremiscere, si quando aut non toto complexi animo,

aut

aut excusationibus forsan, aut etiam querelis offendisse Obedientiam videamur?

10. Ea certè Tertulliano tam speciosa, tamque inter cæteras virtutes eximia visa est; ut senex, etsi fastu putris, & schismate cariosus, judicaret, nè nomine quidem hominis Christiani dignum, esse, quisquis præter Obedientiæ præscriptum aliquid patraret. Igitur adversus eos, qui Christianos milites coronari posse censebant, eò quòd id sacræ litteræ non prohiberent, differens austerus Doctor, negat, cultoribus Crucis sufficere, debere, ut aliquid sibi licere arbitrentur, nisi hoc ipsum *positivè*, (quo modo Scholæ loquuntur) præscribatur, atq; impere-
tur. *Quod non prohibetur, ultrò permissum est?* IMO PROHIBETUR, *quod non ultrò est permissum. si ideò dicetur coronari licere, quia non prohibeat scriptura, equè retorquetur: IDEO CORONARI NON LICERE, QUIA SCRIPTURA NON JUBEAT.* Siccine homo Afer tum, falsorum dogmatum, tum Pontificatûs ambitu geminâ Elephantias laborans in-

Lib. de Co-
ron. Milit.
To. 38. 194.

concessa illa omnia existimabit, quæ sacra volumina non imperârunt; & homines Societatis, qui hoc peculiare sibi atque eximium tribuunt, quòd inter omnes Christianos Cœtus arctioribus vinculis Obedientiæ sint adstricti, non dicam designare quidpiam, sed vel spirare poterunt, ac vivere sinè illa, & forsan etiam ejus ingratijs? Avertat hoc à nobis Deus, nè decretoriâ illâ, & Naturæ postremâ luce in oculos sese nostros ingerat Tertullianus, forsan crinalibus viperis redimitus, flammisque membris omnibus circumfusus, ac nobis convitium faciat, coràmque omni recens vitæ redditorum universitate profiteatur, altiùs nobis sensisse se de Voto illo, quod cùm fuisset summa sanctitatis nostræ, ipse tamen nè pro Voto quidem habuisset. *Quod non prohibetur, ultrò permis- sum est? Imò prohibetur, quod non ultrò est permissum.* Et sanè huic dedecori subtrahere nos haud possemus, nisi fixû, statutumque in obeundis nostris munijs haberemus, tales nos præstare, qualem

Abra-

*Lib. de Civit.
Tom. 37. 56.*

Abrahamus se in Agaris sponſalibus exhibuit. Graviffimus, & honeſtiſſimus ſenex, ut ſuæ conjugis voluntati obſequeretur, ſecundo connubio ſervam Ægyptiam ſibi junxerat, conceperátque illa Iſmaëlem: cùm mente, quàm utero tumidior Dominae jugum excutere cœpit. In eo rerum articulo Sara peracerbum querens mulierculæ vecordiam Marito exponit. Reputare ſecum quilibet poteſt, quo animo is eſſet in novam conjugem, tam celeri fœcunditate, tantarum opum certum hæredem, exhibentem. Ad primas nihilominus uxoris querelas impotentem feminam repudiavit intrepidus ſponſus. *Ecce, ait, Gen. 16. 6. ancilla tua in manu tua eſt, utere eâ ut libet.* Tam generoſo ſermone obſtupefactus S. Auguſtinus, inenarrabilem Abrahami erga conjugem obſervantiam, adorat, non minùs, cùm ſervam thalamo ſuo ſociaret, ut illius votis acquieſceret; quàm cùm eam averſaretur, nè illam offenderet. *Accepiſſe, nec petiſſe; acceſſiſſe, non hæſiſſe. O virum viriliter*

utentem feminis , conjuge temperanter ;
ANCILLA OBTEMPERANTER ;
nullâ intemperanter. Atque hæc est vera
germanâq; obeundorum munerum ra-
tio atque forma ; quam præ oculis ha-
beat necesse est, quisquis coronam Obe-
dientiæ promereri studet. Admittan-
tur sanè , cùm fuerint ab ista delata.
Quòd si verò celsitudo muneris fumis
quidem caput impleat, animum verò
evacuet probitate ; ad primos nutus Præ-
positorum nostrorum in eorum manus
referatur officium : quantumvis & vo-
cibus commendemur populorum , &
copiosa sit animorum messis. Neque
unquam petatur id, quod vacare pericu-
lo, & ad virtutem quæstuosum videri po-
test. *Accepisse non petiisse* , quæ nimi-
rum prima conditio est : sequitur altera :
accepisse non habuisse. In præcipuis urbi-
bus verba faciamus ad populum , donec
emendationem populorum non conse-
quatur vitæ ac morum nostrorum ela-
tio. Exponamus è Cathedris & Dionysiu
& Aristotelem ; sed quàm primùm disci-
pulo.

pulorum plausus observantiam erga Rectores nostram immittit, nuntium, scholæ remittamus. Principibus operam navemus, & è sublimiore loco necessitates Provinciarum speculemur; sed quàm diu positus altitudo vertiginem, nobis haud parit, neq; capita nostra subtrahit pedibus Capitorum nostrorum. Parum sanè refert, ut in æstimatione Principum magnus sis, si deficiente Obedientiâ parvus fueris in oculis Dei. Multo quidem nobiliores in corpore nostro sunt digitis oculi; præstat tamen, ut digitus sis insertus manui, quàm oculus è fronte vel prolapsus, vel erutus. Dubio procul præferendi sunt apud nos indoctis litterati, & ij quorum operâ Magnates utuntur, illis, à quorum ore non nisi mulierculæ pendent. Nihilo tamen secius cùm scientiâ defecti minúsque vulgò commendati, Legum, Præsidumque observantiores sint, contrà verò naturæ donis præsignes parvi faciant vel imperia, vel præscripta Constitutionū nulli prorsus isti ad illos erunt. *Melius est* (ut apud

Tractat. 13. S. Augustinum legitur) *esse digitum, &*
in 3. Joa. *esse in corpore, QUAM ESSE OCULUM;*
Tota. 38. 70. **ET EVELLI DE CORPORE.** Verum
 quidem est, nunquam posse articulum
 manûs aut cœlum contemplari, aut co-
 lorum notare discrimen. Agit ille nihilo-
 minus pro incolumitate corporis, & mo-
 tu, & labore, & scriptione, quod potest.
 Cùm interim pupillæ è capite revulsæ
 prorsus inutiles, arrosæ à vermibus, & pu-
 tore graves in pulvere jaceant. Tum e-
 nim verò cæterorum membrorum Prin-
 ceptus oculus erit, cùm sociatus capiti o-
 bedierit, ut imperet.

11. Ut adeò tam calamitas, quàm
 felicitas in Visûs humani organo hæc-
 nus exposita geminas Adami prius In-
 nocentis, ac subinde Rei scenas faciant.
 Isigitur, dum divinis legibus obtempe-
 ravit, in feras omnes dominatus est. Du-
 cebat manu Leopardos, & Tigrides; ad
 ejus vocem ex aëre devolabant in digi-
 tos Astures, & Aquilæ; offerebant se illi
 Balenæ ac Phocæ, si quando libuisset à
 monstrorum marinorum immensa mo-
 le

le circumvehi; Tenuit id imperium, dum Obedientiam tenuit. Ubi primùm vecors transfuga legem rupit, simul exuerunt imperium, non accipitres modò, sed & muscæ; non elephantes tantùm, verùm etiam glires; neque ulla fuit vel in terra, vel in aëre tam inermis, exiguaque bestiola, quæ non infesta esset Regnatori orbis terrarum. In hac igitur tam miranda Metamorphosi vocem non tenuit S. Ambrosius. *Ceteris animalibus imperat:* SED UT POSSIT IMPERARE, DEBET DEO ESSE SUBJECTUS. *Docetur igitur servire, ut ad Regnum pervenire mereatur.* Patres Reverendi, Fratresque meâ mihi vitâ chariores! Dominatu illo in animi perturbationes, quo inter Nationes etiam ab Orthodoxa Fide alienas nobilitamur, usquë gaudebimus, si Obedientiam salvam, integrâmq; conservaverimus. Catholicus juxtâ & Hæreticus orbis in laudem nostram exclamat. Tanta juvenus, & tanta morum integritas! tanta sapientia, & tanta demissio! tanta negotio.

Serm. 10. in

Psalm. 118.

Tom. 41. 136.

tiorum moles, tantumque studium literarum! tanta cum principibus Viris familiaritas, & tanta honorum fuga! tantus promeritorum, & virtutum cumulus, & nulla præmiorum Infularumque cupiditas! Hac tali rerum inter se longissimè dissidentium conjunctione vita nostra vitam Adami repræsentat, inermis illius quidem, & nudi, sed inter leones imperterriti, inter dracones securi, extraque omnem injuriam positi. Nè permittat Deus, ut in Posteris nostris unquam remittat ejus Voti custodia, quod nobis in naturæ corruptæ discordias imperium tradit. Neque enim Societati nostræ polliceri auderem, nunquam eventurum, ut deplorare debeat primis scenis Adami, quæ nunc in domibus nostris coluntur, & vigentis Obedientiæ præmia sunt, successisse secundas; quæ subinde Reum illum, proscriptumque Exulem tot calamitatibus inundarunt legis violatæ injuriam ultæ. Permaneat igitur in Societate nostra servitutis, quam profitemur, nativus splendor;

dor; & siquidem ità DEO visum, reliqua qualiacunq; ornamentorum lumina extinguantur: exploratum enim mihi est, solam Obedientiam, licèt indorata, suffecturam nobis ad gloriam esse. Virgam illam intueamini; quā vapulavit Pharaon, cruentus Nilus fluxit, tot familiarum primogeniti Principes in mortem dati, devocata cælo grandinis tempestas, aër culicibus inumbratus, Erythræum mare in vias triumphales laxatum, profligati exercitus, occupata regna, sub jugum missa sunt Elementa. Nolite putare solido illam auro fusam, aut adamante locupletatam. Lignum est: nec illud è Cedris Libani avulsum, aut à Sionis Cupressis recisum. Vilissimus ramus est Coryli, virgulto, quàm arbori propioris. At quia Legislatoris manui tractabilem se præbuit, patravit prodigia, Israëlitas servavit, Tyrannos demersit. *Virga Moysis* (teste Gregorio Nysseno) VIRGA ERAT EX CORYLO, LIGNUM COMMUNE, quod à cujusque manu caditur, & igni

Lib. ad G.

Jud.

Tom. 13. 10.

igni ad arbitrium traditur. UBI AUTEM DEUS VOLUIT LIGNUM, *aquam in sanguinem redigebat.* In hunc modum quilibet filiorum nostrorum, dum Præpositorum suorum mortuis vivisque vocibus audiens fuerit, tametsi cum nec sapientia conspicuum, nec ortus illustrem, nec ætas venerabilem reddat, permiscebit urbes, & Apostolici Zeli prodigium quoddam erit. Pudet equidem huc usquè descendere; at quando in singulos annos Tyronum nostrorum ostenta redeunt, sinite me illa commemorare. Vix Novitij nostri, appetente vere, in publicum, scipione gressum regente, prodeunt, præscriptæ peregrinationis solitum experimentum facturi. Cùm in Pagos, villasque delati Christianæ Religionis elementa cœperunt exponere, tantas in auditoribus suis pietatis flammæ excitant, ut imbris ritu in ora lacrymæ inundent, & probitas adeò passim triumphet, ubicumque hi mitelli & infantes Oratores dicunt, ut totum eorum iter Ninive quædam expiata

piata videatur, & agrestes pariter homines, ac Venerabiles Sacerdotes, Dynastæque instruendos se illiteratis Adolescentibus permittant. Ità profectò vel ignobilis virgulti ramusculi septemplex Nilos sanguine complent; & per medios Oceanos regias divinæ Gloriæ vias aperiunt. *Vir obediens loquetur vi-* Prof. 21. 28.
storias. Virga Moysis virga erat ex Cory-
lo. Eò usquē triumphos suos Fides pro-
vehit, ramum dexteræ Prophetæ inser-
tum festas inter voces ostentans. Ca-
veat autem regentis manum exire;
quippe postquam effectrix prodigio-
rum virga dextrâ Moysis excidit, conti-
nuò provoluta in pulvere, & mutata in
Cerasten, ipsum quoq; Ægypti Pro-Nu-
men veneno appetijt: *versa est in colu-*
brum, ità ut fugeret Moyses. Idem pror-
sus Operarijs Coetuum sacrorum usuve-
nit; hi enim Præsidis sui ductum sequu-
ti, quantumvis nec naturæ, nec doctri-
næ ornamentis emineant, improborum
terror, Oracula Principum, & Provin-
ciarum Magistri efficiuntur. At verò
quàm

quàm primùm rerum præclarè gestarum plausu elati Ducum suorum auspiciâ contempserint, cautionibusque Regularum, & Præsidum monitis obscuruerint, prodigia vertunt in portenta, & ex Angelis pacis Arioli vanitatis effecti, demoliuntur probitatem, quam struebant; & coronarum vice, quas augere per Obedientiæ submissionem poterant, catenas sibi sub propriæ voluntatis tyrannide conduplicant. Ut adeò facultas omnis, & ornamentum quodlibet, quo pollent, exitium ac ruinas accersat; vis denique omnis, tum doctrinæ, tum auctoritatis pudendis lapsibus & irreparabilibus damnis vastos hiatus pandat.

12. Indubitatam fidem facere huic rei potest Filius ille Prodigus, cui eæ ipsæ, quas illi Pater opes largitus fuerat, postquam infelix ab eo secessit, innumera- biles calamitates pepererunt, paupertatis, infamiæ, servitutis: usque adeò, ut porcos pasceret, ut inediâ vitam finiret, commercio civili, & familiæ honori jam
antè

antè defunctus. Audio Petrum Chry- Serm: 7.
Tom: 3. 42.
sologum exclamantem : *Ecce quem ad*
modum SINE PATRE CENSUS NU-
DAVIT FILIUM , NON DITAVIT.

*Quod vitæ , quod morum , quod pietatis ,
quod libertatis , quod est gloria , nihil reli-
quit. Civem denique in peregrinum , fili-
um in mercenarium , in egenum locuple-
tem , liberum mutavit in servum ; junxit
porcis , A PATRE pijsimo QUEM SE-
JUNXIT ; ut serviret cænoso pecori , qui
pietati sancta parère contempsit. En præ-
claros fructus Patris non auditi , imò
non quidem non auditi , sed relictì dun-
taxat ! Atq; hæ catastrophæ , quàm heu !
frequenter in sacris domicilijs se refe-
runt in conspectum ; quotiescunq ; nimi-
rum temerarij non dubitant , custodiæ
Ductorum suorum se subtrahere ! jun-
xit porcis , à Patre pijsimo quem sejunxit.
Detestari quidem tacitis sed cruentis la-
crymis possumus quorundam immori-
gerorum Religiosorum calamitates , sed
nec possumus , nec debemus eas aut re-
ferre , aut exponere ; nè illorum vere-*
D cun-

cundia graves simus, qui Præsidum suorum imperia reverenter suscipiunt. Et quantumcumque rarissimi sint infelicis illius Peregrini sectatores utique in cœnobijs illis, in quibus disciplina viget; quamvis etiam potissima pars familiarum rite administratarum, nè unum quidem ejusmodi degenerem alumnum numerare possit: non est tamen levis adeò pœna infelicis perditique Filij, ut eo solùm nomine, quòd accidere tanta calamitas alicui potest, expallescere, ac contremiscere non debeamus. Neque verò credat aliquis tam fœdam proborum detrimentorumque colluviem vitare se posse, quòd puniti juvenis imprudentia pertrahere ad sui imitationem, eum non tam facilè queat, quem sacri parietes includunt: illum videlicet in eo peccasse, quòd, ut S. Lucas testatur, *abijt in regionem longinquam*. Nè, inquam, fallamur: siquidem ad solvendas cataractas formidatorum damnorum, necesse non est, ut è domo paterna penitus abeas, tantòque cum strepitu

natalem Provinciam excedas : omnis enim, minima licet, ab Obedientia secessio non modò calamitatibus, verùm etiam morti transfugam exponit. Ità scripsit S. Chrysoſtomus: SI INTER MEDIUM SIT ALIQUID, STATIM PERIMUS. Et quoniam Declamatoris potiùs, quàm Antistitis ſacri effatum hoc eſſe Antiochenis videbatur, id ille continuò duplici ſimilitudine confirmavit, ut ab intentatis minis omnis dubitatio abeſſet. Reſcindatur, inquit, à vite palmes, ſed vimine tamen colligatus adhæreat. Et ecce dum altera pluvijs ſœcundata, & ſolaribus fota caloribus botros profert, alter exarceſcit penitus, nè pampini quidem unius virore ſervato. Age porrò manum tenuiſſimo acutiſſimòq; chalybe à brachio divide; at ſubinde Arabico glutine, ac linis Ægyptijs eidem religa, non ideò tamen illa, aut vivit, aut valet: Imò quantocyùs putreſcit, imponitq; neceſſitatem vulnerato eam protinus in proximam foſſam abjiciendi. *Palmes*, SI A RADICE PARUM

*Orat. in e.
I. ad Cor.
Tom. 43.
81.*

FUERIT ABSCISSUS, *sit inutilis.*

Quam ob rem HOC PARUM NON EST PARUM; *Imò verò* EST *ferè* TOTUM. Qualiscunq; divisio Præpositum inter ac subditum intercedat, satis ea est ad corrumpendum illum, qui semet improvidè separavit. Quòd si oculis propemodum indeprehensa divisio arboris ramos, ac membra corporis vitâ exuit, & momento temporis, aut tumulto tradit, aut flammis: rationem secum unusquisq; ineat, si quando discessio publica, pessimòque exemplo facta est, quænam demum hominis contumacis strages sit futura. Pleni sunt Annales tum Anachoretarum, tum Religiosorum Ordinum funestissimis exemplis, quibus nimis quàm luculenter edocemur, quanta Christi servis, & Crucis Primogenitis incumbat Obedientiæ perfectæ necessitas.

13. Qua in re, si, quod sentio planè dicendum est, longè plùs peccant ij, qui jubent, quàm qui parent. Nimia quædam circumspectio, & politica diffidentia,

tia, quæ sæpe Præsides Religiosos ita occupant, ut curæ suæ commissos promovere ad ardentem virtutem negligant, tam illis auctoritatem in dandis, quam istis promptitudinem in excipiendis mandatis eripit: tantus metus non offendendi subjectos; non exacerbandi seniores; non alienandi amicos, interdum Isaacos vertit in Ismaëles. Si simplicius imperaretur, obediretur quoque sanctius. Eadem ipsa cautio, quæ vel munus aliquod deferunt, vel profectio- nem proponunt, cautum ac versutum subditum reddit. Quam ob rem S. Zeno palam denunciat, veram legitimam- que Obedientiam sacris in Domicilijs nunquam conservatum iri, in quibus non repræsententur Virtutes in holocausto Abrahami expressæ: In eo quemadmodum Filius ad ferri aciem, quo ferendus erat, non expalluit, ita neque Pater consternatus est, dum videret alterutrū sibi necessarium esse, ut unicæ prolis, aut Sacerdos fieret, aut carnifex. **NEC QUI FERIEBATUR TIMUIT, NEC QUI**

D 3

FE.

Serm. 9.
de Amb.
Tom. 13.
156.

FERIEBAT EXPAVIT. Et quoniam neuter in opere illo divino vel obriguit metu, vel humanis usus consilij est, neuter quoquē aut perijt, aut incommodum ullum passus est. Si verò tremens, si pallens obsequio Patriarcha & sacrificio se accinxisset, permisisset forsitan Deus victimæ mortem. Sed enim impleverat mentem Abrahamus cogitationibus æternis, & sola Cœlestis visi reverentia totum hominem occuparat: dūmque sic agit, hæredem, quem ense petit, servat. *Meliùs servavit filium,* DUM NON PEPERCIT. Tam illustri documenti Auctorem Zenonem sequutus Augustinus, obsequentis Filij vitam religiosæ Patris crudelitati acceptam retulit. *Magna fides, magna pietas, non solum in Deum, sed etiam in ipsum unicum, cui nihil mali credidit esse Pater, quidquid de illo jusserrat, qui creavit.* Nè, quæso, per ignaviam nostram palmis & meritis privemus eos, qui se ductui nostro transcripserunt. Imperemus viriliter, quidquid subditorum nostrorū animis profu-

Serm. 70.
de Temp.
T. 42. 133.

futurum existimamus. Quòd si nonnunquam infirmâ quoquè, atque ægrâ virtutis valetudine fuerint, negetur desiderijs, quod officit disciplinæ; &, invitis licèt, admoveantur medicamenta, quibus lues depellatur. Iis, quos suus ardor exstimulat, campus pandatur, in quo eorum labores decurrant, pertingantq; ad consummatæ virtutis metam. Tepidis frigus à pectore, calentibus panis, licèt non sinè cruciatu, solvatur. Ità S. Bernardus Claræ-Vallis Abbas, Montis Dei custodibus suasit, cùm diceret: *Etiam* MULTUM VOLENTI INUTILIA SUNT NEGANDA; UTILIA VERO ET NOLENTI INGERENDA. In hunc mundum si Præsides alumnorum suorum animos excolant, quique regitur, se ad omnem vitæ sanctitatem instituendum Moderatoribus suis permiserit, Spiritu Sancto pleni, omnes industriæ nostræ commendatos populos probitate Christianâ replebimus: eradicatis vitijs, confutatis erroribus, profligato Atheismo: id

quod nobis à Sancto nostro Fundatore Ignatio, ceu unicus Vocationis nostræ scopus, præstitum fuit. Ità, ut eveniat, precor.



EXHORTATIO II.

In Pervigilio S. Ignatii.
Diligit Dominus PORTAS Sion super omnia tabernacula Jacob,

Psalms: 86.

Sint lumbi vestri præcincti & lucernæ ardentes in manibus vestris,

Luc: 12.

Rationem Conscientiæ, quæ Societatis quodammodo anima est, paternis prorsus visceribus Prasides accipiant, & fiduciâ, qualem erga Parentes suos Filios gerere par est, subditi exhibeant. Eam ut esse secretissimam oportet, atq; in pri-

vitam duntaxat semet detegentis utilitatem cedere, ita est omnibus pernecessaria, illis etiam quibus ætas, virtusque robustior est, ob innumerabiles insidias, quibus humanus animus obsidetur, & perfectorum etiam vita illaqueatur.

14. **O**Mnes in universum Religio-
si Ordines Hierosolymæ
quædam sunt à Deo ad dile-
ctissimas sibi Animas ab ignitis Seculi
jaculis servandas, in sanctitatis arces di-
vinâ prorsus structurâ exædificatæ. In-
ter eos, ut tempore postrema, sic ap-
pellatione Minima numeratur Societas
nostra: Ipsa quoque beatæ Sionis in-
star à Christo delineata, & ab Ignatio
constituta, securitati ac perfectioni
omnium nostrum, qui intrâ ejus muros,
tam sanctis Legibus communitos, ut Ci-
vitati illi cœlesti aurum suum, atq; mar-
garitas invidere magnopere non debea-
mus, recepti sumus. Sunt quidem pro-

cul dubio hujus Hierosolymæ Tabernacula multa, pretiosaque. Relucet enim ad aliorum veterum sacrorum Cœtuum imitationem in hoc quoque Beati Parentis Ordine precandi studium, quod nos Deo per spiritualia, & anniversaria Exercitia; per quotidianam prolixamque Meditationem; per geminum Conscientiæ Examen sub meridiem vesperamque repetitum, ceu totidem nexibus, conjungit. Rutilant corporis afflictationes, tum publicæ, tum privatæ, non sinè sanguine ac vulnere: quæ tantò plus roboris vigorisque animo conferunt, quantò exquisitioribus tormentis corpus excruciant, sensusque magis debilitant. Sapientia in defensionem Apostolicæ Doctrinæ comparata, tantâ est profunditate, ubertatēque, quantam inimici nostri fatentur, & Ecclesiæ hostes metuunt pariter, & oppugnant. Animarum Zelus suppeditat nobis igneos Eliæ currus, quibus ab uno ad alium Polum circumferimur, & ad usquē nostros Antipodas promulgando illis Evangelio, & in-

& ingerendæ Dei cognitioni descendimus. Tabernaculorum ejusmodi, aliorumque plurium decus, quo tantopere illustratur Hierosolyma nostra, tametsi Deo vehementer arrideat, amat tamen divina Majestas, tum in nobis, tum in hac sua civitate multò ardentius ejus Portas, quæ ad conservandum in nobis primævum Instituti nostri Spiritum maximopere conducunt. *Diligit Dominus Portas Sion super omnia Tabernacula Jacob.* Sunt autem quatuor minimæ Sionis nostræ Portæ: Orientalis, Occidentalis, Borealis, & Australis. Prima, quæ Orientem spectat, illa est, per quam ex Ægypto, & Chaldæâ fallacis hujus Seculi ad Religiosos Ordines se conferunt, quoscunq; Christus ad fellis sui gustum, & ad Crucis suæ jugum invitat. In ipso ejus limine consistunt Tyrones nostri, quos usitatis experimentis seriò periclitamur in Nosocomijs, Peregrinationibus, Exercitijs Pietatis, rerum asperarum, & severæ Pœnitentiæ patientia, antequam sacra eos Vota intra vallum, ipsamq;

sámque in Arcem recipiant. Ab huius Portæ tergo surgit ad Occidentem illa, per quam post exantlatos labores, cruentásque luctas, ab hac ad æternam vitam, & ad Votorum servatorum, fervorísque inextincti præmia capienda erumpimus. Jam verò Aquilonem versùs glacie rigidum, infestúmque nivibus recedit potiùs, quàm ostenditur, formidabile posticum, per quod impatientes Evangelici jugi, & Hostes Crucis Christi, rupto fœdere, quo se in omnem vitam, famulatui Divino devoverant, lethali saltu, ad Babylonis bitumina, & ollas Ægyptias postliminiò remigrant. Ostio tam funesto ex adverso se opponit fulgens à meridie Janua, quâ per fidelem Conscientiæ revelationem in omnium corda Præses se penetrat, ad ea omni nævo perpurganda, inflammandaq; & ad summum Virtutis gradú promovenda. Et primæ quidem duæ Portæ omnibus omnino Sacris Ecclesiæ Ordinibus communes sunt, quoniam ex æquo cuncti & admittunt introcuntes, & per mortem
exc-

exeuntes emittunt. Septentrionalis verò privatim, penitusq; nostra est, quàmque nobis omnes invident, inæſtimabili favore nos à ſancta Sede affectos eâ re fuiſſe prædicantes; quæ dum nobis ad Honores portam occluſerit, optimum quemq; ſacris Ordinibus ſuffurari aſſuetos, prærogativum viciffim jus conceſſit cœleſtis cujuſdam Fori, quod nos hominibus vel ignavis, vel inutilibus longè feliciffimâ jacturâ exonerat. Quarta demum Porta, quæ Præſidium mentibus animos ſubditorum coniungit, ſi non ſingulariter planèq; nostra, cum paucis tamen communis eſt. Certè nullus alius Cœtus eam aut tam ſæpe, aut tanta in luce, quàm noſter, frequentat. Primæ Portæ claves tenent Rectores Domibus probationis præfeſti; à quorum fide, noſtra quies & diſciplina magna ex parte pendet. Hi ſiquidem, ubi negligant ſevero cribro à fatuo ſincerum triticum ſecernere, neque veros mundi hoſtes à ſimulatis, & ardentes Calvarij montis diſcipulos, à ſomnolentis, ignavisq; Roſari-

sariorum cultoribus fecernant; implebunt non Apostolis Societatem ad conversionem Gentium destinatis, sed hominibus, quibus una cathedrarum honorumque ambitio, nullum verò est alienæ desiderium salutis. Occidentalis Portæ claves in solius Dei sunt manu, qui vitæ nostræ momenta descripsit in digitis suis, solusq; dierum nostrorum cursum abrumpit. Illi assistit universa Societas, summâ curâ excubans, ut sancta mors contingat suis, defunctosque magno pióque numero suffragiorum prosequitur. At (quæ mea infelicitas est!) solus ego Aquilonarem, cum lacrymis quidem & lucta simillima morti, miseris illis aperio, qui Deo tergum obvertunt, & vultum animosque referunt ad libertatem, quam olim cælo consecrârant; & ad paludes, è quibus emergerant, patrimonij patriæque, redditum veluti parant. *De cælo in cænum*, Bernardus loquitur, & *de Paradiso in Infernum*. At verò diversissimâ luce ab alijs Portis, quas indicavimus, Australis coruscat,

rufcat, ejus claves in solis subditorum manibus repositæ sunt. Quòd si hanc illi non fideliter referent, fieri prorsus nequit, ut Præses in latebras, animósque suæ curæ commendatorum introëat. Atque intrâ hanc Portam, quæ Borealem claudit; Occidentalem beat; & Orientalem sanctitate illustrat, constitui hoc diei diluculo omnem meam Orationem concludere, demonstrarêque, quo candore, simplicitatêque quilibet Ignatij Filius, pro ejus gloria, & latiorum ab eo præceptorum reverentia, pandere intimos animi sui recessus debeat capiti suo, cui illum Deus submisit, ejus oculis nullo vel minimo, seu levis, seu gravis imperfectionis vulnere, subducto: detectis item pari fide sanctorum habituum margaritis atque topazijs. Equidem dolore longè acerbissimo conficerer, si in clavibus Societatis tam proprijs levissimæ rubiginis notas deprehenderem. Quapropter Sanctum Patrem etiam atque etiam precor, ut de cælo mihi aureas limas demittat inelucta-

Stabilium argumentorum, & suavissimarum rationum, quibus vos ac me ipsum excitem ad hanc Portam exornandam, ut quæ cæteris vitam inspirat, & sinè qua hæc alioqui beatissima Sion speciem præ se laturna esset inconditissimæ ac confusissimæ molis. Quippe si quid in ea labis esset aut vitij, jam nè reliquis quidem sua laus ac decus constaret: ac sicut Societatem hostibus proderet, si Tyrones ignavos intromitteret, sic à lectulis morientium præsidia cœlestium agminum effugaret, famamq; nostram detestabili ad ea, quæ pro Christo reliquimus, reditu commacularet. *Diligite Dominus Portas Sion super omnia Tabernacula Jacob.* Maximum enim verò supràque reliquas in Meridionali Porta præcipuum momentum est, quia cunctis præsidia parat, fervoris scilicet, ut rite ingrediantur singuli: observantiæ, ut nullus exeat: sanctitatis denique, ut beatâ morte defungamur universi.

15. Conscientia subditorum nunquam à janua sua pessulum reducet, neque

que eam Præsidi suo laxabit, nisi hic ad eam exporrectâ lætâq; fronte, renidenti ore, pleno Charitatis vultu, & ad similitudinem Filij hominis, veste omni in iridem pictâ, se conferat: quæ species suavissima balsama, rores, indulgentiam, complexus, Patris viscera promittat, non vulnera, non flammæ, non supplicia, non objurgationes, non acerbiter Judicis quæstionem exercentis minuetur. Id scilicet de qualibet anima vaticinium extat in sacris Canticis: *Surrexi, ut aperirem* DILECTO MEO. Equidem è plumis damnabilis socordiæ, aut ex immodicæ molliæ floribus nemo se proripere gravabitur, ut Duci suo detegat, quidquid nebularum menti suæ offunditur; laqueos exponat omnes, quibus cor suum irretitur, omnes denique maculas sub aspectum ponat, quibus ejus tunica sordescit: dum exploratum habeat, misericordiâ charitatêque plenum esse, cui loquitur: *Surrexi, ut* APERIREM; at scilicet: DILECTO MEO. Amanti non gravabor vel co-

E

stas,

*Prolog. ad
Meni.
Tom. 16. 2.*

stas, si necesse fuerit, laxare, pectorisque penetrabilia recludere, ut totus se illi meus animus det in conspectum. In hanc prorsus sententiam S. Fulgentius ad Monimum scripserat. *Ut tuo cordi, QUOD COR MEUM EST, totum fatear, quoniam sicut cordi meo, ita cordi tuo aliquid celare non possum.* Quisquis cupit in animos eorum, quorum curam gerit, se penetrare, expromat erga eos suadam illam sinceritatis religiosæ, Paternæque Charitatis, quâ fidem illis faciat, unam duobus animam esse, cor unum. *Cordi tuo, quod est Cor meum, totum fatear.* Ad quod præstandum, eò majorem nobis omnibus, qui Societati præsumus, incumbere necessitatem credere debemus; quòd, qui subest, tum quoque cum Charitas efflorescit, latèque fragrantiam suam diffundit, excruciatum tamen nativâ quâdam, atque omnibus communi repugantiâ, egestatem, & vulnus suum detegendi. Quapropter eo ipso, quem laudavimus, loco, testatur sponsa, se, prius quàm à janua vectem redu-

reduceret, insuaves amarores expertam
 fuisse, ut adeò de manibus suis vis ma-
 gna Myrrhæ in ipsam clavem deflueret.
Surrexi, ut aperirem Dilecto meo, manus
meæ stillaverunt myrrham, & digiti mei
pleni myrrhâ. Expavescit nimirum hu-
 manus animus fateri se se, & quantum-
 cunque ab invitantis humanitate pelli-
 ciatur, inhorrescit tamen, dum siliarium
 diducitur, & pudore pariter terrorèque
 suffunditur. Ejus rei miseratione per-
 motus S. Ephrem jubet Cœnobiarchas
 in Ratione Conscientiæ excipienda non
 tigrides se, sed canes Monachis suis ex-
 hibere. Imitamini, suggerebat ille Ana-
 choretarum Collegio, Epulonis Evange-
 lici catellos, qui Domino suo mitiores,
 cui iste micas negaverat, vulnera lam-
 bebant, & fluentem saniem linguâ de-
 tergebant. *Sed & canes veniebant & lin-*
gebant ulcera ejus. Continete dentes,
 nè mordeant; in osculum labra & blan-
 ditias adhibete. *Instar CANIS CICA-*
TRICES DELINGIT, & non vult den-
tes in profundum peccatorum defigere.

Luc. 16. 27.

De Panis.

Tom. 30. 97.

Itaque, perspecto vitio, ac tentatione, semet indicantis perceptâ, suggerite illi peramanter monita salutis, & animos addite certæ victoriæ fiduciâ. Quod si gravior accepta clades fuisset, nè unguem in ulcere figamus, & per fastidiosum examen, acerbâsq; quæstiones prolapsi plagam pertentemus, quæ nimirum exanimant ægrum, neq; quidquam ad præsentio rem ejus curationem faciunt. *Nec vult dentes IN PROFUNDUM peccatorum defigere.* Audiatur, quantum sat est, nec ultrâ. Quin ad sublevandum pudorem abruptatur se accusantis oratio, & si modò noverimus, ecquod adhibendum medicamentum, ut vulnus coëat; & quæ cautio præscribenda in futurum: impetus, quibus concussus est, recensentem obtinendarum victoriarum vaticinijs, interpellemus, animûmque addamus animum suum committentibus nostro. Semper nobis ad manum sint, & gemmati annuli, & Symphonicorum chori, & vituli saginati, & amplexus teneri, & oscula paterna, quæ dege-

degeneri filio turpitudines suas exoso apud S. Lucam optimus ille atque experientissimus Pater-familias exhibuit.

16. Quantum verò & Christi convivijs, & Ephremi blanditijs adversaretur ille, qui caperatâ fronte, turbidis oculis, labrisque trementibus ad conflictus vel prælia enarrata inhorresceret? Tam indignum & exitiabile fastidium ex Appennini sui scopulis cœlestibus planè tonitruis fulminat Petrus Damiani. Reo ipso magis es reus, inquit, si accusantem se, vel abominaris, vel non diligis: & quas ille tibi labes exponit, admirandus excipis: multòque etiam magis cave sis auguria perniciofa, mendaces conjecturas, ac temeraria vaticinia, talem, scilicet eum, qui tibi loquitur, futurum olim, qualem antea cta vita tibi depinxit.

Caveat, nè vilescat in conspectu ejus, QUI Serm. 2. de S. And. To. 24. 189.
 EI SUAM VILITATEM OSTENDIT,
 NEC DE PRÆTERITA FUTURAM
 VITAM ÆSTIMET PECCATORIS.

Sed Damiano meliùs, temporiùsque ratiocinatus est, scripsitque S. Ephrem, se-

verè Præpositis edicens, nè unquã eum, qui se cum gemitu, & errorum suorum detestatione ad eorum pedes abjecerit, conculcent, imò ut suspiciant potiùs, qui difficultate propemodum insuperabili, quam nemo non habet, vitia sua pro-
dendi, maculàsque, quibus infectus est, haud dissimulanter retegendi, superatâ, errores suos palàm facit. Quare in afflicti gementisque lacrymis Gratiæ triumphos adoret, quibus ille jam tunc coronatur; nec contemnat acceptas clades, quas in Pœnitentiæ trophæa redeuntis ad mentem Demissio erexit. Si

*Hom. in il-
lud: Atten-
da tibi.*

Toma 30.58.

*quis sua tibi detexit errata, NE MEN-
TE EUM CONTEMPSERIS, tan-
quam qui talia peregerit, sed potiùs de
FRATRIS MUTATIONE ADMIRA-
RE. Averte, ô Numen, ab eorum vul-
tu, qui Filios Ignatij regunt, amaros ri-
sus, quibus haud obscurè demonstra-
mus, eorum nos emendationi diffidere,
qui se tam obnoxia nobis confessione
subjecerunt. Fas est quidem Præpositis
disciplinam amantib9, ob res perperam
gestas*

gestas interno dolore commoveri, sed multò maximà reprehensione digna est omnis, quæ in vultum prodeat, perturbatio vel impatientiæ, vel iræ: quippe, cujus imprudentiâ à suorum expositione navorum Index revocatur: *Ut aperirem Dilecto meo.* Nisi illos quoquè diligamus, à quibus amati non fuimus; nisi complectamur animo illos quoquè, quos imperfectiones suæ à Cruce reflexerunt, & à vulneribus Crucifixi vitiorum ulcera diviserunt, nullum unquam verbum exprimemus à subditis, ut sincerà narratione suum nobis teporem manifestent. Tum denique velut aquam cor suum effundent in sinus nostros, cùm nos Parentū loco habuerint, & de amore in se nostro fuerint securi. S. Augustinum audiamus, qui hæc omnia decimo Confessionum suarum libro divinis quibusdam coloribus expinxit. *Amet in me fraternus animus, quod amandum doces. Et doleat in me, quod dolendum doces. Animus ille hoc faciat, fraternus, non extraneus:* **QUIA SIVE APPROBET ME,**

Lib. 10.
Conf. c. 4.
To. 19. 128.

SIVE IMPROBET ME, DILIGIT ME. INDICABO ME TALIBUS, *respirent in bonis meis, suspirent in malis meis.* Hi

sunt servi tui, quos esse voluisti Dominos meos, quibus iussisti, ut serviam SI VO-

LO TECUM DE TE VIVERE. Atq;

hæc est illa lenitas, quâ necessario à nobis purganda est sanies illorum, qui vel

afflati, vel etiam vulnerati sunt igneis telis affectuum humanorum: Gossypio est opus, quod molliter abstergat; non

candenti chalybe, quo vulnus exaspetur.

Galat. 6. 2. FRATERNUS ANIMUS, NON

EXTRANEUS. *Instruite hujusmodi in spiritu lenitatis:* Ità primis Præsulibus

edixerat Apostolus Paulus: tametsi non loqueretur de illis labeculis, quas nun-

quam vel sanctissima Familia vitaverit: sed cùm sana dogmata impugnarent;

cùm schismata Ecclesiam scinderent; cùm Baptismi ad salutem efficacia negaretur. Nihilo tamen minùs

in curandis tam pestiferis carcinomatibus mansuetudinem in docendo, non

objurgationum fulmina, tantus Gen-

cium

tium Doctor expetijt *Instruite hujusmo-*
di IN SPIRITU LENITATIS. Id verò
 nunquam se credat præstiturum, exclamat Augustinus, quisquis vacillantem, exacerbatur, & opinionem præ se fert, non posse collapsum unquam resurgere. Nè sibi quisquam videatur instruere, cum proterve exagitat, irridetq; peccantem, aut superbe TANQUAM INSANABILEM DETESTATUR, in spiritu inquit, mansuetudinis. Cum verò experti fuerint, & amanter se curatos, & tenerè se dilectos, reducent sanè à durissimo Conscientiæ obsignatæ ostio robusta repagula, quæ superbia clavis plusquam adamantinis confixerat, ingenitâ scilicet omnibus ambitione probi ac fortis opinionem aucupandi, quamvis & ob imbecillitatem corruat, & à pice fordescat *Pessulum ostij mei aperui* DILECTO MEO. Ego verò, ut alacrius ab omnibus nostris Fratribus, Patribusq; id fiat, pessulum illum, quem subjeutorum virtus à proprijs ipsorum, cordibus removet, in ora Præpositorum transfero, ac planè apertèq; edico, neu

*In Epist. ad
 Galat. Tom.
 94. 185.*

unquam impoſterum Reſtor ullus id, quod in Ratione Conſcientiæ compere-rit, vel ſucceſſoribus, vel Provincialibus, vel etiam mihi revelet: In eundem modum eâdem Ediſti ſeveritate compre- hendo Viſitatores ac Provinciales om- nes, eôſq; citra ullam ambiguitatem ver- borum adſtringo ad occultandum rigi- do ſilentio intra ſuamet pectora, quid- quid ipſis ſponte manuſtatum ab illis fuerit, qui eorum ſe fidei crediderunt. Veto pariter, nè conſcientiâ ejusmodi rerum auditarum, in exteriori guberna- tione ullatenus utantur, adeò ut MANI- FESTATIONIS, quam ſuademus, arca- num tale prorsus apud nos ſit, quale in Eccleſia eſt confeſſionis ſecretum, nul- lo penitus conſeſſo uſu illius, quam dixi- mus, cognitionis; tametſi ejus utendæ facultatem à ſubditis impetrâſſent. Niſi fortè facultatem ejusmodi nullæ noſtræ perſuaſiones impetraverint, nedum viſ ulla extorſerit, ſed ipſe ſummâ volunta- te, ac pro ſuo in Virtutem ſtudio conſeſ- ſiſſet, atq; ultrò, vehementérq; poſtulâſ- ſet,

set, ut, quò majoribus ad Sanctitatem passibus se se promoveat, omnis illa, quam sui, rerumque suarum attulit, cognitio à Præsilibus suis ad communis gubernationis rationes accommodetur. Quòdque in hac Aula jam nunc decerno, id ipsum Societati nostræ singularibus literis edicam. Quare vehementer admodum ea me cura premit, ut Porta hæc nostra Meridionalis per hæc sigilla semper pateat: semperque sit illis triumphalis Porta solatij, qui pro fiducia, quam filij erga Parentes suos habent, se se in brachia nostra immittunt, & in manibus nostris animos suos deponunt.

17. Sancitâ in hunc modum Præsidiu taciturnitate ac miseratione, tam necessariæ cordium nostrorum manifestationi prorsus necessarijs: ad candorem transco, quo aperire se Patribus animarum suarum, debent, qui sincero Legum nostrarum studio tenentur. Et primum quidè Ignatij cū Christo Jesu Deo Legislatoreq; nostro vos exhortantis voces excipite.

Sine lumbi vestri praeinerti, & Lucerna ar-
den-

dentis in manibus vestris. Quicumq; enim
meus esse Filius cupit, geminas hasce do-
tes, innocentiam nimirum, & candorem
vitâ ipsâ chariores habeat, necesse est.
Non est is sanguis meus, qui cingula ode-
rit, aut manu facem non præferat. Equi-
dem Sanctos vos cupio, sed simul Recto-
ribus vestris perspicuos, adeò ut agatis
nihil, quod illis apertum non sit. *Lu-
cerna in manibus.* Eam scilicet ob cau-
sam, quia, *Dominus diligit PORTAS Si-
on super omnia Tabernacula ejus:* Lucem
videlicet integritatēque. Audite, quid
sentiam. Si quis è Fratribus nostris mihi
offerretur, qui preces lacrymis misceret;
voluntarijs pœnis cruentaret sese; ad
omnia ministeria perinde afficeretur;
quietem odisset omnem; in salutem a-
nimarum miro studio efferretur; & reli-
giosæ disciplinæ formam quandam no-
bis repræsentaret; at in se reductus ra-
tiones animi sui sollicitè celaret; ejus
ego tot apparentis Virtutis ornamenta
prorsus & ex animi mei sententia con-
temnerem, nec dubitarem illi præferre
alium,

alium, qui minùs quidem illo perfectus, sed & illo magis apertus, licèt non sinè fuligine quadam libertatis illaudatæ, seu nimix indulgentiæ in laxandis ori frenis, seu in edomandi sui alienæq; salutis procurandæ studio remissionis inter nos ageret, dummodo animæ suæ Ducibus teporem suum detegat, petâtque sui emendandi modum. Judicium, ut alicui forsan videbitur, admodum insolens in me parit ea sententia, quam de duobus illis juvenibus auditoribus doctrinæ suæ Christus Servator noster tulit. Eorum alter, alacritate, haud sanè usitatâ, semet obtulerat ad eum sequendû Indos ultra & Garamantas : nō defugiturus quamcumq; expeditionem, seu per arentes solitudines, seu per inhospitalem barbariem duceret : *Magister sequar te*, QUOCUNQUE IERIS. Repulsam tamen peracerbam iste tulit, nullâ laude, nullo tantæ voluntatis præmio dignatus. Indè alium nihil tale cogitantem ad se, & ad Apostolatam vocavit. Et quantuncunque oblatam cōditionem exire conare-

cur

Matth. 8.

12.

tur miser, patris sepeliendi gravissimam necessitatem causatus, tentus tamen est, & in numerum Discipulorum relatus. *Jesus autem ait illi: sequere me, & dimitte mortuos sepelire mortuos suos.* Unde quæso tantus Messiaæ amor in sectatoré quamvis restitantiem, contrâq; tantum fastidium auditoris tam grandibus desiderijs æstuantis? *sequar te quocungq; ieris.* Causam accipe. *dicit ei Jesus: vulpes foveas habent.* Eam verò repulsam divinâ sapientiâ plenam fuisse breviter quidem at luculenter demonstrat Augustinus. *Istum declino, QUIA VIDEO IBI FOVEAS;* ceu diceret: Non est hic Magisterio meo idoneus, qui latebras amat, & excavat speluncas: *VIDEO FOVEAS.* Tamen si vel Cherubinorum pennis in Ethnicorû auxilium raperetur, è syllabo tamen meorum illum expungam, quoniam ad me rectº infidúsq; accedit: aptior illo ad mea Consilia is est, qui simplex & ingenuus per viam militarem graditur, quamvis à feretro Patris, & à familiaritate necessariorum nunc quidem ægre

sc

*Serm. 7. de
Verb. Dom.
Tom. 6. 12.*

se patiatur avelli. *Istum declino, quia ibi
video foveas.* De nullius igitur virtute,
confidamus, licet Angelum verecundiâ,
sermone Apostolum, Moſen in Sionis
monte precantem contemplatione, di-
vini honoris studio, abſtinentiâ, vigiliis-
que Eliam Carmeli habitatorem refer-
ret, ſi eorum, à quibus regitur, concien-
tiam fugiat, & tenebras offundat actio-
nibus ſuis, quarum interim lucem oſten-
tat: VIDEO FOVEAS, IPSUM DE-
CLINO. Ipſe quoque Lucifer Chriſti
ſibi ſpeciem aptavit, ut Martinum è fe-
bri decumbentem tranſverſum ageret.
Primo quoque tempore, cùm illius vo-
luntati reſtitum, cùm venia petenti ne-
gata, cùm in munus minùs ſplendidum,
aut Collegium minùs còpioſum miſſus
fuerit, patientiam in querimonias, pie-
tatis rorem in irarum fulgura conver-
tet, & depoſiti cilicij aculeos in eos re-
feret, à quibus minùs pro ea, quam de
ſe ipſe habet, exiſtimatione laudatur,
projectâque à vultu ſimulatæ probitatis
perſona, talem ſe planè, qualem ego de-
ſcri-

scribo, non qualem ipse se prædicat, exhibebit. Solum illud silentium, sat est, ut Deo invisus, nobis verò suspectus reddatur. Age enim, quàm leve piaculum, si humanos oculos consulas, Adamus unius pomi furto admiserat, quàm contrà generosâ nongentorum annorû pœnitentiâ errorem expiavit? quàm verò turpiter David à femina prostratus: quantâque immanitate Uriam Regni sui defensorem egregium interemit! Nihilominus, post dolentis animi questus tam diuturnos, nunquam Adamus, aut laudatus, aut nominatus à Deo in sacris litteris fuit. At verò David, post patrata facinora tam execranda, laudibus exquisitissimis, vivens mortuûsque, à Deo est ornatus. Videndum se illi præbuit sapius, ejusq; postulatis annuit per frequenter; ejus honori dedit, cùm Israëlitas sæpenumero præstaret incolumes; ejusque posteris coronam ac sceptrum confirmavit, tametsi per impia sacrilegia effeminatæ idololatricæ à cœlo se divisissent. Vivit Davidis nomen in veteri

teri novâq; lege celeberrimâ famâ. Narratur Adami lapsus, recensentur liberi, at nè periodus quidem extat unica, quæ resipiscentis dolorē collaudaret. Nempe primo Parenti nostro latebræ nemoris, & frondosa sepes, quam sibi ad umbilicum usq; subtexit, tótque in judicio excusationes prolatae, laudem omnem abstulerunt. Contrà Psalmographo merita gloriâque auxerunt, prompta delictorum confessio, perpetuûmque testimonium patratorum à se scelerum: quæ vel militibus exponebat in bello, vel amplificabat in Psalmis, vel in Musicis organis decantabat. Quemadmodû itaque excusationes Adami Deum plurimum offenderant, sic mirum in modum recreavit criminum toti orbi ab afflicto Principe vulgata confessio, suorum dedecorum accusatore acerrimo, proditionis ac perfidiæ suæ generoso Præcone. Quisquis scilicet Rei nomen sibi tribuit, is & amissa recuperat, & postliminiô ad arcana Divinitatis sublevatur. Cùm interim nulla per novem secula pœni-

tentiæ actæ austeritas reddere Adamum
potuerit aut laudatum in Biblijs, aut ve-
nerabilem posteritati. VIDEO FO-
VEAS, ISTUM DECLINO.

18. Fuga ipsa Præsidis sui, & quales-
cunque vel tenuissimum velum, quod
nos oculis vel auribus Rectorum nostro-
rum suffuretur, vigorem virtutis, aut eti-
am Gratiæ vitam eripit. Sanè oviculam
illam fugitivam, non amissam solùm, ve-
rùm & mortuam summus Pastor appel-
lavit, licèt etiam tum per nemora erra-

Luc. 5. 6. ret, pascereturque. *Invenio ovem meam,*

QUÆ PERIERAT. Quî verò mortuam
dicebat etiamnum viventem? in sepul-
chreto mentis, inquit Tertullianus, cor
illud extinctum jacet, quod à Præsulibus
suis discesserit. Pariter, quamvis aureum
& SS. Triadis Nomine insignitum foret
Numisma, dum occultatur, miserabili
fato colliquescens dissolvitur, seseque
amittit in pulvere. Magna sententia ma-
gni illius Africani! *Ovis non meriendo sed*

*De Pudici-
tia*

Tóm. 11, 43.

ERRANDO, & *Drachma non interien-*
do, SED LATITANDO PERIERUNT.

Non

Non est in Ordinibus sacris pestilentior
 Ius umbræ illâ, quâ se Religiosus invol-
 vit, ut Ducis sui se aspectui subducatur.
 Quemadmodum enim regiæ, triumphalesque operum nostrorum viæ patefactæ
 Custodibus Instituti nostri, vestigiorum
 Sanctitatem, & gressum æquitatem in-
 dicant: Itâ qui à via publica deflexit; &
 per devios, nec usitatos calles, abstrusasque
 semitas se agit, haud leve præbet in-
 dicium, aut fallentis, aut falsi. Hoc ipsû
 à Cassiodoro mirabilis prudentiæ Scri-
 ptore declaratum fuit. Qui per muro-
 rum ruinas, inquit, aut hiatus propugna-
 culorum in urbem irrepit, & sublicos
 pontes, portasque communes vitat, aut
 ille maleficij sibi conscius est, aut impro-
 bæ merci cavet à Publicanis. Nam si Ju-
 dicum compedes non timeres, nec ve-
 stigalibus tentares illudere, urbem intra-
 res sanè, quâ patet, ubi custodes excu-
 bant, & in statione milites sunt. Reddo
 ejus verba. *Cur perscrutamini accessus il-
 licitos, quibus portarum permittitur licen-
 ter ingressus? Nescio quid videmini tegere,*

Lib. 12. Par.
 Tom. 10. 83.

qui palàm non desideratis intrare. Con-
scientia recta VIAS PUBLICAS tenet.
AMICUM EST AUTEM CRIMINI
VELLE NESCIRI, & *qui vias suas occu-*
lit, conscientiam prodit. Hæc talis objur-
gatio tanto verborum lepôre ab eo viro,
qui quondam Regibus Gothis à secretis
Regni, tum verò Cassinensium celeberrimus
Abbas fuit, duas, quibus juvenis
exarsi, cupiditates hoc loco non sine ru-
bore confiteri me cogit. Improbabam
ea in ætate cum essem, discessionem quas-
dam à Legibus vitari tam faciles, impe-
trato moderatorum assensu, prompto
scilicet petentibus. Sive igitur, quo tem-
pore litteris operam dabam, aut neces-
sitas me aut desiderium urgeret ad re-
creationem aliquam postulandam, uti
hoc genus laxamenta (id quod divinæ
miserationi gratus adscribo) vel citra ve-
niam admittere, vel contra imperium
usurpare, constanter abnuebam, ita can-
didè proponebam illi, qui tempestate il-
lâ Collegio Romano præerat. Indicavi
non sine rubore desiderium, quod per-
sen-

sentiebam, pomorum aliàs, atq; iterum lactis. Vix eram proloqvutus, cum promptissimâ benignitate utriusq; me voti damnavit. Missus itaq; sum ad villam, jussu villico mihi auxilio esse in carpendis, fruendisque, quas dixi, delicijs. Quæ appetitiones non pravæ quidem, cùm sine furto, & cum bona Regentium venia, explentur, tantum abest, ut quidquam existimationis mihi apud misericordem illum Pastorem detraxerint, ut auxerint etiam vehementer, adeò quidē, ut quodcumq; aliud seu à consuetudinibus, seu à statutis laxamentum peterem, plus mihi concederetur, quàm ipse ausus essem flagitare. Quàm vellem omnes Filios meos ad lenienda sua non inhonesta desideria, atq; adeò ad cupiditates, quæ hominem quodammodo sapiunt, restringendas haud dissimulanter implorarent Præsidum suorum charitatem. Quippe, per hujusmodi commercium, desideriorum expositorum pariter, & concessorum conservaretur debita Decretis nostris Auctoritas, cùm ferè om-

nia eâ conditione vulgata sint, ut ad eorum præscriptum vita exigatur, nisi secus pro solatio subjectorum Præsides judicaverint. Quocirca sicut postulata subditorum, quæ suâ naturâ nec bona nec mala sunt, ipsis quidem Obedientiæ coronas, Præpositis verò Charitatis diademata augerent, ita magis adstringerent vinculum illud tantopere laudatû mutuae consensionis inter nostros, quod Christus inter suos optavit, non dissimile illi unitati, quæ naturæ ac voluntati Divinarum Personarum intercedit. *Ut sint unum, sicut & NOS UNUM sumus.*

Joan. 17.

11.

19. Redeamus modò ab amore Præpositorum, (quem usque ad delicias, uti dici solet, obsecundare subditis par est) ad plenam animorum nostrorum manifestationem. Nunquam spem omittat, qui præest, sanctum illum recipiendi, qui restinctis ardoribus vel tepet, vel etiam gelu riget; dum hic modò sincerè suum frigus exponat. Qui enim Medicum aut Chirurgum advocat, non is morbi certus est; at spem concipit, recuperandi

randi vigoris, & febris depellendæ. Illius
autem conclamata depositaq; salus est,
qui medentem, aut à se dimittit, aut ac-
cipit malè. CUM SPE ÆGROTAT,
qui Medicum suscipit. DESPERATE
qui Medicum occidit. ÆGROTAT, Ita
Clericis suis atque Presbyteris denun-
tiavit Augustinus. Consurget è strato
membris omnibus captus, si modò se
medentis potestati permittat. Ex alia
verò parte qualiscunque commotio ar-
teriæ alteratæ, quamvis levissima, dege-
nerabit in formicantes & intermitten-
tes retracti pulsûs citationes, nisi ad pri-
mos vel cutis, vel renum horrores bra-
chium exporrigatur ad curationem. Ve-
rùm Bernardus in hoc lethali silentio
exagitando longiùs etiam procedit: af-
firmátque, non in morbum modò eum
nullâ probabili spe sanitatis recuperan-
dæ incidere, qui taceat; verùm etiam
qui Rectoribus suis elinguis sit, non
moribundum quidem illum esse, sed
mortuum. Si ulla tibi (Monachos suos
alloquens, dicebat Doctissimus Abbas)

*Serm. 8. de
Verb. Apost.
To. I. 114.*

vitæ pars in anima superesset, vox etiam
 inesset ori. *Intus sensus*, FORIS VOX:
Serm. 15. In compungor? CONFITEOR? & *confessio*
Cantic. *vitam indicat: A mortuo enim, tanquam*
To. 112. 44. *qui non est*, PERIT CONFESSIO. Si
Eccles. 15. quando igitur Societatis Religiosus, qui
 vel solus, vel certè præ omni alio cœtu,
 Meridionalem aperti pectoris Portam
 præcipuo jure possidet, Moderatoribus
 suis obmutesceret, & perniciosis tenebris
 obtegeret, quidquid in animo suo sale-
 brosum est, atq; aspersum; sandapilam
 illi substernite, ac sepulchrum effodite;
 quoniam exploratum est, eum nec vivē-
 re, nec vivere imposterum velle. *Intus*
sensus, FORIS VOX. Quare nimis pa-
 rum dixisse videtur S. Augustinus, cum
 de vita illius, qui vel Præsides odisset, vel
 certè ijs se non crederet, conclamatum
 esse dixit. Quippe hic talis non jam mo-
 ritur, sed quatrivanus est, & putris; cui
 Bernardus inferias celebrat, aut, ut ve-
 riùs dicamus, Exequijs & Cœmeterio
 indignum, sacri soli munere negato, in
 fossas abjicit, eam feris belluis futu-
 rum,

rum. *A mortuo tanquam qui non est, petiit confessio.*

20. Neque hîc sistunt S. Viri aut Diræ aut consternatio : transit ille ab una, morte ad alteram, vehementerque dubitat, nè qui latebras animi sui ab eo, quem Dei loco & Magistrum habet & Ducem, abscondit, periculum subeat moriendi Gratiæ primùm, tum etiam, salutis. *A negotio perambulante in tenebris*, Nec erubuit Legislator ardentissimus palàm facere orbi terrarum, in ipso etiam sacratissimo Claræ-Vallis Cœnobio ex illius Alumnis, quos diuturni cruciatus penitus attriverant, & rerum cœlestium contemplatio copiosissimâ luce illustraverat, multos fuisse (horret lingua proferre, quod in illius voluminibus typo vulgatis oculus legit) multos inquam fuisse supplicijs æternis adjudicatos, eò quòd sibimet confisi & lethalibus tenebris operum, clam Monasterij Præsidiibus habitorum, impliciti, præda facti essent illius, qui lolium bonis frugibus interlerit, quique in Angelum Lucis trans-

formatus eos, qui Archangelos quodam
 modo vitæ innocentiam referebant, de-
 format in larvas infelices, humanarum
 juxta ac divinarum Legum reas. Irru-
 giens igitur exclamansq; : Vos, meque,
 inquiebat, servet pium Numen cum ab
 operibus non manifestatis, tum a defi-
 derijs ei, qui præest, occultatis ! **QUAN-**
TOS *hoc negotium, perambulans in tene-*
bris, **TRUDI** **FECIT**, **IN TENEBRAS**
EXTERIORES! Jam verò quis est, cui
 non vultus expallescat, non omnibus ar-
 tubus corpus contremiscat, non animus,
 licet immortalis emoriatur quodam-
 modo, dum videt Angelicæ vitæ sectato-
 res, tam venerandæ solitudinis incolas,
 cum lucifero fremere inter flammæ, de-
 volutos scilicet per eas cataractas, quæ se
 in tenebras horribilium Inferorum, per
 temerariam Conscientiæ non apertæ
 caliginem, laxaverunt. Tantoque am-
 pliùs se hic terror exaggerat, quanto eam
 calamitatem non paucis, sed multis ac-
 cidisse dolens gemensque Cœnobiarcha
 conqueritur. **QUANTOS**, *hoc nego-*
tium

*tium perambulans in tenebris, trudi fecit
in tenebras exteriores!* Tam execrabiles
tenebræ nec dissipari, nec caveri possunt,
præterquam à radijs Modestiae, aliorum
imperijs obnoxiae, quâ in omnes animo-
rum suorum recessus Ductorum suo-
rum oculos subditi deducant. *Et lucer-
na ardent in manibus vestris.* Quod
lumen eò est necessarium magis, quò
nemo sat nôsse potest, utrùm Evangeli-
co cingulo ex omni parte adstringatur,
ab illa maximè, quæ à tergo est. Dum
enim nos umbris involvimus, nec quid
sentiamus, & agamus animorum nostro-
rum Ducibus expromimus, accidet non
rarò, ut dum credimus nos religiosæ per-
fectionis beatis fascijs egregiè circum-
plexos esse, miserè discincti vivamus, iis-
que pateamus periculis, quæ nimîa con-
fidentiâ fascinatos, & magnificâ sui opi-
nionem deceptos inevitabili ruinâ oppri-
munt. Quare qui per eas tempestates,
quas in stagnis Apostolicis Dæmon ciet,
effugere naufragium cupit, is ad primû
surgentis venti afflatum cum Petro pro-
cla-

clamet. Manum huc aliquis, nè mergar!
 Id quod nobis Sanctus suadet Augusti-
 nus. *Si motus est pes tuus, si titubas, si*
aliqua non superas, si mergi incipis, dic:
Domine, pereo; libera me. Dic: pereo;
NE PEREAS.

Ser. 13. de
Verb. Dom:
Tom. 26.
 24.

21. Hic ego audire mihi videor, qui
 miseris modis deceptus virtutem jactat,
 & inter undas scopulus, & inter vento-
 rum turbines caute Marpesiâ fortior es-
 se gloriatur. Negant hi clamandum sibi
 esse: PEREO; siquidem probitate suâ
 ceu cortice supernatent; sed neque no-
 men, vel umbratilem naufragij nove-
 rint speciem. Et quânam, inquiunt,
 ratione dicemus: PERIMUS: dum in-
 sultamus undis, & sub pedibus nostris
 maria gemunt? si naufragij nomine
 gravis in Deum offensæ culpa notatur,
 equidem, quæ Dei in nos pietas est, nul-
 lus, si loquamur in commune, Filiorum
 Ignatij hujus se reum agit; quod si verò
 uterq; nostrum, procellarû alluentium,
 & interitum minitantium nomine, com-
 pellamus perturbationum tumultus, &
 impe-

impetus rerû externarum; si vobis istæ non dehiscant cum internæ quietis detrimento, ac animi molestia: felicior planè vobis lætitia, & innocentior vita, contigerit necesse est, quàm Paulino Nolæ, vel apud Burgundiones Bernardo. Querebatur modestissimus Monachus eas, quas sentiebat, commotiones animæ, vel periclitantis, vel in lacrymabilibus imperfectionibus submersæ, deflebatque. Et vos Sanctissimis Viris sanctiores inter præsentis exilij fluctus deprehensi ceu Olympi quidam persistitis, nullis vel lenissimis Eresiarum susurris expositi? Bernardum audiamus: *Proprij reatus conscientia non me requiescere sinit, sed* De inter
Dom. c. 31.
Tom. 16. 68.
de die in diem **VEHEMENTER ME**
TORQUET, *de die Judicij vehementer*
terret. Sanctè viventium merita, **MEA**
FECI, INVIDENDO, PECCATA. Et Bernardus quidem in se vulnorum cicatrices agnoscit, at nos scilicet ab omni livoris nota purissimos nos esse jactamus? si quis autem est, qui credere id possit, an is ingenium, an cor habere dicendus est?

To-

Totidem ferè verbis mellifluo Abbati
adstipulatur Paulinus Episcopus: illud
Charitatis prodigium, Exemplar inno-
centiæ, & instrumentum Spiritûs sancti,

*Ep 8 ad Pauper ego & dolens, qui adhuc terrena
Rever. To. imaginis squalore concrētus sum, ET
§2. 19.*

PLUS DE PRIMO QUAM DE SE-
CUNDO *Adam carnēis sensibus & terre-
nis actibus* REFERO. Paulinus ille, qui,
ut viduæ solaretur inopiam, semet in-
mancipium Barbaris vendidit: qui, ut
Christum sequeretur, Dynastias, quas
habebat amplissimas, & Fascēs consula-
res abjecit: qui SS. Literis adeò ingeni-
um & stylum locupletavit, ut omnia ejus
scripta eliquatus quidam è sacris Volu-
minibus succus videri possit; Is inquam
Adamo se supparem fecit, helluoni per-
duelli, & in Deum perfido: palàmque
profiteretur, *plus de primo quàm de secundo
Adam terrenis actibus se* REFERRE! &
vos Christi Transfigurati nobiliora, si
superis placet, ectypa; nive palliati, &
coronati radij estis? Næ profectò, si se
sibi fateatur, animus, reperiet in se pro-
cel-

cellas, à quibus ſubmergitur, & Balænas
à quibus devoratur. In hunc certè mo-
dum Bernardus Threnos ſuos abſolvit.

*Conſcientia hominis abyſſus multa, Mare De Inter.
magnum eſt, & ſpatioſum manibus: Illic Dom. c. 44.
Tom. 26. 42*

REPTILIA, QUORUM NON EST
NUMERUS. Exanimat me tam for-

midabilis ſententiæ tonitru: QUO-
RUM NON EST NUMERUS! & ta-

men qui orationis meæ filum incidit, &
Ductori ſuo pectus occludit, ſinum ſuum

tam purum etiam ab alga, tam placidum
vel ab aura, tam pellucidum & opulen-

tum gemmis affirmat, quàm eſt fluvius
ille, qui Dei Civitatem præcingit. Fal-

limur, fallimur! *Conſcientia hominis,*
ABYSSUS MULTA; ILLIC REPTI-

LIA. Is etiam qui pedibus nititur velut
alter in Canticis Sponſus, auro puriſſimo

fuſis, non ſolùm titubat, ſed cadit, non

modò ſemel per annum, & nonnun-
quam per menſem, ſed ſepties per unius

diei decurſum. SEPTIES IN DIE CA- *Proſ. 24.*
DIT JUSTUS. Nequè verò quiſpiam

objiciat mihi, quòd non optimâ fide Sa-
pien-

piensis oraculum protulerim, quo sicut cadere probi, sic & resurgere dicuntur: *Septies in die cadit Iustus, & resurgit.* Tuetur quippe causam meam Bernardus, & magnis vocibus: resurgit, inquit, sed qui auxilium implorat, sed qui protenso brachio regentium invocat manus. RESURGIT, *si tamen cadat in die, ut se cadere* VIDEAT, ET CECIDISSE SCIAT, *& resurgere cupiat,* ET REQUIRAT MANUM ADJUVANTIS.

22. In hac luce veritatis tam invictæ, & effati ab Anachoretis Religiosisque, universis recepti, reperire sit aliquem, qui non candidè Moderatoribus suis animum aperiat, causeturque, se, quod manifestet, non habere? Nemo se credat adamantem inserendum Coronæ Servatoris, ea de causa, quòd se non videat vel luto inquinatum, vel picis fuligine, rinctum non deprehendat. Nullus Apostatarum Angelorum, aut cum Adamo vetitum pomum rapuit, aut cum Davide sponsas militibus: & tamen infinita eorum multitudo in stagni liquefacti cal-

caldarijs ardet ob noxas incorporeas, & ut sic dicam, inaspectabiles. Hæ nimirum longè perniciosiores sunt, & insanabiliore, quia famam non commaculant vilitate terrenâ. Dioscori, Eumenij, Meletij, atque Arius ipse, qui Tunicam inconsutilem Christi laceravit, & in omnes propemodum totius Ecclesiæ Fontes virus sparsit, enormia scelera perpetrârunt, quamvis essent à sensuum cœno, & avaritiæ rapinis alienissimi. Quapropter quisquis fastus sui, arrogantia suæ, invidiæ suæ naturam ac progressus recognoscet, is in thesauris suis plus plumbi, quàm auri, & numerosiores tritico paleas inveniet. Non hæc mea, sed Magni Archiepiscopi Ambrosij sententia est. *Qui se hîc aurum putat*, HABET PLUMBUM: *Et qui putat se granum tritici, habet paleam, quæ possit exuri.* Hic sibi multi aurum videntur, non illis invidio. Superbia est, & extrema stoliditas, tam magnificè de se, deq; rebus suis ampullantium, ut eam mirari satis non possint, nisi qui pari furore delirant. Nihil

G

dicunt,

Serm. 20. in

Psal. 118.

To. 10. 232.

dicunt, quod non tanquam Delphicum Oraculum accipi; nihil agunt, quod non Apotheosi consecrari; nihil animo verfant, cui adorando non rotos hominum cœtus submitti velint. Aliorum verò dicta & facta perinde despiciunt, ac scoriā egentem ustrinæ, ac stipulas pabulum flammæ. **NON ILLIS INVIDEO.** Quoniam isti veluti redivi Pharisæi efferentes se se ad sidera, & Thymiana sibi adolentes ad pedes usq; Republicanorum abjiciuntur, ubi eorū Thus esse sulphur ostenditur, ipso quin etiam Deo vindicem eorum tumoris se promittente futurum, ac tam solutionem decimarum, quàm austeritatem jejuniorum, quibus instantur, manifestarijs reis, & depeculatoribus civium postponente; *sibi aurum videntur. Non illis invideo.* Additque causam S. Doctor, jacto simul fulmine quamlibet Babylonem everfuro. *Multis qui se massam putant auri, dicit sapientior auri massa: Omnes nos fornax probabit.*

Zach. 13.

23. Neque verò à fulgure immunes præ-

præstat illa, quam cum Deo, per continuum meditandi usum, intercedere sibi conjunctionem, arbitrantur. Eliciunt miseri è splendoribus Evangeliorum, quæ contemplantur, non lucem veritatis, sed funestum execrabilis arrogantiae fumum. Minus sanè proximorum suorum famæ oblatrarent, si mentem veris splendoribus irradiatam, non fanaticis imaginibus delusam haberent. Est in hoc argumento, divina potius, quam humana Theologi Gregorij Nazianzeni animadversio. Prius, inquit, quam, Isaia Cælum panderetur, apparerétque Regnantis Trinitatis species, fremebat is in Israëliticum Populum tantâ vehementiâ, ut cadaveris eum nomine appelleret, à vertice usque ad calcem in putredinem resoluti. Enumerabat victimas rapinis profanatas; corrupta largitionibus tribunalia; mercimonia usuris adulterata: Templum quæstu dedecoratum; omnem deniq; Terram Sanctam chorearum petulantia, infamia crapularum, & impietate sacrilegiorum cœlo in

odium versam, Quid multis? tota Prophetiæ illius prima quinq; capita Cataclysmus quidam dirarum & criminatio-
 num in Judæam videtur, ita tamen, ut
 siccus ipse, nè unâ quidem ejus stillâ con-
 spersus, remaneret. Vix autem Seraphi-
 nos folio Majestatis divinæ circumfusus,
 & Omnipotentia Ministros conspexe-
 rat, cum derivavit continuò in se, quas
 revulserat, cataractas: peccatorem se
 fatetur, ac turbæ, quam damnaverat, im-
 missus submissiorem deinceps clamo-
 rem edidit; demisitq; cristas, quas in ejus
 capite opinio integritatis crexerat. Ipse
 quoq; Isaias, prius quàm Domini gloriam
 thronumq; illum excelsum, & Seraphinos
 conspexisset, in Israëlitas quidem magno
 clamore invehitur: SIBI AUTEM PAR-
 CIT, atque à se tanquam ab in fonte, abs-
 tinet: POSTEA verò QUAM HÆC
 VIDIT, ME MISERUM, inquit, & quæ
 deinceps sequuntur. Ità nimirum super-
 bis illis alienæ vitæ Catonibus, & vento-
 sis illis, propriarum virtutum amplifica-
 toribus eveniret, si animos eorum veræ
 ac

Orat. 7.

Tom. II. 5.
26.

ac solidæ contemplationis dono Christus communicaret. Parcius certè secum viventes carperent, & in vanos suos tumores, & intolerabilem in pervidentis suis vulneribus cæcitatem paulò severius iudicium exercerent. Nempe tam saturos sui facit nox illa mentis ad cognoscendas res divinas caligantis. Equidem si cælum suspicerent, si Deum viderent, agnoscerent profectò se se curationis egere, plurimisque ulceribus deformatos. Advolverentur profectò pedibus eorum, quos Pieratis Duces nacti sunt, auxilium implorarent, ac depositis existimationis propriæ turpibus squammis, efficerentur in oculis suis parvi, magni in divinis. Quòd si parùm abfuit, quin Nazianzenus notaret immodici zeli in arguendis aliorum delictis, Prophetam falli nescium, ut qui populos alloquebatur Deo linguam regente; multò magis vereri ego debeo funestas eorum illusiones, qui, dissimulatis tot maculis cordium suorum, miserabilèsq; suimet palpatores, in omnem nævum, quem vel

in fronte, vel in fimbria ex virtute viventium videre sibi videntur, utrâque manu secures vibrant, & pro potestate flammis adjudicant. Neq; est, cur hanc doctrinam, tantâ sanctissimorum hominum auctoritate nixam, nihil ad se pertinere arbitrentur Sacerdotes illi, qui per semitas Perfectionis volant potius, quam currunt. Contingent siquidem metam, si monstranti viam fuerint obsecuti. Bravium verò nullatenus referent, si eò procurrant, quò sua eos confidentia egerit. Sanè vulgò amens habetur ambulator, qui Dux suus ipse est. *Qui se sibi* Magistrum constituit, **STULTO SE DISCIPULUM SUBDIT.** *Ego quod expertus sum dico; & facilius imperare, & securius possem præesse alijs multis, quam mihi soli.* Cui Bernardi documento hanc sui fiduciam improbantis robur & auctoritatem adjungit S. Joannes Chrysostomus, dum phreneticum appellare, non dubitat superbum quemlibet, nec sibi de se ipso suspectum. *Non potest esse superbus,* **QUI FATUUS NON SIT.**

Epist. 87.

ad Oger.

Tom. 58.

373.

Hom. 39. ad

Popul.

Tom. 20.

167.

24. At profectò hujus sententiæ judi-
cium subterfugere nemo speraverit, ta-
metsi magnis cohortibus ad summum
vel Sinaitici, vel Calvarij montis culmen
gradientib² ducem se præstiterit. Quam-
vis enim ductu nostro complures in-
Cherubinos Evangelicæ sapientiæ, & in
Apostolos Zeli, prodigi sanguinis, muta-
ti fuissent: nunquam tamen certi ani-
morum nostrorū Duces erimus, quam-
vis in aliorum promovendâ virtute non
falsi, nec infelices fuerimus. Equidem
oleo defæcatissimo Viduæ Lecythum
Elias Propheta diraverat, & farinam in-
ejus cista perpetuârat. Nihilo tamen
minùs, quod largitus est alteri, tribuere
sibi non potuit, coactûsq; est victum ac
vitam precariò ab illamet femina pete-
re, quæ illi panem vitâmq; debere se fa-
tebatur. *Non poterat Elias* (attonito
similis scribebat Augustinus) *de Miseri-*
cordia Dei dare sibi, quod laguncula de-
dit? Ipsi quin etiam Galenus ac Hippo-
crates, qui Græciam, Orientemque to-
tum Alexipharmacis suis instruxerant,

Hom. 2. 231.
50.

70. 26. 179.

Serm. 14.
in Cant.
Tom. 112.
38.

ausi non sunt vel unius digiti sui reduviæ
mederi. Vult nimirum Deus, ut Superi-
oris januam pulses, ipsiq; te indices, si
Spiritus sancti unctionem illam deside-
ras, quæ in vera Ecclesia de capite deri-
vatur in membra. *Sicut unguentum in
capite quod descendit. Unctio salutaris*
(verba sunt Bernardi) *non barba, sed*
CAPITIS est. Qui ergo Præsidibus suis
se non submiserit, quovis punice sic-
cior, & arenâ quâvis sterilior jacebit.
Quapropter monito S. Ephremi, alterius
Moyſis instar ab Anachoretis habitû, o-
rationem omnem concludo. Si vide-
ris, inquiebat Senex gravissimus, solitu-
dinis Tyronem proprijs sensis nitentem,
ac jam jam Eliæ ac Pauli more in aërem
sublatum ad cœlum Empyreum attolli,
manum volanti injice, & in arenam de-
tractum abjice, nè ipsis è nubibus, Simo-
nis instar venefici, turpiter fractis cruri-
bus, ruat in præceps; aut ceu Lucifer,
quem levitas vanitatis suæ depressit, &
supplicijs addixit æternis, ex ipso firma-
mento decidat. *Si conspexeris adolescen-*
tem

tem propriâ voluntate in cælum ascendere, Paran. 35.

TENE IPSUM: *Expedit enim ipse. Tom. 30. 65.*

Eadem verò, quæ à me dicta sunt, ut juvenibus nostris frenum injicerem, Anachoreta quilibet, cui acta diutiùs in speluncis vita, antiquiorq; observantia Regulæ, sibi dicta pariter arbitretur; ut qui fraudibus Sathanæ, non minùs circumveniri possit, si contemptis Archimandritarum instructionibus, ipse sibi signare vestigia voluerit, in consiliorum divi-

norum via. Finijt demum S. Diaconus timoris sui argumentum prolato sapientis oraculo, qui prudentem à stulto eo discrimine secernit, quòd, qui semel in errorem inducti sunt, sibi merè in privatis persuasionibus placeant. *Via insi-*

Prov. 20.

piantium recta **CORAM IPSIS:** *qui autem sapiens est,* **AMPLECTITUR CONSILIA.** In hac dissertationis meæ Coronide repeto, quod mihi David Thema commodaverat, & cum eodem dico: *Diligit Dominus Portas Sion super omnia Tabernacula Jacob: In Societate tentoria omnia vel manibus Angelorum*

texta, & aureis distincta filis, si Portis
 comparentur, quas nobis Deus fabrefe-
 cit, speciem omnem amittunt, & tan-
 quam sine corporibus umbræ vanescunt.
 Hæreat semper memoriæ, inter quatuor
 Portas, ingressus in Religionem, exitus
 ad gloriam, reditus in Ægyptum, Por-
 tam Meridianam, CONSCIENTIÆ
 MANIFESTATÆ, principem locum
 obtinere. Hæc enim nos remouet à ter-
 ribili ostio, quod Babylonem ducit; hæc
 nos immittit Religioni, redditq; de per-
 fectionis incremento securos. Hæc de-
 nique à morte ad Beatam Immortalita-
 tem, & à mortuali lectulo ad regni Thro-
 num tutum transitum præbet. Eam &
 gloriosam & patentem conservabimus,
 si ad eam subditi sinceri humilesque, ac
 Superiores amantes & læti resideant. E-
 tam Sanctæ Portæ superliminari suspen-
 datur Christi invitantis sententia. *Veni-*
te ad me omnes, qui laboratis, & onerati
estis, & EGO REFICIAM vos. Utrique
 verò basi Portæ hujus plus quam cælestis,
 tutelaræ Societatis Angelus inscribat;
 HÆC

Matth. 11.
 18.

HÆC PORTA DOMINI, JUSTI IN-
TRABUNT PER EAM. Nam qui bo-
nus est, ipso in limine redditur optimus,
& qui vitio aliquo laborat, dum eam,
permeat, efficitur sanctus. Ità est. Ità fit.



EXHORTATIO III.

In Pervigilio S. Iguatij.

Et Lucernæ ardentes in manibus
vestris, *Luc. 12.*

Zelus animarum, Gentilitium
Societatis Insigne, quàm sit suâ
naturâ præclarus, quantique à se fieri
docuerit in vita sua Christus Serva-
tor noster, & in legibus suis Dux no-
ster, Ignatius. In has magno suo malo
peccaret, qui nihil, aut parùm operæ,
in spirituale proximorum auxilium
con-

conferret. Ejusmodi pro salute Gentium cura, quemadmodum antehac in Societate nostra, haud vulgaris extitit, atque ea idcirco à Deo, viris sapientiae & sanctitatis famâ celebribus, condecorata est, ità si quando subsequenter temporibus non nihil intepesceret, totum Ordinem maximo periculo exponeret, nè nostro illo tepore offensus Deus, duobus, usq; nobilissimis ornamentis, qualia sunt, sapientia fructuosa, & virtus collaudata, nos spoliaret, quæ in Majores nostros olim tam liberaliter contulit.

25.

OMnes Patris illius Filij sumus, qui tam obsequenter proposito Consilio paruit, ut pro ejus observantia facies Evangelicas tam compressâ manu stringeret, & intimo pectore complecteretur, ut earum, usum possessioni cœlestis ac beatæ Civitatis

tatis præferret: *Cujus Lucerna est Agnus.*
Tantum in Ignatio, dum viveret, desiderium exarsit, improbos homines ad frugem, & Provincias ac Regna ad vitæ sanctitatem revocandi, ut non differre, solùm, verùm etiam periculo Visionem Dei & salutem æternam exponere sustineret, dum in dubio tam molesto certum interim haberet, se Dei Opt. Max. gloriam, in ea, quam procurabat, animarum conversione promoturum. Idque optavit eò ardentius, quò flagrantiores sitim salutis humanæ deprehendisset in Mundi Servatore, cujus institutæ à se Societati, & nomen indidit, & zelum mandavit. Quæ utrùm ità se habeant duobus præsentis horæ trientibus, quos sibi præsens allocutio vindicat, cognoscemus: quantâ scilicet Jesus Christus Deus & Idea nostra flagraverit animarum siti, quàmque Instituti nostri proprium sit, vacare penitus converforum profectui, & peccatorum conversioni. Quare quisquis S. Parentis Filius audit, pandat manum, stringat facem; &, qui
mos

mos illi loquendi fuerat, ignem inferat Spiritûs Sancti terris omnibus, universisque cœtibus mundi detecti pariter & incogniti; nec antè quiescat, quàm viderit, non absimili hujus incendij diluvio omnium corda gentium ad salutem eorum, qui vivunt, superobruta, quanta fuit olim aquarum in universum orbem inundatio, ad eorum interitum, qui vivebant.

26. Et profectò tanto desiderio Veritatis lucem cæcis hominum mentibus inferendi, atque à vitiorum sordibus expurgandi Servator noster exarserat, ut neque viventem inter nos explerent Myriades hominum ad frugem conversorum, neque modò ad dexteram Patris imperantem exsatiaret innumerabilis Orthodoxorum multitudo. Id scilicet Salomon in quarto Ecclesiastis sui capite & prævidit ipse; & posteris prænuntiavit. *Est unus, & non est secundus, & Frater non est ei. Nec est FINIS omni labori ejus: & quidem oculus ejus NON SATURATUR DIVITIIS.* Quâ in descriptione
S. Hie-

S. Hieronymus effigiem Verbi agnoscit hominum redimendorum causâ humanam naturam amplexi, cujus desiderijs nulli satîs animarum quæstus respondebant, quin, quò plures Evangelio lucrabatur, eò plures concupisceret, & à Patre suo sibi submitti postulare. *Cuius laboris non est finis, portans nostra peccata, & oculus ejus non satiatur divitijs: Tom. 2. l. 11. semper nostram cupiens salutem.* Quam populorum instruendorum cupiditatem supremâ voce in omnes orbis plagas missâ vel moribundus expressit, cum diceret: *Sitio. Quid sitis?* succlamat hoc loco Drogo; *Ergone plus cruciat SITIS, quàm CRUX? Sitio! quid? vestram fidem.* Hæc nimirum sitis erat, quam Samaritanæ querebatur; hic ille cibus fuerat, cujus esuriem Discipulis indicaverat: cum feminæ diceret: *Da mihi bibere;* Io. 4. §. 32. Apostolis verò: *Ego cibum habeo, quem vos nescitis.* Esuriebat Jesus in Pharisei domo, & in Canæ nuptijs: non illarum mensarum dapes, sed vel dolentis Magdalenæ lacrymas, vel Convivarum Fidem,

In cap. 4.

Ecclef.

Tom. 2. l. 11.

Lib. de Sacram. Dom.

Tom. 10. 341.

Fidem, quam prodigiosorum calicum gustatio Divinitati suæ faciebat obnoxiam.

27. Nec diversa fames illa fuit, quā in solitario nemore sub quadragintadie Jejunium conficiebatur. *Et cum jejunasset quadraginta diebus, & quadraginta noctibus, postea esuriit.* Cujus, si gnarus Cacodæmon fuisset, dum exhiberet Christo lapides, rogasset potius, non ut in panem, quo vesceretur, eos converteret, sed ut in Sanctos Abrahæ Filios commutaret: quibus scilicet expleret immensam cupiditatem, Judæam omnem novæ Religioni submittendi *Esurit non cibum hominum, sed* SALUTEM (uti scribit S. Ambrosius) CIBUS ENIM CHRISTI EST REDEMPTIO POPULORUM. Neq; Filius Virginis palati delicias contemnebat solū, ut qui animis lacrymisq; peccata sua deflentium pasciebatur, sed ipsis propemodum Templi celebritatibus interesse dedignabatur: cō quòd inter holocausta, quæ adolebantur, non aliam hostiam Cœlo dignam existit

existimaret, quàm resipiscentium salutem. Quare Paschate, Scænopægia, & alijs sacris Templi solemnibus, instructionem rudium, & reditum peccatorum, ad Deum semper habuit potio- rem. Id Sophonias de ipso vaticinatus est tertio Prophetiæ suæ capite: *Deus tuus in te fortis salvabit te, & latabitur in te, quasi in die solemni.* Omnis Christo festa Lux erat, quâ vel improbos corrigebat, vel docebat rudes. Profani contra illi dies erant, Templo licet solemnissimi, si nihilominus inter symphonias Levitarum, & Pontificia odora- menta, animæ peccatorum pedicis implicarentur, & volup- tatum rosarijs porro pergerent indor- mire. Ob eam rem S. Hieronymus, Pro- phetæ sententiam exponens, eam am- plificat in hunc modum. *Latabitur in te, quasi in die solemni. In te delectabi- tur, quasi pinguis- simam solemnitatis suæ* *hostiam* SUSCIPIENS SALUTEM TUAM. Ut adeò Deus nostrâ causâ in Crucem sublatus Discipulis suis verè, ac divino sensu dicere potuerit: Vos

Sophon. 3.
17. apud
LXX.

In cap. 3.
Sophon.
To. 21. 173.

H

ascens-

Joan. 7. 8. *ascendite ad diem festum hunc, Ego autem non ascendo ad diem festum istum.* Solemnitates enim meæ non in eo vertuntur, ut arietes cædantur, ardeant Thymiamata, Tibiæ personent ac Tubæ. Illud mihi Pascha demum est, cum mensas nummarias deferunt Publicani; cum Peccatrices Alabastra confringant; cum Centuriones ac Reguli genua frontemque Trinitati, quam promulgo, prona veneratione submittunt. *Quasi PINGVISSIMAM SOLEMNITATIS SUÆ HOSTIAM suscipiens salutem tuam.* Quamvis autem indicijs tam manifestis mirè resplendeat inæstimabile pretium, quo Christus animas nostras licitatus est, omnem tamen admirationem meam superat ea cogitatio, quæ voces illas Mysterijs & Ænigmatibus involutas cogitatione retracto, quibus videbatur è vitæ suæ sacris fastis horas omnes ac dies expunxisse, quos non publico Magisterio impendisset, dedicâsetque turbarum instructioni, & saluti populorum. Audite, & adorete Charitatis prodigi.

digium. Quo tempore verba faciebat de Spiritu divino, qui Discipulis suis post excessum suum, superventurus esset in cœnaculo congregatis, sic omnem illius munificentiam, & in privatos Auditores suos congerenda beneficia collegit. *Mittam vobis à Patre Spiritum Veritatis. Ille testimonium perhibebit de me: & vos testimonium perhibebitis, quia AB INITIO mecum estis.* Quis verò tam reconditam abstrusamque sententiam capiat, cum sacris Evangelistarum annalibus manifestè pugnantem? Quis enim est, qui possit credere, Petrum, Andream, Joannem, Christo, vel in Bethlemio specu in lucem edito, vel in Ægypto exulanti, comites hæsisse, cum postremus istorum eo tempore non dum natus fuerit, & duo priores vix post trigesimum vitæ ejus annum, nempe, postquam à Joanne Baptista in Jordane tinctus, & proclamatus Messias fuit, Servatori se adjunxerint? nunquid enim Matthæum in Apostolorum Collegium non tum primùm cooptavit, cum Capharna

Joan. 15. 26.

transiens à sordido quæstu abduceret hominem, & ab adulterio avaritiæ ad beata sponsalia cum Evangelica paupertate contrahenda provocaret? An autem fatebimur tam ab hoc, quàm à Bartholomæo, ac Philippo Christum parvulum cum Pastoribus ac Magis jam tunc adoratum fuisse? *Quia ab initio mecum estis.* Quòd si autem hæc, nisi Divinis oraculis repugnemus, dici non possunt, credendum erit prorsus, non relatos à Christo in censum Annorum suorum, nisi vitæ suæ postremos: quo scilicet tempore, novi Testamenti Præconibus in monte designatis, iisque comitantibus Galilæam, Judæamq; peragravit, ad Dei cognitionem & perfectionem Evangelicam Judaicos cætos erudiens, & à terrenæ mercedis luto ad coelestia beatitudinis æternæ præmia sustollens.

28. Cùm hæc omnia Beatus Legislator noster perpetuâ Vitæ Christi meditatione didicisset, in eam mentem adductus est, ut Religiosum Ordinem conderet, qui se totum saluti proximorum devo-

devoveret. Igitur Edictum ejuscemodī primis Constitutionum, quas conscripsit, paginis præfixit, palam professus unicum Sæctatorum suorum esse finem debere, dedicare se penitus Conversioni, seu Ethnicorū per Indias, seu Hæreticorum, & Improborum per omnes Provincias, quascunque chartis suis Geographia complexa est. Neq; verò tali proposito scopo, qualiscunq; alterius Instituti alumni, inferiores nos constituit, imò altioribus quibusq; æquavit; neque commisit, ut ullus Societatis hujus Alumnus hominū ulli, vel cum Elia in Carmelo degenti, vel cum Moyse Sinam habitanti posset invidere. Age enim, quodcunque celsissimum Christianæ vitæ genus, animo concipe, ex Anachoretarum montibus ad primos Angelorum Choros enitere: atq; ex eo culmine, ad primorum Confessorum Catacumbas, ergastula, & cavernas Martyrum, cogitationem ac studia demitte: non tamen invenies ullam vitæ conditionem, quam chariorem sibi Deus habeat, aut sancti

viri faciant pluris: Apostolico nimirum eorum scopo, qui aut sudant, aut loquuntur, aut scribunt, aut agunt, quò fidem nostram rudes edoceant, & peccantib⁹ Inferos pro concione recludent, ut, per illarum pœnarum cognitionem, eos ipsi obferent sibi, & ad consequenda parata innocentiaæ præmia seipsos exstimulent. Qui mihi fidem non habet, credet is, uti spero, Richardo de S. Victore, Theologo, aut omnium primo, aut certè nulli ejus, quâ vivebat, ætatis, secundo. Sic ille quadragesimo quarto capite Benjamin sui differens: Nullis quidem, inquit, Omnipotentia divina limitibus circumscribitur. Videtur mihi nihilominus, in illa favorû cœlestium immensitate, talis aliqua gratia eminere, quam ultra tendere beneficijs nequeat ille, cui in exhaustum est præmiorum ærarium. Fallor sinè dubio, cùm ità disputo: nam ubi nullus est finis, fieri non potest, ut sint ulla confinia. Attamen nullis inclusa terminis Dei Potentia illud: *non ultra*; exiguitati ingenij mei reipsa videtur

tur exhibere. *Nescio si potest homo aliquid à Deo in hac vita majus accipere; ignoro*, AN POSSIT HAC GRATIA MAJOREM INTERIM ALIQUAM DEUS HOMINI CONFERRE, QUAM UT EJUS MINISTERIO PERVERSI HOMINES IN MELIUS MUTENTUR; *Ut de filijs Diaboli filij Dei efficiantur.* Equidem haud dico, non esse; at me non videre confirmo, quodnam ministerij genus possit Deus, aut in ideis suis describere, aut in Ecclesia sua constituere, quod dignitate præcellat Evangelico Magisterio, quò perduelles Coeli, sacrarum litterarum tonitruis, percelluntur: Hæreticarum novitatum Auctores, Veteris Theologiæ syllogismis, refelluntur: blasphemi Crucis obtrectatores, ac temerarij conculcatores Decalogi, ad emendationem, ac pœnitentiam revocantur.

29. Quòd si Doctrina Richardi vim habet ac pondus, uti profectò habet, quis erit nostrum, qui cum se videat ministerio tam celso admotum, vocandi

nimirum mortales omnes ad Beatitudinis Regnum, & Christi sanguine redemptis Tartarum ocludendi; non penitus amore sui muneris exardescat, totumq; se saluti perfectioniq; consecret populorum? num in hoc dignitatis gradu positi, aut æstimare, aut cupere, aut cogitare aliquid possumus, præter emendationem, salutemq; animarum? atqui exclamat Bernardus, miserans pariter, & indignans: *cadit asina, & est, qui sublevet eam*: PERIT ANIMA, ET NEMO EST QUI REPUTET! Id ego non dico, licet possem fortassis; cum Operarijs Societatis evenire similiter queat, ut majora miserantis animi signa prodant, erga miserum aliquem vel grassatorum interceptum insidijs in itinere, vel in foro interemptum, quam præ se ferant, erga tot animas, quotidie strangulatas à Dæmone, & ad ultimam, dehiscentis Orci, crepidinem protractas. Illud certè vereor, nè Threni, quibus S. Abbas Præfulum quorundam, quibus major cura de Fundo, quam de Templo, dolor-

Lib. 4. de
 Confid.
 Tom. 13.
 127.

dolorq; acerbior ex inopia decimarum,
quàm è vitijs animorum in pejus ruenti-
um, detestabilem incuriam deploravit,
cadere in nos aliquo pacto possint; è
quorum memoria, vitæ, quam profite-
mur, dignitas proscribit res alias omnes,
quæ nobis non suggerant animas in vitia
præcipites, & Gentes errorum ac Schi-
smatum æstuoso Pelago submersas. Va-
pulant insolabilib9 lamentis aures meæ;
si quando proventum negarit Apulia, &
agri fefellerunt. Non autem affirmare,
perinde possum, videri à me omnium,
vultus mœrore dejectos, impatientesq;
solatij, ob tantam honestarum actionum
sterilitatem, & primævi fervoris, in no-
stri temporis Christianis, summam ege-
statem. Fieri proinde potest, ut non
neminem nostrum Bernardi fulgur per-
stringat, majorem acceptorum damno-
rum, quàm scelerum perpetratorum im-
patientiam, exprobrantis. PATIEN-
TIUS FERIMUS CHRISTI JACTU-
RAM, QUAM NOSTRAM. Supputa-
tur, accuratissimâ diligentia, quodcunq;

Ibidem.

cujuscunq; censûs intertrimentum; & in
Rationum libros refertur quælibet agri
spica : utrûm subinde pari sollicitudine
laboretur, ut cognoscatur, num auctus
Peccantium, & imminutus peccata sua,
damnantium-numerus, id ego illis scili-
cet expendendum relinquo, quorum est,
vel Evangelia interpretari, vel semet ac-
cusantes absolvere. Interim clamat Ber-
nardus: *Quotidianas expensas quotidiano*
reciprocamus scrutinio; ET CONTI-
NUA DOMINICI GREGIS DETRI-
MENTA NESCI-MUS. *De pretio esca-*
rum cum Ministris quotidiana discussio est:
rara admodum cum Presbyteris celebratur
collatio de peccatis Populorum. Quod de
dolore nostro hætenus, idem de lætitia,
dictum volo. Age, in rem præsentem
veniamus. Hodie ad primas Vesperas
Templorum nostrorum valvæ panden-
tur, &, in debitam grati animi signifi-
cationem, commentario inscribemus no-
mina Principum, ac Magnatum, qui
Beati Patris nostri ossa venerati sunt.
Ego quidem ipse gaudeo, si oblatus mihi
Cata-

Catalogus frequentes exhibeat, qui sacros triumphos Altarium nostrorum, præsentia suâ cohonestârunt. At quis syllabum texit eorum, quos nostri Sacerdotes peccatis expiârunt, aut numerû init Hostiarum incruentarum, quibus sunt iidem refecti: aut quos à vitæ licentia ad modestiam Parentis nostri exempla, è suggestu recitata, reduxerint? Avertat Deus, ut magnitudinem præsentis celebritatis metiamur, vel à peristromatis parietum, vel ab instrumento argenteo Altaris, aut à Symphoniæcorum harmonia, aut à frequentia Nobilitatis & populi, ad Domos nostras concurrentis. Illud verò foret longè deterius, si paucis illis exceptis, qui ad Dei tabernaculum, & ad Ignatij tumbam, positis genibus, iram divinam precum sanctitate mitigant, non exhorresceremus longè majorem numerum eorum, qui Sanctuarij Divinitatem, & Psalmodiam profanant, garrulitate, tam sonanti, ut obrundant aures precantium, & immedicabilem plagam inferant omnibus, qui ab exteris Gentibus

Ro.

Romam, Martyrum cineres, in Sanctæ Urbis Basilicis, adoraturi, venerunt. Non erant profectò Christi studia similia illis affectibus, quos in diebus nostris solemnibus experimur. *Latabitur in TE, & delectabitur, quasi pinguisssimam SOLEMNITATIS SUÆ Hostiam, SUSCIPIENS SALUTEM TUAM.* Et quamvis ea studiorum dissimilitudo non ad omnes, sed ad paucos pertineat, longè tamen absurdissimum foret, si vel unus inter Ignatij Socios esset, cui animus non deficeret, dum videt tantam, in tanta vulgi multitudine, erga præsentem Deum irreverentiam, & subinde maximis lætitijs incederet, dum undam se se prementis populi, aut celebritatem, quâ sacrificijs nostris præsentia suâ Nobilitas facit, contemplatur. Id quod in Templis nostris deploro, pari doloris sensu queror evenire Lycæis nostris. Ostentamus stipatas discipulis Academias, & sicubi nostrarum Præceptionum Auditores per myriades censentur, triumphamus scilicet. Atqui optarem ego, poti-

potior nobis esset cura modestiæ, ac pietatis eorum, quos scholæ nostræ erudiūt; cuperem, ut sicut labore nostro docentur subtiliter disputare, ita discerent dignā homine Christiano vitam vivere. Hæc illa causa est, ob quam ædium nostrarū spatia Legislator noster contraxit, nempe ut sapientiæ Theatra studiosæ juventuti laxaret. Voluit litterarum illicijs acerbæ illi ætati, Christi axiomata, & iræ divinæ terrores instillari. At verò, si vel frequentia, vel laudibus, quibus exedræ nostræ coronantur, acquiesceremus, quid nisi vile Pædagogorum officium, nimis alienum à consilijs nostris, nimisq; natalibus vestris indignum occuparemus? Quòd si nobis nobilitas, frequentia, profectusq; illorum, qui sub disciplinis nostris adolescunt, placet; displiceat sanè, offendátque, si minores in Divinorum observatione mandatorum, quam in humana Theologiæ, ac Dialecticæ scientia, progressus fecerint.

30. Si verò extra portas ædium nostrarum pedem protulerimus, & vel ad
pri-

privatorum atria, vel ad publica fora ex-
 currimus, quot, quantâque sunt ijs locis
 corruptelæ, quas nondum correximus,
 quarum tamen emendationem studijs
 nostris Instituti nostri ratio commenda-
 vit. Ipsius Oceani spatia immensa, quæ-
 dam veluti Hesebonis Piscinæ videri pos-
 sint, si peccatorum grandi illi diluvio
Eccles. 1. comparentur. *Et imminutio non poterit
 numerari* (ut est apud Ecclesiasten) cujus
 Oraculum in vulgatis Biblijs ita legitur.
Et stultorum infinitus est numerus. Ex-
n c. 1. Escl. clamat hoc loco Hieronymus. *Tantus
 Tom 2. l. 4.* est numerus seductorum, & eorum, qui de
 grege Domini rapti sunt, ut supputatione
 non queat comprehendi. Jam verò, quos
 Deus ad retinendos à lapsu, revocandós-
 que à vitijs homines vocavit, possuntne
 in tam lacrymabili calamitate, tantâque
 multitudine perversorum, deceptorum-
 que mortalium, non vehementissimè
 commoveri, non penitus ardescere;
 ut cadentibus manum porrigant, detra-
 hântq; in terram adversum cœlo verti-
 cem attollentes? Equidem Deus non
 vide-

videtur posse amplius aliquid, aut sublimius mortali homini conferre, quem semel ad revocandos ab interitu homines extulerit. Et nos, tam illustri Præfectura donati, pereuntes animas intueri sustinebimus, quin advolemus in earum auxilium, quibuscunque studiorum, commodorum, molestiarum, vulnerum, cruciatuum impendijs? & neglectis non minus commoditatibus, quam spretis, quæ fortè subeunda sunt, tormentis, accurramus: nè videntibus nobis offendatur Deus, & nè in exercituum nostrorum conspectu, Christi Crucem Lucifer agat in Triumphum, eo ferè modo, quo quondam Arcam Testamenti captivam rapuerunt Philistæi. Nec hîc ego audiam, qui opponat, non paucos à nobis, in dies ad frugem converti. Petam primum ab eo, qui sic differit, num ex illis ipse unus sit, quorum zelo atq; industriæ, numerum pierati redditorum, Ecclesia debeat? Subinde respondeo, non satis esse Christi Ministro, ut nè ille offendatur ab omnibus, nisi etiam ad unum omnes

omnes illum observent, adorentque. Hoc ipsum S. Joannes Chrysostomus, non dicam Religiosis in hoc natis, proprièq; Provinciarum omnium salutis dedicatis, sed planè toti Antiochenæ concioni proposuit. *Nemo mihi dicat, quòd*

*Hom. 13. ad
Pop. Antio-
chenum.*

multi correcti sunt: hoc non est quod quaeritur, SED UT OMNES. Quousque

hoc non video, respirare non possum. Mementote, inquit, Religiøsissimus Antistes, non esse satis, ut vivamus, eò quòd dimidia corporis parte membra vigent, nec in venis febris exæstuet, dum pars reliqua corruptis humorib9 oppressa vitales spiritus intercipiat. Multi correcti sunt: hoc non est, quod quaeritur, sed ut omnes. At erravi: cùm sanitatem in tanta corporis parte requirerem. Vel unius brachij gangræna satis, & plus quàm satis est: exulcerata manus sufficit; & hoc quoq; nimium est: sufficit infectus toxico digiti unius articulus, ut mortem inferat homini, cæteris omnibus membris integro, ac valenti: NAM SI VEL UNGUEM SOLUM offendentes

Ibidem.

tem

tem subvertimus, totum corpus condolet. Et satis nempe habebit desidia nostra, laudare in corpore mystico Ecclesiæ membrum aliquod non putrefactum: cum in tot alijs suis partibus ulcerum factore aërem inficiat, & horrore marcoris intuentes exterreat? Tam citò nobis exciderunt curæ, atq; itinera, quæ Summus Pastorum pertulit, cum ex centenis ovibus una deficeret? *Pastor ille centum oves habebat, & UNA AMISSA, non sentit, de nonaginta novem salute, delectationem.* Unus erat unicus è primis Christianis Corinthi homo impurus, qui lustra frequentaret; nihilominus acerbissimo luctu pariter & dolore Paulus fremebat, nec lacrymis ejus tot aliorum, integritas aut solarium afferebat, aut modum. *Apud Corinthios UNUS ERAT TANTUM fornicarius, & tamen tantum gemebat Paulus.* Nè igitur dicas, quòd pauci relictæ sunt, qui non sunt correcti. Quid? Tametsi omnes omnium gentium populos, orbemq; terrarum universum industria nostra Christo peperisset,

Ibidem.

novos nihilominus concupiscere debemus orbem, insatiabili quadam cupiditate inflammari, alios atq; alios Crucis cultores conquirendi. Eo nempe consilio, ut ea re charitatem Christi Jesu, quam licet, imitati, ejus pariter desideria injuvandis hominibus nullis unquam artatata limitibus exprimeremus, cujus nomen in nostris Insignibus præferimus. *Oculus ejus non satiatur divitijs, semper nostram cupiens salutem.* Jam verò nos, quos innumerabilis errantium multitudo circumfidet, contenti scilicet erimus, in tanta improborum hominum turba, exiguo choro illorum, quorum voces in Dei Laudes sermonibus nostris solvimus, & in semitas Justorum vestigia deduximus: dum interim ejus mandata à totis impiorum agminibus palam ac passim proteruntur. Heu me! hanc etiam ætate nostra per omnes angulos municipalium Urbium, & patentium pagorum vox illa personat: *Stultorum infinitus est numerus!* Nòsque interea, cum in culturam obstinatorum animorum

secre

secreti à Deo non essemus, somnos nostros placidè dormiemus, sinemúsq; cum summo quidem muneris nostri opprobrio, ut excubent scelera, Virtúsq; obsecratorum infrequentiam indice habeat opus? *Tantus est numerus seductorum* UT SUPPLITATIONE NON QUEAT COMPREHENDI. Credámne autem, fieri posse, ut qui hæc audit, hæc intelligit, multiplicatorum adeò scelerum horrore non obrigescat? nec simplici fulmine manus armet, quòd ad impietatis excidium rapiat. priusquam ultima Virtutis semina penitus elidantur?

31. Et profectò minùs immedicabiles forent cordis mei cruciatus, si tot inter ferventes Curatores Animarum, quòd degunt inter nos, viderem aliquem eam ob causam saluti proximorum oscitanter insistere; quòd res gereret ad famam illustres: quòd gravissimè momenti negotijs distineretur: quòd hilaritatis inaudita ludis, ac longè illecebrosissimis recreationibus indulgeret. Illud verò dolore me conficit, non tam quòd non

nemo Alumnorum Ignatij negligat animas, quàm quòd eas ob rem nihili negligat. Non sunt absimiles lacrymæ meæ querimonijs Augustini, qui nullum finem faciebat extinctū in Popularibus suis divinum amorem deplorandi, quem nimirum non Babylonica flumina pomparum, deliciarum, Principatuum, Imperiorum, sed vanarum solitudinum, & sordidissimi quæstūs tenuissimæ stillæ oppresserant. Atq; eam ob rem in has

*In Psal. 79. voces prorupit. Quid amas, ut Deum
Tom. 12. 298 non ames?* Ignosco propemodum Julio

Cæsari, quòd mundi Conditorem non amârit, utpote qui toto mentis affectu ad subjugandum Septentrionem, & Romanum Imperium occupandum rapiebatur. Ità Sardanapalum pœne absolvo, cujus animo Dei memoriam expulerunt innumerabiles voluptates, quæ tot Orientis Regna ferinis ejus cupiditatibus tributaria fecerant. At verò vos Hipponæ Cives privati, quo pretio inestimabilem gemmam charitatis in Christum vestræ divenditis? Alius cum pe-

dibus

dibus premit, ob aspectûs unius licenti-
am: alius à se illum abjicit, ut injuriam
aliquam persequatur: alius ignominiâ
illum afficit, ob paucarum mercium ra-
pinam. Est, qui eum inaspectabili cru-
ci suffigat, vel desiderio vindictæ nun-
quam consequendæ, vel cupiditate rei
nullis unquam rationibus obtinendæ.

QUID AMAS, *ut Deum non ames*? Hoc
ipsum scilicet unicuique nostrorum homi-
num objicio, si quis fortè in Apostolica
procuracione Animarum se gereret re-
missius. Quæ denique res est, aut tam
grandis, aut tam honorifica, vel illece-
brosa; quæ à frontibus nostris coronam
Apostolatûs revellat? Equidem oculis
nostris amphitheatra nō patent: Trium-
phi, vitæ nostræ generi, non conveni-
unt; Honores à nobis Vota nostra pro-
scribunt: Venatio, Lusus, Epulæ, Divi-
tiæ in ædibus nostris sunt sinè nomen-
claturâ. Superest igitur, ut vel inutilis
libri lectio, vel otium familiaris collo-
quij, vel visitationis infructuosæ evaga-
tio, vel deambulatio per plateas populo

frequentes, illa demum sint, quæ nos à divinis expeditionibus, à peccatoribus emendandis, ab erudiendis populis abstrahunt. *Quid amas, ut Deum non ames?* & nè illius imperium per novas regiones ac ditiones proferas? Ah nimium carò staret ignavis, furtivum, à zelo nostro, transfugium!

32. Id ego de istorum fuga dicere possum, quod de aliorum luxu Zeno. Intraverat vir sanctus Cræsi cujusdam palatium, dùmque in cœnationibus & conclavibus, quæ tantum Patritium accipiebant, aulæa ductili auro texta, scrinia gemmis distincta, abacos sub argento gementes, parietes picturâ illusos, pavimenta strata tapetibus alij mirarentur, attonitus exclamavit: Proh! quot ego animarum funera, in heteromallo atque auro tumulata conspicio? quæ vos immortis oculis intuemini. Tam vani luxus pretio innumerabiles apud Barbaros miserrimam servitutem serviendum turmæ redimi poterant, & à longæ mortis supplicio liberari; quotquot
ine.

inediâ confecti sua corvis cadavera sub
dio reliquerunt. Manifestum id pro-
tinus fieret, si apparatus, à Cruce Christi
tam alieni, divenditi pretium erogare-
tur in eos, quorum pudicitia paupertas
insidiatur, vel quos victûs vestitûsq; ino-
pia ad desperationē adigit. O QVAN-
TARUM NECES ANIMARUM IN
PHALERIS PENDENT!

*cujus orna-
mentum si solvas in pretium, distribuâsq; Just. Tom.
necessitatibus singulorum, ex eorum respi- 13. 17 l.
ratione cognosces, QUANTORUM
MALO ILLE CONSTET ORNA-
TUS. Hæc tamen omnia, quæ à Zeno-
ne dicta sunt, pauca videbuntur Ambro-
sio audientibus; quî vanorum orna-
mentorum pestem, editamq; ab ijs stra-
gem non aliquorum solûm excidio defi-
nivit; sed palàm professus est, in uno
Prætoris alicujus aut Consulis annulo
immensam aridorum ossium struem
concludi, & integras miserorum Colo-
nias per inhumanam barbariem in re-
splendenti gemma sepeliri. Infelix, in
cuius potestate est, tantorum animas à*

*Cap. 13. de**Nabuch.**To. 10. 236,*

morte defendere, ET NON EST VOLUNTAS! TOTIUS POPULI VITAM, POTERAT ANNULI TUI GEMMA SERVARE. Id ipsum scilicet Auditoribus meis objicio, eoque; acerbiori doloris sensu, quod illinc quidem in sumptuosæ avaritiæ feralibus suggestis non nisi verminantia corpora deploremus, hinc verò Animas à Culpa, negligentium operariorum culpâ trucidatas, & per eorum incuriam maxima regna vel in tenebris Idololatriæ, vel scelerum contagione destituta universa Cœlestis Respublica deploreret. Quemadmodum igitur hominis gloriosi adamas. reus est omnium, quoscunque; per compita fames confecit, sic omnes nostras Salutationes inutiles, omnia injussa studia, relaxationes omnes, quas nec prudentia, nec Leges probaverint, reas produceret Tribunal Christi, condemnabitque; jacturæ omnium earum gentium, quæ per eas horas, quas otium nobis abstulit, fuissent à nobis vel privatis colloquijs eruditæ, vel adhortationibus publicis persuasæ, vel sacrâ ex-
homo-

homologesi expiata, vel editis in lucem libris vitæ dedoctæ; & ad perfectam vivendi rationem institutæ. *O quantarum necesse animarum in Phaleris pendent!* In ipsis etiam Domibus nostris, nisi flagra- ret zelus, qui per Dei gratiam in hanc usque ætatem ardere perseverat, vel ipsos etiam Angelos pallore tot funera suffun- derent, quæ Mundi Reparator illius de- sidii imputaret, qui peccantium saluti non providit in tempore. Deum im- mortalem! quantus numerus defuncto- rum gratiæ viveret hodièque ac Virtute vigeret: si, qui vel inter magnarum ædi- um fumos, vel inter afflatos à Magnati- bus odores, tot bonas horas perdit, eos ille perdocendis ab omni aliorum auxi- lio destitutis, aut improbis hominibus salutari timore percellendis impende- ret. *Totius populi vitam poterat annuli tui gemma servare.* Id autem animad- verti ab omnibus velim: non licere jam nobis per vitæ nostræ genus, velimusne spirituales proximorum salutem pro- movere, necne. Postquam enim nos

Deus ob eam maximè causam à profana
vivendi consuetudine secrevit, ut Evan-
gelium propagaremus, & vitia extir-
paremus, severam à nobis semper
rationem exiget eorum, qui à nobis non
emendati Tartareo Draconi in prædam
cessere. Et profectò videtur mihi Deus
Anachoretas Appeninicolas, & Carthu-
siarum Alumnos sic alloqui: Pascite sa-
nè vos lacte Psalmorum, & melle Silen-
tij, nec vos moretur tot facinorosorum
hominum extrema necessitas, qui vel per
impietatis abrupta, vel in Barathrum
damnationis æternæ quotidie devol-
vuntur: hanc enim curam Ignatij Fi-
lijs demandavi. Istos, Servatoris Gen-
tium nomine sumpto, & omnibus alijs
functionibus, ipsâ etiam Psalmodiâ, ex-
solutos, vacare huic rei propriæ leges ju-
bent, eaque privatim eorum provincia
est, ut Filio meo Collegæ additi delin-
quentes emendent. Præ nobis certè
nemo majorem rationem à Deo postu-
labitur eorum animorum, qui pietati
non renascuntur; quoniam nullum
æquè

æquè cœtum paribus privilegijs ornârunt Christi Vicarij, & à ritibus Ecclesiasticis exemerunt, eo solùm nomine, ut tantò expeditiùs spiritualibus commodis mortalium omnium nos commo-
daremus. Quippe si quinq; Virginibus illis liliorum fragrantia satis non fuit, quòd lucernarû eas splendor deficeret, quid nostrûm aliquo futurum esset, qui sui muneris oblitus incolumitatem animarum in postremis curis haberet? *Et si namq; Virginitatem serves,* CHARITATEM NON HABENS, *extra sponsi thalamum manes.* Per nos olim steterat, ut hujus militiæ Regnorû omnium potissimùm utilitati consecratæ signa sequeremur; At postquam à tot annis, & stipendia capimus, & in Christi tentorijs habitamus, urgentissima necessitate premimur, Jesu & Ignatij, Ducum nostrorum, Apostolicis legibus, pugnando, suadendo, moriendo, parendi. Id si præstemus, quælibet nobis in præsens & futurum præmia tutò polliceamur: at quoque gravissima, vel in hac vita
time

*Hom. 34. ad
Pop. Antio-
chenum. To.
20. 160.*

timere pœnas debemus, si contrâ, quàm faciamus, negligenter altissimum Institutum nostri Magisterium obeamus.

33. Tam infelicem desidiam nisi strenuè excuteremus, malè profectò tum Disciplinis nostris, tum rei familiari ominarer; quibus nos tam copiosè Divina Clementia, & ornavit, & instruxit. Evénire nobis nimirum posset, quod Sanctulo accidit, cujus vitam ac miracula tertio Dialogorum suorum libro Gregorius Pontifex recenset. Vastatâ Gothorum armis S. Laurentij Martyris Basilicâ in agro Verano, Sanctulus inculpatæ vitæ Sacerdos, Architectos, operâsque ad instaurandas ejus templi ruinas convocavit. Cùmq; commeatus alendis tam piæ molitionis ministris eum deficeret, tam diu se in omnem partem versavit, donec in desertum alicubi furnum incideret, in quo ingentis magnitudinis panem reperit, nive lactéque candidiorem; eum extemplo inter fabros dividit; atq; hi quò avidiùs Angelicâ illâ annonâ se pascebant, eò magis mirabantur absumpti

pti panis, reliquias augeri. Videbantur
eorum dentes in aratra prodigiosa mu-
tati, frumentum multiplicare, ut vitam
tolerarent, dum eum minuerent, ut mor-
tem arcerent: *Ac si fragmenta panis illius*

PER ESUM CRESCERENT, & *cibum* Dial. l. 3.
cap. 37.
To. 35. 421.
comedentium ora repararent. Subinde

quemadmodum paulatim labor, ita pro-
digium defecit. Ad eundem planè mo-
dum Nos quoque, quos Christus ad Ec-
clesiæ suæ instaurationem vocavit, com-
pluribus extructis ædibus, Academijs in-
stitutis, Collegijs annuo censu dotatis,
donati ab ipso fuimus; & à seculo, &
quod excurrit, quanto sumus auèti nu-
mero, tantò ampliora subsidia à Benefi-
centia Principum, pietatèq; Populorum
necessitatibus nostris sublevandis acces-
serunt: *Ac si fragmenta per esum CRES-*
CERENT: & cibum comedentium ora
REPARARENT. Avertat verò Deus,
ut laborem remittamus, nam si nos ma-
num ab opere, suam pariter Deus ab usi-
tata sua liberalitate retrahet. Haud equi-
dem sum ignarus, tantas rei familiaris
angu-

angustias, quibus ubiq; gentium conflātur, soli præsentium temporum calamitati, quæ magnam Europæ partem premit, adscribi oportere. Nihilominus abs re non erit, perscrutari minutiùs, utrùm communis calamitas non aliqua ex parte arcessatur, à zelo in nostrùm aliquo minùs fortè, quàm olim, ardenti: utq; vereor futurum, nè deficiente Charitate, animarum avida, deficiant pariter corporis alimenta, sic timerem nè scientia quoq; collabesceret, si quìs inter nos, nobilissimi hujus præmij coronâ reperiretur indignus. Nemo est, qui non videat, quantopere Deus in hanc usque ætatem, voluminibus editis magno numero, quæ nostri Scriptores eruditionis, ac Doctrinæ tam multiplici genere vulgârunt, eo applausu Orthodoxorum, & Summorum Pontificum approbatione, quam nos quoq; ipsi, cum summo quidem pudore, quo nos tanta benignitas afficit fateri debemus; minimum hunc Cœtum illustrare voluerit. Vix jam Bibliothecæ satis laxæ sunt Scriptorum nostro-

strorum operibus capiendis. Nihilominus si tam præclaræ facultatis usus in profectum animorum parcius dispensaretur; exclamaret Sapiens: *Sapientia abscondita, & thesaurus absconditus*, QVÆ UTILITAS IN UTRISQUE? At enim tonitru longè vehementiore Academia-
rum nostrarū fundamenta concutit Hildebert⁹ Turonensis Episcop⁹, qui quemadmodum haud vulgaria Sapientiæ ornamenta promittis ijs, qui eam ad emendandos animos conferunt, sic sterilitatem illustrium Scriptorum & bonarum artium interitum ominatur cœtibus illis, qui satis habent sese inter comparatæ doctrinæ splēdores circumspicere; quin eruditæ lucis, quâ divinitus illustrantur, radios in proximorum emolumenta derivent. *Scientia distributa suscipit incrementum, & avarum dedignatur possessionem*: NISI PUBLICETUR, ELABITUR. Quapropter ille, cūmq; illo & ego, concludimus necessarium prorsus esse, ut in Hæresibus coarguendis, explicandis litteris sacris, erudienda juventute,

ter-

Ecc. 41.

Epist. 1. To.

13. 229.

terrendis peccantibus, sacris Institutis confirmandis, omnes corporis animiq; nostri vires expromamus, nisi lugere velimus in Societatis nostræ terrestri Paradiso copiosum illum fontem exaruisse, qui quatuor in orbis partes diffusus, influente Numinis largitate, omnes toto orbe Provincias Doctrinæ vitæq; sanctitate irrigavit. Quòd si autem vel minimum, hic alios juvandi ardor intepesceret, continuo Hæredibus orbaremur, qui à Bellarminis, Clavijs, Patavijs, Maldonatis, Salianis, Pinedis, Lessijs, Vasquijs, Suarijs, & toto illo prolixo Catalogo doctissimorum Virorum, quos primo Societatis nostræ Seculo nobis antecessores dare Deo visum est, traditam sapientiæ lampadem acciperent. *Noli ergo claudere rivos doctrinæ tuæ, sed juxta Salomonem deriventur fontes tui foras, & aquas tuas in plateis divide.* Exercitationem atque usum postulant sapientiæ thesauri, nè cum nostro ipsorum damno illius venam nobis obstruamus.

34. In qua exercitatione non acquiesco,

ſco, ſi noſtræ Societatis Sacerdotes illos
duntaxat excolant, inter quos verſan-
tur, niſi tantam quoquè zeli vim exfe-
rant, ut abſentes quoq; ſolâ nominis ſui
famâ cohibeant à lapſu, & in ritè factis
confirmant. Si quis enim Evangelicâ
prædicatione Auditoribus tantum ſuis
proſit, non eſt is Chriſti Apoſtolus,
nec dignus Ignatio Alumnus. Nar-
rentur oportet ab Auditoribus noſtris
axiomata, quæ de Cathedris noſtris au-
dierût, eaq; paſſim per cõpita & in una-
quaq; Urbis domo recitentur: ſitq; expo-
ſitum à nobis Evangelium tanquam di-
vinum quoddâ fermentum, quod totam
maſſam condiat Emporiorum Chriſtia-
norum; ut adeò Doctrina noſtra non
minùs ab aliis relata, quàm audita ex no-
bis, animam animabus inſpiret. Ità
profeſſò contigit ad Niniven, in cujus
foro concionatus Jonas tanto impetu ac
ſpiritu dixit, ut continuò, quas intenta-
verat, minæ in regia narratæ thronum
tinere, Regem ſacco obruerint. Cla-
mavit & dixit. *Ninive ſubvertetur.* ET

K

PER-

Joann. 34

PERVENIT VERBUM AD REGEM

Ninive. Non quidem Jonas, inquit Rupertus, in Regiam penetraverat, sed ejus verba illic narrata Regnantis Principis manibus sceptrum, & capiti diadema excusserunt. *Pervenit verbum ad Re-*

gem Ninive. Non dixit ET PERVENIT JONAS, *sed pervenit verbum ad Regem.*

Lib. 2. in c. 3. Ion. 20. 1. 179. Neq; Paradoxum videatur, quòd ego à successoribus Apostolorum id exigam, quod Apostolus à Neophytis Thessalonicensibus impetravit. En vobis verba, quibus abrogare fidem impium sit. *A vobis enim* PERTONUIT VERBUM Domini (sic enim S. Chrysostomus legit)

1. Thess. 2. 8. *Non solum in Macedonia, & in Achaia, sed in omni loco Fides vestra, quæ est ad Deum, PROFECTA EST.* Eum in modum, ait Os aureum, quo moschus aut electrum non tantum vasi, quo aservantur, odorem suum impertiunt, sed odoriferos halitus totis regiarum ædium porticibus diffundunt, imò fragrantia suæ delicias etiam foras proferrunt: sic doctrina, pietasque verorum

Dei

Dei servorum dedignatur proximos so-
lūm, ac familiares illuminare, nisi pro-
cul etiam degentibus emendationis vitæ
semina & Charitatis igniculos transmit-
tat. *Quemadmodū unguentum odoriferum* Hom. 2. in
fragrantiam suam in se ipso Ep. 1. ad
NON DETINET, sed protinus EAM EMITTIT: Thes.
itā PRÆCLARI VIRI famā suā multos Tern. 51. p.
juvant, & meliores reddunt.

Sanè ipsos quoq; Catechumenos Ido-
lolatris, quibus cum versabantur, saluta-
rem impietatis suæ poenitentiam inje-
cisse, & Christianis Alpes ultra, & trans
maria colentibus animos ad Martyrii
palmam fortitudinis suæ famā constat
addidisse. *Doctrinā itaque & Eruditio-*
ne vicinos quidem omnes replevistis: **AD-**
MIRATIONE VERO IPSUM OR-
BEM. Num igitur de Religiosis jam
olim in Domo Dei versantibus, totque
annorū spatio in sanctitatis schola eru-
ditis non dicetur id, quod Apostol⁹ lit-
teris consignare potuit de illis, qui ab
Idolorum cultu ad veri Dei agnitionem
nuper admodum transierunt? Equi-

Ka

dem

dem mortalium miserrimi essemus, si qui nati in Ecclesiæ gremio, in Societatis divinis planè legibus constitutæ, tam à sapientia celebratæ, tam sanctis hominibus illustratæ, refertæque adeò viris omni virtute spectatissimis, sinu educati sumus, iis loco ac palmâ cederemus, qui ortu Idololatræ, & vix dum à lustralibus Baptismi aquis sicci, nobilitârunt patriâ, & Mundum illustrârunt clarissimis exemplis egregiæ pietatis, & fortitudinis in mortē expeditæ? foret autē ille, plus quàm credi posset, longè miserior, non miserabilis quidem, aut miseratione dign°; qui in tanta frequentia laboriosissimorū Operariorū Evangelicas Lampades quaquaversum circumferentium, sive cū Gentibus salutis præcepta divulgant, sive cū Cæli perduellium corda conterunt, non ardentem facē, sed vel fuliginosum titionē non nisi vanissimo ambitionis, & excellentiæ propriæ fumo gravem, aut cassam arundinem, quam semper ex ancipiti stolidoque humanarum promissionum eventu pendentem
omnis

omnis auræ afflat⁹ agitatur, manu præferret, aut caducum florem desidis vitæ, contentæ virenti gramine studiorum, curiosorum, nec emicantis ad illuminandas tot regiones, populósq; qui Dæmonū irretiti vinculis in tenebris sedent mortiferæ cæcitatís. Atq; ille profectò à scopo nostro nobis præfixo toto cælo aberraret; nec unquam id Deus faxit, ut inter Asseclas Francisci & Ignatii Alūnos vivat, qui nō sustulerit ardentē Zelo faciem, quam nulla ærumnarum, nulla adversitatum, immensa licèt, æquora extingvant. Id nimirum animum meum gaudio perfundit, quòd datum à Christo consilium, ipso expressum opere ab unoquoq; vestrū aspiciam: *Et Lucer-*

*na ardentes in manibus
vestris.*



EXHORTATIO IV.

In Pervigilio S. IGNATII.

Sint lumbi vestri præcincti & Lucernæ ardentes in manibus vestris.

LUC. 12.

Zelus animarum à sui afflictandi studio seiunctus, aut nihil omnino agit, aut quavis agat, parum proficit. Quare Christus Apostolis primò Cingulum, dein Lucernas commendavit, idque non verbis modò, sed etiam factis: cùm differret quietem, subiret incommoda, periculis occurreret, ita duntaxat ut quàm plurimis salutē afferret. Paulus quoq; Apostolus Dominum ac Magistrum suum sequutus, propria semper incommoda alienæ salutis procurationi coniunxit, eò se

cō se potissimū convertens, ubi res erat plurimis ærumnis, atque periculis exposita. Idem primi nostri PP. præstiterē, avidissimi non pœnarum minùs, quàm animarum. Hoc ipsum pariter agunt Missionarii nostri, cū in utrisq; Indiis, tum etiam in Europa. Hoc & ipsi faciamus Pauli scilicet Discipuli, Ignatii Filii, Fratres illorum, qui tanta tulerunt, feruntque etiamnum, ut peccatores ad sanctitatem Vitæ, & Barbaros ad Fidei veritatem adducant.

35. **V**erbis hisce numero quidem paucis, sed Mysteriorum plenis, omnia Instituti nostri, & cujuslibet alterius à nostro non abhorrentis volumina, veluti compendio, continentur. Sacrorum quippe Coetuum, qui propriæ vitæ sanctitate non conten-

ti, ad procurandam insuper alienam incumbunt, universa demum Perfectio in eo versatur, ut ardentibus Lucernis instruantur manus, & animus pariter ac corp⁹ arctis veluti nodis adstringantur: quod ipsum scilicet hodierno in Evangelio Christus commendavit, geminas ejus, qui Apostolicum munus profiteatur partes esse dictitans, studium ardentissimum animarum, & implacabile bellum cum naturæ cupiditatibus susceptum. *Sint Lumbi vestri praeincti, & lucernæ ardentes in manibus vestris.* Et sanè duo hæc sibi adeò mutuo nexu illigantur, faces nimirum Apostolicæ, & sacra Cingula, ut, si quando ista laxari vel dissolvi contingat, illas continuò extingui, aëremque, quæ cælesti luce irradiare debuerant, graveolenti fumo replere necesse sit. Flamma quippe, splendorq; harum Lucernarum pender ferè ab asperitate zonarum, quæ sicut à Christo primo loco laudatæ sunt, ità radios quoque lampadum antevertunt: cum nequeant istæ nostris in manibus fulgere, nisi lumbos

bos illæ nostros constrinxerint: neque
ulla sit vel industria, vel doctrina ad per-
movendos animos satis efficax, nisi cu-
piditatum victoria, fugæque commodorum,
& vigorē nobis adjiciat, & addat
auctoritatem. Hæc igitur causa est, quod
Seruator noster de comprimendis nos
prius cupiditatibus admonitos voluerit,
antequam radios juberet diffundere.
Primum enim inculcavit, *Sint Lumina
vestri præcincti*: ac deinceps subjunxit:
Et Lucernæ ardentes in manibus vestris.
Neque alia S. Ignatii Fundatoris nostri
ratio fuit: dum, quos huic atq; alteri Or-
bi convertendo destinavit, eos ex alieno
nutu pendētes, & ad omnia peræquē pa-
ratos, nec modò rebus omnibus, sed &
cupiditatibus vacuos, planēq; dominos
ac debellatores à se optari suis in Cōsti-
tutionib⁹ significavit; ita nimirū ut locis
omnib⁹, & omnib⁹ horis inextinctā quā-
dam afflictationis propriæ siti ardere-
mus, & ejus quidem tantæ, quantam o-
mnino nobis suggerere odium nostri, &
vitæ hujus exilium suppeditare possit.

Voluit nos à patria, à necessariis, à magistratibus, atq; honoribus etiam sacris remotos, verbo à rebus omnibus, quæ vel animum gloriâ, vel voluptate corpora, possent afficere. Ac quidquid nobis præscribit, ut in Præcones Evangelii, atq; in Apostolos effingeret, non segnius ipse præstitit, priusquam in aciem prodiret, & æternam mortalibus gloriam suppliciaq; nunciaret. Eum namq; in finem se in speluncam abdidit Manresæ, ubi sacco malè tectus, ferreis catenis cinctus, detecto capite, nudis pedibus, lacrymis perfusus & sanguine, noctes ardentissimis precibus junxit, plures continuos dies sinè cibo potuq; transegit, neq; alio subinde levamento, quàm aquæ hâustu, ejusque dimensæ, modicòque pane inediam solvit. Indè post annum torinter ærumnas exactum prodiens in apertum, famularem operam Nosocomiis impendit, pernoctavitq; in plateis; maledicta & verbera ab effræni turba pertulit, nautico pane, corrogatisq; mēdicatō leguminibus vitam toleravit, mare
finè

finè Viatici præsidio transmisiſit, nudis plantis, ac quovis mendicabulo egentior luſtravit Palæſtinam, Alpes ſcipione nixus ſuperavit, neq; aliâ ſupelleſtile inſtructus ad iter, quàm cucurbitulâ, quâ frigidam hauriret. Hic idem per hyemis algores concreto in glaciem ſtagno ſe collo tenus immerſit, ut exortam in, malè ſani juvenis pectore libidinis flammam reſtingueret. Rurſum expoſuit ſe ſe virgis Academicorum, ſtriſtis cupidorum hominum pugionibus, Diris atq; maledictis eorum, quos vel arguerat, vel conſurârat, furiis demùm hæreticorum, quos impugnaverat. Parùm vel nihil hætenus dixi. Eò uſq; Ignatii Zelus ac tolerantia proceſſit, Lampades ſimul ac Zonas ſociantis, ut æternæ quoq; gloriæ ſecuritati renunciare non dubitârit, verſariq; diutiùs, vel cum ſalutis ſuæ periculo, inter ærumnas prolixæ hujus mortis dicam, an vitæ mortalis? optaret: dum interea daretur aut ſchiſmare ab Eccleſia abſtractos, aut ſuperſtitione deluſos, cum Deo in gr̃tiam reducere.

Ad
ſum-

summam: omnibus omnia factus, & sibi nullus; adeò arctè tum in his, quæ ad naturæ necessitates, tum in illis, quæ ad Gratia decora pertinent, cinctu se illo adstrinxit, quem nobis hodie Lucas commendavit. Idcirco videmus utrumque polum non verborum modò, præceptorumque, sed exemplorum quoque splendoribus ab eo illustratum. Ad parendum itaq; monito huic Evangelico, imitandumq; paternum exemplum, omnes ego hodie Ignatii Filios excitare conabor, oblati unicuiq; Lucernis, atq; Cingulis: contendamq; adeò, verum ac proprium animarum studium illud demum fore, si ejus rei gratiâ quævis incommoda devorentur, sic ut neq; valetudini, neq; vitæ ipsi pro salute populorum parcamus. *Sint Lumbi vestri præcincti.* En! Incommoda catenata: *Et Lucernæ ardentes in manibus vestris.* En Zelum! qui illuminet, atq; accendat.

36. Atq; iste quidem Zelus adeò proprius est ejus, qui humani generis Servatorem propius sequitur, ut dici, haberi-

beriq; ejus Discipulus haud quaquam
possit, nisi qui desideriis animarum pec-
cati vinculis exsolvendarum, & revocan-
darum ad Crucis vexilla Gentium me-
tam nullam, modumq; posuerit. Id sanè
Paulo Apostolo à primo usq; Conversio-
nis suæ tempore solemne semper fuit,
immensâ scilicet cupiditate flagranti,
quò non pauciores Ecclesiæ adjungeret,
quàm ejus antea inimicus, quâ falsæ do-
ctrinæ toxico, quâ intētati supplicii me-
tu abstraxisset. ET CONTINUO *in*

Synagogis predicabat JESUM, quoni-
am hic est Filius Dei. Atq; in hoc opere
sic animum ardens Neophytus fixerat,
ut non aliud dies noctesq; ageret, cogi-
tarēve, quàm ut Crucifixi gloriam latif-
simè proferret, ac Propheticiis lumini-
bus plurimas Orbis provincias impleret,
quas lethales antè dominantium erro-
rum tenebræ oppresserant. Interea ta-
men dum fluvios hujus rei causâ trana-
ret, sulcaret maria, Caucasos superaret,
vastas solitudines peragraret, exciperētq;
alibi saxorū in se ruentiū grandinē, alibi

18. 9. 20.

vir.

virgas pateretur & compedes, nullum devitans periculum, quò Evangelio, cujus se Præconem meminerat, & reverentiam conciliaret, & populos subiceret; nescio quì factum sit: ut abjectissimo subinde metu dejiceretur adeò, ut nisi, Spiritu Sancto dictante, sacris id Annalibus consignatum esset, vel Poëtæ alicujus figmentum, vel invidentium calumniam facilè censeremus. Primum enim, nè Judæorum potestati tradere-
tur, supplex Tribunis accidit, & Custodes suos infimis precibus obsecrare sustinuit. Tum sportâ conclusus è Damasci mœnibus se demisit, tantâ cum Apostolicæ constantiæ injuriâ, ut in hanc usque diem omnes, qui ad eam fugam advertunt animum, tam ignavus timor haud mediocriter offendat. Demum ut Proconsulis secures à cervicibus suis averteret, ad Romanum Tribunal provocavit, & causæ suæ judicem Neronem legit, illud regnantium probrum, Hydram illam omnibus è flagitiis constatam, Quam ob rem Joannes Chryso-
sto

stomus: *Qui calum despiciebat* (inquit) *ac Angelos, quo tandem pacto hac præsen-* Homi. 7. de laud. Pauli
tia diligebat? Igitur cujus rei gratiâ ista Te. 37. 181.
faciebat? En tibi tam abstrusi Ænigma-
 tis Oedipum! effugiebat Paulus mortē,
 eò quòd sibi vitam relicturus videretur
 nimium paucis ad eam diem Nationi-
 bus subjugatis. Me miserum! (excla-
 mabat generosus & sitiens Animarum
 bellator) tot à Christo redemptæ sunt
 Gentes, quotquot & ante ejus mortem
 fuerunt, & ad Mundi usq; finem futuræ
 sunt ubiq; terrarum. Ego verò ejusdem
 Apostolus de vita discedam tam paucis
 adhuc populis Christo submissis? non
 sinam, non committam, ut tam paucis
 laureis coronatus ad Superos transeam.
 Quin ergo me sporta clauditis, atque è
 Damasci muro ad fugam dimittitis? Ex-
 cubias pecuniâ corrumpite, precibus
 Centuriones conciliate: appellemus ad
 Cæsarem. Sit licet Nero, qui Romæ
 dominatur, illum ego judicem postulo,
 tantum ut vitam protraham, pluresque
 mihi liceat Christianis signis succentu-
 ria-

riare Professores Fidei, & Sectatores virtutis: *Cujus rei gratiâ ista faciebat?* Procul dubio, ut diutiùs PRÆDICATIONI INSISTERET: *metuebat, nè pauper HINC, atq; inops MULTORUM SALUTIS abscederet.* At enim, quo tempore Cæsaris sceptrum Judicio interponebat, jam Arabiam converterat, Palæstinam erroris convicerat, Syriam oratione perculerat, sacraverat Asiam, Macedoniam illustrârat, erudiêrat Peloponesum, Illyrios percurrerat, Ægei maris Insulas prodigiis suis obstupescerârat, Cypri & Cretæ Regna optimis Præsulibus firmaverat, & (si antiquis Hispaniensium Ecclesiarum Traditionib⁹ credimus) tot illa Regna & exercitas bellis Gentes Christianæ mansuetudinis jugo subjecerat; eum deniq; se præstiterat, ut licuerit Ecclesiæ divinas inter laudes illud decantare, quod universum Mundum Pauli Apostoli prædicatione docuerit. Jam verò, quî fieri potest, ut qui hæc audit, hæc legit, vergente licet in senium ætate, breviq; adeò migraturus, par-

partem ullam quietis capere possit, nec exardescat, cum & in Societate Apostolorum socia vivat, & fortè ad hunc diem, nè tot quidem animas ad vitæ sanctitatem adduxerit, quot Paulus Regna, quando nondum audebat è vita excedere, nè in conspectum populis à cultu saxorum ad SS. Triados adorationem, industriâ suâ traductis incomitatus veniret? *Metuebat nè* PAUPER HINC *atque inops multorum salutis abscederet.* Vel dimidiam Orbis terrarum partem, erudisse veris Apostolis parum videtur; & erit aliquis Apostolici muneris Vir abundè secum contentus, mortemq; intrepidus oppetet, qui nec infrequentem deserto in littore pagum inter Zeli sui trophæa numerare possit? Quòd si ità essemus animo comparati, fatendum profectò foret, vel non satis nos agnoscere, quantum Deo debeamus, vel Apostolicorum operum dignitatem non satis æstimare. Zelus itaque, zeli nomine, indignus est, nisi laboribus, splendoribusq; suis à sexcentis urbibus, ab innu-

meris populis, ac universo propè hominum genere tenebras errorum dispellere contendat. *Metuebat nè pauper hinc, atque inops multorum salutis abscederet.* Ille nimirum, quem stipabant Ephesii, circumdabant Corinthii, Philippenses, Galatæ, tot deniq; Christianorum Ecclesiæ, quæ ab ipso edoctæ cervices suas Evangelicis Legibus submisere. Proh! Istæ demum faces sunt ardentes, atq; lucentes; Optare nimirum, procurarèq; pro viribus, ut Christi jugo subdantur, quotquot omnino mortales cælo reguntur.

37. Neq; tamen his facibus contentus fuit Pauli ardor, nisi majorem illis adjungeret à zona splendorem, quâ sese ad id opus accinxit. Erudire nimirum ac Cœli regno adiacere Urbes cupiebat, sed eas præ cæteris, ubi nūquā adhuc veri Numinis nomē sonuisset: concionari populis; sed illis potissimum, quib⁹ nullus dū apex Legis Novæ fuisset expositus. Auditores quærebat publicandis fidei capitibus planè novos, quibus nulli etiamnum alii pro-

priores Evangelistæ ruditatem detraxissent : quò nempe fieret, ut dum illi tantæ rerum vocumque novitati repugnant, quippe quas hætenus nè auditu quidem percepissent ; tantæ præterea difficultati præceptorum, quam nullus adhuc usus mitigasset ; consiliis demum usq; adeò arduis, quæq; ab humanis affectionibus plurimum abhorrent, & cretam istam, quâ tegimur, imò constamus, mirum quantum superarent ; ipse in se prudentum hujus seculi convitia provocaret, & omnes profanorum hominum iras in caput suum averteret ; unusque adeò gemeret inter vincula, & verbera furentium Barbarorum. Testatur hoc ille in Epistola ad Romanos, ubi ait cupere se quidem Christi Colonum esse, verum inter horrida, & densis impedita vepribus memora, non autem in viridariis multo flore ridentibus, & copioso melle stillantibus. *Certans Evangelizare,*

UBI NON EST NOMINATUS C. 15.

CHRISTUS. Ad quas voces attonitus Homil. 19.
in c. 11. ad
Rom.
des, To. 42. 182.

*des illuc accurrentem, UBI PLUS ERAT
LABORIS, ubi plus erat sudoris.*

Tam rigida virtutis æmulum nullo modo se præstaret, qui satis haberet, levissimarum quarundam animarum errata pro Sacro Tribunali remittere, vel majusculas etiam noxas Virorum nobilium, & Indicos circum odores spargentium Matronarum; nihil porro pensi habens cursitare per pagos, expiare triremes, xenodochia lustrare, solari captivos, moribundis præstare esse, animare ad subeundum fortiter supplicium eos, qui ob admissa flagitia, vel resti ad infamem trabem, vel securi ad feralem truncum occumbunt. Pauli comes non est, nec Alumnus Ignatii, quisquis sibi non proponit abdita inter Alpes, ac propè sepulta castella, urbes trans mare sitas, orbem toto remota regna, adversos pedibus nostris populos, & qui montes accolunt, vel vicino polo algètes, vel ferventis Plagæ ardoribus fumantes. *Certans evangelizare, ubi non est nominatus Christus.* Igitur Apostolica sapientia non captat thea-

theatra, quæ verborum acuminibus festivo plausu respondeant: quin Lybiæ potius arenas, & Scythiæ scopulos peruestigat, ubi expertes humanitatis Mauri, & latentes sub urforum exuviis Barbari excipiant cum risu Miracula Evangelii, & argumentorum nostrorum aculeos hastarum acie retundant, findantq; securibus. Haud paulò amplius, mihi crede, requiritur, ut Apostoli Nomen promerearis, quàm ut in copiosis urbibus de marmorea Exedra, & auratis strata tapetibus unius aut dimidiæ horæ spatio, idq; ter, quaterq; per mensem declamentur periodi vanissimâ curâ dimensæ, atque à Poëtis emendicatæ fabulæ, descriptionesque pingentium penicillis, quàm scribentium stylo aptiores: id quod à nonnullis, tametsi rarissimis, fieri, vanis in dicendo, inque agendo remissis, nisi blandiri nobis volumus, fateamur necesse est. Prodire itaque in arenam ac Solem oportet, pressâ pedibus mercedis omnis spe, cultu egestatem, lumbis cilicium, sanctos Codices mani-

L 3

bus,

bus, ardorem oculis, ore æternitatem, genis lacrymas, membris pallorem, moribus sanctitatem, totis denique medullis Auram, Radios, flammam Sancti Spiritus præferentes, suadere castimoniam, ringente lasciviâ: Eleemosynas, repugnante necquicquam Avaritiâ, promovere: Modestiam, ipsius ante oculos Ambitionis, extollere: & utcunque obstrepat Hæresis avida rapinarum, & infensa Sacramentis; fremâtq; falsis addicta Numinibus, & cruoris appetens Superstitio; palàm amplificare Christi gloriam, sive panis in speciem sese conformantis, sive nostram induentis humanitatem, ut suâ nos divinitate vestiret. *Certans evangelizare*, UBI NON EST NOMINATUS CHRISTUS. Hos enimverò, hos oculis designat Paulus, quibus inter omnes omnium gentium populos minima cæli cura, præcipuümque terræ studium, quive omnium maximè Petri Claves abominantur, & Sacerdotii characterem execrantur: in his versantur ejus curæ, in his labores insu-

mit

mit omnes, qui durissimorum marmorum instar resistunt scalpro Monitorum, imò qui non solum hebetent armorum aciem, sed manus quoque Artificum lædant, deformētque illum vulneribus, quisquis ipsos efformare in Abrahæ Filios, & cælesti aptare Fabricæ allaborat.

38. Nè verò quis existimaret, hæc tam grandia, tamque ardua intra ideam constitisse, quam Persecutoris recens conversi dolor, & primus Neophyti fervor sibi descripserit, quin subinde lineamentis istis, inflammato, ut fieri solet, animo ductis pares ab Apostolicis operibus, zelo & asperitate vitæ confirmatis colores accesserint, luculentos hujus rei testes habemus in Actis Apostolicis, quotquot eâ tempestate Lystræ habitârunt. Cum enim Judæi tam copioso eorum numero, quos novus Gentium, Magister Christianis partibus adjunxerat, vehementissimè offenderentur, Auctores fuere Lystrensibus, ut illum urbe pellerent veluti perduellem in patrias Leges, & novorum Numinum invento-

rem, quæ neq; cognita hæcenus, neque omnino probabilia essent. Itaq; horum susurris commotum vulgus, factôq; impetu, lapides in Paulum rapuere, ac faucium, atq; seminecem ad mœnium fossas traxerunt. *Persuasit turbis, lapidan-*

Act. 14. 13. tes Paulum traxerunt extra Civitatem, astimantes eum mortuum esse. Dilapsâ subinde plebe, Paulus ad se reversus, ut erat plagis fædum in modum affectus, regredi continuò Lystram paravit. Itane verò tu illam urbem repetas, quam & Judæi habitant, jurati tuorum dogmatum hostes; & Asiatici colūt, à quib⁹ inflicta modò ibi vulnera nec dum in cicatricem coierunt? id scilicet est, quod quæro, inquit Paulus. Hos ego populos arctius complector, qui me maximè oderunt: Illas urbes in Academiam deligo novæ hujus Philosophiæ, in quibus meo mihi sanguine stat oratio, nec plures Auditores, quàm lictores nanciscitur. Ac quamvis Paulus tunc quidem se Derben reciperet, mox tamen ad pristinam stationem regressus est. Impatiens ab

ea gente se divelli, quæ si non mortuum,
 pro mortuo tamen illum, ac pæne sepul-
 tum sub injectorum lapidum acervo de-
 stituerat. *Ecce lapidibus obruitur*, inquit *Lib. 31. Mo-*
 Gregorius. *Nec tamen à Veritatis ser- ral. c. 15.*
moneremovetur. Ac deinceps S. Ponti- *To. 37. § 13.*
 fex non vividis magis, quàm gravibus
 Antithetis tanti Viri prodigia exponit :
 membris omnibus faucij, neq; tamen
 pallidi, saxorum turbine perculsi, sed in-
 concussi; sibiq; vel in deliquio præsentis
 intèrq; ludibria, injurias, mortes usq; il-
 læsi. Admiratur in Apostolo novas ex
 infirmitate vires collectas, & majori è
 vulneribus sono tonantes voces, robúrq;
 ab ipsis laboribus collectum. *O quàm*
fortis huic viro inest INFIRMITAS !
O quàm victrix pæna ! O quàm domina-
trix Patientia ! ad arguendum REPUL-
SIONE PROVOCATUR, ad prædican-
dum PLAGIS ERIGITUR, ad propellen-
dam laboris lassitudinem PCENA RE-
FOVETUR. Quæ ergo hunc adversitas
superet ; QVEM PCENA FOVET ?
 Inunc, & Ideas tantùm dic fuisse Tyro-

nis tum fortè primis fletibus indulgentis, quòd ad abolendas injurias, quas Ecclesiæ priùs intulerat, vel inter adversantium tela cuperet prædicare Christum, cujus scilicet sanguine ruberent etiamnum Clavi, teperètque Calvariæ clivus. En! illuc revertitur, ubi eum paulò antè hostium immanitas humo afflictum exanimem reliquerat. *Cùmq. evangelizassent, & docuissent multos,*

Act. 14. 20.

REVERSI SUNT LYSTRAM, confirmantes animos Discipulorum. Quis porrò frigidus illos (sunt autem in magno ferventium numero pauculi) Apostolico zelo præditos esse dicat, qui ad omnem vel levissimam injuriã expallescent, & ad quamlibet jacturam despondent animos, studiũque alienæ salutis abjiciunt? Proh quantum dedecus ! si currentibus illuc Apostolis, ubi in eos vulgus fremit, furit Nobilitas, fulminant Magistratus: zelus nos omnis deficiat, si quando nos populi, quibus erudiendis operam navamus, vel non colunt beneficiis, vel laudibus in cælum non ferunt ! Hoc enimverò esset

set Zonas à Lucernis sejungere, vel potius abjicere utrasque, quas tamen Servator noster in Sectatoribus suis esse voluit insolubili nexu colligatas. *Sint lum-
bi vestri præcincti, & lucernæ ardentes in
manibus vestris.* Ah! quæ Deus con-
junxit, homo non separet: cùm præser-
tim Christus id non præceperit modò,
verùm ipse quoquè præstiterit; cùm per
labores continuos, per asperrimas diffi-
cultates, per ærumnas omnis solatii ex-
pertes hominum saluti consultum iret,
& Evangelium promulgaret.

39. Sanè Dei Filius, (ut notat Ter-
tullianus) ab eo usq; tempore, quò se pa-
lâm ad erudiendam Synagogam, & no-
vam Legem publicandam contulit, tam
invictæ adversus res quasq; asperas pati-
entiæ sese præbuit, ut pro salute Anima-
rum nulla unquam incommoda recusa-
ret; non itinera quamvis longinqua, non
victûs egestatem, non Scribarum insul-
tus, aut invidiam Phariseorum, non
criminationes lapidæve Pontificum:
semper & ubiq; promptus ad ferendum
mise-

Lib. de Pa-
tient.
To. 58. 279.

miseris auxilium, nihilq; devitans, dum aliis prodesset, sive fastidiorum, sive vigiliarum, ac nè quietis quidem maximè necessariæ crebras, molestasq; interpellationes. *Cùm de Domino sit Magister,* PATIENTIA ERUDITUS, *non contendit, non reclamavit. Nullum volentem sibi adherere non suscepit, nullius mensam tectumve despexit.* INGRATOS CURAVIT, *Insidiatoribus cessit, non peccatores, non Publicanos aversatus est.* Id verò patuit apertissimè, cùm fortè ad solennes epulas à Simone invitatum eò loci Magdalena occupavit: Femina per id tempus, uti clara natalibus, sic amoribus famosa. Hæc, ut Augustinus advertit, nec vocata, nec à quoquam introducta epulantē Magistrum confidenter adiit, & ingerens sese intempestivè convivio de peccatorum suorum venia interpellavit. Quid aliud tum expectarent omnes, quàm ut tantus Hospes importunam, atque impudentem mulierem durioribus verbis repelleret? Deesse videlicet Synagogis & Templis Atria, ubi ad
Cle-

Clementiam suam posset confugere, nisi etiam in Magnatum ædibus, atq; ipso refectionis tempore sibi negotium faceretur? nunquid non in Salomonis porticu, in Olivarum ac Thaboris monte, sui copiam iis se facere, qui de morum emendatione loquentem audire velint, & in plateis quoq; operiri, qui vel admissorum indulgentiam, vel responsum dubijs in rebus expeterent? Cur igitur sibi occurreret tam alieno tempore ac loco, nihil hospitum injuriam verita, nihil accumbentis incommodum, quando scilicet corpori vectigal illud persolveret, quod viventibus omnibus à natura impositum sit, quodq; sibi præ ceteris debeatur, post tot ac tantos labores pro salute communi exantlatos? At nihil horum ille vel dixit, vel cogitavit: sed eo etiam loco ac tempore, planctibus importuno, lacrymantem mulierem excepit, ac blandè consolatus, adhortatusq; absolvit, non alio planè modo, quàm si ad se hymnis vacantem, vel Sacrificiis intentum accessisset. Sed parum hoc est præ illo,
quod

quod allaturus sum. Nam qui Matronæ hujus gratiâ convivium interrupit, idem aliàs vilis atq; infamis mulierculæ causâ refectionem omnem, quamvis præterlapsa jam fuisset prandii hora, recusavit. Cùm enim ad oppidum Sichar fessus admodum, & siti confectus, à Discipulis, ut cibum sumeret, moneretur, indignabundo similis rejecit amantissimas suorum de securas ac preces. De Anima, inquebat, ad frugem reducenda nunc agitur; & vos mihi cibum objicitis? & curare corpus jubetis? ego verò non hunc modò, sed alios denuo quadraginta dies, rotidèmq; noctes impastus velim producere, dum id unum efficiam, ut errores suos detestetur, quæ mihi haustum frigidæ, quam ut ab ea peterem, necessitate compulsus sum, paulò antè negare sustinuit. *Interea rogabant eum*

Joan. 4. 30. Discipuli, dicentes. Rabbi, manduca. Ille autem dicit eis: Ego alium cibum habeo, quem vos nescitis. Quam ob rem S. Ambrosius palàm omnibus edicit, qui delicias Christo parare vellent, non id facerent

rent advectis à Phaside prædis, aut felicitis
Campaniæ fructibus, sed oblati potius
animabus, quæ vitæ prioris maculis fle-
tu deletis ad meliorem aspirent. *Cibus*

enim Christi est REDEMPTIO POPU- *Serm. 36.*
To 20. 157.
LORUM. Ad eundem modum, acce-

ptis de Lazaro graviter ægrotante nun-
ciis, reditum suis in Judæam indixit;

Eamus in Judæam iterum. Cùmq; illi ad *Ioan. 11. 8.*

hæc attoniti ponerent ob oculos, quibus
insidiis ejus vitam Sodaliûmq; suorû tor

illic conjurati hostes appeterent: *Rab-*

bi, nunc quarebant Judæi te lapidare; &

iterum vadis illuc? vos, contrà reposuit
Christus, prorsus ignorare videmini,

quid rei demum sit animas salvas cupe-
re. Ardor hic inter spinas efflorescit,

quiescit inter labores, inter dolores exul-
tat, gaudet periculis, damnis triumphat,

à morte vigorem capit & vitam. Nemo
igitur vestrûm speret, posse me à cæpto

itinere, objectis, qui me mancant, lapidi-
bus, dimoveri: Nam quemadmodum

vobis Faces simul ac Zonas commendo,
sic etiam ardens præcordiis meis Zelus
quie-

quietem odit, & tuta, planaq; dedignatur: amat verò, ac studiosè vestigat, non ærumnas duntaxat, verùm etiam Carnificinas. Habeo Bethaniæ fletus de me bene meritis abstergere, habeo & alios hætenus adversatos monitis meis mihi conciliare, & patiar fortè, tantæ spem messis intercipi præteritarum memoriâ tempestatum? Conjurent in nos ut libet, Archisynagogi, quotquot omnino per Judæam meum nomen execrantur, & arma in perniciem nostram universi corripiant, qui ministrant Templo, ac Pontificibus adulantur. Ruant in hoc caput non jam grandines, sed grandia saxa, & totæ de montibus rupes: nunquam ego illuc non festinare contendam, ubi spes affulget obduratos aliquos emolliendi, ac peccatores emendandi. *Eamus in Judæam iterum*: Et si modò mihi dent manus, præceptisque sese meis accommodent, qui spectatores patratis à me prodigiis intererunt, feram libenter omnes de torrente Cedronis filices, vel ereptâ Davidi fundâ, vel Semel cujusdam manibus in me conjici.

40. Atque ista Christi ad Apostolos
 monita dictis, factisq; comprobet unus-
 quisq; nostrum necesse est, nisi velit de
 Albo eorū, quos ille vineæ suæ cultrores
 dedit, immortalī cum dedecore suum
 nomen expungi. *Eum siquidem* (ut a- *Hom. 6. de*
 pertē pronuntiat Chrysostomus) *qui* *S. Paulo.*
istud suscipit officium, non OPORTET *To. 37. 178*
 MOLLEM ESSE. Nisi ergo prompti-
 sumus, ad quævis incommoda, difficul-
 tates quasvis, quin & tormenta & extre-
 ma quæq; supplicia subeūda; jam mun-
 do olim susceperamus, turpiter dese-
 rimus, atque illis nimirum Apostolicas
 partes, & palmas transcribimus, qui nul-
 lo quietis amore tanguntur, & quibus
 animorum atq; fiduciæ satis est, ut læto
 vultu fortiq; pectore districtos in se gla-
 dios excipiant, & vel in mediis flammis
 festo cantu Psalmos, Hymnósve pan-
 gant. Unde porrò Chrysostomus, *neq;*
saltem, ait, *attingere quidquam debet præ-*
clari muneris, nisi paratus sit millies ani-
um suum tradere in mortem atq; discrimi-
mina. Quisquis de horum numero non
 M erit,

erit, is pro animarum quæstu, quas traducere ad Christum debuerat, jacturam potius faciet, reddetq; à Christo alienas. Nā profectò, si quis de Societate nostra Sacerdos, laborum fugitans, aversòq; à molestiis animo conspiceretur, cùm ejus operà sublevandi forent, qui jacent; confirmandi, qui nutant; exterrendi, qui peccant : Deo reconciliandi, qui secessionem ab eo fecerunt : in eam facile homines opinionem adducerentur, ut perexigui momenti esse crederent æternitatem, quam prædicamus; quando scilicet ii ipsi, quibus cæterorum salutem procurandi provincia imposita est, adeò parùm ejus rei satagere viderentur. Quippe, si Beatitatis Regnum, inquier, tale omnino est, ac tantum, ut à nobis pro concione describitur, immensis nempe voluptatibus affluens, & inæstimabilibus exornatum triumphis : quòd si etiam tam horrenda sūt Tartara, quàm dicendo repræsentamus; quâ ratione fieri subinde potest, ut paucarum noctium vigilias, aut paucorum dierum iter, aut pau-

paucarum etiam horarum in ediam, re-
fugiat aliquis, ut ab æternis incendiis ar-
ceat, qui temerè impièq; sese illuc præ-
cipites agunt? útq; suis primùm advo-
lutos pedibus mox dimittat ad Superos
æternùm cum Deo regnatos? certè
si ullus inter nos degeret tã fædæ igna-
viæ, qui ut labori ac molestiæ parceret,
commodare cadentibus manum grava-
retur, nã illa tam grandia, quæ de semp-
ternis suppliciis, præmiisque à nobis cir-
cumferuntur, atq; ostentantur excogi-
tata potiùs ad quæstum, & ad concilian-
dam Templis nostris frequentiam, soli-
tudinèmq; nostris ab ædibus removen-
dam, quàm certa, & indubitata fidei
oracula, uno vindicandorum ab interitu
hominũ studio, inculcata crederentur.
Etenim si, ut verbis præferimus, ita pla-
nè sentiremus, non utiq; tam dura no-
bis viscera, tam immites ac inhumani
cuiquam sens⁹ essent, ut quieti suæ post-
poneret tot animarum interitum, quas
generis nostri Assertor, per acerbissimos
mortis dolores, Orco abstraxerat.

Utor hâc dicendi vehementiâ, non quòd id inter nostros homines accidat, verùm eam ob causam, ut nè vel in unum unicum id unquam cadat. Quocirca, & Chrysostom⁹, fatidico veluti tonitru, cœptam in molles ac delicatos alienæ salutis Ministros orationem sic ferè absolvit. Qui suarum vel commoditatum, vel necessitatum oblivisci, animarum causâ, nequit; is, si nihilominus immunem à noxiis vitam agere volet, in sylvas se potiùs cum Anachoretis recipiat, ac solitarios illos scopulos conscendat, in quib⁹ liceat ipsi arbitrio suo temperare diē, idq; omnino agere, quod vel animi solatio, vel corporis quieti potissimùm conducatur. Vir autem Apostolicus paratus sit millies animam suam tradere in mortem, atque discrimina: Dicit enim Dominus: Si quis vult venire post me, abneget semetipsum, & tollat Crucem suam. Ergo qui non tali animo est, MULTOS SUO PERDIT EXEMPLO, magisq; utile est, si quiescat sibiq; vacet, quàm si procedat in medium.

41. Durum hoc quidem dictu, sed verissimum est; adeò quidem, ut non aliâ re magis Apostolicum nomen exornare quis possit, quàm istâ laborum, incommodorûmq; patientiâ. Omne aliud decus, quantûcunq; speciosû atq; excellês sit, satis haud erit, ad venerationē atque auctoritatem apud alios nobis comparandam, si quando nō satis præcincti, adstrictiq; Zonis, Lucernas interim populis præferamus. Quisquis proinde in Ignatii disciplinam se tradidit, ejus scilicet Viri, qui Filios suos esse voluit in expurgâdo terrarû orbe Adiutores Apostolorû & Collegas, lōgè aberrat à vero, si putet se alio nomine in Ecclesia, hoc est Christi vinea, comendandû, quàm solo illo industrii atq; impigri Coloni. Deponamus igitur, Vos ego, PP. Reverendi, obtestor, hunc errorem, si cui fortè nostrûm ignavia tam turpiter illuisset; ut laudem is nihilominus & auctoritatem apud alios sibi promittat, quamvis à Majoribus degener, suis renunciare commodis, durâq; perferre pro communi sa-

lute detrectaret. Videor mihi rem istā in Sacris Canticis egregiè adumbratam intueri: quando scilicet Sponsa pessimis accepta modis fuit à milite; adeò, ut, detractò per vim paludamento, plagis insuper multata, & ore ipso vulneribus deformato, vix è manibus illorum elaberetur. *Percusserunt me, & vulneraverunt me, tulerunt pallium meum mihi Custodes murorum.* Porro grandis illa, & suppar Angelis Anima neutiquā his calamitatib⁹ perculsa, multò etiam, quàm antè, ardentius perrexerit ingeminare voces, & obtestari obvios quosq; ut à profanis Religionibus ad Deum se converterent, qui cælum terramque nō ob aliam causam è nihilo condidit, quàm ut hīc quidem coleretur, illic verò penitus agnosceretur. *Adjuro vos Filia Jerusalem, si inveneritis Dilectum meum, ut nuncietis ei, quia amore langveo.* Vix hæc verba prolocutam, ingens hominum multitudo circumsteterit, aures pariter & fidem ejus dictis adhibitura. Quòd q; maximè mirum, ejus pulchritudinem

Cant. 5. 3.

dinem supra regiarum puellarum venu-
statem insolitis planè laudibus extulère.
*Qualis est Dilectus tuus ex Dilecto, O pul-
cherrima mulierum?* Quî verò pulcher-
rima, si mundo suo exuta, si deformata
vulneribus, & recenti cruore diffluens,
aut tabo potius oblita vix spiritum tra-
hit? Poterant, non nego, ejus fortitudi-
nem, patientiam, sanctitatem celebra-
re; neq; id mirum nobis accideret: cur
autem à venustate commendent, quan-
do maximè informis, & suis destituta,
ornamentis est, id enim verò non satis
assequor, atq; perspicio-Adde: quòd talē
eam antehac nunquam salutârint, cùm
tamen aureas manibus armillas, & capi-
te coronam gemmis distinctam, cùm
plenum floribus sinum, & Phrygio pi-
ctam opere chlamydem humeris ferret.
Nunc deniq; mirantur, nunc ad cælum
illam efferunt, velut oris gratiâ, & maje-
state cultûs maximè renidentem, cùm
ornatûs inopia contemptum, & horro-
rem insuper vulnera paritura viderētur.
Nè autem imprudentibus excidisse id

encomiū arbitraremur, eosdem plausus ad calcem ej⁹ capitis subinde instaurant, & formā sideribus certantem prædicant. *Quò abiit dilectus tuus, Opulcherrima mulierum? Quò declinavit? & quæremus eum tecum.* Verū, quod hæc omnia superat, ipse quoq; cælestis Sponsus consentit. Non enim sponsam suam Ecclesiam tunc laudibus affecit: cum maximè ipsi blandiretur, ac tenerimo amoris sensu in eas voces prorumperet: *Osculetur me osculo oris sui.* Neq; cum in ej⁹ conditoria fortè introducta, quovis Sole ornatior indè prodiret; aut cum ab omni parte odores diffunderet; five cum fixis in cælum oculis sponsum inclamaret: *ubi pascuis, ubi cubas in meridie?* tum verò venusta demum, atque ad miraculum exculta illi visa est, cum collectā magnā Myrrhæ copiā pectus implevit, cumq; se colendis Engaddi vineis totam addixit, quo loco illæ querelæ audiuntur: *Portavimus pondus diei, & æstus. Fasciculus Myrrha Dilectus meus mihi in vineis Engaddi.* Quibus verbis
con-

continuò Sponsus plenas admirationis voces reposuit. *Ecce tu pulchræ es. Amica mea, ecce tu pulchræ es.* En ornamenta illius, qui Dei magnitudinem aliis propalet, fasces nimirum amarissimæ Myrrhæ, laboriosissimi operis instrumenta, chlamydis ac cæteri ornatûs jacturam, deniq; livorem à plagis, & à vulneribus cicatrices. *Percusserunt me,ulneraverunt me, tulerunt pallium meum mihi.* Hæc injuriarum, atq; damnorum colluvies fuit, quæ illas Solymæ voces expressit: *Opulcherrima mulierum.* Idem planè accidit, accidētq; imposterum sacris Familiis, quas Deus, ut saluti plurimorum consulerent, instituit: idēmq; adeò huic etiam minimæ suæ Societati eveniet. Observabitur ea semper, suspicieturque; non ob id tamen, quòd opes ingentes, domi quidem egens, visendas in Templis exhibeat, structis auro argentōq; Altaribus, ad populorum pietatem excitandam. Neq; etiam ob id, quòd Principum munificentia, nostrorum Gymnasiorū moles, sectis exornatæ la-

pidibus usq; ad nubium viciniam promoteantur; sed neq; si Bibliothecas editis à se voluminibus impleat; neque si mamillis Regum lactata, & Pontificiis pasta favis, uberes redditus, honorum gradus, Academiarum Principatum fuerit adepta. Verùm si vexetur à Politicis, laceretur ab invidis, diris execrationib; devoveatur ab Atheis, probris omnibus ac maledictis configatur ab Hæreticis, ab Ethnicis compingatur in carcerẽ, ab omnibus demum, qui vel Christianum nomen, vel virtutem oderunt, variis discerpta modis, vulgi ludibrium, otiosorum in circulis fabula, Satyricorum argumentum, barbaræ immanitatis scopus evaserit. Erant primi nostri Patres docti sanè, ut qui maximè, sed peregrinorum idiomatum rudes, numero pauci, famà obscuri, domicilii ac victus egentes, omnium injuriis expositi, cane pejus & angue tenebrionibus illis exosi, qui per id tempus errorum zizania Catholicæ veritatis tritico clanculum inferebant, improbis demum omnibus in-

visti,

vifi. Et tamen hi ipsi, utcunq; obstreperant, fremerentque Hæretici, Politici, Athei; amanter excepti fuere à summis Pontificibus, Maximorum Regum expetiti votis, à Dominantibus quoque Urbibus culti, ac vitæ præfidiis liberaliter instructi, à Nobilissimis Academiis certatim iuvitati, ab omnib⁹ passim per Italiam, Hispaniam, Galliam, Germaniam, Poloniam, haud aliter, quàm delapsi Cælo, Angeli dicam, an Apostoli? accepti habitique. Mox in utrasq; Indias, quæq; ad Orientem, quæq; ad Occidentem protenduntur, ab earum Regnatoribus missi, ut vastissimas eas Regiones, nō multò antè detectas, Christianis Sacris imbuerent: ad eumq; finem in celeberrimis quibusq; Emporiis Instituti sui colonias constituerent. Omnes ubiq; pronas eis aures præbebant, mirabatur pro se quisque; ac nemo non illos aut in patria, aut in vicinia saltē retinere peroptabat. Ingēs enim verò Paradoxum! quod terrarum Orbis eorundem hominum simul celebraret exempla

pla virtutum, præceptionesque ad astra
tolleret, simul Leges ac rationē vivendi
pessimē traduceret, ac criminaretur. Illi
nāq; ipsi, qui per cœt^o adeò famæ nostræ
obtrectabāt, suos nobis interim Liberos
& instituendos in templis, & in scholis
erudiendos committebant. Ad sum-
mā: quò magis appetebamur linguis &
calamis, nē dicam ensibus, eò ampliùs
à Magnatibus, à Litteratis, à Populo co-
lebamur. Unam omnium ad nos un-
dique accurrentium vocem fuisse di-
ceres: *Qualis est dilectus tuus ex dilecto,*
Opulcherrima mulierum? Nemo igitur
tam iners atq; ignavus sit, ut dicat: Ec-
quis porrò tot injurias, æumnasq; ferre
possit, quin curā illorum se abdicet, quo-
rum dentibus laniatur; ovēsque deserat
conversas in Tigres? Itāne verò, quis
hoc possit, ais? Potuēre innumeri de no-
stris per omnes orbis plagas. An non
enim Alumni fuēre Ignatii Nobiles
illi, strenuūq; Operarii atq; Catechistæ,
qui apud Æthiopes saxis obruti, flammis
absumpti apud Japones, in America sa-
git-

gittis confixi, laqueo enecti in Britannia? Quive dejecti in undas, aut securibus in partes divisi, aut per summam barbariē vivi, spirantēsq; in fossis sepulti sunt? cedo autem ex his omnibus unum, cujus in pectore vel scintillam ardoris profusus ē corpore sanguis exstinxerit; ejus, inquam, ardoris, quo ferorum adeò infensorumq; sibi hominum salutem procurabant. Quid? annon etiā nostri sūt sodales, qui hac quoque tempestate ab Ecclesiæ Romanæ hostibus vel in vincula coniecti, vel in exiliū ejecti, vel plagis contusi, vel in equuleo suspensi, non cessant tamen Petri Principatum liberis vocibus defendere, ac transfugas ad Christi castra reducere? Nè fallamur, oro; Divini verbi Præconibus, majores ad eam rem vires, & animos addunt, accusantium clamores, & famosæ calumniantium Satyræ. Tantum abest, ut cælestium mysteriorum explanationem vel propter calumnias, vel ob irrogatas sibi molestias abrumpan.

42. Et ut nostri homines id non præstarent, præstitit certè Jobus, & adeò quidem invicto animo præstitit, ut vel hujus unius recordatio non possit non, incredibili nos ardore succendere ad diffundendos eò allacriùs Evangelii radios, quò minùs liberaliter accipimur, imò quò liberaliùs vapulamur. Sedebat Vir ille, in putre sterquilinum abjectus, fædis per artus omnes vulneribus oblitus, fortunis suis eversus, desertus à famulis, vexatus ab amicis, ab uxore etiam contumeliis laceffitus. Filiorum deniq; Filiarumque, quos una dies omnes abstulerat, cadaveribus circumseptus: neq; tamen in tantis calamitatibus, in tam gravi luctu, tam foedo loco, in his totius corporis plagis unquam destitit de rebus divinis verba facere, & ad præsentés posteròsq; vaticinia proferre. Neglectà igitur suorum vulnerum curâ, in id totus incubuit, ut, qui eum audiebant, æterni Numinis Providentiam adorarent, ejusque, sævientem licèt, dexteram exoscularentur, si quando probis, sulq;

suūq; amantibus, vel immittit adversa, *Lib. 2. de In-*
 vel ab aliis permittit inferri. *Totum cor- terpell.*

pūs diris perfusum ulceribus MYSTERIA *To. 10. 247.*

LOQUEBATUR, *nec acqvirendis propria*
remediis agritudinis, SED SACRIS VA-
 CABAT SERMONIBUS. Ambrosii
 hæ voces sunt, quem in stuporem dede-
 rat miranda in eo Viro concordia ful-
 gentium Lucernarum, & torquentium
 Cingulorum. Nos verò, qui ante ocu-
 los habemus Principem Virum, neq; sa-
 cro chrismate delibitum, neq; Dei pro
 salute hominum morientis, aut Marty-
 rum saltèm exemplo ad patientiam ex-
 citatum, desistemus porrò à converten-
 dis hominibus, si vel ingratos experia-
 mur, quos docuimus; vel accessu diffici-
 les, quos nondum instituimus? Ecce
 autem, ut obtineam, nè nostra nos in-
 commoda, damnâq; moveant, quando
 referre oportet manipulos lacrymis ir-
 rigatos, aut sanguine aspersos, cur, in-
 quam, Jobum commemoro tantâ vir-
 tute Virum, Deoque tam familiarem?
 surgent contra nos in iudicium extremo

illo

illo intereuntis Mundi die Mater Darii
& Conjux. Hæ namque à Regni Æmu-
lo captæ, in ea profligati Exercitûs for-
tuna, in ea direptorum impedimento-
rum, libertatisq; jactura, in ea demum
Imperii nunquam recuperandi despera-
tione, id unum perpetuò rogitabant, an
Darius tantæ cladi superstes esset, atq;
etiamnum sceptro potiretur: testatæ
salvo eo atque incolumi, nec servitutis
ignominiam, nec Regnorum jacturam
gravem sibi dolendâmq; admodum fo-
re. *Ille sue calamitatis oblita*, inquit
Historicus, **NEGABANT SE CAPTAS,**
SI VIVERET REX. Ergone
molles ac delicatæ mulierculæ luxui, &
Imperio assuetæ nihili pendunt vincula,
quæ incurrerunt, regna quibus excide-
runt, si modò viveret is, cujus inertia &
imperitia exercitum prodidit, atq; ipsis
etiam tantæ calamitatis causa exstitit?
Nobis contrà subrepet tædium, vel a-
gendi, vel scribendi si quis fortè impor-
tun^o, ac petulās nos stylo pupugerit, aut
temerario dente momorderit: quamvis
vel

*Q. Curt. l. 3.
To. 10. 18.*

vel manibus tangamus fructum è laboribus & elucubrationibus nostris redundantem? *Negabant se captas, suæ calamitatis oblita, si viveret Rex.* Satis enim verò superq; est, si dilatetur Fides, Innocentia propagetur, percipiatur Evangelium, Veritas agnoscatur, deniq; si Crux adoretur, & Christus vivat, sive renatus in poenitentium animis, sive primum natus in iis, qui nuper ad fidem adducti sunt. Satis id inquam est, ut nihili faciamus injurias, contumelias, dolos, quoscunq; vel meditantur, vel expromunt in nos Hæretici, atq; è Catholicis vafri aliqui, vecordes, invidi. Sanè, nisi duabus è Persia feminis inferiores esse volumus, quæ *negabant se captas, si viveret Rex* : negemus, nos probris ullis, aut damnis affectos, si modò nostræ orationis fervore, ac sanctitate vitæ id effectum à nobis fuerit, ut Deus quàm latissimè regnet, & ubique terrarum triumphet. Sed cur ego à retroactis seculis, & annalibus Macedonum argumenta conqviro, quibus Zelum nostrum ad

pœnas durem, & insatiabili animarum
fiti accendam, cùm his ferè similia pete-
re è quolibet portu ab Institutorum avari-
tia & cupiditate regnantium potuissem?
utriq; enim iras, ac tempestates Oceani
laceffunt, vel ut opes accumulent, vel ut
novas ditioni suæ Provincias adjiciant.

Hom. 60. in C. 13. Matth. To. 25. 287. *Si enim Mercator, inquit Chrysostomus, ut rem familiarem amplifcet, terroris plena maria navigat: Et nos pariter salutis nostre salutem adjiciamus proximorum; Dominum imitemur, & nihil pro Fratribus omittamus. An ergo Apostolicus ille ardor, ac studium extollendi Christi trophæa, ubi antehac Idola constiterant, & ex hostibus amicos, supplices, lacrymis cinerèque perfusos reddendi: hic, inquam Zelus non torrentes pervadet, non flumina superabit, cùm interim spes lucri, & mercimoniorum cupiditas, velis, remisq; properet, feraturque per maria nullis terminata littoribus, atque ab uno ad alium Orbem omnis incerta portus excurrat?*

43. Sed nimium fortè mihi de Ignatii

tii Filiis videbor promittere, cum ab eorum aliquibus tam parum impetrem. Petieram quippe magno suspiriorum ardore, magnâ precum humilitate, monitisque iterum atque iterum repetitis, ut silentium in Templis, modestiam in plateis conservarent: Neq; tamen omnes, tam æqua licet postulanti, morem gerunt. Num igitur sperabo fore, ut, quibus adeo grave est, continere linguam, siue præsentis illic maximè Christi reverentiâ, siue nè circumfusæ multitudini exemplo suo præbeant offendiculum; Hi subinde libentibus animis, cum ita res postulârit, linguam vel præscindendam expromant, vel mortem ipsam inter flammæ pro Christi gloria, proq; hominum salute oppetant? Istis nimirum pergam occinere; *Nihil pro Fratribus omitamus*; qui cum ob Apostolicum munus, quod gerunt, parati esse debeant vincula, catenasq; membris omnibus accipere, quoties id scilicet proximorum salus exposceret, neq; os interea cohibere velint, neq; oculos tantisper demitte-

re, quando vel maximè opus foret, ut nè intentos in se Fidelium oculos offendant? Quid horum inficiabere? An offensam illorum, qui viros Religiosos cōfabulantes in Basilicis, aut curiosos in compitis intuentur? An eorum vecordiam, qui posthabito Evangelicorum operariorum nomine, ac munere, nil dubitent inurere Ordini toti notam, nè scilicet sese vel fabellæ unius narratiunculâ, vel aspectu rerum non periculosarum quidem, sed vilium tamen atq: vulgarium, ac suam tum garrulitatem tum curiositatem defraudent? Non sic profectò edocti ab Apostolo fuimus, qui cùm inaudiisset Neophytos turbari, eò quòd Christianorum mensis carnes inferrentur, forsan ab Aris Ethnicorum ad publica civitatis macella translata, sanctè affirmavit, temperaturum se sibi, dum viveret, ab omni carnis obsonio, sive domestica illa foret, sive ferina: siquidem hæ dapes ulli Christiano homini possent esse fraudi. En tibi ejus

1. Cor. 8. 11.

verba: *Quapropter si esca scandalizat Fratrem*

*treem meum, non manducabo carnem in-
aeternum, nè Fratrem meum scandalizem.*
Indè conversus ad eos, qui nullâ habitâ
ratione perniciosi exempli, omne gen^o
carnium nullo discrimine devorabant,
non sinè lacrymis subjunxit: *Et peribit
infirmus in tua Scientia Frater, propter
quem Christus mortuus est? sic autem pec-
cantes in Fratres, & percutientes conscien-
tiam eorum infirmam in Christum pecca-
tis.* Quin ergo Paulus, nè quem fortè
illorum, à quibus observabatur, vel libe-
riore inter ambulandum obtutu, vel in-
tempestivo sermone intra Templorum
adyta prolato offenderet, rogâset æter-
nū Numen, ut sibi fas esset lumina è fron-
te revellere, lingvam è faucibus abstra-
here, maluissétq; adeò sinè luce, sinè vo-
ce, quàm vel unius cujuspiam è Catholi-
cis offendiculo vivere. Et erit posthac
aliquis, quem adeò nulla salutis alienæ
cura sollicitet, ut suam nostrâmq; fa-
mam proscindere non reformidet, eâ
solùm de causâ, nè sibi rumusculi alicu-
jus narrationem sacris in locis interdi-

cat, aut in publico veter oculos illaudat:
tâ viris sanctis libertate circumvagari?
sed Deo sint laudes, quòd, si fortè unus
aliquis inter nos degit proximorum ^{salu}ta-
lutis incurius, numerentur contrà tot
alii, qui perpetuis, molestissimisq; labo-
ribus hoc unum contendunt efficere, ut
læsæ dudum Divinæ Majestatis Rei, cum
ea in gratiam revertantur. Quot rogo
Juvenum nostrorum per festos dies,
quos iis, Divinæ humanæq; Leges, à diffi-
cili studiorum curriculo vacuos, capien-
dæ nonnulli quieti concessère, Crucifixi
signum manibus præferentes in fre-
quentissimis viciis Evangelium exponunt,
tam numerosa concione, tamq; luculen-
to fructu, cum rudium agricolarum, cum
otiosæ plebis, quin & virorum Nobilita-
te, Religionève spectabilium, nec rarò
etiam Infulis fulgentium, ut fortè Roma
non habeat Apostolici Zeli spectacu-
lum vel majus vel æquale! Quemadmo-
dum verò istud cū primis clarum est Nomi-
nis nostri decus, ita illos meritò pudore
debet suffundere, qui cum gravi studio-
rum

rum labore non admodum premantur, infrequentes nihilominus sunt, tum in dicendo, tum in agendo, velut Apostolos dederet. Subeamus, Patres mei, subeamus incommoda, & salvæ nobis res sunt. Hoc primus omnium egit ipse Fundator & Auctor Eccl. scilicet Christus Dei Filius. Hoc post illum Apostoli, quibus antiquissimum semper fuit, maximè ardua expetere, easque adire Provincias, ad quas nulla hæctenus Novæ Legis, imò neque veri Numinis cognitio pervenisset. Hoc deinde omnes tum nostri, tum aliorum Ordinum strenui, gnavique Operarii præstitere, qui suis semper commodis, & quiete, licet necessariâ, aliorum emendationem ac salutem potiore habuerunt. Quòd si hoc agentes morbus, aut mors ipsa occupet, nã nos beatiores essemus infirmi, ac moribundi, quàm sani ac valentes: multoque etiam magis mortui, quàm vivi florentesque. Et quidni hoc ego à Sectatoribus Crucis exigam, cum id ipsum Bernardus à Cruce signatis militibus postulârit? Depugnate (ait ille,

in Epistola ad Templarios) depugnate, strenuè pugnas Domini: vel enim Saracenos prælio superabitis, & Palæstina, vos laudibus in Cælū vivos efferet; vel inter Barbarorū acinaces in acie cadetis: & tum vos Angeli excipient, ac lætos, ovantēsque ad cælestes triumphos deducunt. Si verò ex me quæretis, utram sortem malle debeat, qui crucē pectore gestat, nihil dubitabo dicere, vitā laudibus quoque; ac laureis coronatā, optabilius, Deo Judice, ferètrum esse, quod cæsus ab hoste Christi miles premat; vel etiamsi sinè honore tumuli medio in campo putrescat, seu barbarico ferro transfixus, seu equorum ungulis, rotisque; curruum obtritatus. *Sive vivimus, sive*

Exhort. ad morimur, Domini sumus. Gaude fortis

Mil. Templ. Athleta, si vivis & vincis, in Domino: sed

To. 401. 81. magis exulta, & gloriare, si moreris, & jun-

geris Domino. Vita quidem fructuosa, &

victoria gloriosa, sed utrique Mors sacra

preponitur. Si laborabimus, vires ac vi-

ta nos destituet? Sinite, ut exclamem:

Beati mortui, qui in Domino moriuntur.

enim

Enimvero de superiore loco Sacras interpretari Litteras, è nobilibus Exedris Controversas Theologiæ Quæstiones explicare, Luci publicæ dare docta Volumina: sacris interesse Cœtibus: Magnatum confessiones excipere, res est illustri ad famam, & ad Meritum quæstiosa. Sed his omnibus *Mors sacra præponitur.*

Quanto felicius in tuguriis rusticorū morbus contrahitur, dum eos edocemus, quā ratione possint grandes olim effici, quamvis nunc adeò humiles sint atque despecti? Quanto præstat vel inter peste contactos in Nosocomiis, vel in Castris vitam hanc mortalem exuere, ut morientibus vitam procuremus immortalē? *Gaude si vivis & vincis in Domino. sed magis exulta, si moreris, & jungeris Domino.* Tam sanctè ex hac vita decedenti accinent Angeli: *Mortuus est in osculo Domini.* Nihil iis precari majus possum, qui & fulgore Lucernæ prælucent cæteris, & duro cinctu se ipsos arctissimè constringunt. *Sint Lumini vestri præcincti, & Lucernæ ardentes in manibus vestris.* Ità precor, eveniat.

EXHORTATIO V.

In Pervigilio S. IGNATHII.

Et vos similes hominibus expectantibus Dominum suum. *Luc. 12.*

Satis haud est, ut Viri Religiosi cum Zelo animarum cingulum mortificationis coniungant, nisi mentem habeant extremi Iudicii accuratâ consideratione defixam. Ex cognitione suppliciorum aeternorum eam morum compositionem ducemus, & nostra cum externis colloquia ad tam seriam gravitatem conformabimus, ut omnia nostra facta, dictaque peccantibus timorem ingerant, & contumaces sub jugum mittant. Neque hoc Charitati quidquam officit. Hæc enim Apostolatus fulgura nunquam

*quam ab urbanitatis placido sereno
disiungit, qui nisi Magnatum domos
emendet, non frequentet. Quapro-
pter cum proximis perpetuus sit de
Deo sermo, & in fronte nostra quæ-
dam æternitatis imago refulgeat.*

44. **I** Tane verò ad fingendum dignum
Evangelii Ministrum, nec sana-
doctrina, nec proba vita sufficiat?
Non sanè: quippe si ista sufficerent, ge-
minis propositionibus quæ præmissam
sententiam antecedeabant omnem Apo-
stolatûs descriptionem Christus absol-
visset. *Sint Lumbi vestri præcincti, &
Lucerna ardentes in manibus vestris.* Cu-
pio vos, inquit Servator Discipulos suos
alloquens, perturbationum vestrarum
dominos; atq; eam ob rem Zonâ vobis
lumbos adstringo. Cupio vos divina-
rum Litterarum, & Legis peritos ac gna-
ros; & idcirco manus vestras ardenti-
bus facibus armo. Nihilominus nisi
perturbationum moderationi, & sapien-
tiæ

tia sublimitati junxeritis insuper gravem quandam, seriâmq; in agendo, loquendôqve majestatem, quam vobis mortis vestræ, & judiciorum meorum plena terroris cognitio pariet, nihil ab animabus, quas vobis comitto, impetrabitis. *Sint lumbi vestri præcincti, & Lucernæ ardentes in manibus vestris.* Et verò præclaris adeò dotibus vigorem simul ac robur addetis, cum ultimæ diei Tribunal obversabitur oculis vestris, frontemq; ac caput illo cinere resperseritis, in quem nos Adami culpa propediem resolvet. *Et vos similes hominibus* EXPECTANTIBUS DOMINUM suum. In cujus rei commemoratione plusculum immoratus Servator, & veluti oblitus cingulorum & Lampadum, subinde vitæ brevitatem, mortis incertum tempus, severitatem judicii, Discipulorum animis altissimè impressit. Quippe si quando animam tam felici pavore examinis illius divini meditatio impleverit, qualiscumq; demum scientia satis idonea est ad Religionem audi-

enti.

entibus iniiciendam, & quælibet vitæ
 asperitas ad exemplum valet, & profec-
 tum aliorum. Ea propter post-
 quam Messias in Olivarum monte dele-
 ctis à se paulò antè Præsulibus promul-
 gationem novæ Legis demandâset his
 verbis: *Exentes docete omnes gentes;* de-
 inceptis vocibus Angelorum eisdem vo-
 luit admoneri, ut oculos à triumphali
 pompa illustrissimæ nubis aversos, in id
 Tribunal referrent, è quo Filius Homi-
 nis irrevocabili sententiâ omnes in ma-
 lum obstinatos olim fulminaturus es-
 set. *Viri Galilæi quid statis aspicientes* 2. Tim. 4. 1.
in Calum? Hic Jesus qui assumptus est
 à vobis, SIC VENIET. Non absimili
 terrore Timotheum Alumnum suum
 Paulus Apostolus perculit, priusquam
 sacras Litteras eum juberet exponere.
Testificor coram Deo & Christo Jesu, qui
 JUDICATURUS EST *vivos & mor-* 2. Tim. 4. 1.
tuos, per adventum ipsius, & Regnum ejus,
pradica verbum. Innuebant scilicet tum
 Angeli Collegii Apostolici Primatibus,
 tum Ephesiorum Pastori Gentium Do-
 ctor,

ctor, & siquidem vultis, inquebant, improbis hominibus salutarem terrorem incutere, impiorum cæcitatem discutere, ad vitæ sanctitatem pios promovere, vosmetipsos in abyssis iræ divinæ sepelire, ut postmodū, veluti cū Jona de tēpestatib⁹ & Monstrorum faucibus emerſi, quamlibet Niniven contremiscere, & in Sionē quandā coelestē, pœnitentiā & virtute cogatis immigrare. Patres mei! quod Apostolis Spiritus Beati, quod Apostolus Timotheo, quod Christus Præconibus omnibus Veritatis suggessit, idem ego mihi, vobisque edico atq; denuntio. Si mentem merſerimus stagno illo vindicis Dei Justitiæ, complebimus sanctitate omnes, quotquot in nostros sinus receperint, & vitæ suæ Duces nos legerint. Quippe futura vitæ certa pervasio tam serios, atq; maturos in verbis, atq; consiliis nostris nos faciet, ut quisquis nobiscum egerit, ad pedes nostros tanquam animo defectus prolabatur. Eo modo, quo ad præsentiam Cherubini Joannes animo linquente concidit.

Con-

Contrà si à studio animorum illa gravitas abesset, quæ non aliunde, quàm è divini furoris timore consurgit, in ostentationem abiret prædicatio, & Industriæ proximis adhibita in otiosam cum illis consuetudinem, inanem pietate, & desideria vitiatam vanesceret. Quam ob causam ego sub hujus diei occasum Ignatii Filios ad seriam in omni actione nostra gravitatem, ut quæ tum maximum momentum afferat rebus nostris, tum sine qua nec primorum Patrum nostrorum Successores, nec veræ imagines Alumnorum Christi futuri unquam simus, exstimulare contendam. *Et vos similes hominibus* EXPECTANTIBUS DOMINUM SUUM. Æternitati vos immergite, omnesq; animas præsentis naufragio, in quod sua eos delicta propellunt, extrahetis.

45. Huic gravitati, quam suademus, non defuturos, qui intercedant, facile intelligo: Eò scilicet tendere orationem meam, ut nostræ Academiæ Carthusiarum muta silentia, ut divinæ cultores vineæ

neæ in Anachoretas speluncarum habitatores commutentur. Avertat hoc Deus ! ut tam gravem injuriam inferam Instituto nostro, universos, quotquot sumus, ad animarum salutem dirigenti. Non vos in sylvas ablego : non in antra compingo : ut soli inter ferarum uni Numinis contemplationi vacetis. Quid ? in turbas vos mitto, propellôq; non in urbes minùs, quàm in pagos, jubetôq; credere, maximam necessitatem Ordini nostro incumbere, ut agat cum omnibus; sed fervore scilicet supra omnes eximio. Sic Augustinus scripserat, de Verbo inter homines homine quidem, verùm adeò illos magnitudine meritum ac prodigiorum splendore superante, ut vel solis assumptæ naturæ ornamentis inter Evæ Nepotes, quamvis innocentes, non secùs ac in cælo Sol inter Planetas refulgeret. *Speciosus for-*

In Psal. 44. ma præ filiis hominum. ETIAM INTER
To. 12. 149. FILIOS HOMINUM PRÆ FILIIS
 HOMINUM.

46. At si tã excelsos animos tantâmq;
 gra-

gravitatem præferremus, nullus, in-
 quies, se nobis jungeret, prorsus ut nemo
 propius Solem aspicit, cavens scilicet nè
 fulgore nimio acies oculorum hebetetur.
 Vel igitur nobis conciliatrix ani-
 morum affabilitas concedatur, vel vitæ
 genus mutetur necesse est. Quis enim
 nos nullis urbanitatis officiis excultos,
 & ob inhumanitatem intractabiles ani-
 mi sui Patres velit? Adde; si Domus no-
 stræ tam severæ austeritatis fulguribus
 succingantur, in fugam eæ Christianos
 avertent, eo planè modo, quo fuman-
 tem & horrificum Sinai montem vitâ-
 runt olim Hebræi. Vincit hæc ratio.
 Neq; ego unquam in animum meum
 induxi, ut vos in sylvestres, horridósq;
 populis homines fingerem. Tantum
 abest, ut morum comitatem & elegan-
 tiam improbem, ut etiam magnopere
 requiram, eamq; ab omnibus exigam:
 sed quæ à motuum omnium composi-
 tione, sermonisqve sanctitate non dissi-
 deat. Sic igitur in Sacerdotibus nostris
 & Magistris urbanam comitatē, & gra-
 O vita-

vitatem Evangelicam conspirare oportet, quemadmodum in Christo humana divinâq; natura coaluit. Quippe tam arcto nexu in Mundi Reparatore Humana Divinâq; natura cœiisse cernebantur, ut nè in sepulcro quidem, cùm ejus anima se à corpore divisisset, Divinitas Verbi rigentia morte, livorêq; suffusa membra defereret. semper & ubiq; utraque promicabat è Filio Virginis, sed præcipuo quodam naturæ immortalis fulgore coruscante. Sociavit se hominibus Æterna Sapientia, nostram utique carnem induta, sed humanæ Hypostasi, Personam Divinam subrogavit. Itaq; Messias Naturâ & supposito Deus erat; Homo verò solius naturæ creatæ additamento. Indè factum est, ut nunquam vel in humanarum miseriarum humilitate munia divinitatis omitteret. Ubera sugebat in Cunis, & eodem temporis momento cælestes globos circumagebat, ac Seraphinis dividebat Imperia: tam aptè utriusq; Naturæ officia moderatus, ut nec inferioris humilitas supremam

nam Magnitudinem inobscurerat, nec
hujus arduos radii alterius glebam dis-
soluerent, aut umbras dispellerent. Lu-
bet Augustinum audire, tam prodigio-
sam misturam graphicè describentem.
SIDERA REGENS, UBERA LAM-

*Serm. 27. d
Temp.*

BENS. *Ità magnus in forma Dei, ità Tom 41. 85*

brevis in forma Servi : UT NEC ISTA
BREVITATE MAGNITUDO ILLA
MINUERETUR, *nec illà magnitudine*

ista breuitas premeretur. Neque enim

quando humana membra suscepit, OPE-

RA DIVINA DESERUIT. Simus sa-

nè humani, comèsq; in proximos; sed

simul modesti : familiares; at graves :

affluamus suauitate sermonis; sed Apo-

stolicis sensis armatâ. Eorum domus

intremus, nostrarum non oblici. Patia-

mur eorum officia; sed nullam Legibus

nostris irrogemus injuriam. Assistamus

gemmatis eorum Thronis; at oculos

non avertamus à clavis, quibus Cruci

nostræ configimur. Fidem in se nostram

proben; sed virtutem revereantur. SI-

DERA REGENS, UBERA LAMBENS

Audiantur humana caducâque cupientium vota; dum illi pariter nostris effatis, & sublimi nostræ Philosophiæ aures accommodent. Nobis illi, quid parent, quid moliantur exponant, dum interim à nobis edoceantur, quàm sit necessarium esse magnos in cælo: verbò; quæ in iis excolendis adhibetur humanitas, doctrinæ, quæ instruuntur, nec robur emolliat, nec nervos infringat. *Ut nec istâ brevitatem magnitudo illa minueretur, nec illâ magnitudine ista brevitatis premeretur.* Stillet cum Christo sponso melle os nostrum, & cum Christo Iudice gladium ancipitem proferat, sic ut favi dulcedo recreet, & aciei fulgor pavorem incutiat. *Ita magnus in forma Dei, ita parvus in forma Servi.* Amicitia cum Modestia, Hilaritas cum Majestate componantur: ut hinc eorum necessitates audiamus, illi contra Evangelium, quod promulgamus, vicissim audiant. Et si quando alterutram laudatarum partium minui ac remitti necesse foret; periclitetur sanè comitas, dū gravitas sibi constet, ac imperet.

47. Ejusmodi monitum, quamvis omnes alios sacros Ordines tangat, nobis tamen imperatur longè severius. Alumnus quippe Coetuum aliorum, qui ante nostrum exorti sunt, tum annorum series, tum rerum præclarè gestarum magnitudo, si fortè non indulget, excusat tamen ex parte quandam Evangelicæ gravitatis incuriam, si ea fortè illorum zelo misceatur. Nos autem in orbe tam novos, ut paucos supra seculum annos numeremus, nemo seu de profanis, seu sacri Ordinis hominibus feret, vel latum unguem discedere ab ea gravitate morum, quam Genus humanum nunquã non conspici vult in ejus viri comitatu, qui se correctorem morum, & Ecclesiæ salem venditat. Haud equidem satis exponã, quod proposui nisi acerbis querelas Quinctiliani retulero, quas Institutionũ suarum quarto libro transmisit ad posteros. Peracriter invehitur Rhetor clarissim^o in imperitos quosdam declamatores, qui omni arte destituti, suo tantum tumore inflati, in ipso dicendi exor-

Lib 4. Instit.
Tomo. 56. 39.

dio auctoritatem audebant sibi apud plebem conciliare, seu inusitatis vocibus, Tropis Hyperbolicis, translationibus Poëticis, seu iis denique Phrasibus, quas olim scholæ pepulissent, & proscripsissent Rostra. *Illud ex praeceptis veteribus manet, nè quod insolens verbum, nè audaciùs trāslatum, nè aut obsoletâ vetustate, aut à Poëtica licentia sumptum.* in PRINCIPIO DEPREHENDATUR, Non ingeniosi sunt, inquit magnus Romanæ Eloquentiæ Artifex, sed stolidi, qui primo ad dicendum ingressu temeritatem & fastum ostentant. Omnem Figurarum audaciam, omnem vocum tumorem procul habere debet Orator in auditu causarum. Quippe cùm recentissimæ sint concionis aures, severissimâ trutinâ quamlibet vocem expendunt, & norant. Quin nos quoque ipsi in orationis Exordio tanquam novitii homines severis judiciis subijcimur, totum id quod vel abundat, vel luxuriat, castigantium. NONDUM ENIM RECEPTI SUMUS, & custodit nos recens audientium

tium intentio. Tum forsan audacior aliquis sonus; aut licentior Translatio dissimulari poterit, cum orationis cursu fatigatus auditor oranti se permittit, seu quia jam persvasus causæ favet, seu quia non amplius timet, nè in pueriles ineptias prorumpat, emēdicatōsq; fucos Orator ostētet, *Magis conciliatis animis, & jã calentibus* HÆC LIBERTAS FERETUR, Totum hoc minimæ atq; etiamnum exordienti Societati nostræ aptetur. Quamcunq; licentiam, quæ fortè deprehenderetur in viro tale vitæ genus professō, cui complura secula reverentiam & auctoritatem contulerunt, vel veniā, vel etiam favore prosequuntur. Eandem autem in nobis detestantur oppidō, & maledictis incessunt. In illis familiaritas parū cauta, paterna benevolentia existimatur; in nobis Charitas, si propior amicitia fuerit, ceu palām perfriatæ frontis impudentia, decoctæ verecundiæ probrū, marcentis atq; effœtæ Virtutis, in te pescentisq; fervoris labes proscinditur. Itā cum de Republicā

Christianâ bene meriti, licet non vocati negotiis se ultrò ingerunt, auctoritas putatur, beneficio preces occupantis : contrâ novi correctores iniquitatum, nisi & contentione precû , & violentiâ præceptorum adigantur, ut sententiâ suâ lites componant, ceu Christiani Mundi Aristarchi, & Harpyiæ in omnem prædam intentæ, & sub amicorû & pacificatorum larvâ impunè grassantes omnium vocibus exploduntur.

48. Reformatur igitur externa nostra species in eam factorum dictorumque integritatē, quâ intelligant omnes in hoc ambitionem nostram laborare, ut in eorû animis, qui nos alloqvuntur, vel conservemus, vel instauremus eam innocentiam, quàm è Baptismi fonte retulerunt. Deprehendat unusquisque nos nec maximis, nec minimis alio consilio jungi, quàm ut in eorum cordibus Moisaicas Tabulas describamus, & vivum templum, Deo virtutum, construamus. Fateri cogamus orbem universum, vitari à nobis animas

ut cunque auro inclusas, si emendari recusent: simul venire nos in colloquiū vel cum Rege, vel cum servo, simulque eos in vera Spiritūs Sancti sacraria permutare.

Prædixit id Viris Apostolicis è Clero suo S. Ennodius. *Malas con-*

scientias aut intrare contemnitis, AUT *Diſt. 12.
To. 27. 235.*

IN SACRARIUM INGRESSÆ DEDICATIS. Ut autem tam generosam perficiendi populos rationem teneamus, attolendi nobis in cælum sunt oculi, & à Solis aspectu in terram obtutus referendus, ut quod is in putri verminosoq; stagno effecit agnoscamus. Et primum ille quidem eluviam omnem exsiccat, quæ planitiem occupabat; penitusq; exsugit graveolentis luti humorem. Id tamen Planetarum Princeps haud consequitur, nisi à fastidita palude magnam vaporum copiam ad se traxerit, quorum partem in pluvias eliquat, aridis campis subventuras: partem pingit in Irides divinæ Clementiæ nuncias, aliam demum in fulgura fulminaq; accendit ad terrorem & reverentem om-

nipotentis iræ cultū adactura mortales.
 Hæc tam feliciū Metamorphoseon
 forma, Societatis Operariis exemplar
 esto, ut muneris sui partes ritè obeant,
 Demittant sese ad improbos emen-
 dandos, eòsqve in cælestes imagines
 transforment, seu liberalitatis in paupe-
 res thesauros suos profundentis seu cõ-
 cordiæ inter Magnates sublati diffidi-
 is redintegratæ, seu implacabilis odii
 adversus vitia, & inflexibilis Constantiæ
 in defendendis oppressis. *Matth. 3. 14.* VOS ESTIS
 LUX MUNDI. Nempe: ut depulsâ ste-
 rilitate, pestiferòq; halitu expurgato, in-
 undatos illuvie campos in uberes agros
 convertatis, reductis in viam, qvi erra-
 bant, & confirmato sese allevantium
 gradu.

49. Quam profectò agendi rationem
 tres illi Angeli tenuère, ubi primùm, se
 Abrahamo sub ilice Mambriæ residenti
 obtulerunt. Vix enim Sancti Juvenes
 ingens Patriarchæ Tentorium intrave-
 rant, cùm subitò angulus omnis illius
 hospitii virtutis quoddam Sanctuarium
 eva-

evasisit. Nobiles in vestibulo præstolantes, Matronæ cubiculum servantes, famuli Diversorium curantes, armentorum custodes, vinearum coloni, Excubix pagi, cùm intuerentur vultûs modestiam; cùm audirent, quâ sermonis sanctitate cælestes illi Oratores uterentur; damnârunt continuò præteritam vitæ licentiam, adeoque in Beatorum spirituum cælestem speciem se reformârunt, ut totus ille cœtus, cælum quoddâ Empyreum, terræ tantisper commodatum, videretur. AD EORUM INTROITUM PARTES OMNES DOMUS PROFECISSE IN MELIUS (ità de eorum adventu scripsit Philo) *afflatas aurâ quâdam virtutis absolutissimæ.* Ex hoc Typo ducatur Angelica forma alios vel bonos, vel meliores efficiendi: nisi ad ingressum nostrum, vel in privatorum ædes, vel in Prætorias Magistratum, aut etiam in Augustas Regias omnes earum inquilini sua commissa deplorant, amissamq; innocentiam recuperant, sumus eo, quo insignimur, character-

Lib. de Ab.

Te. 107. 209.

raetere indigni. Neq; verò Patres tantum familias, & magnarum ditionum Principes, maximiq; terrarum Reges, quos alloquimur, & quibus vel à Consiliis, vel à Confessionibus sumus, vitæ integerrimæ speciem, majorésq; humano sensu animos ab intima familiaritate, quâ nobiscum utuntur, referant, mündoq; exhibeant oportet: verum etiam illi à quibus vix videmur, seu cùm ad herum ingredimur, seu cùm recedimus; tam potenti divini timoris impetu, in eorum pectora, à frontis nostræ gravitate immisso, percelli debent, ut pejerare servus; alienæ famæ detrahare Palatinus; rapere Curialis; Nobilitas vindictam meditari; Juventus lascivire; feminæ se pingere desinant: unde fiat, ut intimo pietatis sensu commoti, Christo mancipientur, juratâ in perpetuum ejus consiliorum custodiâ, **AD EORUM INTROITUM PARTES OMNES DOMUS PROFECISSE IN MELIUS.**

50. Et quamvis ea res admodum ardua, & prodigio similis videatur, parum id

id nihilomin^o foret, aut nihil, prout muneris nostri ratio postulat, si dūtaxat, dū adsumus, Aulæ, quas adimus, vitia detestarentur; quin & post discessum nostrum perseverare pietas debet, quam præsentibus impressimus; quemadmodū post Angelorū discessum, totum Abrahami domicilium in constanti sanctitate perpetuò remansit. Equidem his tribus oratoribus, post introductos præsentia suā mores bonos, in primi Israëlita domo idem usu venisse arbitror, quod sigillis metallo gemmave elaboratis accidit. Hæc materiæ admota, vel Aquilam, vel Cygnum, aut illam deniq; formam imprimunt, quam cavā sui parte insculptam gestant. Quæ subinde in re signata perseverat, quamvis in abaco reponantur, claudanturqve, vel gemma, vel aurum, figuræ illius artifices. At verò instar monstri foret, si annulo signatorio in pera reposito, & à re signata remoto, expressa per sigillum imago fugeret, atq; evanesceret; sic infelicissimus, & monstrosissim^o redderetur Aposto-

sto.

stolatus noster, si virtus, quam populi ab exemplis sermonéque nostro traxerunt, per absentiam nostram interiret. Efficeremus scilicet non jam conversiones, sed defectiones; nisi videlicet perduraret integritas, quam à nobis edocti acceperunt. Spirant nihilominus impressa lineamenta, tametsi vel scalprum rumpatur, vel sculptor obierit. Nulla tabula, cui suprema manus imposita sit, tingentis penicilli eget porro, ut depictos vultus aut adumbratarū Regionum imagines conservet. Foret sanè dedecus haud ferendum, si sacrorum præceptorum divinum Magisterium, minùs haberet virium ac facultatis, quàm umbratilis picturæ lusus obtineat; & quod in telam penicillus valet, in corda zelus noster non valeret.

si. Tam laudabilem virtutis, in proximis ductum nostrum secutis, perseverantiam assequemur scilicet, si eorum ædes ingressi, seu ut sermones cum illis de Deo seram⁹, seu ut privatis simultatibus, vel publicis offensionib⁹ eos eximamus

mus, corpore quidem iis præstò fuerimus, verùm animo longissimè absimus. Væ enim servis Christi! si cum profanis hominibus in congressum veniant non minùs animo, ut genio suo litent, quàm corpore, ut eos erudiant. Tum enim verò major longè in nobis foret virtutis nostræ jacturà, quàm eorum profectus, quem nostris præceptionibus instituti fecissent. Nam qui præter salutem animarum nihil cupit, eò corpus immittit, quò ipsum Charitas vocat, sed mente fixus in cella est: gemitus, non plausus edit in prædiis, aut Palatiis, ad quæ à Magnatibus seu affectuum indomitum moderator, seu admissorum delictorum futurus Judex invitatur. Nimià dedecorum est copia, quæ in magnis ædibus à vanitate obsessis, & fastu tumentibus in oculos & in aures passim incurrunt. *Magnum est* (exclamat Augustinus) *inter eorum verba versari quotidie, & non excedere de itinere præceptorum.* AB HIS SEPARATUS EST *In Psal. 6.*
OMNIS SANLIS, NON LOCIS, SED *Tom. 12. 8.*
ANI-

ANIMO. Et quoniam paulò antè de sigillo verba fecimus, illud versari prae oculis velim, ut nè cum illis scilicet coalescamus, quibus salutis eorum studium nos sociavit. Inter annulum & crustulum charta immittitur, ut signantis symbolum graphicè existat; quòd si autem cælatus chalybs aut ceræ aut glutini se penitus immerserit, jam neque imprimuntur insignia, nec ille sordes evitat. En vobis ritè agendi formam ac modum, siquidem Deo sincerum laborem præstare volueritis. Non se animus noster in eos, quos ad frugem reduci-mus, effundat, aut cum iis sese commisceat. Seratur cum proximo sermo, tradantur præcepta, pietas instilletur, sed illi non incorporetur, ut sic dicam affectio nostra. AB HIS SEPARATUS EST OMNIS SANUS, *non locis, sed animo.* Quid autem absurdius dici, aut excogitari posset, si cùm Ministros Servatoris oporteat mente, ac cogitatione intra sua claustra residere, etiam tum, cùm inter seculi filios sedent, sive ut eos

Sa.

pro sacro Tribunali peccatorū vinculis
 exsolvant, sive ut adversus ea, positis ob
 oculos æternis, seu præmiis, seu suppliciis
 præmuniāt; si unquā aliqui indè digres-
 si & in domum Dei reversi, mente ac vo-
 luntate eo, quē reliquerunt, loco persi-
 sterent, & studiorum ac contemplatio-
 nis temporibus, relictā domicilia, & re-
 motas regias, præposterā cogitatione,
 reviserent. Itane verò? de dignitate gra-
 dūs tui dejiceris, nisi absis animo, ubi
 corpore præsens es; & tu postquam aspe-
 ctui tuo subtractus est, quem pro mune-
 ris Apostolici officio, vel solatus es æ-
 grum, vel dubium consilio juvisti, recur-
 ris illuc, illic te figis desiderio, tum quo-
 què, cūm conclavis tui paradisum inha-
 bitas? Velim sanè, ut in omnium auxi-
 lium ad omnes excurramus: at pedibus
 scilicet, non affectu. Feramus eorum
 alloquia patienter, non magnificè jacte-
 mus. Ploremus, non gaudeamus, quo-
 tiescunq; vel à librorum nostrorum, vel
 à precum uberibus abstracti, cūm itā
 egentium necessitates, ac comoda po-
 stu-

stulârint, à quiete sacrorum tectorum ad
secularium domorum strepitus transfe-
rimur, ut aliena vulnera obligemus, quæ
in miserorum animis, aut hasta Sathanæ,
aut concupiscentiæ sagittæ aperuerunt.

*Ab his separatus est omnis sanus, non loci
sed animo.* Quod si Operarii Societatis

animis ità comparatis, se contulerint ad
Piscinas Probaticas, quas innumerable
corrupti mundi valetudinarii obsiden-
versabuntur inter eos citra metum spi-
ritualium detrimentorum, & cum æter-
narum coronarum lucrosissimo quæstu

§ 2. Id nimirum Lotho evenit, quem
S. Petrus auditu pariter, & visu Angelus
appellavit. ASPECTU enim & AUDI-
TU *justus erat*. Nempe Lothum Apo-
stolus his coloribus pingit, etiamnum
cum Abrahamo viventem, & ejus do-
ctrinæ sectatorem ac socium pietatis.
At fallor: de illo Sodomam incolente
scribit, Urbem tam depravatam, ut in se
sulphureum imbrem Cælo devocârit,
gemino diluvio & undarum, quibus est
oppressa, & flammarum, quibus conflagra-

1. Petr. 2. 8.

gra-

gravit haurienda. Quî ergo fieri potuit,
 ut Homo Dei, effeminatæ gentis pro-
 brosis spectaculis, ab omni parte circum-
 fessus, perpetuîsq; ac temerariis vöcibus,
 quas in cælum turpissimum vulgus illud
 jaciebat, innocens nihilominus tum au-
 ribus, tum oculis appellaretur? *Aspectu* Lib. 1. c. 1
enim & auditu justus erat. Tom. 37. 9 Solvit Ænig-
 matis nodum S. Gregorius, confirmâtq;
 innocentem advenam, per omne illud
 tempus, quod in Republica tam profana
 extraxit, ab execrandis illis Orgiis nul-
 lam unquam voluptatem cepisse, quin
 tartarea illa tripudia, & enormia scelera
 summopere fuisse detestatum. *Aspectu*
& auditu justus dicitur, quia iniquorum
vita NON DELECTANDO justî au-
ris atq; oculos, SED FERIENDO TAN-
GEBAT. Id quod Petrus affirmârat,
 cùm subjungeret: *Habitans apud eos,*
qui de die in diem ANIMAM JUSTI
CRUCIABANT. Non modò cum
 Civibus colonix illius in omne genus
 viciarum effusæ pius Hebræus vitam
 egit, verùm etiam nuptias contraxit;
 P 2 mer-

mercaturam fecit; rerum, negotiorum
 que omni eo usu se illis communicans,
 quem urbanitas, & civilis vitæ ratio po-
 stulabat. Semper nihilominus sangui-
 neis lacrymis deflebat effrenem furio-
 rum hominum licentiam, neque un-
 quam perduellis in Deum populi aut d-
 ctis, aut factis arrisit. *Iniquorum vi-*
non delectando Juste aures atque oculos
 SED FERIENDO sangebat. Igitur
 Religiosos, & serios per eam, quam dixi-
 mus, rerum æternarum meditationem non
 conservaverim, cum nos ministerii no-
 stri ratio cum Dagonis cultoribus agere
 cogit, nihil vereamur, nè amicorum no-
 strorum innocentiam unquam amittamus.
 Quod si audientibus nobis illi vel Genea-
 logias, somniatorumque avorum seriè am-
 bitiosè texant: aut injurias crudeli devi-
 ctorum supplicio à se vindicatas jactent;
 aut brevissimorum Magistratum suorum
 arroganter ostendent insignia; aut
 stolidam pompam luxum ab Evangelio da-
 mnatum, & delicias apud Inferos puni-
 tas traducant, eos vel corrigamus, ubi
 spes

spes faciendæ frugis affulget, vel excæ-
catus erroribus, & Christianorum axio-
matum hostes vehementissimo doloris
sensu lugeamus. NON DELECTAN-
DO, SED FERIENDO *tangebatur*. Habi-
temus inter illos ceu nobiles quidam Si-
nai montes : ut dum ad radices culmi-
nis nostri vecors turba choreas agitatur, &
fufos auro vitulos thure vaporat, nos,
Deo intra nos recepto, & sacrâ caligine
involuti percellamus tonitruis, & fulmi-
nibus improbos castigemus. Paucis :
Aspectûs nostri majestas, & vocum au-
steritas, improbitatis suæ horrorem ho-
minibus vitiosis incutiant.

53. At exclamabunt aliqui, si tam
serios proximis nos æternitatis medita-
tio fecerit, eos illa pariter procul à do-
mibus nostris semovebit; ad quas se cō-
ferunt non solo sinceri doloris, & emen-
dationis studio, verum etiam sæpe, ut so-
larium aliquod domesticis suis necessita-
tibus conquirant. Homines nimirum
sunt animo carnèqve compacti, quocir-
ca ut eos iugo præceptorum submittea-
mus,

mus, necessarium est, ut non minùs præsens vitæ difficultatibus occurramus, quàm præmiis æternæ consulamus, Haud equidem veto, lacrymas lacrymis misceri, quas etiã rei familiaris, aut famæ jactura expresserit. Recipiantur isti in sinus nostros, sed ad eum modum, quo Typicum illud Bethelis saxum, urgente somno, Jacobus admisit. Perspecta vobis Historia est. Optimus Juvenis Fratris minis subactus, dimissus à Parentibus in Mesopotamiam fuit, ut fraternam iram laboriosæ peregrinationis obsequio mitigaret. Fractus itineris longitudine viator innoxius decreverat à via fatigatos somno artus componere; in saxum igitur, quod sors obtulerat, procubuit: & sanè officiosum somno-lento ac fesso grabatū silex præbuit, sic blanditias & mysteria permiscens, ut media in quiete Cælum panderet dormienti, exhiberétq; Deum prodigiôsæ scalæ incumbentem, per quam numerosæ cohortes Angelorum & descendebant (à virtute in præceptis euntium
sym-

symbolum)& ascendebant; (à sensuum illecebris ad probitatem enitentium typus) *Viditque in somnis scalam stantem super terram, & cacumen illius tangens Gen. 28. 12. Celum: Angelos quoque Dei ascendentes & descendentes per eam, & Dominum innixum scale.* Igitur, ut animadvertitis, ea **QVIES** Mysteriorum Magistra, & cellissimæ contemplationis Mater somnolento Patriarchæ extitit, subjecto sub aspectum Numine, beatorum Spirituum obsequiis, stipato. Felices nos! si rupem illam similitudine referemus, quæ patriarcham accepit. Cubanti frontis oculos in somnum clausit, verum eodem tempore oculos animæ referavit, ut cælestis perfectionis altissimam doctrinam hauriret. Quod si nos idem præstemus, & humanorum solatiorū blanditiis divinorum monitorū excellentiam jungamus, venerationi scilicet iis erimus, qui nos sublevandis miseriis suis adhibuerunt. Quare quemadmodū Jacob è somno excitatus, & visorum memor exclamabat: **NON EST HIC**

ALIUD, nisi domus Dei, & porta Cæli: & sublatum à terra SAXUM, quod vice, cervicalis usurpaverat, oleo, & defixo in ejus basim reverenti osculo in Altare holocaustorum consecravit: ità si homines seculares, post exoneratas in sin^o nostros miseras suas, & animi ægritudinem sibi leniri, & Christianæ patientiæ, ac quantumvis duris, divinæ Providentiæ decretis, se conformandi, desiderio succendi se sentirent, de genibus nos velut Interpretes Cæli venerarentur, & ad Domuum nostrarum parietes conversi perennaturis eas laudibus exornarent, dicerentque: NON EST HIC ALIUD NISI DOMUS DEI ET PORTA CÆLI. Et quoniam primi nostri Patres tales profanis hominibus se præbuerunt, factum est, ut angusto decem annorum spatio tot Principes, tot Reges, omnes ubiq; terrarum populi, unde vitam tolleremus providerint; Collegia, Tempia, nobis erexerint; Filios, animasque suas Fidei nostræ commiserint, & certatim pro se quisq; nos ditionum suarum
Re-

Reparatores, & suarum mentium Duces expetierint. Qvô factum est, ut eo solum tempore, quo S. Ignatius Societati præfuit, qvôd intra sedecim annos stetit, centū Domus, & Provinciæ duodecim fundatæ sint. Ah! Illi etiam, qvi ad nos instar Jacobi se recipiunt, ut fluxorum affectuum suorum caducos langviores confirment, si secundum officia humanitatis sentiant animam suam recreari, & ad absolutissimæ virtutis sublimia vota se inflammari, Societatem ceu beatitudinis sacrarium adorabunt, & nos pietatis Aras, & inflammatæ Charitatis Tabernacula vocitantes, terrenarum rerum copiâ, & conscientia perturbatæ communicatione superobruent. TULIT LAPIDEM *quem supposuerat capiti suo, & erexit in titulum fundens* OLEUM DESUPER. Tantum potest Zeli matura gravitas, etiam cum solius qvietis gratiâ expetitur.

54. In hac blanditiarum ac monitorum, scalarum & pulvillorum, somni ac visorum cælestium temperie par est co-

mitati pietatem, & fervorem benevolentiae prævalere. Contrà si AFFABILITAS nobis non ab eo studio, quo ideò ad sublevandas aliorum necessitates descendimus, ut aditum virtuti deinceps inferendæ præstruamus, mutuata, sed propria & nativa credatur; enimverò pro laudibus, quòd ad indicatas nobis necessitates descenderit, risù feret, tanquam partus hominum ad seculi mores, & profanam humanitatem fictorum, & nihil ab aliorum luto ac sentiendi humilitate abhorrentium. Pro confirmatione hujus sententiae meæ animum intendamus in geminos Angelorum aspectus Abrahamo primùm, deinde Lotho exhibitos. Venerabiles hi Nuncii principio tam illustri specie se obtulerant, ut Patriarcha uterque caput in terram demitteret, Cæli Cives confessus: subinde post summam existimationem, cum eos propius intuerentur, humanum quid, in aëreorum corporum specie,prehenderunt, quòd lingvâ Syriacâ loquentes audirent, quòd viderent non
per

per inane ferri, sed pedibus solo insistere, atq; ideò splendoris illiº atq; Majestatis, quam adoraverant, prorsus obliti, egentes cibi Juvenes, & fraudibus obnoxios censuerunt, quam ob rem & Sara, cum ab iis interrogaretur, mentita est, & Abrahamus pariter, & Lothus dapes apposuit, hícq; insuper eos ab injuriis hominum, & violentia est ausº defendere. Exclamat ob eam rem Augustinus: *Ut aliquibus signis appareret eos* *divinitus missos*, QVI TAMEN HOMINES CREDERENTUR. Miserum me! ubi vultuum caelestium ornamenta, & animorum carne detentorum argumenta comparent, principio Seraphini credimur, & ceu talibº capita submitunt terrarum Domini; iidem subinde deprehensa in nobis vulgari quapiam cupiditate, sensuq; plebejo, nos tanquam homines aspernantur, partibusq; suis adjungunt, vel deliciarum vel honorum aucupio. In binis iis domibus super earum commodis Angeli differuerunt, & quamvis incredibiles eventus

præ-

Lib. I. in Genes.

To. 91. 165.

prænuntiarent, nihilominus observantia degeneravit in amicitiam, & cultus in epulas desiit. Id genus opprobrii renovabitur in nobis, si mundanis hominibus nimium obsecuti, eorum persuasiones approbantes, & cupiditates operâ nostrâ promoventes, non eos ad nostrâ sensa erexerimus, & in suspiriorum nostrorum pietatem penitus converterimus. S. Augustini doctrinam audiamus, qui tantæ ignominie periculum prospiciens, ita est allocutus consiliorum Divinorum Præcones. *Vult te mundus ab-*

In Ps. 134. sorbere? TU ABSORBE MUNDUM.

To. 12. 27. Trajice illum in corpus tuum. Quod Petro dictum est, macta & manduca. OCCIDE IN EIS QVOD SUNT, FAC EOS, QVOD TŪ ES. Invisunt illi ad nos, ut mentem nobis suffarcinent negotiis, quæ moliantur; honoribus, quos venantur; affinitatibus, quas nectunt; luxu, quem adornant; domo, quam extruunt: dimittantur vicissim edocti à nobis, quàm fluxi honores; quàm vana Titulorum Nomenclatura; quàm bre-

vis ad sepulcrum via ; quanta Sanctorum illorum præmia, quos dignitatum, fuga, & Patrimonii in egenos profusio ad Regnum evexit. Sic ut viscus, quo illigabantur, nè ad montes æternitatis evolarent, inter manus nostras in balsamum vertatur, quod illos servet à corruptione cupiditatum, quarum non minor est apud Babylonicos Cives ambitio, quàm execratio apud Solymæos. *Vult te mundus absorbere ? Tu absorbe mundum.* OCCIDE IN EIS QVOD SUNT, *fac eos, quod tu es.*

55. Hic ego dolore disrumpor, & angore conficior : vereor enim, ut in magno verorum Ignatii Filiorum numero, degener aliquis privignus delitescat, à communi zelo, & spectatâ omnium integritate, quam nobis S. Pater impetravit, & donavit Deus, adeò alienus, ut contrario sensu de illo dici possit oraculum ab Augustino prolatum, *Fac eos, quod tu es ;* eò quod non jam emendet secum agentes, sed deteriores etiam, quàm fuissent efficiat. *Fac eos, quod tu es.*

Ca-

Caveat imò Deus omnibus bonæ voluntatis Christianis, nè in illius mores tranſeant, à quo ſibi terrena deſideria, ambitionem, ſuperbiam miniſtrari animadvertunt. Poteròne autem dicere, quod omnino dicendum eſt? eſſe nonnunquam homines, ſacrâ veſte teſtos, alieni incendii folles, dum conſanguineis ſui ampliffimarum neceſſitudinum connubia; rationes exaugendi patrimonii; nominis ſplendorem; & Magiſtratum, à quibus longiſſimis ſpatiis eos naſcendi conditio removerat, enormes nundinationes, inculcant? Faxint Superi, nè inter Religioſos quoq; verſetur aliquando, qui ad incrementa ſuperbiæ infelices illos exſtimulet, qui vel animū iſtis emaculandum, vel vitæ genus, quod eligant, indicandum commiſere. Quid ẽ cum Apoſtolorum ſucceſſores, quo ſcilicet nomine cenſentur omnes tum IGNA-TII, tum omnium ſacrorum Ordinum Alumni, univerſos in modeſtiam ſuam, & contemptum rerum omnium, quas mundus myſticæ Hieroſolymæ Civibus oſten-

ostentat, transmutare debeant, deinde vel inter nos, vel alios invenire aliquem fuerit, qui eos ad auri sitim, & fumi famem proritet? Hoccine illud est, quod unumquemque nostrum monebat Augustinus: **OCCIDE IN EIS QUOD SUNT**, *fac eos, quod tu es?* Eja vibretur ensis Apostolicus, & in quolibet Christiano qualiscunque cupiditas, seu dignitatis Cruci adversantis, seu avaritiæ nuditati Præsepîi contrariæ amputetur. Hoc cælestium amputationum desiderio succensus, & divini verbi gladio armatus, ad inspiciendos Andronas vestibulorum nostrorum gradum facio. Frequentissimum illic Magnatum ac Nobilitatis, omnisque conditionis hominum concursus video; nescio tamen an frequentiæ semper fructus respondeat. Nollem sanè ut Augustinus ad ædium nostrarum porticus transferret acerbam exprobrationem, quâ turbam perculit Christum obsidentem, cum is ad Jairi filiam à mortuis excitandam properaret. Moverat Servatorem infirmæ mul-

lie.

lieris fiducia, quæ illi se turbæ miscuerat
continuòq; respiciens exclamavit. *Quis*
tetigit vestimenta mea? Ad hæc atto-

Mato. 5. 31. niti Discipuli Divino Magistro respon-
derunt: Et, Domine, inq̃uiebant, unda
te Populi opprimit, & manum, quâ con-
tactus fueris, requiris? Non te unus al-
quis, sed innumeri elidunt. Non ita
reposuit Messias, inter tot, qui huc, illuc
que me pellunt, una unica est, quam
Serm. 71. de pietas sua mihi propiorem fecit. *Temp.* Cogn-

To. 42. 139. scens virtutem quæ exierat. Atq; hîc Au-
gustinus: corpus, exclamat, *Christi* MUL-
TIMOLESTE PREMUNT, PAUCI
lubriter TANGUNT. Plurimi nos in-
quietant, & Theologiæ, ac sacrarum Litte-
rarum studiis, divinarum rerum commen-
tationi, visitationi Nosocomiorum
agentium animam auxilio, solatio, quo
impertiri solemus carcere conclusis, ob-
strepunt, & prolixis sermonibus intro-
portarum nostrarum ambulacra hora
occupant nostras. *Multi, multi, mole-*
ste premunt, expallesco atq; exanimor,
eorum, qui nostram operam ad diligendum

Deum

Deum, ad vanitatē conculcandam inflammantur, paucitas me cogit Augustini Satyram pertexere. PAUCI SALUBRITER TANGUNT. Equidem, exordiū cum aurora colloquia sumunt, sub meridiem resumuntur, & vix cadente Solē finem accipiunt. Utrū verò hæc spiritualia sint, & Apostolica; lacrymæ, confessiones, Peregrinationes, elemosynæ ab alloquio nostro redeuntium nobis indicabunt scilicet. Memini per ea tempora, quibus litteris operam dabam, notatum esse non neminem è Sacerdotib⁹ nostris, qui quotidie, per multas horas, Gymnasii peristylum inambulare soleret, neq; unquam è tam multis, quos alloquebatur, vel unum aliquem, aut in solitudines se recepisse, aut intra sacra Cœnobiaz se abdidiſſe. Vix denique, nescio quis, ex tot annorū confabulationibus ad Romanam Probationis domum erupit, evasit; qui subinde dimissus à nobis, nimis quàm luculenter ostendit, ecquod otiasarum illarum nugarum argumentū fuerit. *Corpus Christi*

Q

mul-

multi moleste premunt, PAUCI SALUBRITER TANGUNT. Sed Deo sint laudes, quòd eodem tempore unus alius ex eodem Collegio Sacerdos, ad diversos Ordines sacros, plusquam septingentos Adolescentes amandavit, qui in eo vitæ genere cum infinita divini & nostri nominis gloria perseverârunt.

56. Atqui omnia nostrarum ædium vestibula speciem quandam Baptismi referre populis deberent, quem qui Filius Iræ intraverat, gratiâ dotatus egreditur. Quocirca quemadmodum S. Leo lustralem undam cum intactæ Virginis visceribus composuit, quæ Divinum Aghum peccati everforem conceperant: ita Sacræ Baptismi Urnæ Religiosis ædibus ac Templis comparentur licet, ut, cum ad eas accesserint homines carne graves, & quæstuum suorum avidi, ab omni penitus vel avaritiæ, vel impuritatis lepra emundati recedant. Audiamus S. Leonem regenerationis nostræ fontem describentem. *Omni homini renascenti Aqua Baptismatis instat*
est

*Serm. 3. in
Nat. Dom.*

est uteri *Virginalis*, eodem *Spiritu Sancto* replente fontem, qui replevit & *Virginem*; ut peccatum quod ibi vacuavit sacra-
 CONCEPTIO, hinc mystica tollat ABLU-
 TIO. Quod si verò expurgari à nobis improborum pertinacia recusaverit, postquam aliquamdiu eorum vitia frustra oppugnaverim⁹, obtemperemus *Servatori* vetanti margaritas aprorum dentibus objici, & sanctitatis Azymum panem canibus lacerandum offerri. *Nolite dare Sanctum canibus, neque mittatis margaritas vestras ante porcos.* *Matth. 7. 6.* Qui enim istis Divina Mysteria explicaret, is perversorum hominum ludibriis Thesauros Divinitatis objiceret. *Nam qui arcana divulgat, imminuit Christi decorem.* Ita *Ser. 4. in Pf. 118.* scripsit, egitq; Magnus Ecclesie Doctor *Tom. 41. 36.* Ambrosius: qui nè Imperatorum quidem presentiam ferebat, à quibus precepta Evangelica violari animadverteret. Avertamus igitur oculos ab iis, qui suos ad Deum convertere recusant. Curremus, ut perinde sit, alios nostram consuetudine uti, atque ad pedes nostros

irarū toxica, & intemperantiæ sulphur
 evomere: idq; ad non vulgarem opinio-
 nem virtutis iis sufficiat, quos constet
 adire Oratoria nostra, seu familiariter
 cum nostris colloqui. Venit hinc mihi
 in mentē admiratio illa, quam D. Chry-
 sostomi temporibus excitavit succin-
 ctum Elogium, quo Cajum Romanum
 commendaverat Paulus. *Salutat* *vo*
Cajus hospes meus. Quippe Chrysosto-
 mum, ea verba commentantem, inter-
 pellabant Auditorum suorum voces, ro-
 gitantium ecquid demum in eo laudis
 esset, qui Hospes Pauli diceretur? Tan-
 tæ profectò reponerebat ille, ut major nè
 Rom. 16. 23. fingi quidem possit. Quippe nisi Apo-
 stolus, post paucorum dierum moram,
 maximum hospitis sui in virtute profe-
 ctum deprehendisset, fugisset sanè non
 secus, quàm à Cyclopis antro, vel à lati-
 bulo Basilisci. NISI enim DIGNUS
 Rom. To. 42. 199. VIRTUTE PAULI FUISSET, *apud*
eum utiq; ille non fuisset hospitatus. Atq;
 adeò dum hospitem illum appellat su-
 um, simul summā ejus virtutem osten-
 dit,

dit, copiosissimúmque; Poenitentia, ac sanctitatis proventum sub ejus se tecto collegisse demonstrat. *Salutat vos Cajas*
HOSPES MEUS. Quòd si non paria de nobis credantur, continuò vel tanquam iners, vel assentatrix, aut otiosa, nostra, cum secularibus hominibus consuetudo traducetur. Et sanè, si prima surgentis Societatis, nostrorúmque; hominum tempora spectemus, unum idémque; fuerat, Christiana perfectionis famam sibi comparasse, ac nostris Sacerdotibus arcana pectoris credere, vivendique; Magistros habere. Idcirco, quâ possum, maximâ contentione animi unumquemque; Operariorum nostrorum obtestor, ne sinat tam venerabile lumen sacrae istius existimationis infusari. Tam gravis in nobis animos servandi sollicitudo appareat, ut necesse sit, vel sermonibus nostris eos permoveri: vel nisi è lacunis foeditatum suarum emergant, ante illorum oculos ostium adducatur, palámque; ac disertis verbis objiciatur illud, quod stultis Virginibus, & falsis Evangelii sui

Matth. 23. 12. Præconibus Christus: *Nescio vos; Descendite à me omnes operarii iniquitatis.* Tam

Luc. 13. 27. generosa impiorum exturbatio, quos colloquia nostra non correxerunt, famam nobis apud Orthodoxos pariet, quòd sincero studio Christi honorem procuremus, & implacabili odio perennacem nequitiam insectemur.

57. Interpellat indignitatem hìc aliquis, ac quærit, rectène an secùs cum Principibus viris consuetudo contrahatur. Ego verò existimo, eum vel è livore delirare, vel invidiâ furere, qui haud æquis oculis aspicit Sacerdotes Apostolicos in amplissima palatia pedem inferre, consulq; à viris summâ dignitate ac munere. Equidem detestabilis putidissimæq; foret ambitionis, si Dei Ministri dedignati plebejorum hominum curam, eos solùm sectarentur, quos Serum vellera exornant, & Indorum gemmæ coronant. E contrario si pauperes audiantur benignè, calamitatibus eorum solatium afferatur, expurgentur vitia; scandi profectò cum virtute Dynastarum

rum turres possunt, & in partem comparatæ nobis scientiæ vocari Rectores Provinciarum, & Senatores Rerumpublicarum. Cujus rei seipsum Paradigma nobis præbuit Gentium Apostolus, qui Psalmos modò cum Aquila & Priscilla tentoriorum Textoribus decantabat: modò cum Sergio Paulo Asiæ Proconsule philosophabatur. At verum est quoquè inter sanctos in Ecclesiæ Martyrologio hunc legi, & illos à Crucis Adoratoribus tanquam Cæli Indigetes votis vocari. Itaq; dum vanitas absit, & jactantia, cum Patribus Conscriptis, Regnorum Administris, Cohortium Tribunis, magnarum Urbium Dominis versari, res est laude dignissima, & ab iis qui primas Ecclesiæ leges tradidère, usu & exemplo comprobata. Nemo siquidem est, qui nesciat, quàm familiariter, toties laudatus Apostolorum Princeps Paulus, primariis Palatinis è Cæsaris familia usus fuerit. Verùm omnes ille ad exactissimam Christianorum Consiliorum observantiam composuit, atq; ad acer-

Philip. 4,
33.

bisimorum martyriorum patientiam animavit. *Salutant vos omnes Sancti, maximè autem* QVI DE CÆSARIS DOMO SUNT. Quòd si tanto fructu atq; emolumento cum iis, penes quos rerum potestas est, & auctoritas, sermo misceatur; non modò extra crimen est inita cum iis necessitudo, verùm etiam amplioris est laudis illustres docuisse, quàm obscuros. Ejus rei causam Plutarchus, externus scriptor, sapienter exposuit. Sic is in tali argumento disputabat. Si à nobis Philosophis institutur aut bubulcus, aut mercator, transfusa in eos virtus in eorum animos exundat, nullo alio fructu, quàm exiguæ paupertinæq; familiæ, cum qua versantur. At si nostrâ industriâ perturbationes Principū edomentur, & si virtutes excolantur in mente vel Dictatoris alicujus Romani, vel Magnorum Exercituum Ducis, immensa prorsus in populos ex arbitrio eorum, quos emendavimus, pendentes, utilitas derivatur. Rex bonus integra Regna meliora reddit, & à
Con-

Consule ad integritatem vitæ perducto
in omne Imperii corpus, Iudiciorum æ-
quitas, ac rapinarum odium transmitti-
tur. *Si Philosophia ratio in hominem pri-* Cum Princi-
vatum inciderit ; NIHIL TRANSFUNDIT IN ALIOS, *sed parta in uno mar-* pibus Philo-
cescit. Verum si Principem aut in nego- sophum de-
tiis versantem attigerit, atque hunc re- bere dispo-
pleverit honestate, PER UNUM PRO-
DEST COMPLURIBUS. *Te. 110. 127.*

§8. Et sanè prodigiosum prorsus o-
peræ pretiū nostra cum Magnatib⁹ con-
suetudo colligeret, si cum illis congressi,
nostris propriè armis uteremur, satísq;
haberem⁹ Sacerdotes, non Politicos; Re-
ligiosos, nō ambitiosos; Christi Famulos
non hominum esse mancipia. Si Verecū-
dia, Paupertas, Pietas, Virt⁹ esse nobis eo-
dem in usu quo intra domesticos parie-
tes, sub aureis lacunaribus perseveraret,
quo inter domesticos parietes est, triū-
phum procul dubio reportaremus de
iis, qui modicæ fidei, vel immodici fa-
stus Aphorismis Testamenti Arcam op-
pugnant. Tales non sacrarum litterarū

meditatione, seriis de æternitate sermonibus, afflictationum voluntariarum exercitatione, honorum fugâ, ærumnarû amore, salutis humanæ studio in Principum Virorum aulis, & quocunq; Equestrium Virorum conclavi feramus, ac subinde me vel mendacem appellitate, nisi præceptis nostris obsecutum genus omne humanum vitia detestetur, & innocentia amore inardescat. Sic egredere David novus è Pastore Miles, & è nemore in aciem transgressus. Equidem ad prosternendum blasphemum Philistæum iturus rudis adolescentulus regiâ lorica & casside munitus fuerat, ac vibrare lanceam, & clypeum in lavam inferere iussus. Atq; ille in hunc modum armatus experiri cœpit, utrûm tot inter aurati chalybis fulgura promovere gradû posset; at cûm videret, se nec ad gradiendum expeditum, nec promptum ad pugnandum, exiit arma, recepitq; preces pariter, & fundam, quibus inter pascua nuper assveverat, cûm leones in arenam porigeret. Subinde adversus In-

cir-

circumcisum processit, non animos jactans aut robur, sed divinum nomen implorans; non hostem ceu rudem belli contemnens, sed Arcæ obrectatorem, castigans; nec præstitutis sibi triumphalibus Arcubus, sed id unum desiderans, ut Israël Deum Idolorū cultores agnoscerent. Et quoniā providus bellator alio genere pugnae, quā cuius usū inter nemorum recessus custos armentorū sibi comparaverat decertare recusavit; prostravit Philisthæum, fudit hostes, & per inimicorum populorum regna, Conditoris potentiam, gloriosè circumtulit.

Ego venio ad te IN NOMINE DOMINI. 1. Reg. 17.
50.

NI, ut sciat omnis terra, quia est Deus in Israël, tulitque unum lapidem, & fundā jecit. Prevaluitque David adversum Philisthæum in funda ET LAPIDE. Petra autem (ut scribit Apostolus) erat Christus. Atque hæc illa forma est, quæ Christi Centuriones longā vitæ asperitate intra domesticos parietes exercitati Dæmonem debellabunt, & superbos dejicient; si juratæ Deo fidei semper & ubi

ubique memores, nunquam verò sui dissimiles extiterint; idémq; vitæ institutum secuti fuerint, seu in regiam vocati, seu in illustri honorum gradu collocati, quod in Religiosis claustris tenuerunt. Davidis dictum in ore habeant, cùm ad aliam, à priore pugna, rationem provocantur: **NON USUM HABEO.** Ità Thomas de Villa-Nova sacrâ Tiarâ redimit⁹, & censu ditat⁹ eam in Pontificiis ædibus vivendi frugalitatē, eam agnati sanguinis oblivionem, eam in domando corpore refrenandis sensibus severitatē, & precū prolixitatem conservavit, quam diu antè sub Augustini Regula professus fuerat. Sic (ut de nostris etiâ loquamur) Andreas Ovied⁹ in Æthiopiæ Patriarchâ consecratus, nunquam in hac tanta nominis dignitate degeneravit ab eo amore, quo in Servatoris honestissima opprobria ferebatur, & litteras ad Piū V. dedit super cōglutinatæ chartæ prosegmina, quæ de attrito Codice Ecclesiasticarū precū resciderat, exaratas, Ità sub oculis nostris Robertus Ballarminus inter Purpura;

puratos Patres adlect⁹, in sacello Pontificio Angelicam quandam modestiā retinuit, in Consistoriis Vaticanis dignā Apostolo Majestatem, in publicis Congregationibus libertatem, quæ Theologum deceret. Quibus rebus omnibus id unum cupiebat, ut mores emendarentur, & Evangelium propagaretur. Quapropter si purpuram, quam coactus induit, excipias, tam constanter, in omnibus rebus austeritatem religiosam præse tulit, ut Principatus, quem invitus tolerabat, nihil à Religiosa vivendi ratione differret. Appareat nimirum semper, qua in schola fuerimus educati, & à quibus Crucibus, Humilitatis, Simplicитatis & Patientiæ, nos refixerit imperium eorum, qui nos sedere cum Principibus Ecclesiæ voluerunt, ut Clero egregiæ pietatis & virtutis exemplum essemus. Quare Davidem imitati sic inter armatos exercitus vivamus, ut inter innocentium ovilia commorati fuimus, & inter formidatorum Magistratuum strepitus, & Magnificorum Titulorum splendores
pie-

pietatis armis, & sanctitatis idiomate
utamur. VENIO AD TE IN NOMI-
NE DOMINI, *ut sciat omnis terra, quia
est DEUS in Israël.*

59. Nec segnius Bellarmino ritus Mo-
nasticos admirabiles illi Religiosi serva-
runt, quos Gregorius Magnus secum in
ædes Lateranas traduxit. Qua in sede
collocati Monachi, cum prodigioso illo
Pontifice, vitam exigebant, tam ab astu
palatino abhorrentem, tam à dignita-
tum ambitu alienam, tam inimicam re-
galibus deliciis, tam solitariam in com-
meantium turba, sic Deo conjuncti, ta-
met si procul à Monasteriis suis degētes,
adeò in consuetudinū suarum custodiā
in tanta seculi profanorum hominum
corruptione intenti, ut cū inter eos
se Pontifex afflictissimus reciperet, Cæ-
lo renasci, & inter Palatii, tot vanitatis
Aquilonibus afflati, algores, flammis pla-
nè cælestibus succendi sibi videretur.
Fatebatur adoratus Christi Vicarius, se
post negotia Reipublicæ Christianæ
confecta; post regios Oratores auditos;
post

post Synodos & Purpuratorū Patrū conventus post Apostolica Diplomata subscripta, in sua penetralia tā exhaustū spiritu reverti solitū, ut importuno strepitu negotiorum, ceu pugione, lethali vulnere confossus, semianimis inter carissimorum sodalium amplexus procumberet.

Vix autem paucas paginas è sacris voluminibus cum istis perlegerat, & auditæ lectionis sensa contulerat, cū æternitatis memoriam subire sibi, animūq; efficaci aurā pietatis foveri, in flammariq; experiebatur, atq; adeò tanquam vitæ meliori redonat⁹, amissos relictī Cænobii ardores, per verorum Dei Servorum sermones, postliminio recuperabat: quid multis? Post non diuturnam inter Monachos moram lætitiā velut extra se positus exclamabat: Nunc demum vivere mihi videor, & qui ad eos ulceribus plenus, & quatrduanus veluti Lazarus ingressus eram, nunc ab iis Gregorius exeo, qui fui, cū Christi servus essem, redeoq; qvalem esse me oportet Vices Dei gerentem. Lubeat gesta rei

Histo-

Historiā audire Leandro Archiepiscopo Hispalensi ab ipsomet recensitam. Refert igitur ille optimorum Cucullatorum religiosissimam perseverantiam, tum quantum ex eorum præsentia profecerit, exponit. **UT EORUM SEM.**

*Ad Leand.
Episc. Expo-
sit. in Job.
Tom. 33. 2.*

PER EXEMPLO *ad orationis placidum littus, quasi anchora fune restringerer, cum causarum secularium incessabili impulsu fluctuarem.* **AD ILLORUM**

QUIPPE CONSORTIUM, *velut ad tutissimi portus sinum, post terreni actus volumina, fluctusque fugiebam, & licet illud me ministerium ex Monasterio abstractum, à pristina quietis vita, mucrone sua occupationis* **EXSTINXERAT;** *inter eos tamen per studiosæ lectionis alloquium quotidiana me aspiratio compunctionis* **ANIMABAT.**

Deum immortalem! *quàm immensam fuisse illam virtutē arbitramur, quæ, incredibilis doctrinæ virtutisq; Pontifici, tantum infundere vigorem potuerit, ut per illam sibi videretur à morte ad vitam transire, & è deplorandæ tepiditatis sepulchro ad*

Alta-

Altare Thymiamatis, & ad Sancta Sanctorum Contemplationis Seraphicam, æquantis instauratâ pietate resurgere? At enim in his altas radices egerat divinorum judiciorum memoria, ut æternis terroribus imbuti aliud non sonarent, præter tonitrua, quibus omnes superbiæ machinæ, altissimiq; celsitudo imperii in supremi mortalium omnium, quotquot Christum pro Deo venerantur, Rectoris animo collapsæ subsiderent. Tantundem de se sibi quisq; nostrum, spondere debet, si Doctrinæ Facibus, & austeritatis Cingulis immutabilem Dei memoriam conjunxerit, castigantis improborum vitia, & sanctè viventium merita coronantis. Quocirca fulgoribus Ministerii Apostolici socientur ultimæ Quæstionis horrores, quâ æterna vel diademata, vel supplicia irrevocabili edicto decernentur. *Et vos similes hominibus expectantibus Dominum suum.* In hunc modum conformatos Mundus exaudiet, nosque cum illis, quos in viam reduximus, Regnum

R

Dei

Dei constituemus, in terrâ quidem pietate, in Cælo verò Beatitudine sempiternâ. Amen.



EXHORTATIO VI.

In Pervigilio S. IGNATII.

Sint Lumbi vestri præcincti, & Lucernæ ardentes in manibus vestris. *Luc. 12.*

Zelus animarum cum externis
serius sit ac gravis, plenus
Deo, & æternitatis sensu plenissi-
mus. Versantes secum intimè affi-
ciat, & efficiat sanctum, quem priva-
tum habet Auditorem. Id nunquam
à proximis obtinebimus, nisi de rebus
æternis inter nos relaxationis tempo-
ribus domi colloquamur. Hæc cum
mun-

mundanis hominibus gravitas suavitatem illam non excludit, quâ illis grata nostra consuetudo, & perspecta fides reddatur. Imò quò graviore, sanctioresque, amandatis rerum novarum narratiunculis, facetiis, officiosarum elegantiarum blandimentis, ac assentationibus, nos experientur, tantò magis domuum nostrarum portas frequentabunt, ac salutaria monita venerabuntur. Id SS. Hieronymo & Bernardo, ac nostris etiam decem Patribus usu venit, quemadmodum hodièque plurimi nostrorum hominum, & omnes per Europam Missionarii nostri experiuntur, quibus omnibus maxima in loquendo scribendòque gravitas auctoritatem apud Summos, benevolentiam apud infimos parit.

60. **A**NNO proximè præterlapso per non dissimilem occasionē exposui gravissimam illā necessitatē, quæ omnes S.P. Ignatii Filios premit, ut doctrinæ suæ radiis illuminēt, & vitæ asperioris exemplis permoveant omnes, qui cū ipsis agūt, & colloquūtur. Sub dissertationis illius postremas Periodos mirabamur beatā illā Sanctissimorum Monachorum Coloniam, quam S. Gregorius à Cœnobio Cœlii Montis in Pontificium Lateranense Palatium deduxerat tanto suo emolumento : ut non dubitārit fateri magnus ille Pontifex, se, quotiescunq; à Régia sua & à publicorum negotiorū tractatione recessisset, tametsi ob eam rerum gerendarum molem, pietatem propemodum omnem, quietem certè ex animo suo submotā ingemisceret, quàm primū pedem imposuisset in secreta Religiosorum suorum conclavia, primis eorum sermonibus, quos viri Sancti ferventissimos habebant, vitalem calorem pietatis recipere continuò consuevisse. Ut adeò
Pon-

Pontifex sanctissim⁹ è contracti teporis sandapila confurgens vigorem sibi protinus restitui persentisceret, & ardentia desideria subnasci, ritè Christi gregem gubernandi, & Divinæ Majestatis arcana religiosiùs contemplandi. Quòd si canaculis illis Cælestium sermonum consciis, & ad expugnandam mortem valentibus, nostrarum portarum limina similia non fuerint, non erunt illa vel ædes Societatis, vel porticus aut conclavia Ignatii. Eas verò ut suas Beatus Legislator agnoscat, necessariū est, ut in Colloquiis Patrum, quæ cum secularibus miscent, Davidis oraculum impleatur, quod Psalmo supra centesimum tertio edidit. *Ascendunt montes & descendunt campi.* Qui limina nostra velut Apenninus seu fastu tumidus, seu ob avaritiā inhospitalis, aut monstros in vindictam furentibus, & in licentiam solutis obsessus subit; is nostris alloquiis in alium hominem repentè mutatus, in uberem campum floribus honestatis, & fructibus prodigæ in egenos libetalitatis

Psal. 103.

complanetur. In summa quisquis nos
 adit fronte adversus Cælum contumaci,
 manibus in prædam aduncis, pedibus
 cruore respersis, corde pice infecto, is à
 nobis recedat subditis Christianæ disci-
 plinæ jugo cervicibus, manu in quotidi-
 anas eleemosynas exporrectâ, purus ab
 incontinentiæ maculis, non jam rupes
 feris belluis habitata, sed hortus conclu-
 sus & aromatum ubertate lætus. *Ascen-
 dunt montes & descendunt campi.* Non
 hæc mea glossa est, fuit illa Gregorii Pa-
 pæ, qui transfigurationem hanc Prophe-
 ticam suorum Clericorum exemplis ap-
 paret. *Qui montes ascendunt per tumo-
 rem potentia, campi descendunt : plani
 videlicet facti, per cognitionem culpa.*
*Montes sicut cera fluxerunt à facie Domi-
 ni:* Jam verò utrùm hac tempestate tam
 illustres Metamorphoses improborum
 in optimos evadentium in Andronibus
 nostris contingant, penes illos esto judi-
 cium, qui eos frequentant. Maximo
 prorsus angore conficerer, si qui eo com-
 meat, è colle in scopulum excrederet,
 seu

Lib. 33. Mo-
 ral. c. 3.
 To. 33. 588.
 Psal. 96.

seu nimia voluptatum suarum miseratione delinitus, seu ad honores consecretandos stimulatus, aut segnius ab avaritia remotus. Non ita: prohibeat potius Pater Aeternus à Societate Jesu Filii sui tam detestabilis ignominiae opprobrium. Spero potius de nostris quoque, superliminaribus, idem Encomium posse suspendi: *Ascendunt montes, & descendunt campi.* Id quod successum habebit nunquam, nisi ad serenda cum proximis colloquia domesticorum inter nos sermonum sanctitate nos praeparemus. Nam si nostris in aulis serios de Deo sermones inferemus, mutuóque nos ad religiosam perfectionem exhortabimur, per eum ritè loquendi usum, ad pietatem componemus omnes, quicumque vel consilii, vel auxilii causam nos inviserint. Atque hoc erit totum hodiernae Allocutionis argumentum: in qua palam faciemus, non difficulter modò, sed nullà prorsus ratione fieri posse, ut is, qui domi geminas horas laxari silentii, & concessae quietis otiosa, & inutili

confabulatione transigat, à vitiis deinde purgare quemvis alium queat, qui vel amici fiducia, vel pœnitentis affectu ipsum convenerit.

61. Ille nimirum cum Babylonis Ne-
potibus sancta colloquia miscet, ut eos
in filios Sionis adoptet, qui privatim in-
ter Dei servos de cœlestibus rebus ser-
monem habet. Equidem Juditha sub
gemma to Tentorio Holofernus à regali-
bus deliciis dapum Assyriarum tem-
perare sibi potuit, quòd, antequam in
hostiũ castris tam magnanimæ rigidæ-
que abstinentiæ periculum faceret, in
domesticarum rerum affluentia duris
pridem jejuniis se macerasset. JEJU-

Judith. 8, 6. NABAT *omnibus diebus vite sue, præter*
Sabbatha & Neomenias, & Festa domus
Israël. Hæc nempe Matrona, cujus
famem legumina, sitim frigida restinxe-
rat, rejicere nullo negotio potuit sapi-
dissimos missus à copiarum Duce obla-
tos. *Cui respondit Judith, & dixit*
NON POTERO MANDUCARE *ex*
his, qua mihi præcipis tribui. Nempe du-
rissi-

rissima quæque molliuntur, ad quæ nos
 crebrâ exercitatione paravimus: contrâ,
 res quælibet, licet facillima, si quando
 improvisa supervenit, conatus omnes
 eludit. Dicenim amabò; estne res ul-
 la magis communis & usitata, quàm ro-
 busto Pastori caput levi galeâ tegere,
 & pectus tenuissimi textûs loricâ muni-
 re? Quàm è contrario ardui difficilli-
 mîq; operis est, ut cum Gigante manus
 conferat, qui remotissimam semper à
 Præliis vitam egit, nec ullum unquam
 jaculum torisit? nihilominus David re-
 giâ Saulis casside protectus, & loricâ per-
 fectissimi operis chalybe, ac mirè habili
 indutus, nè passum quidem promovit,
 militari eo apparatu implicitus. Atque
 illum non metalli pondus immobilem
 reddiderat, sed quòd nullum ceperat o-
 diosæ illius armaturæ periculum. *Non*
possum sic incedere, QUIA NON USUM
HABEO. Verùm, qui galeæ pondus su-
 stinere nō potuit, deposcere sibi cū Go-
 liatho potuit singulare certamen, reddi-
 ditque fortissimi consilii sui rationem.

Haud equidem me terret, inquit, formidabilis Philistæi moles immensa, quoniam inter nemora his manibus sævissimum leonem discerpfi, & fauces furenti Urso elisi. Quem tam decorus cruor prostratarum belluarum seu in littore, seu inter sylvas fusus exornat, is incircumcisum & in Deum exercituum Blasphemum risu explodet. *Nam & Leonem & Ursum interfeci ego servus tuus,*
Reg. 17. 36. erit igitur & Philistæus hic incircumcisus
 QUASI UNUS EX EIS. Nec fortius dixit, quàm fecit: imperterritus prælio, & obtentâ victoriâ felix. Tam opportuna tamq; valida præsidia multò antè paratis præstò sunt ad facinora spinis ac sentibus obsepta, & inextricabilibus adstricta nodis expedienda.

62. Eam ob rem S Hieronymus exclamans: prius, inquit, Armorum Palæstra exerceat, quos in aciem produci-mus; gladii primùm retusi, tum enses lethiferi distringantur. Ità sapiens Thallasiarchus antequam ad pugnam navalem classem instruat, diu illam antè in-
 poro

portu & placido sinu anchoras solvere,
antennas flectere, corvos injicere, in ho-
stilem navim invehì, inter agitati maris
procellas in gradu consistere, & veræ pu-
gnæ horrore, cùm jam proræ cohæse-
runt, umbratilis prælii docet arte prælu-
dere. *Qui navali prælio dimicaturi sunt,*

ANTE IN TRANQVILLO MARI,

*In Vita Mal-
sbi.*

& in portu flectunt gubernacula, uncas

Io. 17. 202.

*preparant, lubente vestigio stare firmiter
convescunt, ut, quod in simulachro pugna
didicerint, IN VERO CERTAMINE
non perhorrescant. Quare quisquis vivam
mortis imaginem animo stimulis libidi-
nis incitato subjicere cupit, is intra do-
mesticos parietes privatis colloquiis e-
jus formam studeat adumbrare: nam si
concessæ relaxationis hora, quæ pran-
dium aut cænam excipit, vanis sermoni-
bus insumatur, non poterit animus no-
ster, Spiritûs Sancti flammæ, in eos re-
pentè vibrare, qui ad domos nostras è-
suis transierunt. Huc accedit, quod dis-
simulari à me non debet, formidanda
Dei sententia, quâ inanes prudentiâ*

mul-

multoq; magis inopes pietatis eos appellat, qui neglectis argumentis pietatis, & timoris Divini, quibus suo erga Crucem amori alimenta ministrare debuerant, rebus deridiculis, & argutiarum salibus, seu floreà corollâ mentem revinciunt.

Cor sapientium UBI TRISTITIA, *cor*
Eccles. 1. 4. stultorum ubi letitia. Tot sermonis lepôres, tanta rerum novarum sitis extremam penuriam pietatis ac zeli aut notant, aut pariunt, & insuperabiles obices populorum conversioni, unico Instituti nostri fini opponunt.

63. Quî verò fieri possit, ut homo seriæ gravitatis expers, & in joca profusus, corda delinquentium plus quàm humanis terroribus quatiat? aut quâ ratione eorum frontibus iræ divinæ fulmina imprimet, vultu religiosæ gravitatis frenis soluto, explicatôq; in colloquia festiva, magis, quàm sancta, cogitationésque, quantum in profanæ hilaritatis prata, defixas, tantundem ab Evangelicis mœroribus Montis Calvarii alienas? *Cor sapientium* UBI TRISTITIA EST, *cor*
stul-

fultorum ubi letitia. Si enim obdurata peccantium corda retundunt impetus impressos, licet ab Anachoretis cilicio tectis, à Monachis fletu madentibus, à Missionariis sacro ardore flagrantibus; quis eorum pertinaciam vocibus nullo suspirio amentatis, & ore risu contaminato frangendam sperabit? Heu! quantum Apostolici Præcones laborant, ab Inferorum, & Cæli contemplatione ad æterna promulganda supplicia recens progressi, ut à sexcentis, à quibus audiuntur, vel lacrymam exprimant, quâ vitæ suæ improbitatem deplorent? neq; ad eliquandos in fletum valent, vel pœnarum minæ, vel sanctitas Oratoris, vel Sacerdotalis cultûs majestas, vel Templi, in quo verba fiunt religio. Et nos eos, quibuscum de plano ac familiariter agimus, & melioris vitæ præceptis instituiamus, percellemus scilicet joci profanati? Memini audire me ante annos aliquot ex ore Religiosi hominis, non hujus quidem, quæ Dei misericordia est, Ordinis atq; vestis, sed tamen Alumni
Cœ-

Cœnobii admodum rigidi, ac sancti, in magna hominum corona verba fieri super singulari certamine sub id tempus duos inter Monomachos commisso, tantumq; abfuit, ut facinoris atrocitatem, ut par erat, detestaretur, ut penè velut Heroëm celebraret occisum, & Homicidæ triumphum caneret. Itane verò dum Orcum pugnantibus Deus aperit, & Ecclesia sepulchrum occludit, possit Christo consecratus Sacerdos, Sacrilegium magnanimitatem appellare, & tanquam memorabile facinus prædicare temerariam in Deum, in Pontifices rebellionem? Nec in mentem revocet inter Dæmones torrer, qui ceciderat, & ejusdem carnificinæ reum esse victorē? Igitur, quod Reges infame, dignumque laqueo scelus edicunt, id Altaris Ministri & Evangelii Nuncii, fortitudinis & nobilitatis titulis decorabunt? Qui autem hi tales peccatoribus pietatis sensum imprimunt, si anathemate perculos in cælum tollunt? Nec uti Reos damnant, qui Coemiteriis excluduntur,

tur, & carnificum pedibus conculcantur? Heu me! è tritico, puro licèt, & ab asperitate vilitatèq; glumæ perpur-gato, spica tamen exurgit paleis conve-stita, & aristis armata, quondam nodo-sas perticas, & ferrata jumenta fatigatu-ra, ut in areæ tritura sordes, quibus tegi-tur, deponat. *De grano purgato fru-*

mentum cum palea nascitur, sine qua se- *Serm. 14. de*
Verb. Apost.
Ro. 26. 127.
minatur. Sic acutè S. Augustinus ani-

madvertit, paritèrq; frequētissimi quiq; cultores agrorum Christi experiuntur. Quamvis è cellis in fora, ab Aris ad por-tas vultu exsangvi, oculisq; salutis incer-tæ metu attonitis progrediantur, ægrè tamen efficacium verborum flammis inveteratæ glaciei summas crustas dis-solvūt, quæ magis ac magis in improbo-rum obstinatione durantur. Hic ego conjectare vos jubeo, quem terrorem sit incussurus is, cui in ore risus natat? & an Propheticum enssem penitus in eorum noxas sit adacturus, contra quos Famæ Tubâ, & Poëseos thyrsis armatus pro-ccedit.

64. Et quoniam Ephemeridum hebdomadariarū memini, date hoc mihi, ut inter filios meos unam aliquam gubernationis meæ intolerabilem molestiam deponam. Haud equidem sum vel austerus adeò & iniquus, vel tam parum moris humani gnarus, ut in privatis nostris colloquiis omnem hilaritatis speciem condemnem, improbèmq; si quando strictim aliquid de successibus rerum humanarum nunciatur; si modò ea narratio nec levitate, nec scurrilitate, nec à rebus, sanctorum virorum, sententiâ, damnatis, & à Deo punitis fordescat. Ipse quoq; Paulus Eremita post annos centum in sylvis exactos ex Antonio quæsit, quis Romæ imperaret? Quis præsentium temporum status esset? Et sic quidem Sancti illi grandævique senes colloquebantur. At enim neuter eorum ejusmodi sermonem miscuisset cum Novitiis illis Eremicis, qui nuper ex Ægypti tumultibus ad speluncarum silentia confugerant. Neq; etiam talium nunciorum Anachoreta morti pro-

proximus se cupidum ostendit, primis statim horis, cum in colloquium cum superveniente hospite venisset. Post longam disputationem de vita perfecta, post attentam sacrorum Evangeliorum meditationem, dum prodigioso pane corpora reficiunt, Regnantium Cæsarum conditionem, & Christianæ Religionis à Catacumbis in publicum progressæ, tranquillam pacem Antonius Paulo demum exposuit. Permittam sanè nonnullam eventuum humanorum notitiam, sed quorum argumentum sint, Constantini ad fidem conversi, non autem Herodiades tripudiantes: sed incrementa fidei; non insolentia luxûs in orbem injecti: sed templa divino cultui consecrata; non populo data spectacula. Idque totum hominibus ætate provectis & canitie venerandis licere velim, à quibus sacrarum frequens litterarum lectio, precandi usus assiduus, & capta tot ante lustra paternis ex ædibus fuga, omnine labendi periculum à gestarum rerum narratione procul removet. At ve-

rò periculi plenissima res est, cùm gravissimi ex Ordine Religioso Patres idem argumentum inter juvenes versant, qui tam crassam molem strepentium rumorum in ea virtutis infantia digerere haud possunt. Quis enim unquam tam fuit amens, ut infantibus recens è fasciis evolutis robustas illas dapes objiceret, quæ manipularibus Exercituum, & agrorum colonis vires augent, & vitam conservant? Gallus Numidicus, & Phasianus Evropaus, quemadmodum corporibus robustis vigorem addunt, sic jugularent infantes ab ubere nuper depulsos, nempe qui medullam tenuissimi panis aquâ subactam ægrè concoquunt. Non omne argumentum omni ætati promiscuè convenit: & narratio seu nuptiarum, seu bellorum, aut singularium præliorum, aut decursionum equestrium, aut pomparum, utq; compendio dicam, omnium earum miseriarum, quæ viris Sanctis invisæ, usurpatæ profanis, curiosis successibus utramque paginam implent, & ex animo salutare imagines delent

delent, hominibus quidem confirmatæ solidatæque virtutis affectus movent, vel indignationis adversus peccantes, vel commiserationis erga deceptos : In animis contrà eorum, qui nuper in terram sanctam transpositi sunt, eadem res vel Crucis non ità pridem in humeros sublata horrorem, vel invidiam excitant erga illos, qui gloriæ plausu, & Sirenium cantu perfruuntur. Quare detestabilis impudentiæ foret, id cum Religiosis professione ac ætate tam novis communicare, quod citra errorem, saltèm periculosum, in aures transfunditur senio duratas, & à sacris paginis ad omnem sanctitatem eruditas. Neq; hoc solum vitium est, quòd nè in rerum curiosarum narratione domestica colloquia, nugarum pulvere, & rumusculorum cæno aspergat, metuendum est. Exterrent enimverò me illa incrementa, quæ apud nonnullos capit intrusa in nostrorum colloquia narrationum otiosarum vanitas. Vehementer enim dubito, quin idem sermonibus istis accidat, quod

anulis evenit. Eorum primus è Caucasi montis exigua Schidia ferro inclusa formatus est, & in lævæ manûs pollicem insertus. *Primumq; saxi fragmentum* (Plin. *Proam. in l. 37. nat. hist. To. 57. 264.* nio teste) *inclusum ferro, ac digito circumdatum.* HOC FUISSE ANULUM, ET HOC GEMMAM. Subinde chalybe nonnihil expolito pellucidum vitrum compressum: tum ad argentum atq; aurum factus gradus, amplexa gemmas Aquilonares exigui pretii fragilibq; naturæ; demum ad firmissimos lapides perventum, tentata maria, & Indicæ rupes perfossæ, atq; in aureis circulis vario emblemate illusis, Smaragdi & Carbunculi ostendebantur, eâ pretii magnitudine, ut facilius aliquando prædium, quàm anulum emisses. Nostrâ verò ætate plebejus ille anulus habetur, qui non toto ambitûs sui spatio compluribus adamantibus illustretur, & tot lapidum opulentiâ coronet grandem gemmam, quæ velut inter minores stellas Phœbus omnium radios vincat, & majore luce superobruat. Componite jam ho-

hodiernam profusionem integrorum, patrimoniorum, quæ dexteræ manûs extremus digitus sustinet, cum rubiginoso illo ferro, quod primum rupis fragmentum palâ conclusit. *Primumq; saxi fragmentum inclusum ferro, ac digito circumdatum, hoc fuisse anulum, & hoc gemmam.* Cùm sub primævum Societatis fervorem à Præsidibus nostris brevis aliqua periodus à quopiam in familiari colloquio prolata dissimulatione transmissa esset, quâ vel apparatus vestium, vel carpentorum fastus, aut equestris pompa, seu conviviorum lautitia perstringebantur, sic ea narratio ab Ignatii Filiis audita fuit, quasi non audissent. **UT VIDENTES NON VIDE-** *Luc. 8. 10.*
ANT, UT AUDIENTES NON INTELLIGANT. Subinde rerum illarum incuriam similiû narratiuncularû appetentia in aliquibus subsecuta est. Demû adeò placuere variarum & mundanarum imaginum, ut sic dicam, belluata rapetia, utiis (qui semper quidem sunt inter multos pauci, & inter fervidos tepidi)

molesta recreatio, & gravis quies videretur, nisi rerum novarum narrationes in imbris modum sinum suum inundarent. Neq; verò hoc loco Chaldæi fluminis eluvio consistit. Eâ verborum magnificentia, eâ suspensi supercilii Majestate, tam seriò, tamq; ex animi sensu seculi eventa commemorant, quàm Neemias Israëlitis libertati nuper restitutus Legis volumina recitaret. Amplius quiddam deteriusq; consequitur. Tam acutis animadversionibus patratas ineprias, descriptosq; luxus expendunt, ut optandum esset, pari studio sacras litteras præcipui earum Interpretes exposuissent. Beatum certè Pinedam, beatiorum Riberam, terque quaterque Beatum Cornelium, si tam accuratè, attentèque deduxissent erudito suo sanctoque stylo, quos posteritati Commentarios in Oracula Prophetarum, in Jobi Threnos, & Pauli documenta reliquerunt. Ah! longè tendunt ulteriùs in privato colloquiorum otio garruli Fabulatores, quàm inanulorum usu Antiquitas progressa sit.

Ni-

Nimiùm, heu ! nimiùm epulantium, crapulas, ambitiosorum profusiones, arrogantiam Superborum, furias depræliantium, & veluti vindicatam, ad rerum humanarum fastigia subvectis, Divinitatem honoramus.

65. Et quando tandem pauci illi, aut unus ille, quisquis domi nostræ tam cupidè sermonem infert, de furiis & perfidia, quibus tenebrarum Filii excantantur, exstinguere in animo suo poterit, vel honorum ambitionem, vel deliciarum sitim? Cogit me horror iste nugarum, quæ nos admiratione rerum tantopere à nobis cateroqui contemptarum illaqueant, & ad promovendam virtutem eorum, quibuscum loquimur, tam ineptos reddunt, cogit, inquam, ut cum Tragico exclamem. Vah! quid est, quòd vaniloquorum hominum ossa, non diducuntur, & referatur pectus, ut palàm faciant, ecquod demum sit cupiditatum suarum tomentum, & qualis, quàmque, indigna sit affectionum suarum miseria! Ità ille:

O si pateant pectora ditum!

Dicam ego :

O si pateant pectora Divum!

Senec. Trag.

10.

Tom. 8. 32.

*Quantos intus sublimis agit
Fortuna metus! Brutia, Coro*

Pulsante fretum, mitior unda est.

Proh! quàm misera tepidorum, omni demissionis sensu, & muneris atq; Instituti sui cognitione carentiũ, futura sors esset, si pateret internarum cupiditatum, quibus agitantur, amphitheatrũ. Videmus interdũ loco Apostolicæ magnanimitatis, quæ decepti mundi vanissimas glorias rideret, & Præsepio Christi inter stabuli sordes bono nostro & exẽplo generiti, ardentia basia figeret, medio in corde residere illustrium cunarum invidiam, clarissimæ famæ cupiditatem, commenticiarum dignitatum spes ridiculas, abjectissimam venerationem erga eos, quibus honoratior, aut commodior vita vivitur. *Quantos intus sublimis agit fortuna metus* Heu me! quorundam pe-

pectora tametsi paucissimorum, ad opulentas affinitates, munera speciosa, nuptiarum splendorem, & phylacteria Togarum Pontificiarum magnis suspiriis anhelant. Turbantur malè feriat quidam, dum in paterna domo luxum illum, magnificentiamque non viderint, quam in Magnatum ædibus, detestabili stupiditate, suspiciunt. *Brutia, Coropulsante fretum, mitior unda est.* Minus lassantur interdum ambitionis catenata mancipia, dum palam præcipiti cursu secularium thronorum, tribunalium & soliorum Ecclesiasticorum umbras insequuntur, quàm sese illi excruciant, quos à Christo è servitute elementorum ereptos cum electis filiorum Dei cohortibus regnare oporteret. Heu! terrenorum negotiorum sermones, quantopere per Agni pro salute hominum occisi, beata vestigia gradientium quietem perturbatis! Nemo quippe tam vana simulacra aut sibi, aut suis optaret, nisi ampullantibus verbis in audientis animo prius inauratæ illæ fuissent pompæ

S 5

rum

rum Larvæ, quas non solum in Religioſæ Domûs limine, verum in ipſo quoque fonte Baptiſmi jam olim ejuravimus.

66. Et ſiquidem id in nonnullos, aut unum aliquem non cadit: Quî fit igitur, ut tam curioſè viſantur veſtiaria ad luxum inſtructa? ut in publicum procuratur, nullo pudore, aut metu ampliſcandi verbis, perfectione, quam profitentur, indignis immenſos veſtium ſumptus, pomparum vanitatem, vaſta equilium ſpatia, & ædificiorum ſubſtructiones inſanas? Aliæ vetêrum Romanorum gloriæ fuerant ab hodiernæ Romæ Scenâ: receptæ tamen intimo pectore, veritatis cæleſte lumen priorum Chriſtianorum oculis ſpolia triumphantium, Imperatorum Coronas, ſpectaculorum hilaritatem objiciebat ſpecie tam ſcœdâ, ut eorum nemo vel triumphales vias adiret propiùs, vel etiam procul reſta Neronis aurea, & prodigioſa Titi Amphitheatra ſuſtineret intueri. AT
NOBIS OMNI GLORIÆ ET DIGNITATIS ARDORE FRIGENTIBUS,

*Apolog. ad
ſent.*

To. 58. 279.

BUS, *nulla est necessitas cœtus, nec ulla
magis res aliena, QVAM PUBLICA.*
Fidem sanctis vocibus pascimus, spem eri-
gimus, fiduciam figimus. Idem illâ tem-
 pestate fuerat, se Christianum, atque à
 Naumachiâ, Capitolio ac Triumphis
 perpetuum Exulem, atq; undiq; exclu-
 sum profiteri. Eam à magnificentissi-
 mis spectaculis, & communibus illece-
 bris fugam Evangelicæ sententiæ parie-
 bant, quibus se in abditis sub terram cry-
 ptis generosi Athletæ mutuò exhortabâ-
 tur ad contemnenda omnia, quæ apud
 Ethnicos in pretio erant, ad ea verò à
 quibus illi abhorrebant, votis omnibus
 consecranda : adeò ut velut resumptæ
 denuo idololatriæ, Religionisq; ejuratæ
 portentum habitum fuisset, si quispiâ eo-
 rum, quos Sacramenta perunxissent, vel
 levi aspectu Ethnicorum celebritates,
 ludos, arenas usurpâset. NEC ULLA
 MAGIS RES ALIENA, *quàm publica.*
 Et quoniam Augustini temporibus in-
 Catholicis nonnihil remiserat Aposto-
 licum istud profanorum spectaculorum
 fasti-

fastidium, cum Christianorum aliqui ad Pantomimorum scenas & certamina gladiatorum accurrerent, adeo vel ipsos Idololatrias offendit tam aliena curiositas ab eo, qui se Dei in Crucem acti Affeclam profitebatur, ut multi adoratores Idolorum, quos errorum suorum tedium, nostraeque doctrinae desiderium ceperat, cum inter ludorum suorum strepitus, permixtos unam viderent Christianis Sacris initiatos, erroribus suis pertinaciam addiderint, & a veritate Orthodoxa, si non recepta, saltem reverenter expensa resilierint. Offensi nimirum pessimo exemplo, & indignabundi exclamabant: O nos infelices, si pro Trinitatis ab incircumcisis istis Hebraeis praedicatae observantia statuas confregissemus, & solo Theatraequassemus! Quoniam hi non minus, ac nos, ludis nostris applaudunt; & licet Baptismo tincti, Amphitheatrorum tamen nostrorum cruorem non averfantur. Perniciosi adeo in publicum exempli, quo, velut obice, Gentium ad Fidem accessus impediabatur, Censuram

forem objurgatorémq; peracerbum Augustinum audiamus. *Paganos colligi volumus. Lapidés estis in via, venire volentes* OFFENDUNT, ET REDEUNT; *dicunt enim in cordibus suis, quare nos relinquamus Deos, quos CHRISTIANI IPSI NOBISCUM COLUNT? Absit à me, inquis; ut ego Deos gentium colam. Novi, intelligo, credo, quid facis de conscientia infirmi, quam percutis? Neque dicas, eas Ægypti vanitates non tam aspici à te, quàm despici: pedes quidem in eorum aulas inferre, sed animum procul habere. De Genealogiis, de cultu vestium, de famulitio illorum dissero; sed quos verbis honoro, eosdem mecum ipse derideo. Nam illi, quod os sonat, audiunt, intuenturque, quod apparet foris, idque totum quia tumori, quo turgent, & somniis, quæ sibi fingunt, aptè responderet, non audent vel deserere, vel averfari, quæ à Cœnobiorum alumni suspici, & in pretio haberi animadvertunt. Credam equidem nihili à te fieri luxum, quem spectas, & palatia quæ con-*

Serm. 6. de
Verb. Dom.
Tom. 26. 9.

conscendis, quis autem immunem te præstabit ab ea strage, quam edis, animarum, quæ rerum earum quas non modò non reprehendis, verùm etiam consecraris, amantem te cupidumq; arbitrantur? QUID FACIS DE CONSCIENTIA INFIRMI, *quam percutis?*

67. Infinitus hominum secularium, numerus est, qui vel intra Carthusias clausi, vel in sylvas abditi, rudes asperòsque saccos induissent, & noctem, psallendo etiamnum agerent, nisi Religiosorum virorum tepor iis æternitatis lucem inobscurâisset, minùsque periculosam in plateis hortisq; Babyloniiis moram reddidisset. Illud enim sibi occinere: QVARE *nos* RELINQUAMUS DEOS, *quos Christiani ipsi nobiscum colunt?* Ah! Si quando vel summum Imperia, vel natura negotiorum, aut ministeriorum nostrorum ratio in Domicilia Vanitatis, & Voluptatis viridaria nos abstraxerunt, coguntq; conclavia habitare vario cultu exornata; accumbere dapilibus mensis; in Hypæthris

thris residere magnificis: id agamus, ut nō
 obscuris indiciis deprehēdat hospes, non
 placere mēti nostræ, quod aspectu tolera-
 m⁹: credāt ciborum suorū sapores à no-
 bis cum animorum nostrorum nausea
 glutiri: animadvertant, Majestati suo-
 rum tapetium, nostrorum pavimento-
 rum nuditatem anteferri; suspicentur,
 hoc nos humanitati amicitiaeq; dare,
 quòd in pietas tabellas & gemmas ipsorū
 oculos cōjiciam⁹, deflere interim res illas
 tanquam reas omniū illorū infeliciū, qui
 pretio, illarū è Barbarorum servitute, vel
 creditorū ergastulis redimi possēt. Reno-
 vetur in nobis ea opinio, quā Jovi gravita-
 tē plebeji juxtā, nobilesq; illius Provinciæ
 observabant. Incredibilis erat Viri di-
 vinißimi majestas, semper in futuræ vi-
 tæ successus intenti, semper præsentis in-
 fidias metuentis; adeò ut, si vir Dei ad
 sublevandas ærumnas subjectorum, aut
 Magistratuum labores recreandos, au-
 steritatem supercilii, stuporem oculo-
 rum, severitatem frontis, nonnihil inter-
 dum laxato in amabilem risum ore,
 mi-

mitigasset, fidem apud intuentes non inveniret, & pro se quisq; affirmaret, eam Dynastæ lætitiæ Iridi simillimam esse, cui nec telæ solum, nec veri colores subessent. Ridet, inquiebant, sed non ex animo Princeps noster, ad necessitates nostras se placido vultu demittit, nullâ interim hilaritate, aut tranquillitate animum ejus demulcente. *Si quando ri-*

Job. 29. 24. debam ad eos, NON CREDEBANT, & lux vultûs mei non cadebat in terram.

Idem de nobis dicant omnes seculi Filii, religiosæ scilicet miserationis partum esse, quòd eorum conviviiis adsumus; quòd in eorum plumeis culcitris acquiescimus; quòd inter eorum Asarota inambulamus; quòd eorum symphoniacos audimus. Dicant singuli ac universi: Hi Christi servi, ut nè nos in desperationis barathrum præcipitent, manus à lacerandis holosericis nostris continent, crystallinis nostris parcent, non prote-runt calcibus abacos nostros, & affici videntur deliciis nostris, quas interim cum gemitu tolerant. *Si quando ridebam ad eos*

eos, non credebant. Verbô: eâ formâ
Gravitatis Evangelicæ vivamus, ut ipse
etiam risus noster terrori, ac deceptis se-
cularium præstigiârum Idololâtris scho-
la sit.

68. At plures hîc exclamabunt, & ut
Doctrinam meam infirmant, etiam de-
serabunt; tam seriam cum hominibus
agendi rationem, alienam esse ab eo, qui
populos instruendos suscepit. Tam fixos
inquiunt, in divinorum judiciorum con-
templatione stupentésq; oculos habeat,
qui solitudinem, qui sylvas colit. Ad nos
verò populorum Magistros, quis vel in
Lycæis, vel in Templis accederet, si o-
mnis humanitatis expertes, spectra poti-
us ob mœstitiam, quàm ob lætitiâ Ange-
li videremur. Qvòd si proximorum fa-
miliaritatem facetiis, rerum novarum,
narratiunculis, risu deniq; captare nesci-
erimus, nos teu sylvestres Satyros, &
tanquam immobiles statuas vitabunt.
Ab his ego primum peto, utrùm primi
nostri decem Patres, eorûmqve primi
Alumni gerris, fabulis, cachinnis abun-

dârint, quos scilicet necessarios iis esse putatis, qui Laicos homines reducere ad frugem satagunt, & cum nobilibus summisq; viris super ipsorum salute colloqvuntur? Proh! Quanta omnium illorum gravitas in gestu, motu, voce, vultu, scriptis fuit? Et nihilo tamen minùs Republicæ, Principes, Reges, Summiquæ Pontifices certatim pro se quisq; vel duos ut nanciscerentur laborârunt; nec potuit exiguus ille numerus Operariorum Evangelicorum undam populi sustinere, quem Auditorem in Templis, in sacro Tribunali de genu supplicem habebant, ad portas etiam nostras in animarum suarum Pastores ac Ducès advocati. Hinc est, quòd veteris Instituti Religiosus quispiam in dedecus nostrum dixit. Donec, inqviebat, Societatis Sacerdotes vitâ pariter ac sermone Apostoli de superiore loco, & privatim, de DEO, de morte, de inferno verba faciebant: ingens in eorum Templis frequentia, & in nostris solitudo apparuit. Jam verò cum eorum aliqui, tam in publico, quàm domi

domi minùs graviter differunt, in dicendo floridi, acuti, elegantes, uti nos, è molestissima Eclipsi, quâ nobis communis Patrû, tum in docendo, tum in dicendo fervor offuderat, oboriri nobis lux denique cœpit. Hic nimirum gravitatis, quamvis à paucis remissæ fructus est, & huc demum evadunt opiniones eorum, qui seculares homines nimîâ Religiosorum virorum severitate consternari palàm mentiuntur. Qvis unquam dixerit Bernardum Claræ-Vallis Abbatem, emaciatum vultu, membris exhaustum, cultu squalidum, pastum herbis, potum frigidâ, catenis attritum, severissimum stylo, non in loquendo minùs quàm in scribendo, aut ceuferam belluam vitatum fuisse, aut stipitis instar neglectum? Cùm controversiarû suarum arbitriû illi permitteret Septentrionis Præsides, Galliarum Principes, Ecclesiæ Concilia, Orbis Christiani Pontifices. Non poterat Præsul optimus, quantumvis solitudine suâ sepultus, effugere rerum Dominos, & Antisti-

tes Cleri, qvi magno numero rerum
 suarum eum Judicem legebant, & sui
 ad æternitatem itineris Ducem.
 Age recitemus sententias amoenissi-
 mas, & lepidas elegantias, quibus Epi-
 stolam, quam ad Primarium Rom. Ec-
 cles. Cardinalem & Vice-Cancellarium
 Christi Vicarii adornavit. *Haimerico*
Cardinali, & Cancellario, Bernardus Ab-
bas, Domino vivere, & in Domino mori.
 Atque hoc officiosæ urbanitatis præ-
 mio tantum Vaticani Principem saluta-
 vit; à quo cùm rogatus fuisset, ut Deum
 amandi, ac variam eruditionem è Ta-
 bulariis Ecclesiasticis, & Philosophorum
 Bibliothecis comparandi rationem sibi
 perscriberet, haud dissimulanter nega-
 vit, posse se de alio argumento, quàm
 prorsus divino cum ipso colloqui. Qua-
 re misso ad illum erudito Tractatu, de
 Charitate in Conditorem, minùs san-
 ctarum Disciplinarum argumenta reje-
 cit, monuitque scriptores alios, quibus
 plurimum otii, majorq; à Legibus Mo-
 nasticis immunitas esset, sibi conquire-
 ret,

Prolog. de
dilig. Deo,
20. 36. 193.

ret, quorum operâ in ea quæstionum,
 pompa sibi adornanda uteretur. AD
 ID SOLUM, *quod de diligendo Deo quaeritis*, RESPONDEO, *quod ipse dabit* ;
Hoc enim & sapit dulcius , & tractatur
securius, & auditur utiliùs : RELIQUA
 DILIGENTIORIBUS RESERVATE.
 Utrùm verò hæc primis Apostolicæ Cu-
 riæ Assessoribus respondendi forma, de-
 missionem notet ad sententiarum, ser-
 monisq; blanditias descendenti, is vide-
 rit, qui expenderit quâ libertate vanæ
 litteraturæ otio repudiato, pietatem
 Cardinali ministraverit opere Sera-
 phicis cogitationibus, & Theologicis
 sensus referto. Quantò plures ad nos re-
 fugerent, si Bernardum imitati, cum ex-
 terni à nobis vel præliorum successus,
 vel Politicorum cuniculorum artes, ci-
 vilisq; tractationes in familiari nobis-
 cum colloquio exquirunt, illud in eorū
 ora regeramus: *Ad id, quod de diligendo*
Deo quaeritis, respondebo ; hoc enim & tra-
ctatur securius, & auditur utiliùs. Reliqua
diligentioribus reservate. Dicamus cu-

riosis: si Commentarios desideratis, ut cupiditatum vestrarum ardores, aut superbiæ vestræ machinamenta feliciter promoveatis, in Arcopagos ascendite, non intrare Cœnobia. Senatorum enim, non Religiosorum est, præcepta præscribere ad obtinendam gloriæ Lauream, & Oleaginam honorum civilium. Nam qui se Cruci desponsavit, clavos acuit in cruciatum, non inaurat palmas ad victoriam. *Reliqua diligentioribus reserve.* Non diversum à Bernardo se Hieronymus in scribendo, agendôq; cum summis Pontificibus præstitit, quibus suggererat, non minùs ipsis Petri Crucem, quàm sedem; clavos, quàm claves; Apostolatam, quàm Imperium placere oportere. Sic in Epistola legimus, quam Damaso Pontifici non jam in Hypogæis commoranti, sed in Lateranensi regia post Constantinum imperanti. *Obtestor, ut, qui Apostolos honore sequèris, sequaris & merito. Ità te alius senem cum Petro cingat.* Numquid hæc etiam tempestate, non per omnes Provin-

Ep. 58. ad

Damas.

Tom. 17. 250.

vincias Evropæ Missionarii nostri Plebem, Senatores, Principes, & coronata Infulis capita post se trahunt? In sola Hispania Theologi, illi qui celeberrimarum Academiarum Cathedris, quibus præsidebant, valere iussis, pagos montesq; tam serio prorsus & Apostolico zelo percurfant, annon ab omnibus illustrissimorum illorum regnorum Emporiis, & ab ipsa Urbe Regia, & Monarcharum sede invitantur? Certantibus inter se Provinciis, cui audire illos primùm, cui deinde contingat, ut ad eorum subinde pedes animas suas deponant, & ex eorum ore præcepta salutis hauriant? Jam verò de quibus rebus tum isti, tum alii Operarii nostri differunt, nisi de suppliciis æternis, & de humanæ vitæ brevitate?

69. At enim in Bethaniæ secessu Christus recreabatur, & cum Pharisæis inibat convivia. Sic egit, agerétq; si etiamnum inter nos degeret. Neq; ego Filios meos veto lautis mensis interdum accumbere, dummodo Christum, ut ad epulas,

itā in quaestu animorum inter convivio-
rum dapes lucrifactorum sequantur. In-
vitari se Christus à Simone passus, non
opsoniorum, sed calentium lacryma-
rum desiderio, quas ex oculis Conviva-
toris sui ut exprimeret, laborabat. Con-
vertite in eum oculos, monet Augusti-
nus, & animum hospitis sui esurientem
deprehenditis. *Ipsam* PASCENTEM
ESURIEBAT, *ipsum emendare, ipsum*
manducare, in suum corpus trajicere vole-
bat. Quapropter S. P. Chrysologus Scri-
bis illis, qui famam Servatoris eo nomi-
ne lacerabant, quòd cum Publicanis ci-
bum sumeret, os obstruit, & pollicem
premit, jubétq; calumniam mutare in
venerationem, animadversò, non qua-
les ad illum accederent usurarii, ac foe-
neratores, sed quales ab ipso recederent:
opibus nimirum in pauperes distributis,
& victimarum, quas lacrymabundi ho-
spites offerebant, toto latè Sanctuario
nidore diffuso. *Peccatores recipit & man-*
ducat cum illis: Exclamat hìc Chrysolo-
gus. *Recipit peccatores Deus, sed Deus,*
PEC-

Hieron. 23. c.

50.

To. 26. 183.

Serm. 168.

To. 36. 186.

PECCATORES ESSE NON SINIT
 QVOS RECIPIT. *Unde Phariseus non
 quales venerunt, SED QVALES REDI-
 BANT, videre debuit peccatores.* Promi-
 scue agatur cum omnibus, & aliquando
 cum illis etiam cæna sumatur: siquidem
 hanc veniam Christi epulantis exem-
 plum indulget. Zachæo ad prandium
 Messias condixit eo tempore, quo eum
 in Sycomoro conspexerat. Prandet in
 ejus domo, sed advertatur animus ad in-
 gentem pecuniæ vim in egentes spar-
 sam, damnati quæstus rapinas pensatu-
 ram. *Ecce dimidium bonorum meorum,
 Domine, do pauperibus, & si quid aliquem* Luc. 194
defraudavi, reddo quadruplum. Atque
 hæc videlicet narratiunculæ, hi lepôres,
 hi risus fuere, quibus se Filius Dei Filiis
 hominum gratiosum reddebat, atque
 amabilem. Proh! qualis eo die fuit
 frontis ac linguæ Verbi æterni epulantis
 Divinitas? siquidem oculorum suorum
 fulminibus opulentissimum hominem
 sic exterruit, ut ærarium recluderet, &
 patrimoniū divideret dimidiâ ejus par-

Cant. 8.10.

te Dei amicitiam mercaturus? Equidem in Ministris Evangelicis, oris & fandi gratiam commendo, dummodo ab humanitate terror non separetur. Non caruit uberibus primitiva Ecclesia, nihilominus ex iis, plus ignis, quàm lactis emanavit, plurésque ex illis sagittæ sunt emissæ, quàm stillæ. **UBERA MEA SICUT TURRIS**, conversamini, sed convertite; loquimini, sed instruite; non desint vitibus vestris virides pampini, si modò sub umbra frondium pendant uvarum salutarium botri. **Ubera & Turres; Lac & Lacrymæ**, alimenta & timores, Irides & nubila in unum convenire oportet: Illæ recreent, hæ fulgure terreant, cogantque improbos Cælum vereri, & commissorum veniam implorare gemitibus.

70. Id verò effectum nunquam dabimus, nisi prolixis meditationibus, attentâ sacrorum voluminum lectione, amicâ cogitationū nostrarū concordia cum memoriis justorum, pectus deniq; Sancto Spiritu impleverimus; ut ejus subinde
tor

torrentes in labra nostra exundent. Cre-
 dere verò, citra contemplationem axio-
 matum Apostolicorum posse metum
 improbis injici, ea demùm somniantis
 est vanitas, & cæcitas hominis Evange-
 lia non capientis. Primis quoq; nascē-
 tis Ecclesiæ temporibus non defuerunt
 Viri litterati, qui è Græcis ac Hebræis ad
 Christiana Sacra traducti, Christi vitā ac
 doctrinā mandare litteris tentarent: At
 istorū digitis continuò stylus excidit, &
 post paucas periodos annaliū, quos scri-
 bere aggressi fuerāt, ab opere destiterūt,
 defecti scilicet vigore illo, qui necessariò
 est ad describēda, eā, quā par est, dignita-
 te, infantis DEI stabulum, ejusdē in Ægy-
 ptum fugam, piscatorum in Apostolos
 delectum, infame in Calvaria, duos in-
 ter latrones, Cruci suffixi supplicium.
 Quippe quòd frigidorū Historicorū ani-
 mus non æstimaret opprobrium Crucis,
 & Humilitatem Præsepīi, nesciebat dignā
 verborum magnificentiā Messiam stipu-
 lis incumbentem, infimæ plebi familia-
 rem, & Mortis reum exprimere, Contrā
 verò

Luc. 1.

Proem. in
Luc.

Tom. 43. 3.

verò Matthæus, Marcus, Joannes, & Lucas, cum magnificerent Christianæ Mōdestiæ ac Demissionis thesauros, nullo labore omnem Crucifixi historiam Posteris tradiderunt. *Quoniam quidem multi conati sunt ordinare narrationem rerum, quæ in nobis completæ sunt: ita scribit in Proemio historiæ suæ S. Lucas.* Quo loco S. Ambrosius iis, qui de Deo sinè Deo mente animòque recepto, differere audent, insultans exclamat: *Ergo multos cepisse, nec implèsse S. Lucas testatur.* Eternitate videlicet plenum esse oportet, qui Sanctos efficere peccatores voluerit. *Quæ ubi se infuderit* (prosequitur sanctus Doctor) *rigare consuevit, ut non egeat, SED ABUNDET SCRIPTORIS INGENIUM, non conatus est Marcus, non conatus est Ioannes, non Lucas, sed divino Spiritu; UBERTATEM MINISTRANTE, sinè ullo molimine COEPTA COMPLEVERUNT.* Perinde aliquib⁹, qui cum priorum voluminum longo usu studiòq; exercitati non sint, fervidos tamen sermones miscere ad portas nostras

stras audent, quod Concionatoribus accidit, verâ scientiâ & ardenti pietate destitutis. Concinnant miserabiles, ineptuli, descriptiones infelices pugnarum navalium, florentium hortorum, Cœli stellati, magnificarum ædium, & continuo post absurdissimas nugas, gelidissimis vocibus concionem obtestantur, ut sanguineos rivos tergo repetitis flagellorum ictibus deducant, ut lacrymarum torrentes præ doloris magnitudine profundant, & è capite cineris imbres sua commissa detestati diffundant. Neque tamen animadvertunt miselli, quanto magis ad lacrymas hortentur Auditores, quòd tantò acrius eos ad ridendū sceleratum frigus simulati ardoris extimulent. Atque isti è Cathedra pariter, & ex plano, quamvis & Prophetias, & oracula crepent, scabunt, non feriunt, sicque Auditores suos eâdem vitiorum pice, quâ infecti accesserant, inquinatos à se dimittunt. *Etiam cum aliquid agere*

PUNGIT NON PERFORAT. Hâc Epigraphe Declamatoris

Lib. 1. de Benef.

Tom. 29. 89.

ven-

ventosi perorationes castigavit Ethicorum Princeps. Longè verò acerbius apud eundem Hatherius quidam Orator nominatissimus vapulavit, qui de omni argumento disputabat, nullo decori modo, nullâ præceptorum reverentiâ, nullo respectu Senatorum, à quibus audiebatur. *Nam Quincti Hatherii* *cursum suis temporibus* Oratoris celeberrimi **LONGE ABESSE AB HOMINE SANO VOLO.** Nunquam dubitavit, nunquam intermisit, semel incipiebat, semel desinebat. Annon Religiosos quosdam, de rebus omnibus fermocinantes Stoicus descripsisse videtur? Eodem tempore de Principum consiliis, de celebratis nuptiis, de promissis honoribus, de Anachoretarum inedia, de Missionariorum expeditionibus, de pœnitentium ejulatibus, de Mimorum cachinnis, de symphoniis, de choreis, de furoribus hominum ambitiosorum loquuntur: In unum colloquium confusis vanitate seculi, & sanctimoniâ claustris, Evangeliiis, & Amadisiis, plausu superbiam, & stupore

*Epist. 40. ad
Lucil.*

To. 29. 178.

re pœnitentiam consecuto. *Nunquam dubitavit, nunquam intermisit.* Non ità (succlamat Seneca) Romanus dicit, prudens, maturus, venerabilis in omni orationis suæ sententia; nec verbum profert, cui vel auctoritas desit, vel cura. ROMANUS SERMO SE CIRCUMSPICIT, ET ÆSTIMAT, ET PRÆBET ÆSTIMANDUM. Ad eundem modum quisquis Beati Parentis, ad cuius tumulum Evangelium Lucæ interpretamur, filius est, is ex omni suo verbo venerationem sibi parit. Nisi ambitionem opprimat, vocem non mittit; nisi precandi studium, silentium, eleemosynas persvadeat, obmutescit. E pallore, lacrymis Auditorum suorum, è confessionibus & eleemosynis illorum, quibuscum versatur, colligit, an reapse tanquam legitima S. Patris proles agat cum proximo. *Se circumspicit, & æstimat,* ET PRÆBET ÆSTIMANDUM. Tales erant omnes Societatis Domus ac Tempia; planè uti ad Macedoniæ, Palæstinæque Cœnobîa aliâ mente nullus adi-

adibat, quàm ut peccati horrorem conciperet, & virtuti se consecraret: provocantibus ad venarum lacrymas lacrymis Monachorum, & terrorem ingerentibus in tanto salutis æternæ periculo tot cruciatibus, quibus solitarii illi, ut Inferos effugerent, se conficiebant; sic ad nos trepidi seculares recurrebant, ut Tartarorum claustra probitatis, ac pœnitentiæ repagulis sibi occluderent. Chrysostomum audiamus Pietatis illius Palæstram describentem. *Bonum esse ingredi domum luctûs, quàm domum risûs. Verè domus luctûs Monasteria sunt, ubi Cinis atque Cilicium; ubi solitudo; UBI RISUS NULLUS; NULLUS NEGOTIORUM SECULARIUM STREPITUS. In littore placido sedent, omnes ad quietem suam invitantes, ac pertrahentes, neque naufragium pati sinentes eos, QUI SE INTUENTUR, non permittunt in tenebris degere eos, qui suas aspi-ciunt sedes. Quòd si autem ità se res habet; quì fit, ut currat ad theatra, qui nostra frequentat Altaria? ut Comœdias spe-*

Hom. 14. Ep.

1 in c. 5.

ad Rom.

Tom. 50. 40.

spectet, qui concionibus nostris auditor
 adstat? ut obscœna Poëmata legat, qui
 doctrinarum nostrarum Discipulus est?
 ut pedes inferat in Diris devotas domus,
 qui sub nostris porticibus ambulat? ut
 deniq; non sit Temperantiæ Typus, Idea
 Justitiæ, Perfectionis Templum, qui ad
 pedes nostros sua peccata deponit? Ni-
 si à Juvenum nostrorum aspectu sancti-
 tatem sibi afflari experitur, quisquis in
 eos incidit, nos neque Religiosi, nec pro-
 bi viri sumus. En tibi verorum Christi
 servorum definitionem : *In littore se-
 dent, naufragium pati non sinentes eos,*
QVI SE INTUENTUR. Sic eve-
 niat: ut in nobis vivat Ignatius,
 quem ut videbant Impii, sanctitatem
 hauriebant, & damnatis errori-
 bus ad veritatem
 ducebantur.



EXHORTATIO VII.

*Ad Congregationem Generalem
Patrum Procuratorum in Domo Pro-
fessa super ejus temporis Evangelio,
quod erat de Zizaniis.*

Sinite Ultraque crescere. *Matth. 13.*

Insectationes, obtrectiones, calumnia, ac Satyræ, quibus Ordines Religiosi proscinduntur, indicium præbent, eos in primæva etiamnum virtute sua persistere. Quippe tam Fides Christiana, quàm venerandi cætus Benedicti, Dominici, & Francisci, cum vel maximè arderent eorum sanctissima studia, linguâ, stylo, proscriptione, ferro fuerunt atrocissimè impugnati. Subtrahenda nihilominus est pravis atque perversis hominum voluntatibus, livoris ac erroris

*roris materies, tum vitæ innocentia,
tum luce doctrinæ.*

71. **A**Dventus Patrum Procurato-
rum ex omnibus Europæ at-
que Indiarum, tum quæ ad
orientem, tum quæ ad occidentem So-
lem jacent, Provinciis, eodem tem-
pore pectus meum lætitiâ, & oculos la-
crymis implevit. Equidem inexplica-
bili gaudio inundari se animus meus
sensit, cùm audirem, quàm immensâ
Deus Clementiâ Patrum nostrorum la-
bores prosequatur, in tradendis Juven-
tuti litteris, obeundis magno ardore
Missionibus, dicendi Sanctitate, con-
versione populorum, voluminibus tan-
to Christiani Orbis emolumento vulga-
tis, veræ pietatis exemplis, quibus tantæ
hominum seu vivendi, seu credendi li-
centiæ ac perversitati convitium faci-
unt. Ex alia verò parte ingenti mœrore
me repleverunt uno omnium ore recen-
sitæ insectationes, quas ubiq; terrarum
nostri patiuntur; Satyræ, quibus confi-

guntur; Calumniæ, quibus eorum fama
proscinditur; paginæ passim & ubique
volantes, seu calamo seu typo virulen-
ta in nos mendacia spargentes, profectæ
videlicet ab odio, quod in nos Hæresis,
Schisma, Impietas, & nonnunquam vir-
tus palàm adeò profitetur, ut altissimo
consilio Divinæ Providentiæ, quæ inter
Sanctos quoq; suspiciones aliquando, &
controversias permittit accidere, fa-
ctum fuisse videatur, ut ad opprimen-
dos nos non Scenæ modò Histriorum,
& effrenatæ plebis choreæ, verùm etiam
(quamvis nec omnes, nec sapientiâ præ-
cipuæ) litteratorum Academiæ, poten-
tium conventus, & ipsa claustra Justo-
rum alicubi conjurarent. In tam diver-
sis igitur argumentis, tum rerum bene-
gestarum, tum toleratarum injuriarum
parùm abfuit, ut mœstitiæ me permitte-
rem, diffiderémq; posse me iis solatium
impertiri, qui mihi parent, & nunc aures
adhibent dicenti: cùm expenso huius
temporis Evangelio, deprehendi, probo
frumento, noxiam Zizaniorum pestem
fuisse

fuisse permixtam, neque tamen idcirco
 aut perturbatum, aut tristitiâ dejectum
 fuisse Patremfamilias: abstinuisse quin
 etiam Agricolas à sarculo, quod ad era-
 dicandū lolium jam in humeros sustule-
 rant, atq; ipsum insuper consilium, infe-
 licem herbā, quæ se bonæ frugi miscue-
 rat, evellendi reprehendisse, monuisseq;
SINITE UTRAQUE CRESCERE.

Qua ex re animum capio Patribus meis,
 Fratribusque, quorum in animarū cul-
 tura non minor industria, quàm hâc
 temporum invidiâ conflagentium cala-
 mitas est, idem repetendi, *sinite utraque
 crescere*: prosequendo interim Aposto-
 lica vestra studia, & immeritam aliorum
 invidiam perferendo. Quin adeò lætari
 vos jubeo, si quā sui parte vobis oblatret
 mundus; nam latratus, quo sacris ordi-
 nibus homines obstrepunt, manifestum
 argumentum præbet in iis & Christi spi-
 ritum, & primævam Religionem etiam-
 num vigere; quæ nobis si deficeret, de-
 ficerent pariter obtrectiones, quibus
 infestamur. Quapropter **LEVATE CA-**

Luc. 21, 18,

PITA VESTRA, & scitote, non habere nos indicium certius, quòd Instituti nostri priscos illos ardores retineamus, quàm dum morsus patimur spumantium Molossorum, sive illi Hæretici sint, quos nostra damnat oratio, sive pseudo-politici, quibus frenos Lycea nostra injiciunt, sive denique pauci illi quidem, virtutis cæterà sectatores, sed qui vel gloriam, quam Deus nobis confert, vel laudem, quâ Ecclesia nos commendat, ferre non possunt. Ad hæc verò gaudia tum quoq; vos provoco, cùm mœstissimæ turbulentissimæq; tempestates extiterint, si modò ipsi nos occasionē nullā, nè minimam quidem, præbuerimus, quam ad nos vel lacerandos, vel mordendos arripiant, aut læsi, aut hostes. Ideò in duo axiomata omnem meam Allocutionem distribuo. Primum erit: evidentissimum signum confirmatæ virtutis esse, quòd à multis adversariis obfidemur, qui coronas augment, meritumq; illis amplificant, quibus sua virtus, sapientia, præclarâq; studia odium ab invidis,

dis, morsus ab improbis, rabiem ac laniationem à depravatis hominibus consuevit accersere. Alterum: tum vel maxime palmas sacris Ordinibus invisit juxta, malèq; habitis succrescere, cum ab ipsis fomenta non ministrantur ipsorum ruinam machinantibus.

72. Quod ego vobis dico, ut vestras measq; lacrymas abstergam, quas eorum plerumque, quos vel doctrinâ instruximus, vel auxilio juvimus, ingratus animus expresserat: Idem JESUS Christus humani generis Reparator, & Angelorum Rex suis Apostolis dixit, cum iis inestimabiles utilitates, quas mundo allaturi, & intolerabiles ærumnas, quas erant perpassuri, prænuntiavit. *Si de mundo fuissetis, Mundus, quod suum erat diligeret: quia verò de mundo non estis, sed ego elegi vos de mundo;* PROPTEREA AODIT VOS MVNDVS. Nec faxit Deus, ut pacata, lætæq; omnia Societati Respublica humana concedat! quippe ubi nemo de nobis perperam loqueretur, & ab omnibus vulgò amaremur, ne-

Ioan. 15. 19.

cessitas nobis imponeretur credendi, non parùm nos ab ea rectitudine finis, & consuetâ probitate deflexisse, quam nobis Fundator noster præscripsit. Et profectò Magnus Ecclesiæ Doctor Hieronymus de Clero Romano haud leviter questus est, quòd cum prophana licentique plebe tanta hominibus Psalmodiæ consecratis concordia intercederet. Quòd si nos, inquebat afflictus senex, à vitæ Apostolicæ severitate non descivissemus, neq; sensu vitæq; populo similes essemus, procul dubio illi à nobis affectu, ac rebus ipsis dissiderent. Nunc verò tam longæ criminationum induciæ similitudinem morum cogunt suspicari inter eos, qui epulis indulgent, arma tractant, & illos alios qui corpus inediâ macerant, Psalmos concinunt, & sacrificiis vestibus amiciuntur. *Si de mundo non essemus* ODIREMUR A MUNDO.

*Epist. 18. ad
Marcell.*

Tom. 17. 101.

73. Et quoniam Hieronymi mentionem feci, præterire silentio haud possum, quid ille de copioso æmulorum suorum numero senserit, qui tam acerbè
inse-

infectabantur ejus scripta, præcepta reprehendebant, & vitam calumniabantur. Exclamans igitur innocentissimus scriptor, quòd si ego, inquit, otiosus, & obscurus, sylvarum umbrâ, & solitudinis quiete perfrui mallet, & è vimine sportas, storeâsq; pertexere, nihil sollicitus an Vigilantius Martyres irrideat, Jovinianus Virgines dehonestet, Arius in SS. Trinitatem voces blasphemias jaciat; equidem sapidâ polentâ, & primario pane cella mea me pasceret: nec vereri deberem, nè quis quietem meam turbaret, aut Psalmis meis obstreperet, aut famam meam macularet. Verùm quia solitudinis meæ studia haud paulò à Mechanicis illis laboribus diversa esse volui; quia petulantium hominum lasciviam, infector; rapacitatem damno; temeritatem redarguo; sacras litteras explico, non frondes implico; ideò scilicet circumvenire viduas, sacerdotibus assentari, Diœceses perturbare, atq; omnia permiscere dicor. Adeò prima quoq; Evangelii tempora docuere, illos vel

maximè Satyricorum metas, & odiorum scopum fuisse, qui ad bellum erroribus inferendum classicum cecinère, neglectâque, quâ frui poterant, solitudinis suæ quiete, in eruditæ Theatris digladiantes sanguinem fundebant, ut eos repellerent, qui legem divinam oppugnabant, & Atheismi tenebras orthodoxæ Religionis splendori offundebant. *Si aut fiscellam junco texerem, aut palmarum folia complicarem, ut in sudore vultûs mei comederem Panem, & ventris opus sollicitâ mente pertractarem, nullus morderet, NEMO REPREHENDERET. Nunc autem quia volo operari cibum, qui non perit, & antiquam divinorum voluminum viam sentibus, virgultisque purgare, FALSARIUS DICOR.*

74. Sic est profectò non vulgaris; sed excellens virtus Invidiæ crabrones irritat, & styli non minùs mucrones, quàm linguæ probra in se provocat. Non vitam commodo suo exigentium, & melle saturorum desidia, rudis popelli latratus, & litteratæ invidiæ ululatus evigilat, sed

Epist. 114.

præfat. in

Job.

Tom. 173, 4.

sed impigra eorum cura, qui vigiliarum, disputationum, voluminum impendio Novatorum se temeritati, fraudibus Atheorum & Ecclesiam conculcantium Tyrannidi se opponunt, rabidos Aprorum dentes, & furentium Leonum ungues in se convertit. Quisquis malè viventium mores dissimulat, nec Impostorum technas reteggit, sustinetur ille pariter, nec vesparum aculeos, nec aspidum venena timere debet. Omnia contaminati mundi fulmina, vel summos montes, vel editas Arces feriunt. Quæ res me cogit, ut vobis dicam id, quod Pater Æternus Abrahamo quondam. Tollite de terra oculos, & Cœlo defigite. Illic nullam è minoribus stellis videbitis, quæ manifestâ & aspectabilem Eclipsim patiatur; sola duo mundi Lumina Sol, ac Luna obscurationis injuriæ patent. Quódq; ex iis lucis plus obtinet, obtenebratur non à terra Elementorum infimo, sed à Luna quæ specie cum Sole certat. Exploratissimum videlicet est eos Coetus, quos Christus ad cultum suum

suum promovendum instituit, injuriarum tenebras & calumniarum Eclipses pati, qui præcipuâ claritate conspicui eruditionis radios, & exemplorum virtutem à se præ cæteris diffundunt. Equidem haud reperietis Cœtum aliquem, quem, si redditibus suis, quibus eos Cœli benignitas instruxit, quietè ac tranquillè, nullâ eruditionis famâ, aut eximiæ virtutis opinione perfruatur, famosi libri, vel mordaces calumniæ insectentur. Omnes perversorum hominum impetus, & Aristarchorum Philippicæ ad illarum Familiarum muros alliduntur, quæ virtutis, aut sapientiæ laude præcellunt. Cathedrarum itaq; sublimitas, & Professionis integritas spissa criminationum, & injuriarum nubila, è vulgi facie, ac impietatis putribus stagnis attollit. Sic apud S. Georgium Pontificem legimus tertium Psalmum ex iis, qui de poenitentia sunt exponentem. *Qui retribuunt mala pro bonis, detrahebant mihi, QVO-*
NIAM SEQVEBAR BONITATEM.
Fusti namq; qui ea, quæ DEI sunt, TOTA
IN-

Expos. in 3.

Psal. poenit.

To. 12. 3 21.

INTENTIONE DESIDERANT, & *supra mundum facti, mundana omnia, quâdam virtute dominationis conculant, non solum in occulto cordis Diabolicas infestationes tolerant, sed etiam perverforum malitiam* DECORE SUÆ CONVERSATIONIS INFLAMMANT. En tibi originem Eclipsis nostræ. DETRAHEBANT MIHI, QVONIAM SEQVEBAR BONITATEM. En! causam macularum, quas mundus vultui nostro imprimit. *Perverforum malitiam* DECORE SUÆ *conversatio- nis inflammant.* Si enim nos aliquorum, more sustineremus approbari malè fanas hominū libidines, vitia dissimulari, taceri perperam gesta, Doctrinæ novitatem invalescere, consuetudinem arri- dendi joci illiberalibus, subscribendi rapinis, mores in conviviis solvendi, consentiendi cum iis, qui frenos cupiditati- bus suis injici non ferunt; enimverò plausibus efferremur, nec ullis aut linguarum sibilis, aut Harpyiarum ungui- bus appeteremur. Sola igitur veneratio, quam

quam Sacris Canonibus conciliamus, solū bellum, quod licentiæ & peccatis indicimus, tempestatibus nos involvunt, & exponunt turbinibus. Id verò longè deterrimum est Eclipses nostras non semper à terra, ejúsque montibus provenire, sed aliquando à Planetis quoque; Cælestibus originem sumere; quo planè modo Soli lumen intercipitur. *Interpositio Luna inter terram & Solem, est Eclipsis in Sole.* Id scilicet intolerabilibus lacrymis deplorabat paulò antè laudatus Hieronymus, in cuius ignominiam, non Levitæ minùs, quàm histriones, perinde speluncæ ac Theatra, imò ampliùs acerbiùsque floreæ ac cineres, quàm corollæ, & unguenta conjuraverunt. Gementis Anachoretæ rugitus nos reddent attonitos. *Si Gentiles hanc vitam carperent, si Judæi; haberem solatium non placendi eis,*
QVIBUS DISPLICET CHRISTUS.
Nunc verò, proh nefas! homines Christiani, proprii oculi trabe neglectâ, in alieno oculo FESTUCAM QVÆRUNT, lacerant sanctum propositum, & remedium
pæne

*Ep. 99. ad
 Asell.
 To. 17. 308.*

pœna sua arbitrantur, SI NEMO SIT
 SANCTUS. Nimirum obeam causam,
 quia Ophiræum quoddam, ac purum
 aurum sumus, maligna invidiæ rubigo
 nos arrodit, atteritque. Vellem equi-
 dem contrà ut eveniret, sed ità semper
 erit, est, fuit. Quis enim nesciat,
 quàm atrocibus tempestatibus Erroris
 Scholæ, Petulans Forum, & pauca illa
 Cœnobia, quæ primam Regulam con-
 culcârant, nascentes Francisci atque
 Dominici Familias agitârint? Prolixis
 Apologiis Angelici & Apostolici homi-
 nes opus habuère, ut eximerent eorum
 se unguibus, à quibus paupertas vesti-
 tûs, rufus in summo vertex, doctrinæ
 præstantia, virtutis prodigia, & vo-
 cum miracula carpebantur. Idem
 Sanctis Monachis in ipsis ortûs sui pri-
 mordiiis accidit. Alius Benedicto ve-
 nenum propinavit, quòd asperum vitæ
 institutum, quod vir Sanctissimus urge-
 bat, non ferret. Alius execratus Bernar-
 dum est, ob piam in suum corpus crude-
 litatem. Fuit, qui Romualdi scopulos
 scan-

scanderet, ut silentia inquietaret cavernarum, quas ille rerum Divinarum contemplationi sacraverat. Fuit denique, qui Carthusias quateret, traductis ceu inconsultis jejuniis, & desidiæ nomine vitâ solitariâ Anachoretarum, quos Cœlū ipsum stellas potius, quàm homines esse, testatum est. Superioribus paulò temporibus sapientissimi Sanctissimiq; Pontifices Regulares aliquot Ordines extinxere, constitutiones neglectu abolitas, aliâsq, labes ut infra veniam, ita supercuram eâ pænâ vindicantes. Quis autem adversus istos aut paginam vidit typo vulgatam, aut sententiam proferri audivit unquam? quis vel in arenâ verbum ullum in eorum dedecus & probum censoriâ virgula descripsit? Quare palàm est, calumniam sagittas suas non vitii cote, sed summæ virtutis adamantibus exacuere: dum nimirum parcat illis, qui Ecclesiæ non parcent: dùmque lethaliter ferit eos, qui animabus vitam impertiunt, & à Vicariis Christi coronantur, eorum sociis aut in Sanctorum

numèrum , aut in Purpuratorum Patrum Collegium relatis. Id quod & prævidit, & divino illo Christus oraculo prædixit. Non solùm, inquit Mundus vos non odit, sed non potest non amare, dum peccantibus palpum obtrudit. At verò implacabili odio me abominatur, quia nullas cum illius delictis inducias paciscor. *Non potest mundus odisse vos, me autem odit, quia ego testimonium perhibeo de illo, quòd opera illius mala sunt.* En clavem quâ Sarrarum Abyssus in exactioris Observantiæ Instituta laxatur. Quæ quia corruptos mundi mores reprehendunt, vicissim perditorum hominum maledictis vapulant. Verbo: quantò Religiosiores Cœtus, aut vitæ genere admirabiliores, aut integritate morum magis conspicui, aut primi fervoris ætati propiores fuere, tantò magis impugnata, odio habitæ, & ab hominibus impuris, perversis, & penè dixi Religiosis, & contemplatoribus in Crucem acti fuerunt. Ipsi quoque Christiani, quos sub Evægelii na-

scientis Auroram, nec Judæi, nec Ethnici ferebant, quòd incomparabilis sanctitatis, quibus ardebant, flammæ Paganis theatra, Hebræis Gazophylacia, lascivis Lupanaria, superbis sua Mausolæa in cineres redigebant, & eam ob rem in omnibus terræ partibus dirà in eos strage grassabantur, nunc impunè in Provinciis Idololatrarum, Saracenorum, atque ipsius etiam Mahometi regnis habitant. Postquam enim pietas nostra elanguit, nimio opere se illa ad Infidelium morem inflexit, nec modò tam acriter, quàm olim illà vivendi sanctitate redarguit eos, qui nec Orbis Conditorem, nec Animarum Reparatorem agnoscunt. Donec Societas primores ignes ardoris sui conservare studeat, & magnis animis decertare perseveret, nec ullas pacis condiciones audiat, nec in exterminandis Apostolicæ Sedis Rebellibus, Christi hostibus, Innocentiæ Corruptoribus, Contemptoribus Principum, & principatûs omnis inimicis prosternendis quiescat, nullam unquam

unquam quietem sibi promittat, semperque à Lucifero ignita jacula, ab improbis hominibus calumnias, à novorum Hæresiarcharum & inveteratarum Hæresum Sectatoribus crudelissimas insectationes expectet oportet. Quod bellum à Spiritibus impuris, à mancipiis sensuum suorum, à Transfugis disciplinæ nobis indictum, tametsi Domos nostras concutiat, & Academias nostras evacuet, certos nos tamen facit, vigere in nobis hodièque sanctas illas Veterum Fidei Propugnatorum industrias, & intrepidas voces severorum Intemperantiæ omnis Censurum.

75. Nec aliter scripsit S. Chrysostomus, cum præclaros Sæculi sui Sacerdotes certos esse jussit, nisi ab ipsis Regno suo deturbatus Lucifer, & oppressa scelera fuissent, quietem ipsorum nullo modo ab illo, seu litteris Sophistarum seu Catenis Tyrannorum turbandam fuisse. Ego pariter, si choreas, inquit dissimularem ante fores Ecclesiæ institutas, superborum impotentiam, & ava-

ritiam mercenariis injuriosam, & egenis inexorabilem non reprehenderem; si tacerem de agris per vim viduis ereptis; si in Templi adytis nefarios homines sustinerem: dicerer sanè Demosthenes Evangelicus, Bizantinus Samuel, & hujus sæculi Josias. At quoniam Christi flagellum vibro in eos, qui Templum Religionis in vitiorum speluncas, Justitiæ Tribunalia in voragines rapinarum, Imperii sedem in libidinis Asylum convertunt: ideò ab armatis Cohortibus obsideor, ideò in Exilium me pellunt Eudoxiæ, ideò Assentatores & ambitiosi Episcopi, collecti sinè Lege, sinè auctoritate, & à dominante corrupti, me tanquam Mitrâ indignum, & ineptum regimini de sede meâ deji-ciunt. In hoc damnorum opprobriorumque diluvio vos pariter ac me coronari floribus, & festos induere cultus oportet: habemus enim gloriosum & irrefragabilem testem virtutis nostræ, cui sanè nec mundus nec ulla Regia se opponeret, si ad improborum hominum

num indigna facinora cæci, non tures
potius essemus Davidicæ in Divinæ Le-
gis propugnacula contra Idumæam ere-
ctæ, semper Sionis Arci, & Testamenti
Arcæ imminentem. Lubeat ipsum os
aureum vexati Patriarchæ auscultare.

Minimè propterea perturbari debetis, ve- Ep. 5. ad
rùm **HOC POTISSIMUM NOMINE** Olymp.
Tom. 40. 18.

LÆTARI, & *exultare, coronisque caput*
redimire. Nam **NISI MORTIFERAS**
PRIUS DIABOLO PLAGAS INTU-
LISSEMVS, NON USQUE ADEO
FURERET HÆC BELLUA. *Quam-*
obrem tum VESTRÆ FORTITUDI-
NIS, & victoriæ, tum ingentis ILLIUS
CLADIS *hoc est argumentum.*

76. Ità nimirum Davidi Pastori usu
venit. Hic, dum Cytharæ sono Princi-
pem recrearet, acceptissimus Aulæ fuit,
meritûsque est Regis alloquium perfre-
quens ac quotidianum: simul ubi ly-
ram fundâ, Symphoniam audaciâ, can-
tum classico, delicias Regis in confli-
ctum, & Gigantis cædem mutavit, simul
pro se quisque Palatinorum vocare il-

lum in invidiam apud Regem occeperunt. Rex ipse hastâ ejus jugulum appetiit, Filiæ nuptiis frustratum gladiis Philistinorum objecit: coëgitque per inhospitales scopulos & vastas solitudines exulare. Exclamat Augustinus in hac tam mirandâ Metamorphosi: hinc Saule favores in Furias, blanditias in vulnera, præmia in rapinas convertente: Davide verò Palatinas ædes in Cavernarum latibula, opiparas dapes in Exilii egestatem, Laudes, quibus à Summatibus illi plaudebatur, in ululatus Incircumcisorum commutante. Igitur effeminatis symphonix modulis regionum conclavium Cortinæ panduntur, invictæ verò bellis fortitudini occluduntur urbes, exilia in rupes Uris infestas imperantur? *Saul cum provocante Goliath estuaret*, PROSTRATO GOLIATH HOSTIS ESSE COEPIT, *per cuius manum hostem Deus necaverat*. Et tamen in tanta inimici Regis ira, & invidia Satraparum haud unquam triumphali exuli aut de veste lacinia, aut de ver-

In Psal. 33.

Toma. 12. 81.

vertice capillus abstractus est. Vicit is
semper, floruitque famâ, gloriâ, & au-
ctoritate maximâ, ad Regnum denique
& omnium Tribuum Imperium eve-
ctus. Adeò verum est, nihil obesse ma-
levolentiam, cùm eam Virtus eorum,
qui impugnantur, exarmat. Sic quo-
tidianâ oculorum nostrorum experien-
tiâ discimus, non modò nihil AURO
carbones ignitos, fornaces succensas,
gravia malleorum pondera nocere, sed
etiam prodesse, cùm à scoria id secer-
nant, & reddant illustrius. Sed alia
straminis & palearum fortuna est; quas
vel scintillæ afflatus in cinerem resolvit,
& ventis ludibrium objicit. *Paleam in Psal. 21.
in cinerem vertit: AURO SORDES Tam. 12.38.*
TOLLIT, ut idem scribit Augustinus,
& in nostrarum calamitatum solatium
addidit. *In quibus habitat DEUS, utique
in tribulatione meliores fiunt.*

77. Et ecce! tam nobilis Theologi
manu à primi puncti, quod propositum
erat, consideratione ad examinandum
alterum, quod promiseramus, deducti

sumus. Rideamus sanè rugitus livoris & fremitus Iniquitatis, si nullâ nostrâ culpâ seu ferali stridore personet mundus, seu latratibus impii obstrepent. Nam nisi nos ipsi alimenta subdamus flammis, quibus in nos exardescunt, quantocyus intepescent, cum notaverint negari fidem nequitiae suae, nec probitatis nostrae radios fuligine opprimi, quâ nostrum nomen maculare conati sunt. *Exundans flamma*, DEFICIENTIBUS NUTRIMENTIS, paulatim emoritur. *Si anno praterito fama mentita est, aut certè si verum dixit.* CESSET VITIUM, CESSABIT ET RUMOR. In hunc modum Hieronymus solabatur Matronarum Romanarum calamitates, quarum famae vulgus ideò infestum erat, quòd earum modestiam non ferret, & ex earum luxu curiositati suae spectacula, & nutrimenta voluptatibus suis ministrare percuperet. Nihil populi criminationes moremini, quæ nisi lactentur à vitio, continuo emoriuntur. *Cesset vitium, cessabit & rumor.*

*Ep. 10. ad
Furiam.
Tom. 17. 69.*

rumor. Simili planè sententiâ S. Ambrosius Vercellensem Clerum monuit in hunc modum. *Fœnum, stipula, lignum, alimenta ignis sunt, ea si detrahantur,* IGNIS SOPITUR. Tumultue-

Ep. 82. ad
Eccles. Vercell.
Tom. 4.
106.

tur licèt Orbis terrarum, minetúrque nobis altiora Chaldæis rogis incendia: tamen ad extremum omnia in delicias roris, & Zephyrorum lenes auras abibunt, nisi puræ inflammataæ ardorem, ligna, sarmenta vitæ nostræ tepor subjecerit. Quare terrores mei non à Furiis nos discerpentium nascuntur, sed ab imprudentia eorum, qui brachiis, à quibus vapulamur, vigorem ministrant.

78. Nollem equidem id evenire nobis, quod S. Joannes Chrysostomus de sui sæculi Virginibus, thori maritalis exsortibus, & dedicatis honestati scriptum reliquit. Hæ quamdiu non castam modò, sed etiam modestam, nullâ oculorum licentiâ, nullo vestium luxu, à Conviviis & Theatris remotam, precum assiduitate & jejuniis exercitam vitam agitarunt, suspiciebantur, adorabantur-

que, si quando in publicum ad Oratoria prodibant, aut in domos agris famulaturæ & solaturæ morientes intrabant. At subinde, cū solo Virginitatis lilio contentæ, pudicitix mortificationem, Eleemosynam, Verecundiam non sociassent, quot Spectatores tot irrisores nactæ sunt: miserantibus eas hominibus, quod cū tam fortiter dura sensuum prælia superassent, vanitati deinde ornamentorum ac mundi muliebris, & confabulationum otiosarum, conviviorumque deliciis succubuissent. Nolite indignari, exclamabat Chrysostomus, quod in communem referamini filiarum Seculi Censum, quo tamen vos professionis vestræ nobilitas eximat, illis tamen & unguentorum illecebris, & ornamentorum opulentiâ, & sermonis humilitate vos aggregatis. NEMO JAM VIRGINEM DIGNO HONORE PROSEQUITUR, QUIPPE SE IPSAS HUIJUSMODI HONORE PRIVA-
RUNT. *Nam cū viderit te, CUJUS PROFESSIO EST CRUCIFIXAM ESSE*

*Rom. 8. in
Ep. 1. ad
Timot. c. 2.
Tam. 50. 19.*

ESSE MUNDO, *ea quæ virum habet, & liberos, & regimen domûs*, MUNDUM MULIEBREM MAJORI STUDIO PROSEQUI QUAM SE, *quid mirum si irrideat, & abjectam prorsus ac despicabilem putet?* Quòd si verò eas laudes desiderabatis, quibus Instituti vestri Fundatrices sunt ornatæ, sequi eas debueratis pariter in compositione morum, & omnimodâ separatione ab omnibus illis vitiis, in quæ feminæ thalamis affixæ prolabuntur: Si enimprehendatur in vobis Verborum Sanctitas, oris pallor, copiæ lacrymarum, magnitudo animi, tanquam delapsæ Cælo animæ, ac Sanctioris vitæ formæ suspiciemini, velut à Deo Patre Sectatoribus Evangelii in hoc ipsum submissæ. Vestrâ igitur culpâ contingit, si vulgus vos aspernatur, & Clerus vitat. *Nonne eas oportuit ità in Ecclesiâ esse venerandas atque mirabiles, ac si* DE CÆLO DESCENDERENT? *At nunc despecta penitus sunt* SUI VITII CAUSA. Equidem vereor magnopere, nè

ali

aliquâ ex parte ad nos ea reprehensio
pertineat. Nostri enim verò muneris
est, ab omnibus vel ambitionis vel cu-
piditatis vitio irretitis, non aliter quàm
ut redivivos è sacris tumulis Apostolos,
& Angelos carne velatos aspici: omnis
nostra vox divinæ potentiæ æmula vi-
vam Fidei lucem in Auditorum nostro-
rum animis succendere deberet. Omnis
actio nostra nisi virtutis suæ robore
amorem Crucis accendat, & calumnia-
rum sulphur exstinguat in iis, qui no-
biscum versantur, degeneres nos à Ma-
joribus nostris, & à normâ rituum no-
strorum arguit defecisse. Malè pro-
fectò Provinciam nostram administra-
mus, nisi Fideles omnes ad lacrymas, &
quemlibet impium ad pœnitentiam so-
lo nostro aspectu provocamus. Jam
verò reputemus nobiscum, utrùm
omnes tantæ Vocationis excellentiæ re-
spondeant: agite, domo prodeuntes co-
mitemur, animadvertamúsque, num
ad eorum gravitatem religiosam pec-
cantes expallescant. Audiamus, qui
ad

ad eorum gravitatem religiosam peccantes expallefcant. Audiamus, qui ad portas nostras privata colloquia ferunt, ac dispiciamus an seculares ad domicilia sua emendati, sanctis que desideriis inflammati, nec tam Spiritu Sancto pleni, quàm mundani fastus inanes recedant. Cathedrarum nostrarum Oratores adeamus, & eorum numerum incremus, qui dicentis rationibus persuasi ad Sacerdotum pedes provoluti peccata lacrymis delent. Si tales nos præstiterimus, quales nos Christus, cum mundo exemit, esse voluit, dubitare neutiquam debemus, quin vel ab ipsis hostibus meritis laudibus extollendissimi. Quòd si nostrum aliquis cum Aegyptiis & Pharaonis Ministris parem agendi, loquendique modum tenuerit, non queratur, si tanquam unus de turba non adoretur ab iis, qui ejus teporem manifestis indiciis deprehendunt.

79. Et certè tanta calamitas, quæ Religionem Catholicam Gothorum & Hunnorum arma oppresserunt, à Sanctissi-

Lib. 4. Ep.
76.
Tom. 32. 23.

etissimis viris ejus ætatis Sacerdotibus, eorum videlicet negligentia in promovendo cultu Divino & salute populorum, nimiaque eorundem diligentia in procurandis terrenis, tum suis tum paternarum domuum commodis attributa est. Audiamus, quibus tonitruis Gregorius temeritatem percellat alieno in opere desudantis, quâ vi lethargum excutiat muneris sui partes desidiosè ac somnolenter obeuntis. *Dum* nos COMPETENTIA NOBIS *relinquimus*, & NOBIS INCOMPETENTIA *cogitamus*, peccata nostra barbaricis viribus sociamus. ET CULPA NOSTRA HOSTIUM GLADIOS EXA-CUIT. Haud sum nescius id genus probri, omnemque tam acerbæ objur-gationis causam à Societate nostrâ, si primarias ejus partes, totiusque corporis habitum spectemus, procùl abesse, potissimâque ejus membra tam foedâ lue planè intacta esse. Non ausim tamen inficiari penitus, quòd inter tot à damnatis illis negotiis remotissimos pau-

pauci tamen aliqui versentur, quos Gregorii ferula nimium quantum feriat. Qui enim ab expositæ labis maculâ ingerendi scilicet se rebus à munere suo alienis, absolvere illos possumus, qui consanguineis suis magistratus ambiunt; qui necessariorum aut domesticorum suorum causas tuentur, ac promonent? Qui passim narrationes Politicas, aut bellicos rumores venantur? Qui Palatia & Aulas frequentant, non eo consilio, ut Apostolicis monitis eos ad vitæ sanctitatem informet, à quibus illuc vocati sunt; sed ut Magnatum gratiam captent, & sub umbrâ potentium asylum sibi conquirant? Qui ex uno regno in aliud excurrent ad concludenda non animarum cum DEO Sponsalia, sed ut animos fastu tumentes jungant, & negotia profana conficiant? Hæ, aliæque id genus occupationes, nimis profecto ab homine vitam Apostolicam professæ sunt. Ista verò nostra Provincia, hoc munus est: prima Fidei Elementa pueris instillare:

Juve-

Juvenes in Litteris & bonis moribus erudire : Instituire, adultos : Improbos ad frugem reducere : Crucis horrorem Idololatriis detrahere : Sacras Litteras hominibus non indoctis interpretari : Errores Hæresim olentes Magistratibus detegere. Qui harum rerum nullam curat, & in omnes alias profanus irruit, is demùm gladium offert, Religiosos Ordines impugnanti. Servet nos Bonum Numen, nec concedat, ut in nostris Collegiis amara lacrymantis Pontificis animadversio debeat audiri. *COMPETENTIA nobis relinquitur, & nobis INCOMPETENTIA cogitamus.* Triremes erudire, carceres visitare, Xenodochia lustrare, Sylvas ad Evangelii sementem accipiendam excolere, laborum nostrorum materies, & desideriorum meta sunt. Sunt è contrario ab Hierarchia nostra prorsus aliena munia, urbanarum artium, animadversionum politicarum cognitio, secularium cupiditatum notitia, profanarum historiarum scientia, necessitudinum

num illustrium otiositas : frequentare commercia quæstiosa, legere vel delirantes Astrologos, vel Poëtas phreneticos, illustres ortus, & invidiosas amicitias ostentare. In quos labyrinthos qui pedem intulerit, semper ille criminationibus illorum hominum erit obnoxius, qui, cum secessum à publico, religiosamque solitudinem non probent, nævum omnem, quem in hominibus, quos DEUS à sæcularibus vanitatibus secrevit, ceu mortiferam Gangrænam, & exitiosam luei sermonibus passim traducunt. Quare, ut ora occludas perfidiæ Cerberis, latratus compeas, Draconum fauces elidas, ut nè innocentia nostræ lucem convitiolorum fumo inficiant, unica demum ratio erit, te intra nostrorum ministeriorum confinia tenuisse. Academias videlicet doctrinâ illustrare, sacra volumina exponere, animos ab interitu vindicare, Civitates atque Provincias ad execranda vitia & Recti amorem impellere. Quodsi à nobis Babylonii Cives Chri-

stianæ perfectionis præcepta didicerint, deprehenderintque è labris nostris solas de Æternitate, de Virtute voces prodire, togas nostras deosculabuntur, easque Regum Byffo, & Consulum purpuræ anteponent.

80. Gravem hujus rei auctoritatem in Sacris Canticis habemus. In iis reperiemus Sponsam semel atque iterum in Solimarum Excubias incidisse, tam diversâ fortunâ, ut, cum primâ vice comiter eam salutassent, atque omni genere obsequii coluissent; liberumque insuper transitum ad Sponsam, cui parabat occurrere, ultro concessissent; subinde injuriis & vulneribus afficerent, regio cultu spoliarent, & rubore perfusam, cruorêque foedatam in publico destituerent. Sanè tam insignis diversitatis causam petenti, perplexa mihi divinatio foret, nisi Divini Epithalamii verba ipsa tanti discriminis ænigma dissolverent. Eo tempore, cum ab armatis optima Virgo reverenter est habitata, de Messia cum illis colloquebatur: ideoque

que quæstionis sanctitatem comitate
responsi prosequuta militum cohors
est. *Invenerunt me Vigiles, qui custo-*

diunt Civitatem. Num QUEM DI-
LIGIT ANIMA MEA VIDISTIS?

Paululum cum pertransissem eos, inveni *Cant. 3. 3.*

quem diligit anima mea. Aliter verò illa
egerat, cum ab Arcis præsidio interci-
peretur. Nihil enim de Verbo Æter-

no iis nunciaverat, adeoque de Myste-
riis Divinitatis mutam pulsârunt, vul-

nerârunt, & purpurâ exuerunt, quâ sci-
licet indignam illam reddiderat sancta-

rum quæstionum silentium. *Invene-* *Cant. 5. 7.*

runt me Custodes, qui circumeunt Civi-
tem, percusserunt me, & vulneraverunt

me, tulerunt pallium meum mihi. Tam
diversa eventa considerans Sanctus Am-

brosius, ita nos monet, instruitque :

Quâ ratione supra non tulerint pallium, *Serm. 7. in*
hæreo reperire, nisi fortè, quia ibi inter *Ps. 118.*

rogasse se dixit : Numquid, quem ai exi *Tom. 41. 77.*

anima mea vidistis ? QUÆ CHRI-
STUM LOQUEBATUR NEC EXU-

TA EST PALLIO, ET, QUEM
QUÆ-

QUÆREBAT, INVENIT. Per nos stat, ut ab omni hominum genere, quamvis soluto & effreni; quales scilicet, ut plurimum, esse solent, quos Galea regit, & armat Lancea; vel promptæ benevolentia indicia, vel obsequiosam venerationem auctoritatemque nobis conciliemus. Si sanæ doctrinae flumina, & cælestium exhortationum flammæ passim sparserimus, se se nobis quantumvis sanguinariae mentes, & celsæ frontes in vindictam, in vitia, ruentium submittent. Ipsa quoque coronata genibus capita, ex ore nostro pendebunt, si crediderint, se aut rectè vivendi, aut sanctè imperandi præcepta reperturos. Quâ enim aliâ causâ permotos esse putatis Europæ Principes, ut in Ditiones suas primos Ignatii socios vocarent; ut tantâ magnificentia Societati Domos ac Tempa conderent; ut celeberrima quæque Regnorum suorum Lycæa Theologis nostris ac Magistris concrederent; nisi quod renovatam quodammodo Pentecosten experirent.

rarentur in iis, qui à Doctrina Sacerdotum nostrorum, & Confessariorum absolute pendebant? *Qua Christum loquebatur, nec exuta est pallio, & quem querebat invenit.*

81. Quodsi diversâ ratione nobiscum hâc tempestate agitur, signum est refrixisse jam linguas nostras, paucorum quidem culpâ, sed quorum operam præ modestis & eruditis vel nos ultro, vel ipsis se se obtrudentibus, adhibemus; nec audiri jam fervidas illas sententias, quarum apud primos Patres nostros tantus proventus, tanta ubertas erat; ut earum vi atque efficacitate pessimis moribus, quibus seculum illud miserum in modum depravatum erat, totas Provincias expurgarent. In nos hodièque Regnantium nos advocandi, fovendique duraret clementissima sollicitudo, quâ tantopere in ortûs sui infantia nomen nostrum complexi sunt & illustrârunt; si prorsus Apostoli, aut potiùs Seraphini fugeremus gloriam, & laborem quæreremus, nec aliâ, quàm

animarum siti flagrantēs , non nisi Gentium Baptismo lustratarum , & Schismaticorum Ecclesiæ redditorum Oceano restinguendâ. Quia verò nostrorum aliqui exiguâ illâ frequentiâ contenti sunt , quam iis faciunt Nobiles aliqui , ac Matronæ , dum noxas suas pro pœnitentiæ Tribunali sedentibus manifestant : aut quia satîs habent , si scholarum Theatro placeant , nec porrò Missiones ærumnosas , peregrinationes remotas , laboriosas vigilas suscipiunt ; indè fit , quòd minori observantiâ colant , quos tanquam Magistros Virtutis , & Ideas sanctitatis expectabant. Haud sanè auderem paucorum illorum pudori ac probro , qui per domos nostras non legitimis ignibus ardent , fabulosi illius Herculis , quem Idololatrarum nulla non pagina jactat , comparisonem adducere , nisi eâdem , S. Ennodius Papiensis Antistes , degeneres animos suorum Clericorum , jam antè castigâisset. Nuper admodum , inquit , bat ille , Leonum Exuviis tecti , & fer-
ratâ

ratâ clavâ terribiles Ecclesiam à Mon-
stris tuebamur, & terrorem infereba-
mus peccantibus; nunc molliter excul-
ti, sed nec Petri pugione, nec Pauli ense
instructi, non jam peccantium terror,
sed ridentium fabulæ, & ludibrium su-
mus. Non est tam abjectæ conditionis
homuncio, qui risum nos non faciat,
nec ullus ferè stylus vacat, qui ad fo-
diendam vitæ nostræ damnabilem mol-
litiem acumen suum non exerat. *Jam*
duratas spiculis manus, AD CALA-
THOS FRANGEBAMUS, & illos hu-
meros, quos SPOLIATI LEONIS
TERGA CALEFECERANT *auro di-*
stincta, vel murice, palla claudibat. Ne-
que verò Præsul integerrimus in omnem
Clerum ista dicebat, in quo multi reti-
nebant Ecclesiastici characteris decus;
atque ego pariter paucissimis Filiorum
Ignatii Heroicæ Virtutis, quæ in anti-
quis illis Cœtus nostri Ministris eluxit,
jacturam obijcio. Id quidem in com-
mune pronuntio, vitari nunquam pos-
se calumniarum morsus, si notetur in

*Diff. 25.**Tom. 27.*

241.

Religiosis nescio quæ virtutis mediocritas, quæ corpore tenus à paternis ædibus avulsa, animo interim ab amore stirpis non refigatur; sic ut velut inter utrumque volantes, & contermini populi, nec prorsus se Christo dedicent, cum ad res caducas animum referant, nec penitus à Lucifero secedant, à cuius præstigiis in speciem quidem oculos avertunt, ad eadem tamen animos idemtidem reflectunt. Atque inde fit, ut hinc quidem Divina Providentia nos, non ut suos amplectatur, subtrahatque præsidia; Illinc verò Reipublicæ humanæ odium incurramus, indignè ferentis, nos suæ potestati subtractos. Haud satis exponam quid sentiam, nisi lacrymabiles querelas Origenis retulero, cum adeò severè in Neophytos inveheretur, qui mediocritate quâdam Fidei fascinati, non quidem thure colebant Idola, sed ea tamen non conspuebant; nec pedibus conculcabant: Trinitatem adorabant illi quidem, nec tamen ejus amore divitias abjiciebant; nec,

nec, cum Crucem colerent, ejus venerationem voluntariis pœnis testabantur. Tam noxiâ ambiguitate, inquietabat eos redarguens Scriptor eximius, Cœlum vobis occluditis, nec Inferos obferatis, atque ideò Angelis ob vitæ temporem, & Dæmonibus ob Deos relictos ex æquo invisi Tyrannis in prædam ceditis, Cœlo vobis negante præsidium.

Velut in confinio quodam positi ET IL-
 LOS OFFENSOS PATIMUR, *quos*
refugimus, & dominum, ad quem confu-
 gimus PROPITIUM NON EFFICI-
 MUS; QUEM NON EX TOTO
 CORDE DILIGIMUS. *Usque quo clau-*
dicatis utrisque genibus vestris, & ab alie-
 nis TANQUAM FUGACES CÆDI-
 MUR, *& à nostro Domino tanquam in-*
stabiles & dubii NON DEFENDI-
 MUR.

*Hom. 8. in
 20. Exod.
 Tom. 39. 63.*

82. Quapropter à seculi vanitate penitus alienam vitam exigamus, certoque nobis persuadeamus, nullius deinceps molossi latratus audiendos. Erubescet Perfidia fingere, quod credi ne-

Y 5

quit.

*Ep. 61. ad
Pammach.
Tom 17.
219.*

quit. Sic apud Hieronymum legimus, nullum unquam vel ex Arianis, vel ex Ethnicis extitisse, qui famam Epiphanii macularet. *Tanta enim venerationis semper fuit,* UT REGNANTES HÆRETICI IGNOMINIAM SUAM PUTARENT, *si talem virum persequerentur.* Sic pariter advertit Chrysostomus, nullum penitus Phariseorum, Græcorum, Romanorum tam impudentis mendacii periculum fecisse, ut Apostolis auderet, vel impudicitiae, vel avaritiae crimen objicere, sed omnem rabiem suam circumscripsisse iis terminis, quod sectæ incredibilis auctores, & ignotæ Divinitatis Præcones appellarent. NUL-
 LUS UNQUAM APOSTOLIS *aut fornicationis, aut avaritiae crimen obje-
 cit, tantummodo seductores appellati sunt.* Quippe qui contra solem declamans, otiosum & obscurum eum diceret: non is pulcherrimi Sideris splendores infamaret, sed Auditorum in se violentas manus provocaret. Eodem prorsus modo ubi manifesta innocentia, & infi-

*Hom. 10. in
Ep. 1. ad
Timot.
Tom 50. 23.*

insignis virtus est, omnis obtreſtator
 obmutescit, veritus, nè os sibi à populo
 lapidibus obſtruatur. Tantumdem
 Chryſoſtomus ſubdidit. *Quemadmo-
 dum denique nemo obſcurum diceret ſo-
 lem, nè ſi cæcus quidem fuerit, erubescit
 quippe opinionibus omnium adverſari: ita
 & eum,* QUI NIMIO FUERIT DE-
 CORE CONSPICUUS, *atque morum
 honeſtate illuſtris,* NULLUS PROFE-
 CIO CULPARE PRÆSUMIT.
 Tunc demùm ululatus Faunorum, Mil-
 vorum ſtridores, Veſparum aculei, ri-
 ctus Tigrium timeantur, ſi quando
 (quod quidem abſit, ut etiamnum ab-
 eſt) noſtram Vocationis dignitatē fædā
 gloriæ inanis & caducarum volupta-
 tum cupiditate dedecoraremus. Simul
 ac mundus inter noſtros fugacis fumi
 minimam Umbram, aut mendicato-
 rum commodorum ſemen deprehen-
 deret, ſimul maligniſſimis rumoribus
 noſtrorum munerum famam Regioni-
 bus omnibus differret. FRUSTRA
 IRASCIMUR OBTRACTATORIBUS

*Epist. 14. ad
 Celant.*

Tom. 17. 86.

NO.

NOSTRIS, *si eis obirectandi materiam ministramus. Cesset vitium, cessabit & rumor.*

83. Neque profectò est inter Redemptoris famulos prodigium ullum, quod majorem iis auctoritatem conciliet, efficaciusque calumniantium ferociam retundat, quàm si videantur Pacis & Charitatis mutuis nexibus esse conjuncti. Hæc animorum ac sermonis concordia Consulum sellas currules & Regum Thronos Sedibus Apostolorum substravit, cum audirent singulos linguis omnium loqui, & viderent omnium eorum, qui Evangelii jugo colla subdiderant, unam animam, unum Patrimonium esse. Exclamabant attoniti: Ecquis non adoret Heroës istos, qui ad diversissimas Nationes proprio singularum idiomate verba faciunt, ceu nati, educatique essent sub omnium Coelo, & universorum patria? *Repleti Spiritu Sancto ceperunt omnium linguis loqui QVI IN VNA NATI ERANT. Expaverunt, & exhor-*

horruerunt TANTVM MIRACV- S. Aug. in
Psal. 138.
To. 12. 457.
LVM *millia eorum, qui crucifixerunt*
Dominum, compuncti corde de tanto mi-
raculo, quaesierunt Consilium ab Apostolis,
quid facerent. Pradicatus est eis Christus,
mirantibus, unde homines LINGVIS
OMNIBVS LOQVERENTVR. Ni-
hil dubitemus unquam fore, ut nos
existimatio illa deficiat, quam per Su-
perius seculum Majores nostri nobis
collegerunt, si, quemadmodum feci-
mus haectenus, in tanta animorum, do-
miciliorum, voluntatum, rerum omni-
um conjunctione perseveremus, ut ex-
terus inter nos vocetur nemo, & quili-
bet in unaquaque Societatis Domo,
quamvis procul à Patria sua, alióque
in Orbe positâ sic vivat, ac si in ea à
primis Religiosæ vitæ temporibus com-
moratus fuisset. Rapitur sanè in admi-
rationem mundus, cùm ab omnibus
terræ plagis concurrere videt ad hanc
Domum, & Advenarum quemlibet eâ-
dem mensâ uti; ex eodem vestiario
amiciri; arcanissimis consiliis interesse;
in eo-

in eorum usum impendi, quidquid
DEVS vel necessitatibus nostris, vel stu-
diis, vel etiam relaxationibus submini-
strat. Adde cum Provinciæ unius In-
digenæ aliarum incolas commendent;
cum rebus remotorum Collegiorum
non minus, quàm propriis studeant;
cum unumquodque domicilium, si al-
terius necessitatibus prospectum fuisse
intelligat, id perinde accipiat, quàm si
sibi fuisset consultum; cum preces non
minus fundantur pro iis, qui beneficiis
Septentrionis Vniuersitates exornant,
quàm pro aliis, qui Academias Occi-
dentis & Orientis instaurant; cum do-
mus non magis quàm pectora pandan-
tur iis omnibus, qui Patrem agnoscunt
Ignatium; cum Præsidi, & ejus loci di-
sciplinæ advenæ quæ, atque incola sub-
jaceat. Hæc demum faciunt, ut homi-
nes nos tanquam fraterni amoris mira-
cula, & primorum Fidelium Eclypa de-
mirentur. *Mirantibus unde homines*
LINGVIS OMNIBVS LOQVEREN-
TVR.

84. E contrario, si quando tectorum animorumque communio non nihil remitteret, adeò, ut si non quidem ab exilio discordia revocaretur, verum unaquæque Provincia ita pro suis alumnos suos agnosceret, ut non omnibus communes putaret; reconvalescerent sanè legum nostrarum Adversarii, & Insectatores, quos concordia nostra represserat, & in aciem ad nos debellandos impetu facto prodirent. Vix enim Lothi greges ab armentis Abrahami se diviserant, cum ocyus in divisorum Patriarcharum perniciem funestum Chananæorum ac Pherezæorum nomen insonuit. Testes vobis sacras paginas produco. *Facta est RIXA INTER PASTORES GREGVM. Abraham & Loth. Eo autem tempore Chananæus & Pherezæus habitabant in terra illa.* Visa est inimicæ flammæ fomitem præbuisse facta inter geminorum Viatorum greges discessio. Semper itaque magis ac magis mutuò adstringamur, semper magis in Christi vineis excolendis desudemus, nullis labo-

laboribus, nullis industriis parcentes :
 semper magis certos reddamus mun-
 danos homines, non aliud ab illis nos
 petere, quàm æternam animarum sua-
 rum salutem : & deinceps Provincia-
 rum nostrarum curam Deo securi com-
 mittamus. In hunc modum ad Bru-
 nechildem Franciæ Reginam scripsit
 Gregorius Pontifex. *Facite quod Dei*
est, ET DEVS FACIET QVOD VE-
STRVM EST. Qui, pròtegente se
 Deo exercituum, pavet, lepus est, Qui
 novit, excubare ad sui conservationem
 Jesu oculos, nimis ignavè metuit, si ser-
 pentum sibilis terretur. Tum enim ve-
 rò impetus hostium formidandi sunt,
 cùm Deus tepore nostro offensus in rui-
 nam nostram ipse incumbit. Cæterùm
 si pius, ac misericors, si nostræ volunta-
 tis consiliorumque omnium sinceritate
 placatus, suis nos ulnis fovet, sinamus
 sanè, Inferi, Orbisque terrarum univer-
 sus in nos ruant, & tam Aquilones De-
 ferti domicilia nostra concutiant, quàm
 Gigantes è Regum aulis corpora nostra
 im-

Lib. 9. Ep.

361. Tom.

32. 74.

impugnent, semper enim immoti pa- Ep. 1. ad
Victor.
To. 52 107.
rietes nostri, & victricia membra persi-
stent. Hoc ipsum Paulinus Victoricio edi-

*xit. Ideò inconcussum & stabile perman-
sit Candelabrum tuum, QUIA MANI-
BUS HUMANIS IMPELLEBATUR,
ut caderet: non autem merebaris, ut illius
manu in ruinam commoveretur, qui ha-
bet septem stellas. Quæ si vera sunt, re-
ctè quidem ego Patribus Congregatis
pro longæ peregrinationis solatio dixi.
SINITE UTRAQUE CRESCERE:
cùm insectatio sit innoxia, si protegat
virtus: quinimo, mirum in modum
odium perversorum probos juvat, nisi
dentes illis ad nos mordendos degener
à virtute discessus exacuat. Hæc nos
semper obarmet, coronetque Christus,
quemadmodum eâ Majores nostros co-
ronavit, & in hanc usque diem pro suâ
pietate nos quoque ipsos coronat.*

Ita semper eveniat precor.





EXHORTATIO VIII.

In Pervigilio S. Ignatii.

Os Justi meditabitur sapientiam,
& lingua ejus loquetur judi-
cium. *Psal. 36.*



*U*temadmodum S. Joannes
Chrysostomus in Pauli se-
pulchro Apostolicos ado-
randi ardentissimo desiderio flagra-
bat; sic ego Societati universæ Lin-
guam Ignatii devenerandam propo-
no. Jam verò sicut S. Pater ea Socios
inflammavit domi, & in Templo ad
se accedentes consolatus est: Ita nos
ejus Filii, nos pariter & proximos
inter colloquendum accendamus, ut
subinde Charitatis mel eorum pecto-
ribus instillemus; qui ad pedes nostros
pec-

peccatorum virus, & doloris lachrymas effundunt. Hâc ratione veros Afflictorum & sua commissa damnantium Patres, servatoresque nos præstabimus.

85. **S** Acratissimum Sancti Parentis sepulchrum hæc prima, & primaria Societatis Domus possidet, ad quod ex omnibus Mundi partibus sic omnes Ignatii alumnos existimo animos oculosque convertere, quemadmodum Joannes Chrysostomus ad Pauli Apostoli sacra Lypsana cogitationes, amorésque reflexerat. Exclamabat ardens eorum visendorum studio Patriarcha, invidebátque Romæ, quæ in Catacumbis suis inæstimabilem thesaurum Apostolicorum ossium asservabat. *Quis mihi dabit circumfundi corpori Pauli, affigi sepulchro, videre pulverem oris illius? Cedens subinde fidelibus ejusdem spectaculi cupidissimis omnes corporis illius Apostolici sacros*

artus, qui divini nominis gloriam per tot Provincias & Regna propagaverant, Christumque ipsum quodammodo Mundo repræsentaverant, Angelico sensu, vocibusque Seraphicis inclamabat: Vobis sanè Pauli pedes vindicate, qui tot Provincias in facienda Evangelii semente percurfarunt, quique tam sæpe pro defendendâ Fide barbarum in morem nummellis inclusi fuerunt; occupate manum illam, quæ tot scriptis Epistolis Neophytos suos erudiit, & morsum viperæ venenumque risit innoxia: humeros illius permitto vobis tam sæpe flagris ab impiis hominibus concisos, quique tam generosè Messix Crucem obstinatissimisquibusque Provinciis Ethnicorum intulère. Vestri juris sit illa inter opprobria tam infracta frons, oculi Cælo semper affixi, ac quidquid denique de illo reliquum est, quamvis omnia ejus membra totidem Divinitatis sanctissima instrumenta extiterint, potestati vestræ transcribo, dum mihi labra illa, linguam illam conceda-

cedatis, quæ S. Spiritus Organum, & Verbi Æterni Tuba effecta suorum argumentorum efficacitate Dæmonem ex hominum animis eiecit, peccatis expurgavit populos, æternæ veritatis monita in celeberrimas Imperii Latini

Regiones invexit. *Quis mihi dabit videre PULVEREM ORIS ILLIUS,* Hom. ult. in Ep. ad Rom. Tom. 42. 199.] per quod Christus locutus est. per quod Paulum didicimus, & Pauli Dominum? Si enim

Dæmones vestimenta ipsius horruerunt, multò magis vocem. Ipsa vinctos illos egit, orbem terrarum expurgavit, vitium expulit, veritatem superinduxit. Idem ego quoque, amantis Doctoris desideria imitatus, votum mihi esse hodiernâ luce profiteor, dum ad sacras exuvias Beati nostri Legislatoris provolutus, ipsius ac meis Filiis nobilissimam prædam Arcæ sepulchralis permitto. Diripite venerandi corporis pedes, quos tam longæ peregrinationes è Septentrione in Italiam, ex Italiâ in Palæstinam, consecrârunt; manum sublegite, quæ nobis vitæ Apostolicæ formam de-

scripsit, & quæ super Aram gemino lachrymarum & flammæ diluvio toties æterno Patri cœvum Filium immolavit; Reponite in Sacrariis vestris humerorum illorum sacras reliquias ob conservatam Sponsis Christi Virginitatem, & ob correctam impietatem Cœlo injuriosam ad mortem usque non semel fustibus mulctatorum; Pietati vestræ prædam relinquo S Patris oculos quibus, cum stellas aspiceret, Roma sordebat; Vindicate vobis, nihil vero, communis Parentis viscera tam duris excruciatâ jejuniis, membra flagellis laniata, Caput cœlestibus visis, disciplinis æthereis, arcanisque à DEO ejus menti infusis illustratum. Opimum mihi, sed mihi pariter ac vobis spoliū sepono. LINGUAM IGNATII, quæ tot improbos in virtutis semitam reduxit; tot alios erratorum suorum pœnitentes ad Sanctè vivendi rationem instituit; tot depravatas consuetudines sustulit; tot virtutes inseruit: quæ cum magnam Orbis partem
repe-

reperisset, quam in errorum sentinam, hæresum Chaos, Inferorum Voraginem, Dei oblivio, noxarum infamia, Sacrilegiorum pervicacia converterant, eam illa, brevi temporis spatio, frequentia Sacramentorum, Templorum majestate, sanctitate concionum, institutione Academiarum, Theologiæ vigore, fervore Missionum in Ecclesiæ primæ formam, in Cænaculi Sionis imaginem, in alteram Jacobi Scalam, securum ad beatitatem nitentibus ascensum præbituram effinxit *Quis mihi dabit videre pulverem* ORIS ILLIUS, PER QUOD CHRISTUS LOCUTUS EST? Sanè de Ignatii etiam lingua fas est dicere: *Hæc orbem terrarum expurgavit, vitium expulit, veritatem superinduxit, Christum habuit inhabitantem.* Eam ille ad impiorum terrorem exprompsit IN FORO, ad stimulandam perficiendamque virtutem adhibuit DOMI, ad frangendam obstinatorum pertinaciam usurpavit IN TEMPLIS; atque in tres hæc partes omnis

mea dividetur Oratio : quibus vos , me-
que ipsum excitabo ad ferendos de Deo
sermones in ædibus proximorum , ad
instituenda in nostris super eodem col-
loquia , & ad piè in sacris ædibus disse-
rendum. *Os justì meditabitur sapien-
tiam , & lingua ejus loquetur judicium.*
Sic egit S. Pater , & Filii ejus agent
omnes.

86. Quapropter pietati vestræ os
Sancti Parentis expono, quod sermoni-
bus suis Europam , suorumque oratio-
ne geminas Indias consecravit. *Hac Or-
bem terrarum expurgavit.* Equidem
Ignatius Rempubicam Christianam
neque tam docilem , neque tam erudi-
tam , neque tam bonis legibus tempe-
ratam , qualem nobis ejus industria tra-
didit , acceperat. Perinde siquidem illi
ac Josuæ usu venit , cujus expeditioni-
bus obstabat Jericho muris vallata , &
propugnaculis communita. *Jericho
autem clausa erat , atque munita.* Con-
cidit autem illa non machinarum vi ,
non oppugnantium ferociâ , non ob-
sidii

Josue 6. 1.

fidii morâ, non actis in terram cuniculis: sed Levitarum modestia, sacer Ecclesiasticarum Tubarum sonus fortissimæ Urbis aggeres diruerunt, ac mœnia solo æquârunt: gradientis exercitûs silentium, agminum ordo, & sacer clangor, quem Deo dicata ora edebant, debellârunt infideles, & fortissimum illum obicem, qui Dei populum à Terræ Sanctæ possessione morabatur, removerunt.

Spectaculum admirabile (inquit S. Chrysostomus) *tot millia* NUMEROSE IN-
In Psal. 43. Tom. 3. 2. 74.

CEDENTIA, HONESTEQUE AC DECORE CUM MODULATIONE OMNIA GESSISSE. Id scilicet cum Ignatio primi ejus Socii præstiterunt, accesserunt ad Urbes aut nutantes in casum, aut everfas, tantâ motuum omnium compositione, tam Angelicis moribus, tam Apostolico sermone, tam ordinatis, & à mundo alienis affectibus, ut illis se dederet mundus. HONESTE ac decorè omnia gessisse. Sermo- num Harmoniæ, excellentiæ Doctrinæ, nobilitati finis, quem sibi præstitue-

bant, nemo propemodum ausus est repugnare. Quapropter Israëlitarum more hostilem Urbem, modestiâ potiùs, quàm armis, imò citra sagittarum jactus solo concentu expugnârunt. Ita gloriosi Fundatoris nostri Sectatores subjugatæ Jerichuntis excidium, emendati mundi victoriis renovârunt. *Fericho* (prosequitur Chrysostomus) **SALTANTIIUM POTIUS, QUAM BELLANTIIUM RITU DIRUERUNT:** *armati enim, non tanquam ad pugnam, sed tanquam ad concionem festûmque egressi sunt.*

87. Diruerunt? nihil minùs: quippe Societatis Sacerdotes ab Hebræis exercitibus prorsus diversi Jerichuntem non vastârunt, sed in Jerosolymam commutârunt, & ex infami urbe, libidinum asylo, blasphemiarum sentinâ, expurgatam Sionis Arcem, sacrarium Divinitatis, & divinarum præceptionum Oraculum effecerunt. Quamobrem Sermones nostri vocibus, quas Divini Verbi Mater protulit, similiore,
quàm

quàm tubis Mosaicorum Levitarum
 fuère. Audite. Vix Zachariæ limen Vir-
 go subierat, cùm ex anima Joannis Ori-
 ginariam labem delevit, & Genitricem
 pariter ac Prolem Sancto Spiritu im-
 pletam ad fatidicas saltationes & divi-
 na vaticinia excitavit. *Ut audivit salu-* Luc. 1. 41.
tationum **MARIÆ Elizabeth**, exulta-
vit infans in utero ejus: & repleta est Spi-
ritu Sancto Elizabeth, & exclamavit vo-
ce magnâ. Trium deinde spatio men-
 sium, quos in eâdem domo Virgo Pa-
 rense exegit, singuli ejus motus, syllaba
 quælibet, aspectus omnes perfectissi-
 mam scholam absolutissimæ sanctitatis
 familiæ illi universæ aperuerunt. Eò
 loci non eam affinitatis necessitudo,
 vel hospitum officia tenuerunt, sed ob
 solum unicùmque illius divinissimi ho-
 spitii emolumentum Angelorum Regi-
 na moram produxit. *Mansit autem Ma-*
ria cum illâ mensibus tribus; **NON**
ENIM SOLA FAMILIARITATIS
EST CAUSA, *quòd diu mansit;* **SED**
TANTI VATIS PROPECTVS. Hinc
 est,

Lib. 1. in
Luc. Tom.
43.54.

est, quòd de Baptistâ nihil pueriliter,
nihil inconsultò gestum narretur; quin
vix nati asperum vivendi genus descri-
bitur: quippe divinissimæ Puellæ præ-
sentiâ ad Sanctissimæ vitæ laboriosissi-
mos cursus capiendos confirmatus est,
virgineorum labiorum vocibus, pue-
rum licèt ætate, in virtutis Athletam
figentibus. *Tempus*, (utì Sanctus scri-
bebat Ambrosius) *filetur Infantia*, EO
QVOD PRÆSENTIA DOMINI MA-
TRIS IN VTERO ROBORATUR,
infantia impedimenta nesciuit. Et ideò
in Evangelio nihil super eo legimus, nisi
ortum ejus, & oraculum, exultationem
in utero, vocem in deserto. Quod illiba-
tæ Puerperæ exemplum Præcursores, an-
tè quàm nascerentur, Filio parantis, se-
cuti Patres nostri vel ipsis verborum of-
ficiis ac salutationibus (tanta nascentis
Societatis Virtus erat) vitia profliga-
bant, & emendabant vitiosos. *Ut audi-
vit salutationem Maria Elizabeth, reple-
ta est Spiritu Sancto.* Non faciebant ve-
ri Christi servi verbum ullum, quod vel
inane

inane officium, vel vanitatem saperet; sub primas Vrbanae salutationis voces tantas religiosi fervoris flammæ diffundebant, ut quisquis eos audiret, aut noxas deploraret suas, aut novo lucro virtutis ditatus gestiret. Tantumdem erat videre, audireque Alumnum Ignatii, multoque magis Ignatium ipsum, ac instauratæ quodammodo Pentecostes prodigia in animo suo persentiscere, quæ arcanis flammis depasceret, quamcunque rubiginem immoderatæ affectionis reperisset; & quemadmodum ad primos orientis solis radios, terræ omnes illustrantur, sic ad nostrorum Operatorum præsentiam nisi domus quælibet profanorum operum tenebras in æternorum desideriorum lumina commutet, Patris nostri nec Filii, nec Ministri Evangelii sumus: De his certè illud extat Jobi Oraculum. *Et in viis tuis Job. 22.28.*

splendebit lumen. Quisquis igitur Apostolicam vitam proficitur, nisi tanquam luminare quoddam Fidei quâcumque locorum com meat, ubicumque terrarum

rum degit, ac loquitur, caligines dispelat, & spargat lucem, de tanti nominis gradu dejicitur, & Senatûs Apostolici majestatem imminuit. Quodsi sub tanti Ducis vexillo Christi Cruci affixi es Miles, par est, ut è visceribus eorum, qui tecum versantur omnes peccati fibras penitus evellas, nullo in mentibus Auditorum tuorum ne vestigio quidem Luciferi, aut improbitatis umbrâ relictâ. *In viis tuis splendeat lumen.* Habetis absolutam sanctorum Missionariorum, & verarum Christi Operarum descriptionem. *In viis quippe justorum splendere lumen est, per mira opera virtutum signa suæ claritatis aspergere,* VT QVOCVNQVE PERGVNT, AB INTVENTIVM CORDIBVS PECCATI NOMEN EXCVTIENT. Hinc jam colligat unusquisque nostrum, an sibi Justî cognomen conveniat, & Prolis Ignatii, nempe si juvenis Gymnasiorum nostrorum sine labe vitam exigit; si qui ædium nostrarum portas frequentant noxarum fuligine

Lib. 16.

Mor. 6. 11.

Tom. 33.

264.

gine tincti non sunt; si amici ac familiares nostri mori prius, quàm fœdari malunt: si, qui nuper Basiliscum refe-
 rebat aut Tigrem consuetudine nostrâ in agnum & columbam transierit; tum enim verò in censu sumus eorum quos descripsit Gregorius. Quodsi verò in animis eorum, qui ad nos se conferunt, delicta duraverint & in pravam consuetudinem induruerint, argumento scilicet est, non absistere scintillas à labris nostris, neque à vultibus nostris zeli splendores dimanare, quibus intuentes castigentur, emendenturque qui nos audiunt. *Ut quocumque pergunt ab intuentium cordibus* PECCATI NOMEN EXCVTIANT. Ad aspectum Ignatii ipsi etiam abortus Synagogæ, ac monstra, Religioni nascebantur in filios, & ad unam ejus vocem Neophytus, qui ad execrandæ superstitionis sordes transfugium meditabatur, aures Christianæ institutioni restituit, & Baptismo cervicem submisit. Quot Urbem Lamiæ, ejuratâ lasciviâ, Claustris
 ad

ad decantandos Psalmos deflendaque sua peccata se abdiderunt, quas S. Pater vel minarum tonitruis perculerat, vel sermonis suavitate pellexerat? Imò ante constitutam Societatem qui supplicium illi paraverat, illius frontis lumine consternatus ad ejus genua provolutus facti veniam poposcit; alius qui stricto pugione in ejus cædem rapiebatur, abjecit arma, & à parricidio manum continuit. Quid multis? Agitur in fugam impietas, ubicunque se spectandam Apostolici Viri species obtulerit, *ut quocunque pergunt ab intuentium cordibus* PECCATI NOMEN EXCVTiant. Ejusmodi argumentum ac nota veluti gladius quidam utrâque parte acutus in animum meum se penitus adigit, quotiescunque deprehendo non omnes, quos vel è cathedris, vel ad portas, vel in Templis instituimus, vitam ab omni levitatis aut turpitudinis labe immunem exigere.

88. Nec credat quisquis eos, quibus cum agit, pietatis sensu non afficit, vulnus

nus se mihi obligaturum, si dicat: oportere nos ex præscripto Magisterii Apostolici mundanis hominibus ingressum ad colloquium permittere, ut noster subinde successurus sit. Primùm enim id respondeo, esse forsan nonnullos, qui cum illis incipiant, prosequantur cum illis, & post menses & annos colloquium & consuetudinem cum illis finiant. Ajo deinde, id Axioma expositione magnopere indigere. Quemadmodum enim dare aliquid nonnunquam inveteratæ ruditati eorum, quos penes exigua Christi cognitio est, haud abs re fuerit; ita longè absurdissimum foret, si dum alios purgare contendimus, nosmetipsos inquinaremus, & ut lacte alios conspergeremus, ipsi eorum pice contaminaremur. Expono quid sentiam. Nimis equidem violentus foret impetus ille fervoris nostri, si, quàm primùm aliquis se nobis junxisset, continuò illi sepulchrum, panderemus, & Inferos. Fas est unâ vel alterâ sententiâ indifferentis argu-

menti molles aditus minacium syllogismorum gravitati præstruere; licet sub primos congressus eorum prosapiam laudare, Indolem mirari, probare studia, quin etiam iis, si ritè vitam instituerint, strenuèque desudârint, Magistratuum insignia, & Diœceseon Infulas augurari; non ideò tamen concessum nobis est, ab ejusmodi rebus in argumenta alia, aut palàm noxia, vel abjectè levia, aut planè vana diffundi. Quippe si luxum foveremus, fastum amplificaremus, voluptates non detestaremur, nec Scenas lascivas, choreas effeminatas, & ludos vetitos execræmur, reos profectò nos agerent eadem illa crimina, quibus alligati Babylonii Cives propter otii deliciarumque usum à qualibet Sacrorum voluminum pagina flammis addicuntur. Ex quo consequitur eum, qui tam sordidorum Sermorum cœno se immerferit, non jam ad aliorum conditionem descendere, sed prolabi; & ex Templi pinnâ in profundissimos sinus Philistæ vallis

lis præcipitem ruere. Ita Monachis
 suis Gilbertus Abbas edixit. *Qui enim ser. 36. sup.*
ad vanas fabulationes prolabitur, NON *Can. Tom.*
 CONDESCENDIT SED CADIT. *58. 493.*

89. Turpius longè ab altis Religio-
 forum Virorum cogitationibus dege-
 nerat, qui ut demonstret, quantum se
 Fidei aliorum permittat, arcana omnia
 Cœnobii sui tametsi bona ac laudibilia
 seculi habitatoribus detegit. A qua
 re, quemadmodum Christus Discipu-
 los suos arcuit, ita Canonicos suos pro-
 cul esse voluit Augustinus; monuitque
 seriò, ut sacræ domûs parietibus quan-
 tumvis laudabiles rerum successus, &
 cælestes Instituti Religiosi ritus con-
 cluderent. Certè ante Canum ora
 neque calices neque sacros manipulos
 abjicimus, veriti ne Tabernaculi su-
 pellectilem dentibus comminuant; ita
 nec apris margaritas porrigimus, quas
 belluæ tam feroces procul dubio vel
 oris illuvie contaminarent, vel pedibus
 conculcarent. Ita vobis, subjungit S.
 Doctor, eveniret: si homines virtutis

expertes sacras nostras consuetudines edocueritis ; exponetis scilicet risibus profanorum hominum , qui post easdem ludibrio habitas, nos quoque ipsos ignominiâ notabunt, vel quòd insolitæ virtutis famam aucupemur , vel quòd ad præscriptos ritus vitam non exigamus. Quapropter pro confirmatione tam necessarij axiomatis Evangelij verba succincto quidem, sed utilissimo documento à se inaurata produxit. *Nolite sanctum dare canibus, nec projeceritis margaritas vestras ante porcos : ne fortè conculcent eas pedibus suis, & canes conversi dirumpant vos ; Id est post contemptum margaritarum vestrarum etiam sint molesti vobis, nolite ergo illis projicere qui contemnunt.* Jam verò si, qui sacras Acerras prostituit, & gemmas projicit, is canes incitat, & feras belluas in nostra damna provocat, ob eam ruditatem, quâ secularium plerique vim internam perfectionis æstimare prohibentur , quantò magis eorum pedibus prememur, in quorum
finis

Matth. 7.
Ser. 72. de
T. mp.
Tom. 42.
 139.

sinus non uniones, sed glandes; non margaritas è Rationali, sed fabulum, sed purgamenta ex omnibus angulis ædium nostrarum collecta contulimus? Si ludibriis eorum nos objicit honestissimorum operum narratio, quomodo non eorundem fabula erimus, si & perturbationum nostrarum, quantumvis levium, miseriam, & desideriorum nostrorum humanitatem, & noxarum tametsi minimarum pœnas iis manifestas fecerimus? Proh indignum fœdumque facinus! Id illis credere, quod tegi sepelirique oportuerat. Te, quidem tam stolidè differentem, tepidum & imprudentem proclamabunt: Ordini verò Sanctitatis opinio decedet, cujus inæstimabilem pulchritudinem, quâ eum inviolata observantia exornat, inevitabiles planè mortalibus omnibus nævi infuscant, quos impotens os, & hostium suorum insidiis se credens oratio temerè stolidèque vulgavit.

90. Neque ad eluendam tantæ tur-

pitudinis notam facit plausus ille, quo memorant, ab Ægypto excipi Filios Israël, à quibus in arcanorum conscientiam se admitti videt. Quippe simulato risu Vos invitant illi ad dicendum, non quòd probent paleam, glumam, lutum, quod ad eorum pedes abjicitis, sed ob eam spem, quam concipiunt, audita quondam in probrum ac dedecus eorum, quos oderunt, convertendi. Erit profectò, erit tempus, quo, tum ut se ipsos excusent, tum ut ruborem nobis suffundant, eorum astutia in publicum proferet, quidquid imprudenter & spe vanâ silentii è septis ædium nostrarum ad eorum aures produximus. Id vel divinâsse, vel vaticinatus fuisse videtur Gregorius Nazianzenus, cùm fabulatoribus ejusmodi ob oculos posuit Metamorphosin illam blanditiarum in obtrectiones, quibus & nos juxtâ, & vitæ nostræ ratio traducenda sit. *Factatis sermonibus hostis arridet, NON QUOD PROBET, sed quia acerbè atque amarulentè RE-*
CON-

*Orat. 3. de
pace. Tom.
59.94.*

CONDIT, *ut oblatâ occasione adversus eum ipsum, qui concredidit*, VIRUS EVOMAT. Omnium cachinnis post menssem exploditur in quacumque male feriatorum hominum coronâ, in quolibet horto, in omnibus Romæ cœtibus, quidquid nostrorum aliquis in aurem familiaris sui imprudenter effusiit eo consilio, ut arctius eum sibi, proditæ familiæ vinculo, devinceret. Admoveamus, amabò, geminum illum aggerem, quo DEUS humanam linguam vallavit, ut antequam Verbum proferamus, & labiorum verecundia, & candor dentium, an utile, an decorum futurum esset, nos monerent inquirere. Hoc agamus ut secularium hominum quilibet è factis nostris lucem hauriat, & è dictis venerationem colligat. Nichil in nobis videant, quo ad æternitatis timorem non exstimulentur, nihilque ex nobis audiant, quo non compellantur ad DEUM. *Videat in vobis quod* Lib. 6. Epist. 99. Tom. 32. 34. *diligat*, CERNAT QUOD IMITARI FESTINET. In hanc sententiam ad

Virum amplissimum scripsit Gregorius Pontifex. Sic ego quoque pro primæ partis coronide unumquemque moneo, qui Davidis laudatam sententiam exprimere in se ipso voluerit. *Os iusti meditabitur Sapientiam, & lingua ejus loquetur judicium.*

91. Id verò effectum dabimus, si domi nostræ sapienter sanctæque inter nos colloquemur : fieri enim non potest, ut in aliorum domiciliis vilem mundum mundanis hominibus reddamus, nisi privatim antè nostro ipsum calculo damnaverimus, contemptis illius offuciis, damnatis illius erroribus, detractâ illius gloriæ personâ, & fide abrogatâ. Si, cum cibo refectionis quietem aliquam à studiis ac laboribus religiosæ Leges indulgent, illius, quam ostentat, magnitudini pro cultu risum dederimus, eosque magnos appellaverimus, non quibus id nomen à natalibus, aut subinde collatum est, sed qui maximi cum essent, se pro Christo minimos effecerunt; prodibimus sanè ex adi-

ædibus nostris tanquam è Cænaculo
 Apostoli ad inflammandum torpen-
 tium frigus, restinguendas malè arden-
 tium flammæ, deprimendam immo-
 dicè semet efferebant arrogantiam,
 & sublevandam oppressorum mise-
 riam. At si, cum magnæ fortunæ pe-
 ricula, supplicia superbiorum, mollium
 pœnas, fletus ac tormenta suis volupta-
 tibus obsequentium prævidere nos
 oporteret, aut sua illis gaudia invid-
 bimus, aut attoniti eorum amplitudi-
 nem mirabimur, evadet sanè seculari
 statu deterior conditio nostra, utpote
 cum non minùs ac ipsi cælestibus coro-
 nis à vindice DEO spoliemur, nec ta-
 men, ut ipsi, festis corollis in Mundi vi-
 ridariis evinciamur. *Erudimini* (ex-
 clamat Augustinus) *qui judicatis ter-*
ram. JUDICA TERRAM, NE SIS
 TERRA: *si enim terram judicaveris*
 CÆLUM ERIS, & *in te factam glo-*
riam Domini enarrabis. Celi enim enar-
rant gloriam DEI. SI AUTEM TER-
 RAM NON JUDICAVERIS, TER-

RA ERIS. *Si autem terra fueris, ad eam pertinebis, cui dictum est, terram manducabis.* Damnat his verbis Augustinus abominandam illam idololatriam verborum maiestate aut admiratione tumentium, quibus interdum Evangelio consecratæ linguæ de theatris, de ludis equestribus, de conviviis, de honoribus atque divitiis disputant; cœu præstigiis ejusmodi DEI vivi oracula vel apud Prophetas non adversarentur, vel damnationis æternæ minas in Evangeliiis non intentarent. Si Christi in stabulo nati, & in Cruce mortui es sectator, inevitabilis tibi necessitas incumbit abominandi, quidquid vel à Præsepîi humilitate, vel infamis ligni opprobrio dissidet. Quî sit igitur, ut adores, quod Dominus tuus abjecit, & Deus tuus condemnat? Heu nimiam cupiditatem, quâ Calvarii cultores inflammantur humanæ amphitheatra gloriæ frequentandi, & vanorum apparatusum lrides contemplandi! Quid deinde mirebimur, si decepti mundi
fal-

fallacia schemata in mentes nostras altè descenderint, dum in iis tantopere figitur oculus, atque animus volutatur? Non speremus posse nos aut majestatis aut voluptatis illecebras contemnere, nisi tam perniciosarum rerum odium etiam tum, cùm per urbanitatem abesse non licet, palpebras nobis dejiciat, & ab animo procul removeat. Idem fascinum quod impudicos in aspectu picti vultus illaqueat, curiosos pariter capit, dum ornatus magnificos, & splendidas ædes intuentur: *Facile capit oculos* Ser. 13. in Ps 118. Tom. 4. 2. 38. FORMA, NISI EOS ODIA PREMANANT *justa, & impuritatem indignatus avertat affectus.* Intelligitis opinor, Patres mei Fratresque? Nisi vehementer odiosam nobis omnem hujus seculi vanitatem indignatio fecerit, eam haud secùs, quàm tenebrarum Filii amabimus: nisi, quòd, quâ ipsi fruuntur, nos carebimus. Tam frequens sermo de quovis rumore, de quolibet eventu, de quacumque novitate; evagatio illa ultra limites nostros, qui nimirum

mirum sunt, vitæ Sanctorum, Bibliorum Oracula, Myſteria Fidei, Crucis Theſauri, vitæ, ad quam vocati ſumus Excellentia, quemadmodum ora noſtra vili ſabulo implent, ſic plebeios ſenſus de ventofis bullis Regalium ædium, & aularum animis noſtris ingerunt. Id prædixit jam ſæpe laudatus Ambroſius.

*Lib. 1. Offic. Alliga ſermonem tuum, ne luxuriet, ſit
c. 3.
Tom. 3. f. 46.* *reſtrictior* ET RIPIS SUIſ COER-
CEATUR. CITO LUTUM COL-
LIGIT AMNIS EXUNDANS.

92. O nos beatos! ſi Cæli Principes imitati, domeſtica colloquia ſolis divinis laudibus circumſcriberemus, reſigna tantum æterna, Dei Perfectiones, & Cæli Dynaſtas venerati! Enim verò totus ab alio ad alium polum ſe mundus commoveret, ad peccata deteſtanda, ad emendationem proponendam, corruptelas tollendas, mores reformandos, ad Chriſtianas Provincias ad primorum fidelium exemplum conformandas; ſi quilibet DEI Servus Sociis ſuis graviffimum ſalutis negotium, judicii

dicii terrorem, beatitatis immensitatem, maiestatem, infinitatem, omnipotentiam Conditoris proponeret. *Clamabant alter ad alterum. Sanctus, Sanctus, Dominus Deus Exercituum:*

plena est omnis terra gloria ejus. ET COMMOTA SUNT SUPERLIMINARIA CARDINUM, & domus repleta est fumo. Et dixi va mihi! Lubetne celsissima quæque seculi Capita in pulverem usque detrahere? Magnificè inter nos de Christo colloquamur. Deo repleti omnes terrarum plagas quò libuerit, versabimus, omnes terrebimus. Nemo enim, cui mens sana, cui Baptismo caput immauit, poenas æternas amat, sed in illius brachia ultro se injicit, quem ex Alarum copiâ, & pietate verborum divini Assessorum Throni, & Gratia Cherubinum agnoscit. Clamabant alter ad alterum; sine his tam beatis clamoribus nemo nos aut Archangelos credet, aut Apostolos existimabit: prorsus nobis, ut quondam Socrati, eveniret; qui cum rogetur,

retur, quid de celeberrimo quodam
Græco tum quoque superstitite sentiret;
quòd hominem minimè nōisset dejera-
vit, quamvis & vidisset sæpe, perspectas-
que haberet viri dotes. Nisi enim, in-
quiebat, loquentem audiero, non au-

*Cic. lib. 6. di-
sp. Tusc.
Tom. 60. 92.*

sim, quid ille sit hominis, edicere. *Haud
scio, inquit; nunquam enim cum eo lo-
cutus sum; an tu aliter id scire non po-
tes? nullo modo.* Nobis quoque nulla
facultas aut ornamentum, aut fidem
apud mundum conciliabit, nisi con-
temptores sui mundus, & amantes Cæ-
li è sermone cognoverit. Semper enim
vociferabitur: Ignoro, quo Spiritu tam
eruditus cœtus agatur, quippe quâ is
ratione in privatis colloquiis differat,
*haud scio. Nunquam cum eo locutus
sum.* Tot ad utrasque Indias Peregri-
ni, tot Missionarii Alpium nostrarum,
tot per plateas, & in Templis nostris
Ecclesiastæ, tam numerosi puerorum
Catechistæ, adultioris juventutis cæ-
lestes Magistri, Confessarii in emenda-
tionem pœnitentium tam intenti: Ve-
stis

stis modestia, vitæ integritas, frugalitas victûs, afflictationum sponte susceptorum creber usus, firmitas doctrinæ, voluminum editorum præstantia, tot denique Societatis munia non satis erunt, ut Apostolicæ nomen illi conferant, si privatis in congressibus sermonis Sanctitas illius Operariis defuerit: pro se quisque Socratem imitatus ad tantam messis uberrimæ copiam, tanta illustrium ornamentorum, Nationum conversarum, Hæresiarcharum confutatorum, Trophæa elevanda, id ipsum Stoici usurpabit, *Haud scio, nunquam cum eis locutus sum.* Quòd si enim literati isti Seraphinorum similes essent, nobis pariter sibique non Magnatum magnificentiam, sed Dei magnitudinem occinerent. *Clamabant alter ad alterum Sanctus, Sanctus, Sanctus Dominus Deus exercituum.*

93. Beatorum Spirituum cælestes clamores ad succinctum examen postremo loco propositi puncti me deducunt. *Os justî meditabitur Sapientiam,*
& lin-

& lingua ejus loquetur judicium. Tam præclari Axiomatis usus, si domi alienæ ac nostræ uberrimos fructus nobis parit, multò magis ille fructuosus ac necessarius est in ædibus cultui Numinis dedicatis. In his sacerdotes Seraphinorum clamores mutare oportet, in Auræ illius lenes afflatus, & suaves illas Etesias, in quarum comitatu se Deus Eliæ quondam obtulit. *Post ignem*
SIBILUS AURÆ TENUIS. Tot caperati vultûs contorsiones, tot oculorum fulgura, tantus objurgationum vapor, tanta minarum acerbitas, tam crebra capitis agitatio; non ad dolorem eos movent, qui se accusant, sed in fugam eos conjiciunt, qui plorabant. *Non in igne Dominus.* Nec objiciat aliquis, citra ignem ne aurum quidem expurgari, multò minùs ferrum ab inveterata rubigine præterquam carbonum ardore mundari. Velim sanè ignem nos iis præberemus, qui ad pedes nostros advoluti commissis suis illachrymantur; sed in ignem illum quivis Dei Minister

2. Reg. 19.

22.

nister se convertat oportet, cujus natura non est alia, quàm DEUS. *Dominus DEUS tuus ignis consumens est; quam Deut. 4. 24.* sententiam dum Theologicâ subtilitate Bernardus expendit, geminas flammæ formas distinguit. Aliam terroris in Lege veteri Moyfi usurpatam, amoris alteram Christo familiarem in nova. Zelus qui terrorem & minas circumfert, turbat, non sanat; urit, non purgat; destruit animas, non ædificat. ARDOREM HABET NON *Ser. 57. sup. Cant. Tom. 52.* AMOREM; COQUENS NON EX-COQUENS; *395.* *movens, non promovens.* Illo sanè utantur Sacerdotes ii, vel imprudentes, vel rudes, vel impatientes, qui semper tonant, nunquam in serenitatem explicantur; nubes suspendunt quodammodo, ut rore vacuas, ita perpetuis fulminibus minaces. Contrà Sanctitatis auctor zelus occasiones amputat peccatorum, Cælum plorantibus aperit, Dæmonis artes, & lapsus foeditatem depingit quidem, sed unâ lapsis Anastases, victis triumphos, & nau-

fragis indulgentiæ portum promittit. Hæc flamma non divina solum, sed ipse DEUS est; eam Ministris suis vim facultatēque ingerens, quā vitam quatrduanis Lazaris, & jam olim mortuis restituant. *At verò ignis, qui Deus est,* CONSUMIT QUIDEM, SED NON AFFLIGIT; *ardet suaviter,* DESOLATUR FELICITER; *Est enim verè carbo desolatorius, sed qui sic in vitia exercent vim ignis,* UT IN ANIMA VICEM EXHIBEAT UNCTIONIS. Ad tam præclara documenta Sacerdos quilibet exigat, atque dispiciat, num ardores sui torrentes quidam sint ignis Sulphurei ex Ætææ faucibus erumpentis in miserorum vastitatem, removendosque longius, qui postliminio ad DEUM reditum parabant; vel amabiles potiùs pluvias illas cælestium flammaram imitentur, quæ Apostolorum capita insidentes, ne pilum quidem unum depastæ ad promulgandam ipsis quoque Christi Crucifixoribus veniam eos impulerunt. *Ignis, qui*

qui *DEUS* est, *CONSUMIT* NON
AFFLIGIT. Quapropter qui suppli-
 cibus reis felle pectus exasperat, non is
 est Christi Vicarius, cujus faces uti pec-
 catis flammam, sic peccatoribus se bal-
 samum præstant.

94. At enim reperias fortè nonnul-
 los tanti Sacramenti feros, inhumana-
 nòsque administratos, qui, cùm hoc bal-
 samum abominentur, illud insuper ad
 nova perpetranda peccata stimulum
 esse criminantur: nam si peccatores,
 inquirunt, ad pedes nostros abjecti, tam
 clementes, ut suades, nos experiantur:
 vix è Templo digressi, ad Theatra & ad
 vomitum redibunt, nimirum obten-
 tæ indulgentiæ facilitate illecti. Ex-
 perientiâ quippe discimus, nunquam
 ad veram vitæ emendationem induci
 obrectatores legum, nisi clementiæ
 subrogetur austeritas. Hujus rei, quo-
 niam meâ sententiâ & judicio stare non
 lubet, Bernardus vobis arbiter esto. VO-
 ciferatur mitissimus Abbas. *LINCTIO*
HOEDOS VERTIT IN AGNOS, &

Ser. 44. sup.

Cant.

Tom. 112.

140.

de sinistra transfert in dextram peccatores. Vel ipse Behemot impenetrabilibus squammis loricatus Draco in turturem pennis deargentatis conspicuum mutabitur, si molli manu illius tergum demulceat, ac rore Angelico fragrantissimæ suavitatis suis eum Magister imbuerit. *Unctio hados vertit in agnos.* Et Bernardi quidem dictis Christi facta responderunt & monita, quæ nobis ceu Apostolicam disciplinam, homines dextre in viam reducendi, reliquit. Epulatus ille cum Zachæo ac Matthæo fuit, neque tamen Tyrannidem vectigalium, quam exercebant, iis exprobravit. Accepit benignè, ornavit laudibus, & fausta cum appreciatione dimisit Magdalenam tot innocentie naufragiis infamem Scyllam, & quæ Hierosolymam Universam perniciosissimo exemplo suo execrabilis impudicitie peste infecerat. In Filium prodigum flumina Charitatis effudit, sic ut eum recrearet Symphonicorum choris, vitulis pasceret, nobilitaret gem-

gemmis, & aureâ stolâ magnificè exornaret. Si Malcho quoque alicui, Nazianzenus exclamat, nimio zelo succensus auriculam truncaveris, Servatorem offendes, qui Custodes suos non sævos, sed esse Clementes jubet. *Si zelo inflammatus Malchi aurem præcideris*, INDIGNE FERET. Age modò, si Sacræ Exhomologeseos Auctor vetat Malcho, à quo invaditur, injuriis afficitur, & vinculis oneratur; vel leviter cutem perstringi, quo demum animo ferret, si Malcho lachrymanti, dolenti, ac pœnitenti iracundæ correctionis molâ contereremus ossa, & cervicem contunderemus? Si execrantur impietatem, si eos erratorum memoria exanimat, ecurr tormenta cruciatibus, & timoribus terrores superaddimus? Pereat ille, inquit S. Ephrem, quisquis afflictis & divinam misericordiam implorantibus misericordiam negat, supplicia denuntiat, Cœlum obserat, & referat Inferos. Non ego, inquit Beatus Anachoreta, crudeles Sacerdotes

*Orat. ad
Arian.
Tom. 59.
144o*

reprehendo, Deus est, qui Prophetæ sui
sententiâ illos ab Ecclesiâ sua excludit,
& ultra mundi terminos ablegat, ut ne-
mo deinceps desperet de venia, quisquis

Paran. 28.

Tom. 3^o. 64.

peccatis suis illachrymatur. *Cerne*

porro, QUO PACTO IMMISERI-
CORDES REDARGUAT. *Pro eo,*

inquit, quod non est recordatus facere mi-
sericordiam, & persecutus est hominem

inopem, & mendicum, & compunctum
corde mortificare: DISPEREAT DE

TERRA MEMORIA EJUS. Acrius

multò quàm Ephrem Diaconus, Joan-
nes Chrysostomus fremit, & inaudi-

tam barbariem appellat austeritatem
eorum, qui lugentes increpant. Quis

Barbarus, inquit, quis Scythia vel naves
illas, quæ sævis tempestatibus circum-

actæ & undis oppressæ in Syrtes & bre-
via impegerunt, vel à littore submovet,

vel à portu arcet? Et tu in despera-
tionis barathrum eos audes repellere,

qui vorticibus impietatis emersi apud
te vulneribus suis medicinam, & do-

loribus suis solatium supplices quæ-
runt?

runt? *Tu licet videas tantis attenuatum* Hom. 31. in
c. 12. ad
Rom.
malis JACENTI TAMEN INSUL-
TAS, corpusque illius convitiis laceras, Tom. 42.
114.
atque afflictionem afflictioni, velut tem-
pestatem tempestati superaddis, FLU-
GIENTEMQUE AD PORTUM in
scopulum incidere, ac naufragium mari
gravius pati facis. Et quomodo ad Deum
dicis, Miserere mei?

95. Columbæ basia, mihi crede, non
 Milvorum ungues ad poenitentiam im-
 probos revocant: reus itaque misero-
 rum in fugam actorum erit, qui cum
 promissæ beatitudinis fistulâ invitare
 ad Crucem errantes oviculas debuisset,
 eos damnationis tanquam oraculo edi-
 tæ tubâ longiùs fugaverit. Ubra pror-
 sus, ubra necessaria sunt lacte manan-
 tia, non hastæ pectora lancinaturæ. Nec
 verò misericordia ejusmodi suadetur
 duntaxat, verum etiam præcepto se-
 verissimo, & nullius exceptionis pa-
 cienti jubetur, adeò quidem ut anima-
 bus quantumcumque puris, maculæ-
 que omnis expertibus, & quantâcum-

que virtutum copiâ ornatis Cæli ostium
 Christus adducat, nisi illi paruerint.
 Quinquê Virgines coronatas liliis, &
 byssum induas, nec tamen ad nuptias
 ob unam olei inopiam admissas, intue-
 ri vos velim. *Oleum tuum*, inquit Am-
 brosius, MISERICORDIA TUA
 EST, QUO ETIAM COLLISA
 SCOPULIS PECCATORUM FO-
 VENTUR CORPORA. *Hoc oleum*
vulnerato à latronibus Samaritanus in-
fudit. Hoc cùm præferunt prudentes
 Virgines, in Regni partem à Messia vo-
 cata sunt. *Quæ autem in vasis suis*
oleum non tulerunt, hoc est, non habue-
runt prudentiam & MISERICOR-
 DIAM, EXCLUSÆ SUNT. Nec tua
 te contemplatio, inquit S. Doctor, nec
 asperitas vitæ, nec animi demissio, nec
 divinæ gloriæ studium animarum Ser-
 vatori gratum facient: nisi has, quæ ad
 Confessionis Tribunal supplices tibi
 accidunt verborum mansuetudine,
 ac spei deliciis, prosequaris. Quî au-
 tem unquam fieri posset, ut inter DEI
 Mi-

Ser. 14. in
 Ps. 118.
 Tom. 42. 57

Ministros, & in Magistratu humanis omnibus altiore locum aliquem occupes, si errorum suorum pertæsos affligis, & sine manifestâ necessitate sententiam absolutionis gementi, lachrymantique comperendinas? Dum interim Deus sinum suum aperit, brachia expandit, Filiûmque sibi charissimum appellat ingenuè sua peccata confessum, ac denique palàm edicit: longè majorem in Cælo triumphum agi de uno aliquo impio Pietari restituto, quàm de virtute innumerabilium justorum in sua innocentia persistentium? *Gratulentem per devia carpentem denuo re-* Lib. 1. Ep. 16.
ctum tramitem TOTA DOMINUS To. 32. 3.

AVIDITATE COMPLECTITUR.

Hic ego vos testor, potueritne aut facere amplius, aut dicere, vel Christus Magister noster, vel Gregorius Magnus ejus Vicarius, ac noster Pontifex? *Totâ Dominus aviditate complectitur.* At enim, excipiet aliquis, vulneribus illius Peregrini, qui per viam in latrones inciderat, vinum atque oleum infusum

est. Et ego hæc talia memoranti respondendo, prudentissimula Samaritanum homini ex vulnere propè morienti non acetum, sed vinum adhibuisse. Haud equidem veto in peccata prolapsò exponi, quanta sit ejus infelicitas, qui Deum hostem habet. Id tamen sic demonstrari velim, ut non perturbet, sed recreet pœnitentem. *Vinum & oleum.* Ah! Ah! Ah! (ipse quoque Jeremiæ verbis utor) loqui discamus! *Os justì meditabitur Sapientiam, & lingua ejus loquetur judicium.* Non ejiciamus è novi Testamenti Sacrariorum, qui ad id supplex & quadrupes adrepit, errores suos detestans, & promptus commissas noxas ulcisci. Sit lingua nostra fasciæ instar ex purissimo serico purpurâ tinctò, quæ miseros sui que pertæsos per spem Christo, & nobis per fiduciam adstringat. *Vitta coccinea labia tua.* Talis profectò illa lingua non est, quæ asperitate suâ pœnitentes affligit, & à pedibus suis repellit. Gilbertum audite. *Lingua hæc coccinea est,*

est, sed VITTA NON EST, NON ENIM LIGAT, SED DISSIPAT, *non* *le succendit*, QUIA SUCCIDIT UNITA. Atque utinam soli Confessarii Societatis hâc verborum impotentia & sententiarum asperitate alienos ab ædibus nostris peccatores facerent! Studium illud immodicum ac vehemens, quo pro nostri Ordinis defensione imprudenter garriunt aliqui, declamantque in eos, qui parùm eum amant, aut quamvis ament, vel beneficiis eum non prosequuntur, vel etiam insectantur, ampliùs eos exacerbat, qui nos oderunt, & hostes reddit à quibus amabamur. Nisi omnes Senatorum & Magistratuum sententiæ à nobis steterint, continuo causarum Judices, & Assessores Conventuum inimicos nostros stolidè proclamamus. Quid aliud hoc est, quàm pretiosa vincula, quæ disjuncta conjungunt, in cultros rubiginosos permutare, quibus à Religione nostrâ dividantur, scindanturque, qui eam & venerabantur, & collaudabant? *Malè*

Suc-

Ser. 24. sup.

Cant.

Tom. 88.

477.

*succendit, qui succidit unita. Lingua
hac VITIA NON EST, non enim
ligat, sed dissipat.* Ne quæso tam pro-
perè hostem nostrum dicamus, qui ver-
bis nostris continuò non subscribit.
Causarumstrarum ambiguitas Judi-
cum favorem nonnunquam moratur;
ac persæpe permittit Deus, seu quia
causarumstrarum æquitatem malè
referimus, seu quia, qui sententiam
fert, non penitus illam intelligit, ut Se-
natûsconsulta non fecundissimos im-
bres suorum in nos favorum effundant;
sed interdum repulsarum fulminibus
nos exterreant. Tanto itaque studio-
sius conciliare obsequiis, & mitigare
modestiam debemus eos, quibus aut po-
testas, aut modus defuit desideria no-
stra promovendi. Oportet, Patres mei,
adjungere nobis eos, qui oderunt, non
avertere offendereque, qui nos amant.
Favos observantiæ Magnatibus exhi-
beamus, ut, quamvis nullo numero sit
apud eos auctoritas nostra, eam ab iis,
quos obsequio mitigavimus, nobis ob-
tine-

tinere studeamus. Absit verò fel omne querimoniarum, ne qua necessitas ipsis imponatur adversandi nobis, cum se pro iis, qui læserint, haberi animadverterint. Amemus igitur amari Societatem: loquamur semper honestè de illis etiam, qui nos læserunt, & in peccantes verborum mansuetudinem, non indignationis fulmina expromamus.

96. Hæc omnia pluræque etiam obtineremus, si Davidi obsequeremur. *Os justi* MEDITABITUR *Sapientiam, & lingua ejus loquetur judicium*: prius ad limam, quàm ad linguam verba revocantes, & longo antè silentio ad loquendum eruditi. Omnium certè virtutum lætissimus proventus erit in domibus nostris, cum silentium efflorescit. In hanc sententiam Bernardus Ogerio Canonico scripserat. *Silentium* *Isai. 32.*
cultus justitiæ est, ad hunc ergo justitiæ *Ep. 89. Tom.*
cultum, AD HANC OMNIUM VIR- *18. 379.*
TUTUM MATREM, NUTRICEM,
CUSTODEM *te invito, te provoco.* In
quibus verbis, notari velim, taciturni-
tatem

tatem non matrem tantum virtutum, verum etiam nutricem, atque custodem appellari. *Virtutum omnium Matrem, Custodem, nutricem.* Adeoque significatur citra longam attentamque rerum dicendarum meditationem neminem vel Apostolicè, vel sapienter posse differere. Jam verò ut hodiernæ dissertationi finem imponam: Illi enim verò soli peccatorum suorum pertœsis asylum, & sanctioris vitæ oracula præbebunt, & ubique locorum purpureas vittas tendent, tum Antistites, tum Principes, nec minùs Equestrem, quàm plebejum ordinem nobis conjuncturas, qui accurato studio Evangelia meditari, & sua labra Christi labris admoventes, ab æterno Verbo, de rebus æternis verba facere didicerint. Quandoquidem si de Sponsa in Sacris

Cant. 4. 10. Canticis dicere Sponsus potuit, *favus distillans labia tua*: priùs quoque illa dixerat, *osculetur me osculo oris sui*. Quare ad omnes Filios meos cum Gilberto vocem dirigo, dicoque singulis atque uni-

universis: *Non enim de sponse labiis ex-* *Serm. 34.
sup. Cant.
To. 58 488.*
primerentur dulcedines, SI NON LA-
 BIS IMPRIMERENTUR DILECTI.

Quoniam itaque Ignatius Parens noster
 adeò semper, intimèque cum Deo se
 conjungebat, ideò tam prodigiòse mel-
 lifluus semper extitit, & cum peccato-
 ribus, quorum innumerabiles excitavit
 ad Gratia vitam, & cum Magnatibus,
 quos à nobis alienos Collegiorum no-
 strorum Fundatores, studiorum Mæce-
 nates, & Legumstrarum Patronos
 ac Vindices effecit. Jungamur DEO
 per profundæ contemplationis usum,
 & tunc conjunctos nobis Fideles pari-
 ter, atque Infideles læti videbimus. *Os*
Justi meditabitur sapientiam, & lingua
ejus LOQUETUR JUDICIUM. Ita
 primis nostris Patribus evenit, sic ho-
 dièque accidit, & imposterum quo-
 que nobis eveniet.



EX-



EXHORTATIO IX.

*In Pervigilio S. Francisci
Indiarum Apostoli.*

Parùm est ut sis mihi servus ad suscitandas Tribus Jacob: Ecce dedite in lucem Gentium, ut sis salus mea usq; ad ultimum terræ.

Isai. 49.



*Francisci beata vestigia
secuti, ad ministeria,
Domicilia, omnes Cæli
terrarumque Plagas perinde sumus
animo comparati. Huic tali indif-
ferentia Apostolatus innititur, ad
quem Societas aspirat, & magnus
Indiarum Apostolus cum inaudito-
rum ad ea tempora prodigiorum fa-
ma, innumerabilium animarum que-
stu,*

stu, & maximarum virtutum exercitatione pervenit.

97. **P** Rodigiorum innumerabiliū, præstantissimarum virtutum copia, expeditiones animorum causâ, terrâ marique susceptæ, remotissima Regna ex Idolorum Tyrannide Crucis Imperio vindicata, immensa denique decora, & trophæa, quibus Magnus ille Indiarum Apostolus universum Orbem terrarum implevit, adeo illis, ad quos verba facio, explorata perspectaque sunt, ut otiosus, ac temerarius viderer, si vellem in hac, quam paro, allocutione iis commemorandis prolixius immorari. Id facerem enim, verò, si ad Plebem & Nobilitatem intra septa Templorum in festa ejus luce dicerem, conarerque Divi hujus ornamenta ac prodigia sic expingere, ut intelligerent omnes, Apostolum nostrum Christi Apostolis, Magistris nostris, & Christianæ Reipublicæ Fundatoribus haud multò inferiorem esse.

Secùs autem agendum mihi existimo, dum inter eos differo, qui Xaverii nostri thesauros inexhaustos me ipso melius nòrunt. Allaborabo potiùs, ut, quod nostris in virtute progressibus bene vertat, investigem, quàmam ratione ad summum Apostolicæ perfectionis culmen ille pervenerit, & nostrum quilibet possit pertingere. Et illum quidem ad hoc fastigium evexit indicati paulò antè Oraculi reverentia, cùm Orthodoxorum in Europa salutem curare non contentus, ad extremos Asiæ fines transiit, ut Barbaris hominibus veræ Fidei lucem inferret, & Evangelium promulgaret numerosissimis vastissimarum illarum Regionum Gentibus, quæ lapidibus impio cultu adoratis animas suas in victimis immolabant. Qua in re similem prorsus Luci se præstitit, nunquam quiescenti. Excurrit hæc ab uno ad alterum Tropicum: Jámque super Aquilonarem Polum effulget, aliàs ex Australi radios suos diffundit. Hæc illa est scilicet ad locos
in-

indifferentia tam familiaris Francisco, nobisque tam propria. Adde quemadmodum Lux in Principum Topiariis flores Adonidis, atque Pæonias pingit, sic in fossis ac rutis murorum vilissimis herbis, & infelicibus vepribus vitam inspirat. Pari quoque studio in terræ visceribus vile cuprum, & purissimum aurum durant Cæli lumina, nec minùs sunt pumicum artifices, quàm adaman-tum. *Dedi te in lucem Gentium, ut sis salus mea usque ad extremum terræ.* Atque hæc gemina tum ad locum, tum ad munus indifferentia in Apostolum Orientis Franciscum efformavit, & nos etiam in Apostolicos Ecclesiæ Operarios finget: si ab omni vel domicilio, vel Emporio soluti, avocaverimus pariter à celebrioribus quibusque officiis propensionem nostram, & dum animas servemus modò, lucemque peccatoribus afferamus, illustres Cathedras, aut instructiores Domus penitus non requiremus. Hæ dissertationis meæ geminæ partes erunt, in id collineantes,

ut Apostoli nostri virtutes imitati, Instituti nostri Apostolicæ Sanctitati respondeamus universi.

98. *Dedi te in Lucem Gentium.* Irrequieta Lucis indoles uno loco consistere non potest, sed perpetuis cursibus mundi bono exercetur. Tales planè nos optavit Ignatius, qui primâ Lege Instituti sui Sectatoribus omnibus edixit. *Nostræ Vocationis est diversa loca peragrarè, & vitam agere in quâvis mundi Plagâ.* Hunc lapidem, cui, veluti fundamento, totus à se institutus Ordo inniteretur, è culmine montis Olivarum Beatus Legislator desumpsit, quo loco profecturus ad Cælum Servator, idem Edictum Discipulis suis proposuit. *Et dixit eis, Euntes in Mundum Universum, prædicate Evangelium omni CREATURÆ. Illi autem profecti prædicaverunt UBIQUE.* En tibi Apostolicæ vitæ basim, nullum sibi Locum præstituiere, non Urbibus semet addicere, sed universum terrarum Orbem cursûs sui stadium destinare. Quæ res
vero-

Marc. 16.

15.

verorum Ministrorum Verbi æterni, ac ferventium Religionis Amplificatorum tanti refert, ut propemodum dicere auisim, eam virtutem solam sufficere ad prodigiosas expeditiones conficiendas, emendandas Provincias, & Regna Pietati subjuganda. Animos adhibere. Apparuit Ezechieli divinæ gloriæ Currus obcæcatis Idololatriæ religionibus lucem investurus, quam ut deducerent, remonem machinæ subierunt, Homo delicatus, Bos lentus, Aquila irrequieta, & turbidus Leo. Quæro igitur ex Propheta, quâ demum ratione speret Animalia tam varia, variisque vitiis obnoxia illi moli moderatura? Imò reponit, moderabuntur: siquidem tot vitia, quibus quatuor illi Ductores laborant, emendabit, compensabitque una eadēque voluntas eō currendi, quò Spiritus Sanctus eos impulerit. Aquila, non nego, sublimē volat, & ungue prædam rapit: devorat Leo, ac rugit: Taurus ad carpendum gramen promptior, quàm ad aratrum

fulcis inferendum : Homo corpore tener ad delicias aspirat, & labores fugit: nihilominus quia quadrijugorum nullus firmum locum, unde pedem referre recuset, obtinet, cæleste Tabernaculum in omnes eas gentes deducunt, quibus id manifestare Deus decrevit. En! quæ sit illorum Provincia, quæ summa
Ezech. 1. 12. **LIBI ERAT** *impetus spiritus, ILLUC gradiebantur, nec revertentur, cum ambularent.* Sic neque ego timeo vel ingenii levitatem, vel indolis torporem, aut asperitatem morum, aut teneritudinem sanguinis; quæ vitia interdum è paternis ædibus Societatis Alumni secum in Ædes nostras asportant, dummodò eos non potius uni, quàm alteri Collegio affixos, promptosque videam quaquaversum decurrere, quò eos Obedientia vocaverit. Arridebat quidem Tauro pratorum Viror, non ideò tamen, ne illo privaretur, aut montes scandere, aut per vastas solitudines ingredi recusabat; sic insatiabilis aviditas carnium,
 & præ-

& prædandi cupiditas Leonem stimu-
labat ; nihilominus Greges negligebat
& feras, cum ab omnipotentia Dei, vel
in arenas Oceani ageretur, vel in Ur-
bium fora. Eodem modo Homo, &
Aquila propensiones suas tum curiosorum
aspectuum, tum illecebrosarum
voluptatum superabant, ut illi obse-
querentur, à quo è convivalibus Diæ-
tis, & coruscis montibus ad cæcas spe-
luncas, & steriles scopulos transfereban-
tur. UBI ERAT IMPETUS SPIRI-
TUS, *illuc gradiebantur.* Quòd si in
Ignatii Filiis hæc ad quaslibet Mundi
plagas excurrendi promptitudo spectetur,
dissimuletur sanè in iis aliquis natura
impetus, quem Religiosus ardor
brevis aut compescet, aut tollet. Sanè
repudiarem vel Angelos, & monstra
præoptarem, si quando illi propriâ innocentia
contenti, adeò patriæ aut nobilibus
Academiis adhærerent, ut ne
vox quidem Christi suorum Ministrorum
ore loquentis ad eos refrigerandos va-
leret. Cum interim illa alia minùs

quidem erudita, minúsque pacata, sed longè velocius ac promptius se ad Itinera Charitatis, & ad Virtutis metas nullis terminis circumscriptas offerrent. *Facies hominis, & facies Leonis.* Si non se figunt, accedant. *Facies bovis & facies aquila.* Hos quoque libens, volensque ad Divinæ Machinæ ministerium admitto, si quocunque DEUS eos miserit, ituros se mihi sponderint. Quilibet, tametsi modicis à natura dotibus instructus; quamvis cupiditatibus æstuet; licet ad sublimes volatus capefendos stimuletur; quanquam vel appetens, vel egens curæ corporis, ab Ordine nostro rebus maximis pro DEI gloria gerendis admoveatur: sperenturque ab ejus industria fructus insignes in proximorum salutem cessuri, si certum habuerimus, eò perrecturum, quò DEUS illum invitaverit. *Dedi te in lucem Gentium ut sis salus mea,* LISQUE AD EXTREMUM TERRÆ. Sol profectò nihil eorum quæ producit in se habet, non fructus, non fruges,

ges, non metalla, non gemmas, nihilo tamen secius omnia profert; quia nimirum quaquaversum commeat, ubique præstò est, nihil dedignatur, nullo loco consistit.

99. Eam ob rem Magnus Abbas Bernardus tonabat in eos, qui, cum Apostolicum vivendi genus profiterentur, non communem etiam erga omnes populos amorem, & promptam in omnes regiones proficiscendi voluntatem profitebantur. Nam si Dioceseos unius, inquit, culturâ & unius gentis institutione studia vestra concluditis, quamvis inauditæ doctrinæ radios diffundatis, & prodigiis illustremini, non estis Apostoli, nec oraculum impletis, aut Isaïæ aut Christi. *Dedi te in lucem Gentium.* Jam tum enim vobis Messias spatia, quæ luce vestrâ collustretis, ampliavit, cum dixit: quidquid terrarum Cælo tegitur, & quot quot animas Pater meus creat, id omne studiis vestris patet, nec augustioribus terminis ardores vestros definio. Quòd si

mundum ad Modium arctaveritis, non jam lux, sed tenebræ mundi eritis, neque calorem argentibus, sed offendiculum opem vestram expectantibus affe-

Ser. 66. sup.

Cant.

To. 59. 405.

retis. *Vos estis lux mundi, dictum est Apostolis, & ideò Apostoli super Candela-*
brum, ut toti luceant mundo. Pudeat
Successores Apostolorum LUCEM NON
 ESSE MUNDI, SED MODII. Jam
 verò si scriptor studiosissimus anima-
 rum Præsules & Ecclesiæ Principes, qui
 nunquam vel opes paternas abjecerunt,
 vel per Vota se Christi Cruci confixe-
 runt, sic compellat, ejus tantum officii
 nomine, quod Ecclesiæ consecratis San-
 ctitas Pallii, & Tiaræ dignitas imposuit:
 quibus demum verbis eos S. Abbas
 fulminaret, qui ab omnipotenti DEO
 à vili seculi massa secreti, & in Evange-
 lii propagandi Provinciam, & Novæ
 Legis Præconum vestigia immissi stirpi
 suæ nuncium remittere, ac copiosa ge-
 nitricum ubera, & paternas lachrymas
 pedibus conculcârunt? Ah! *Pudeat*
successores Apostolorum lucem non esse
 Mun-

Mundi, sed modii. An non Francisci Fratres, & Ignatii Filii sumus? Quî fit igitur, ut contrâ, quàm hujus leges imperant, & illius exempla docent, ab una in aliam Provinciam transire detrectemus? Et desideriorum loco, quibus per infesta maria navigationes ad Antipodas flagitaremus, nobilibus Urbibus, & domibus copiosis animos affigamus?

100. Ubi jam es Basili, qui, cùm tibi durissima exilia relegationesque intolerabiles Præses minaretur, ex ipso, iisque, qui aderant, quæsiisti: Ecquid tam peregrinæ auribus tuis voces sibi vellent? si enim, inquiebas, exilii nomine digressum à Patria intelligitis, id nulli Ecclesiastico Præsuli, atque adeò nec mihi potest indici. Quippe nec eum locum, qui me nascentem excepit, nec istum cui præsum, patriam meam unquam putavi: contrâ verò quocunque terrarum me inimicorum meorum barbaries, & veritatis defensæ pœna deportârit, illam ego terram
in

in veræ patriæ loco sum habiturus, quamvis ejus incolæ Troglodytæ; fruges, cicutæ; pisces, crocodili; & armenta dracones forent. Quantò plura perpeffus fuero in steriles arenas, in concretas glacie terras, in horridos specus damnatus, tantò me feliciorem & propiorem Cælo à Christo factum existimabo. En vobis ad omnia parati Archiepiscopi sententiam à Gregorio Nazianzeno verbis gravissimis relatam.

*Orat. funeb.
in laud.*

Basil.

To. 59. III.

Nec verò exilium ullum cognosco, qui nullo loco circumscriptus sum, ac neque
TERRAM HANC, quam nunc colo,
MEAM HABEO, ET EAM
OMNEM, in quam projectus fuero,
PRO MEA DUCO. Ah! si non dicam Basilii, hoc est Viri Moyfi suppare, similes Apostolis, nec inferiores primis Angelorum Choris, sed nîl amplius, quàm Christi servi essemus: Jam profectò totus terrarum Orbis, & patria nobis, & exilium foret. Patria quidem, quam institutionibus nostris ad sanctitatem erudiremus: Exilium verò,

rò, quòd nollemus ullis illius commo-
dis perfrui. Clamat idcirco Ambro-
sius. *Domesticus Dei, exul est mundo.* Ser. 7. in
Ps. 118.
To. 10. 305.
Multò copiosius longèque priùs fide-
bus Africanis in eandem sententiam
scripserat Tertullianus. Vobis, inque-
bat, si veri Auditores Evangelii estis,
non magis pensiles Babylonis Horti,
quàm subterranea Romæ ergastula pla-
cere possunt. Ex æquo vobis & dis-
plicere debent, & placere, tam aureæ
domus Romanorum Cæsarum, quàm
cœci carceris squalor, custodiæque Ty-
rannorum Chaldæorum. Nihil inter-
est, ubi corpore moretur, qui cogita-
tione & affectu in Cælo degit. Illo ipso
die, quo sacro Baptismi fonte capita
mersistis, terrenis domiciliis renunciâ-
stis, eodèmq; momento, quo in Ec-
clesiæ sacraia veræ Religionis Neophy-
ti fuistis inducti, è mundo existiistis, Hie-
rosolymæ Cælestis Civitate donati. Con-
Lib. ad
Mart.
To. 58. 199.
tristetur illic, qui fructum seculi suspirat.
Christianus etiam extra carcerem seculo
renunciavit, in carcere autem, etiam car-
ceri.

ceri. Nihil interest UBI SITIS IN
 SÆCULO, QUI EXTRA SÆCU-
 LUM ESTIS. Miseri! nec tamen mi-
 seratione ullâ digni erimus, si, dum Ba-
 silius ibi non est, ubi moratur, nec suam
 Metropolim, cui præest, Patriam suam
 credit, sed Mundum pro patria, & nul-
 lam toto in mundo patriam cupit; nos
 illi penitus contrarii, & de domiciliis
 non incommodis digressi, in iisdem de-
 siderio, atque animo toti nihilominus
 hæreremus. Et quot sunt fortassis, qui
 ad eas sedes, quas deseruerunt, semper
 aspirant, & ceu infelicissimæ cochleæ,
 uti appellantur à S. Ambrosio, secum
 trahunt Collegia, quæ relinquunt; ne-
 que verò ea tergo vehunt, sed intimo
 pectore concludunt: pulcherrimæ pla-
 néque Angelicæ Promptitudinis, tum
 quoque, cum imperata facientes ex
 unâ in aliam regionem utcunque mi-
 grant, prorsus exsortes. VELUT
 COCHLEÆ, quæ nisi intra testæ operi-
 mentum sint, spirare non possunt. Apa-
 ge tam indignam pectore Religioso sar-
 cinam,

Lib. 1. de
 Abel.

Th. 10, 150.

cinam, & Francisci ac Basilii exemplo proclama. Non illic vivo, ubi dego; quoniam in omnibus illis Orbis partibus vivere cupio, quas Apostolicis meis laboribus stadium esse Christus iusserit. Illa regio mea est, in quâ luce Veritatis superstitiosos Populos illustravero. Illa mea patria est, in qua Patris æterni Gratiam recupurabo divinæ legis Desertoribus. Quisquis paternam domum deseruit, in omni tugurio domum, & in quovis Mapali Palatium habet.

101. Tales nimirum primi Christiani, & primi Societatis Sacerdotes fuere: quorum animi Deum quodammodo sic res creatas complectentem, ut ab iis non claudatur, imitati, Mundum universum amplectebantur, nullâ tamen ejus parte unquam arctati, semper in sacras expeditiones Regionum recens detectarum intenti. Hæc talis magnanimitas incognita regna, & ignotas terras Votis ac Suspiriis sequendi, si quando in nobis deficeret, equidem cruen-

tis lachrymis veluti collapsum Institu-
ti nostri culmen deplorarem. Sanè
Ignatius in qualibet parte Mundi age-
re vitam nos iussit, & DEUS nos ele-
git, ut in quolibet maris scopulo, & agro
continente, in omnibus angulis Civita-
tum, in quocumque lapide Pagorum,
quos nec Cosmographi descripserunt,
nec ambitio cogitavit, doctrinam suam
vulgaremus. Si quondam in nobis ar-
dor ille remotos populos adeundi lan-
guesceret, tum enimverò Vocationis
nostræ characterem oblitteratum puta-
rem. Haud satis expositurus mihi vi-
deor mei doloris molestiam, nisi Car-
thaginis luctum, quem ex incensâ suâ
classe Civitas illa conceperat, retulero.
Quamdiu Carthaginenses in portu suo
Triremes conspiciebant, quibus in Hi-
spanias, atque Italiam victrices exerci-
tus sui tantâ nominis Punici gloriâ,
tanto incremento Imperii, quondam
navigaverant: nondum se perditos
conclamârunt, quamvis victos se sub-
jugatósque deflerent. Præsidebant fo-
ro

ro Quæstores Romani, in fossas mœnia
 defederant : pendebant Capitolio ve-
 stigal ingens, ac Romam olim à se op-
 pugnatam Regnorum suorum Domi-
 nam suspicere cogebantur. In tanta
 tamen fortunæ adversitate, tanto servi-
 tutis pudore, & impositi jugi gravita-
 te, non prorsus profligatas res suas in-
 domiti bellatores illi putabant, nec de-
 sperabant posse se olim servatarum na-
 vium puppibus repetere terras eas, quas
 antehac armis suis victores obtinue-
 rant; tum denique victos se subjuga-
 tósque fassi sunt, cùm Laureatus Pro-
 consul actas in altum quingentas na-
 ves bellicas injectis flammis universas
 exussit, nullâ penitus in navalis expu-
 gnati memoriam relictâ. *Naves prove-* Lib. 30. hist.
ctas in altum incendi jussit, inquit Li- To 102. 150.
vius, quingentas fuisse omnis generis qui-
dam tradunt, quarum conspectum incen-
dium tam lugubre fuisse Poenis, QUAM
SI TUM IPSA CARTHAGO AR-
DERET. Nulla planè vigentis quon-
 dam fervoris remissio sic me terreret,

uti sola suspicio, ne frigerent in animis Alumnorum Ignatii beata illa vota & Apostolicum studium, seu vasta maria transeundi, seu super remotissimos quosque horridissimosque montes, tum Zonæ torridæ, tum glaciali Polo subjectos, Crucem erigendi. Neque mirationem vobis hi mei metus faciant, quoniam qui fervorem ad Deum adducendi longinquas, barbarasque gentes huic Ordini tollit, non is capillamenti decus, non sanguinis colorem, non vivacium spirituum robur, non loquendi facultatem rapit, sed è pectore cor illi eximit, & à membris animam avellit, & quod confectarium est, illum è vivo corpore in frigidum cadaver resolvit, ipsâ sui substantiâ mutatum, & miserabili corruptioni totius compositi subjectum. Quemadmodum enim, qui Anachoretis solitudinem ac silentium; Monachis Psalmodiam, & jejunia; Fratribus Minoribus nuditatem, & saccum; Stylicis columnam, atque vigilias eriperet, eos animâ

mâ planè ipsâ spoliaret, & in Cœtus longè diversissimos ab iis, quos mundus adoraverat, commutaret. Sic ubi Divinarum humanarumque Disciplinarum studia, & desideria sacrarum expeditionum, Missionumque in Societate non remanerent; non jam ea foret Apostolicum illud Agmen, quod Pater æternus ad excindendas Hæreses, erudiendosque veræ Religionis expertes conscripsit. *Dedi te in lucem Gentium*, UT SIS SALUS MEA USQUE AD EXTREMUM TERRÆ. Quapropter frontibus Filiorum Ignatii tanquam militiæ suæ tessera litteris aureis inscribatur: *Nihil interest ubi sitis IN SÆCULO*, qui extra sæculum estis.

102. Enim verò hîc non pauci ab Adami ficu nova teporis sui tegumenta furantur, cùm dicunt: Collegia numerosa, & Domus frequentes solo studio virtutis feliciùs plerumque efflorescentis, ubi eam commorantium numerus amplificet, à se amari. Eatenus

à se minora domicilia & in ignobilibus vicis positas domos vitari, quatenus eò minorem in his æmulationem mutui profectus conspiciant, quò minor pariter est proficientium numerus. Non, inquit, Domuum ampliorum commoda, sed earum Sanctitas in iis nos detinet. Cujus persuasionis fallaciam doctè irridet S. Gregorius in ea Epistola, quam ad Cyriacum Constantinopolitanum Patriarcham dedit. Ad amissam Monasterii quietem aspirabat vir bonus, Episcopaliū ædium ingratos tumultus pertæsus. Atque in eo jam erat, ut à commisso sibi grege fugam arriperet, simul & luctam cum Lupis vitaturus, & amissæ tranquillitatis pacem recepturus. Eum S. Pontifex ut in Præfecturæ suæ conflictu constanter perseveraret, confirmavit, monuitque nullo semoti Montis silentio quietem animæ afferri, nisi ad eam Spiritus Divinus nos impulerit; sicut neque ulli tumultuantium negotiorum strepitus meditationem divinarum litterarum per-

perturbent, cùm ad agendam inter delirantes populos moram Verbum Æternum nos invitaverit. Sub ipso Tentorio Abrahami DEI vivi cultoris, & verorum Fidelium Legislatoris Ismaël idola finxit, & penè dementavit Isaacos. Idem à sacris Tabernaculis Patris proscriptus, & cum genitrice vel infideli vel sceleratâ in sylvis commoratus DELIM spectabilem, & Magistros Angelos nactus est. Itâ Lothus, qui Sodomæos inter lumine pudicitia ab ipso met DEO amplissimis præmiis coonestatâ inclaruit, in solitudine radios innocentia monstrosis nuptiis, soboleque funestâ infecit. Quamobrem pluris fiat divinæ voluntatis reverentia, quàm claustrorum bene munitorum virtus. *Hoc præcipuè perpendas, quia* *Lib. 6. Ep. 5.*
Tom. 32. 40.
qualibet occulta loca, sine DEI gratia ANIMAM SALVARE NON POSSUNT, *nam Loth in perversa Civitate Justus fuit, in monte peccavit.* Subinde gravissimus vitæ perfectæ Auctor, ceu Sancta quædam Sanctorum

aperit irrefragabilium Oraculorum ad
piè vitam exigendam. *Sed ista cur
dicimus, cum majora noverimus? Quid
enim Paradiso jucundius? Quid Celo se-
curius? Et tamen homo ex Paradiso pec-
cando, Et Angelus è Celo cecidit. Illius
ergo nobis virtus querenda est, Et gratia
postulanda, sine quo nusquam absque pe-
riculo Et culpa: cum quo nusquam sine
justitia esse possumus.* Nimis profectò
ille decipitur, qui deserto vexillo Evan-
gelicæ Indifferentiæ, quæ nullo discri-
mine sedes omnes complectitur, me-
ritorum incrementum & Sanctorum
operum lucem sibi promittit, si modò
intra parietes, pervigili Præsidum curâ
defensos, se receperit. Equidem vigi-
labunt illi, sed tu dormies; Illorum
excubiæ mortiferum in te Lethargum
parient, quoniam DEUS Gubernatio-
nis Religiosæ fructum negabit animæ
tuæ, si non in Ignatii leges planè con-
tumaci, certè illarum minimè studio-
sæ. Quapropter animadvertit S. Am-
brosius inter blasphemantium Judæo-
rum

rum ululatus Christum apparuisse Stephano Protomartyri, & inter lapidantes Carnifices Cæli penetralia reclusisse: Cum tamen Magdalena sacro sepulchro proxima, & Angelicis stipata spiritibus, redivivum Christum alloquatur, nec agnoscat, ignobilem cultorem herbarum rata, non gloriosum Servatorem animarum. Adeo verum est animorum sanctitatem è locorum sanctitate neutiquam pendere; Cum hinc inter adoratorum mysteriorum monumenta repant in pulvere, illinc verò resonantibus circum Tartareis fremitibus ad Cælestis Harmoniæ sensum se attolant. *Stephanus* INTER JUDÆOS VIDIT ABSENTEM, *Maria* INTER ANGELIOS NON VIDIT PRÆSENTEM. Patres, Fratresque mei me ipso mihi chariores, inter medios turbines, laboriosarum occupationum, & implicatorum negotiorum suavissimos in Deum raptus speremus, si ad ejusmodi strepitus nos obedientia dimisit. Neque unquam promittamus nobis aut stillaturam

Lib. 10. in

Luc.

To. 44. 164.

ram ex oculis lachrymulam, aut scintillam in sinu exarsuram, vel in Sinai vertice commorantibus, cum eo loco nos statuerit precum nostrarum importunitas potius, quam deliberata voluntas regentium. Illic DEUS est, eo loco invenitur Deus, non ubi nobis inveniendum persuademus, aut degere somniamus. Contrà verò ab ejus pietate suavissimos amplexus, & coronas triumphales in negotiis irrequietis & locis répestatae multiplici agitatæ recipiemus. SINE QUO NUSQUAM, *absq; periculo & culpâ*, CUM QUO NUSQUAM SINE JUSTITIA *esse possumus*.

103. At enim diripienda est aliquando sua Ignaviæ persona, quâ commodorum cupiditatem fervoris desiderio per fucum obtegere conatur. Dicamus, quod res est, nec diversa menti verba fingamus. Desideramus scilicet domus conspicuas non eo nomine, quòd in his disciplina magis resplendeat, sed quia corpori magis prospicitur: non nos statæ precationis pensum sedu-

sedulo exigi solitum, non silentii custodia, non exempli splendor, non disseminatio Verbi divini, non modestiæ illustre decus, non voluntariarum afflictationum frequens usus, ad ampliora Collegia expetenda proliciunt. Vereor enim ne diligentia eorum, qui rem domesticam curant, supellectilis copia, proventuum ubertas, ædificii amplitudo, habitationis commoditas ad domicilia celebriora nos aspirare jubeant. Qua in re prò quantum ab invictorum Christi Pugilum sensis dissideremus! Hi patriæ nomen abrogabant Emporiis illis, ubi sub illustribus tectis in lucem editi, ubi splendide educati, ubi eos magnifici Throni expectabant, & nobilis consanguinitas comitabatur, omnibus fortunæ bonis affluentes. Illas sedes verè sibi patrias appellabant, in quibus adstricti compedibus, equuleis torti, facibus usti, pectinibus laniati, feris beluis objecti, carnificibus traditi, libertatem in catenis, vitam in tormentis, famam in patibulis amittebant. Quibus

in locis cruciabantur sæviùs, ibi & amores, & cogitationes suas omnes re-

Orat: magni

Theod:

Mart.

Tom. 13. 43.

TYRIS EST LOCUS PASSIONIS.

In hanc sententiam Gregorius Nyssenus Basilii Frater scripsit. Eam ob causam Domitilla propinquo sanguinis nexu regnantibus Flaviis inserta, Romam sibi patriam negabat esse: quoniam in ea inter Capitolii Principes Feminas peculiari veneratione, sublimitate fastigii, Titulorum Magnificentia, & amplissimo comitatu Matronarum Consularium fruebatur. Ambigebat potius an patria sua non esset aut Insula Palmaria, in qua barbarum in morem diu divexata est, aut Tarracina ubi vitam pro Christi amore cum puellis suis in flammis posuit. *Patria Martyris est locus passionis.* Jam verò, cum tam illustria exempla suppetant, quo animo erga ærumnas, & aspera quæque affici oporteat, quantum nostrum dedecus foret, si à tenerarum Virginum, & invictorum Confessorum magnanimi-

mitate adeò diversi eas sedes amare-
 mus, in quibus recreatur corpus, & ab
 illis refugeremus, in quibus nos Crux
 accipit? Quidnî primorum Patrum
 austeritate revocatâ, ceu hallucinan-
 tem ac mendacem, Stoicum confuta-
 mus, affirmare ausum, eum locum uni-
 cuique natalem esse, qui vitæ commo-
 dis abundaret? *Patria est* (infelix in-
 quiebat Philosophus) **UBICUNQUE**
BENE EST. Quisquis gustum ali-
 quem Evangelii habet, tam rudem Phi-
 losophum palàm redarguat, ac magnâ
 voce; non illa, exclamet, Christi Secta-
 torum patria est; quam mellis torren-
 tes inundant. Illa illa patria nostra
 est, è qua dolorum rivi dimanant, &
 clavorum ac spinarum seges colligitur.
PATRIA EST UBI CUNQUE MA-
LE EST. Si gravior in illa Urbe pau-
 pertas, domicilium angustius, crudior
 aura, solum sterilius, Cives minùs cul-
 ti; si, qui præest, austerior, Ministri ne-
 gligentes videntur, socii verborum
 parciore, eò precum alis, repulsæ omnis

*Lib. de Pro-
 gid.
 Tom. 9 82.*

im-

impatiens convolabo; neque bene mecum agi credam, donec in tot mala me penitus immisero. *Patria Martyris est locus passionis. Patria est* UBICUNQUE MALE EST. Discipulis Epicuri sit sanè Dux Seneca, qui rosas colligit, spinas excolit, botros exprimit, Etesias suspirat, Cæli temperiem amat, de triumphalibus Arcubus sententiam illam suam suspendit, ac floreis corollis inscribit: *Patria est ubicumque bene est*: nam Crucifixi Auditores, ibi animum ac gradum figunt, ubi Montis Calvarii scena vel instauratur, vel saltem adumbratur.

104. Id certè solemne Paulo fuit, cum Regias illas fugeret, à quibus plausu excipiebatur, & ad eas Urbes navigaret, apud quas pessimè audiret. Age in rem præsentem veniamus. Prosperè successerat Magistro Gentium, ut Sergium Paulum Papho, Cypri Metropoli, imperantem, doctrinâ suâ convictum, & patratis à se prodigiis attonitum, ad Christianas leges traduceret.

Vix

Vix sacrae litteræ Baptismum instructi à Paulo Consularis Viri exposuerant, cum pariter Paulum exhibent aliò terrarum vela facientem. *Tunc Procon-* Aët. 13. 15.

sul, cum vidisset factum, credidit admirans super doctrina Domini. Et cum à Papho navigassent, Paulus, & qui cum eo erant, venerunt Pergen Pamphilia. Interfatur hoc loco Joan. Chrysostomus, & vide autem, inquit, illos non diu moram Homil. 28. in Aët. Tom. 36. 57.

JAM CREDULO FACTO, neque emollitos adulatione, & honore, sed statim operi incumbentes, & **IN DIVERSAM REGIONEM FESTINANTES**. Rursus cum magnum illud electionis Vas ad pedes sibi Lystrensem plebem videret accidisse, eà mente ut se pariter ac Barnabam, quorum alterum delapsum Cælo Mercurium, Jo-
vem alterum Deorum Principem credebatur, cæsis victimis veneraretur, vestem discidit, adoratores repulit, hominem se ac de infima Tribu opificem professus est, certus ab iis se mœnibus
quan-

quantocyùs proripere. Interim ab Iconio adsunt infesti hostes, tantâque rabie in eum declamârunt, ut commota plebs eum velut seditionum & errorum auctorem, & publicæ quietis perturbatorem lapidibus obruerent, gravemque vulneribus & pro mortuo abjicerent. *Lapidantésque Paulum traxerunt extra Civitatem, existimantes eum mortuum esse.* Vix dum saucius Doctor recipere spiritum, & allevare oculos cœperat, cum protinus latebrarum ac fugæ loco in tumultuantem furentemque urbem rediit, novisque suppliciis se se obvium tulit. *Circumdantibus autem eum Discipulis* SURGENS INTRAVIT CIVITATEM. Hic rei novitate attonitus idem Chrysofostomus exclamat: Haud facile reperietis alumnos Christi eò cursitare, quò prodigiorum patratorum fama populorum erga eos vóta studiâque crexerant. A triumphis ejusmodi ultrò sibi exilium indicebant, eò se recipere soliti, ubi fremebat vulgus, & Tyrann-

ranni furebant. *Surgens intravit Civitatem. Nusquam autem dicit, quòd reversi sunt, UBI SIGNA FECE-
RUNT; sed ubi meruerant pro nomine illius ignominiosi haberi. Nam hoc à Christo didicerant, dicente, nè gaudete, quòd Dæmonia vobis subjiciantur. Etenim revera gaudium purum est, PATI ALIQUID PROPTER CHRISTUM.* Hæc profectò sacrosancta illa Indifferentia locorum est, quoniam non perinde nullo discrimine habet ab ærumnis abesse, sed illuc procurrit, ubi, quod patiatur, se reperturam arbitratur. Equidem si viri Apostolici sumus, illa ædificia nobis arrideant, quæ inquilinos suos & alunt parcius, & habent durius, & tanquam Evangelici quidam furnuli corpus ærumnis excoquant, ut animum coronent. Non trahit moram Paulus in conversi Proregis Palatio, Consularis mensæ delicias contemnit; honores ab assentantibus Palatinis exhibitos, munera à subditis ambitiosis oblata, egentis turbæ concursu,

sum, laudes prodigiis suis impensas, admirationes denique repudiat, quas sua illi Theologia excitabat. Paphum fugit, quòd illic triumpharet; Lystram redit, quòd hìc cæsus, ut servus, & tractus ut impius, vulnera reciperet, & contumelias speraret.

105. Tam præclarorum studiorum Magistrum symbolicus ille Danielis lapis se præbuit. Revulsus ille à montis vertice nullâ ligonis violentiâ, nullâ cuniculorum igniariorum vi, aut motæ terræ concussione, ultrò ad Colossum Chaldaëum provolutus est: quòd cùm pervenisset, non in capite statux confedit, auri splendore irradiandus, & populi plausum, quo is simulacri faciem efferebat, excepturus, sed infimæ illius parti se admovit, ut ferri rubiginem purgaret, & fragilitatem cretæ castigare. *Abscissus est lapis de monte sine manibus, & percussit Statuam, IN PEDIBUS ejus ferreis, & fictilibus, & comminuit eos.* Hæc scilicet est muneris ad quod vocati sumus, ritè obeundi for-

forma: ad volare non ad Regiarum Aularum splendores, ut Magnatum gratiam assentatione atque blanditiis aucupemur. Illuc eatur, ubi zelus noster exercere vires suas possit: ubi campus aperitur industriæ nostræ: ubi tolli flagitia, corrigi errores, peccantes ad poenitentiam & errantes reduci in viam possunt. Et quoniam Majores nostri tales se se Europæ Civitatibus præstiterunt, cum rudes erudirent, improbos exterrerent, reprehenderent effeminatos, refrenarent feroces, inter ruinas emendatorum peccatorum in immensum adeò montem paucorum annorum spatio creverunt, ut novum juxta, veteremque Orbem occuparent: *Lapis autem qui percusserrat Statuam factus est* MONS MAGNUS, & implevit UNIVERSAM TERRAM. Et profectò incredibili rubore suffundor, quoties promptitudinem lapidis expendo, nullo machinarum impetu loco suo dimoti. *Abscissus est lapis de monte* SINE MANIBUS. Quantus Mons

Ec

Ro-

Roma tunc erat, cum in eâ versaretur Franciscus Apostolus noster, ac tantâ observantiâ, tantis studiis à summis pariter atque infimis audiretur? Simul tamen, ubi voluntas ei est significata Ignatii, se à Vaticano abruptit, & ad ultimos fines Orientis se contulit. *Ab-*
scissus SINE MANIBUS. Neque pluribus per ea tempora opus erat, ut ex hujus Urbis mediterraneo litteratissimi Viri Societatis, ad immanissimas Gentes & ignotas Orbis Plagas transferrentur. *Sine manibus*, una Præpositi vox Alpes in medium mare trajiciebat, atque istæ longè jucundiùs, inter assultus procellarum, quàm inter lenis auræ afflatus versabantur. Nostrorum hominum nemo vel in frequentibus Emporiis ambiebat aliud quàm infimum angulum, in quo patiendi desideria, & animarum studium expleret. *Percussit statuat in pedibus ejus ferreis & fictilibus.* Quisquis advenas Ignatii Filios cognoscere propiùs cupiebat, eos in Nosocomiis, Reorum custodiis, Triremibus, & pro-

prope culcitra morientium vestigabat, in id solum intentos, ut offensiones publicas tollerent, & peccata sedulo anteverterent. Id quod me vocat ad secundæ partis examen, quam de munerum non minùs, quàm locorum Indifferentia proposui.

106. Qua in re absolutissimum prototypon procul dubio se nobis S. Franciscus noster exhibuit, cùm missus in Indias geminâ dignitate Nuncii Apostolici, & Christiani Catechistæ ornatus, vix semel atque iterum Legationis Imperium exercuit, Catechismi verò labores millies: rudem ætatulam informans, homines rusticanos erudiens, Idolorum Cultores informans, Pagodes diruens. Bis eum videbitis Diploma Pontificium, quo Legati Apostolici dignitas illi asserebatur, Archiepiscopo Goano, & Præfecto Malacensi exhibere, eo videlicet consilio, ut ille mentem Pontificis intelligeret, hic verò voluntati divinæ repugnare aliquando cessaret. In omni alia occasione Franci-

scus Cannabe vestitus, nudis pedibus, detecto capite, defectus viatico, jejunos, famelicus, anhelus animas insequabatur, tantò sibi gratiores, quantò despectiores aliis, & ab omnibus desertas. *Dedi te in lucem gentium, ut sis salus mea usque ad extremum terra.* Eodem nimirum modo Sol palmam triumphis natam, & trifolium pecudum pabulum fecundat. Quis verò mihi dabit, ut in omnibus Societatis Alumnis revisam beatam hanc Indifferentiam, ut ad honorifica officia, & humilia munia, ad laboriosa atque ad commodà perinde afficiantur? Ea in re mirabilem prorsus se præbuit Josephus, semper lætus, semper magnanimus, semper negotiosus, semper industrius, non minus cùm eum fortuna ad culinæ ministerium deprimeret, quàm cùm sua eum virtus ad thronum evehisset. Non vultum, non mentem tanta rerum varietas mutavit, seu cùm à Patre veste Polymitâ exornaretur, seu cùm eadem spoliaretur à Fratribus. Jam regiarum
epu-

epularum Præfecto venditus, aliàs ad familiam regendam exaltatus : Jam turris fundo abstrusus, atque iterum carceri moderando impositus : Jam denique ab ingrato Pincernâ neglectus, & subinde in Imperii Collegam à Rege adscitus. Cocus fuliginosus nunquam ad Abrahami Proavi sui Trophæa reflexit animum. Ægypti Pro-Rex, nunquam paterni tugurii, & custoditi quondam à se gregis oblitus est. Id solum agebat, ut in eâ functione, in qua eum dîvina Providentia collocârat, optimum se præstaret, non ignarus animum per humilitatem infimorum officiorum, ab æternorum præmiorum dignitate neutiquam præpediri, neque ut in oculis Dei magnus sis, quidquam in hoc esse præsidii, ut inter prona Magnatum obsequia maximus videâre. Imò si Ambrosio, rem, ut gesta est, enarranti credimus. *Quò* *status inferior*, eò VIRTUS EMINENTIOR. Audiamus porro, quàm mirabiliter magnus Doctor beati juvenis

*Epist. 44. ad
Constan.*

Episc. To. 40.

83.

ad quamlibet vitæ conditionem Filii Familias, Mancipii capite damnati, ac demum Proregis parem animi inductionem & æquabilitatem expendat. SCIVIT *humiliari S. Joseph. Itaque emptus à Coquorum præposito, non prosapia nobilis conscientiam dedignatur obsequia Vernacula, sed magis gravum se, & fidelem herili imperio præbuit, alto intendens consilio* NIHIL INTERESSE, IN QUO STATU QUIS PROBABLEM SE PRÆSTARET, *sed illum esse finem* BONORUM, UT IN QUOCUNQUE STATU PROBARENTUR, *illudque præcipuum,* SI MAGIS MORES COMMENDARENT STATUM, QUAM STATUS MORES. O nos beatos! si relictâ tot facris Ordinibus Instituti sui austeritate, illibatam promptamque sanctam hanc ad ministeria nostra Indifferentiam conservaverimus. Nunquam aut specus, aut storeas, aut hamatas tunicas, nec crudas in cibum herbas, nec duros filices in quietem invidebo, vitam tantâ

tà cum laude, tótque præmiis olim coronandam agentibus, dum eos, quos rego, tum à locis, tum à muniis videam exsolutos, eoque hilariores, tanquam veros Francisci Discipulos, quò minùs splendidum fuerit illud, cui se vires eorum, ac facultates impendunt.

107. Hujus virtutis arduitas adeò se mihi pretiosam & æstimabilem reddit, ut omnibus propemodum cæteris ornamentis eam anteponam. *Sicut LU. psal. 28.38.*

NA PERFECTA *in æternum, & testis in Cælo fidelis.* Tam inexpectata mihi accidit ea veneratio, quâ Rex Vates tam humilem, tótque defectibus obnoxium planetam observat, ut penè fidem negarem prolata sententiæ; nisi Religio juberet: *Luna perfecta, & testis in Cælo fidelis?* Imò verò adeò illa celebris in Ecclesia est, ut in ipso Martyrologiorum suorum exordio Sacerdotibus ac Levitis in Choro concinentibus, primò ejus cursum indicet, ac deinceps certamina Martyrum describat. *Sicut Luna perfecta in æternum,*

Ser. in Nat. S. Jo. Tom. 9. 327. *& testis in Cælo fidelis.* A tam alto & obscuro Mysterio velum reducit S. Bernardus Abbas. Luna, inquit, *modò plena, modò exigua*, **MODÒ NVLLA videtur.** In tanta varietate splendoris, jam nimii, jam immuniti, jam obtenebrati, prosequitur nihilominus cæptum curriculum morigerum sidus, neque minùs Solem sequitur, cùm ejus radiis locupletatur, quàm cùm ab eodem luce penè omni exhauritur. Quin fide inauditâ, cùm, ut oculi quidem æstimant, supremum luminare minori se parciùs indulget, tantò propiùs se hoc cum illo conjungit, seque illi arctiùs devinctum fatetur. *Sicut Luna perfectâ in æternum, & testis in Cælo fidelis.* Certè ut nostrum aliquis Societatem amet, à qua se videt ad amplissima munera provectum, nec magnum, nec mirum est. At verò prodigiosa illa est virtus, quæ eandem Matris loco habet, cùm veluti Noverca vel in humilitatis nostræ profectum, vel in destitutarum animarum auxilium ad munia Apostolica

lica quidem, sed obscura atque humilia illam demittit. *Luna modò plena, modò exigua*, MODO NVLLA; constantissimè tamen in præfixo sibi spatio decurrit, nunquam quietis cupida, vel laboris pertæsa.

108. Id procul dubio in Ministeriorum inæqualitate, fervoris æqualitatem notat. Haud tamen explicat satis Evangelicam illam INCLINATIONEM, quâ Franciscus propendebat, & verò nostrum quilibet ferri debet, ad ea munia, quæ vulgò minùs æstimantur, & à DEO tenebris quibusdam involvuntur. Quapropter Christus cum Gratia suæ naturam exponeret, non eam Lunæ comparavit, quæ semper in Gloria suæ Cælo residet, sed Aquæ, quæ deorsum vergit, nec quiescit nisi cum ultimum terræ locum occupavit. *Aqua, Joan. 4. 14. quam ego dabo ei, fiet in eo FONS AQUÆ salientis in vitam æternam.* Tum etiam, cum aqua plumbeis siphonibus compressa in altum truditur, continuò in terram recidit, & marmo-

reis amphoris, urnisque onychinis contempts subinde in pulvere se versat, non gravata sordescere, ut ad declivem campi partem decurrat. Id, quod in hoc Elemento naturæ, in Hilarione Sanctitatis & Virtutis fuit, equidem pius Anachoreta, Edeni Paradisi, non innocentiam minus, quam felicitate in nemore suo fruebatur: cum repente ab ea profugus mare trajicit, non sine manifesto periculo naufragii. Quò, amabo te, quorsum, Hilarion, cursum dirigis, & unde te proripis? Orientem, inquit, fugio, & tempestatibus Pelagi me objiciam, nullo mihi littore præfixo. Illa demum arena mihi gratior erit, quæ magis deserta in hominum memoria me tumulabit. Abominor Palæstinam tametsi Reparatoris nostri vestigiis consecratam; eò quòd in ea venerabundi Præsules, Populi obsequiosi ac Dæmones effugati Sanctum me proclamant, adorantque miserum licet, viventemque. *Concurrebant Episcopi, Clericorum & Monachorum greges, vulgus ignobile, poten-*

potentes viri ac Iudices. At ille nihil aliud NISI SOLITUDINEM MEDITABATUR. *Quòd si jam in Oriente latere non posset, ad solas navigare Insulas cogitabat,* UT QUEM TERRA VULGAVERAT, SALTEM MARIA CELARENT. Hactenus S. Hieronymus. Quis unquam credidisset futurum, ut tantum horrorem beatus Asceta conciperet à communi plausu, quo tota terra Sancta eum prosequeretur, ut quò se summorum juxta infirmorumque studiis ac venerationi subtraheret, Evangeliorum volumen, quod à se descriptum totum Cellæ suæ patrimonium erat, vendere non dubitaret, quò Naulum Institori solveret, qui se ad desertissimos Mediterranei maris scopulos transveheret? *Ut quem terra vulgaverat,* SALTEM MARIA CELARENT. Et quoniam, quocunque locorum devenisset, prodigiis, quæ ab ejus vultu & ejus Cilicio, quod isti erat pro veste, scaturiebant, proditus, celebrior, quàm antehac unquam redde-
ba-

batur, intolerans debiti virtuti suæ cultus homo divinus in lachrymas solvebatur, & sua cum gloria exerecibus cruciatibus conficiebat. *Aliam parabat fugam, & solitarias terras mente perlustrans* MCEREBAT, QUOD, TACCENTE DE SE LINGUA, MIRACULA LOQUERENTUR. Huc adeste, quibus vox & sanguis deficit, si quando non ab omnibus digito monstrari, nec vel in Academiarum Theatro, vel in Majestate Templorum inter Collegas Principatum, & inter litteratos regnum obtinuisse vobis videmini. In Hilarionis vultu, ceu speculo, vos contemplantini, & attoniti considerate, quantopere magnum Dei servum nominis sui splendor offenderit, quàmque intolerabilis vobis accidat qualiscunque vel minima famæ non clarissimæ imminutio. An fortè hos filios dicemus Ignatii, qui ad se se deprimendum pro stulto se Romæ obijcere, & puerorum derisui plumis vestitum, & luto deformatum exponere constituerat?

rat? Non minùs à Patris sui sensu, quàm unus ab altero Polus disjungitur, recederet, qui dotibus suis famam aucuparetur, si dum ille injurias sitit & probra, nos laudes & excellentiam esuriremus sitiremusque.

109. Deum immortalem! Et quanto plures animas Cælo interdum lu-
crantur, nullius nominis, sed summæ
virtutis Operarii, præquam faciant
Academiæ invidiosi Principes, &
Basilicarum celebres Oratores! Qui Pa-
storum mapalia lustrat, qui Bubulco-
rum montes scandit, qui ad Remigum
transtra descendit, qui ad Mauros edo-
cendos in fodinas se demittit, per My-
riadas numerat, quos Cælo peperit;
dum interim qui de sublimiore loco
fulget, Deo forsàn nè unum quidem
Profelytum pœnitentem, aut Neophy-
tum à se Orthodoxæ Fidei lumine col-
lustratum repræsentat? Simile quid in
Ordinibus Religiosis accidit, quod eve-
nisse in Ægypto Gregorius Nyssenus
notavit, cum Gens Judæa lateres co-
que-

queret, & paleas colligeret. Iis Provinciis Pharaon aureum sceptrum, & gemmis coruscum manu præferens dominabatur. Moyses contra ibidem famulabatur, & dextrâ Virgam, vel è Corylo, vel è Nuce regebat. Nihilominus, dum Rex aureo sceptro nihil penitus efficit, Propheta vilissimæ Virgæ sibilo flumina sanguine diluebat, latifundia vastabat, siccabat Oceanos, primogenitos tumulabat, mergebat exercitus, & à rupibus fontes, & ex aère

Ex Testim. manna devocabat. Virga Moysis virga
adv. Jud. erat EX NUCE SEV CORYLO.
Tom. I 3.30.

Ubi autem Deus voluit LIGNVM MUTABATUR IN SERPENTEM, in sanguinem aquam redigebat, edebat ranarum fœtum. Concludit demùm eruditus Scriptor, affirmâtque, non posse nos ceu vilem ramum illum contemnere, qui Monarchæ sceptro potentior, & Elementorum Imperio superior esset. *Ne contemnamus: nam id, quod operatur, MAGNUM EST.* Persæpe Gradus qui minùs illustres in Societate

tate videntur, vel ob Sanctitatem exempli, vel ob industriam eorum, qui rite ejus partes implent, totas Civitates consecrant, & Christi gloriam amplificant, innumero eorum numero, quos eidem in Calvarii ascensu socios adjungunt. *Ne contemnamus, nam id, quod operatur, magnum est.* Alius, dum pro Munere Operarii peccatores expiat, sæpe sæpius infinitos ad frugem reducit. Sacerdos alius Christianæ Doctrinæ Elementa explicans sæpenumero ad Evangelicam innocentiam copiosum agmen Angelorum educat. Missionarius, dum ad paganos homines simpliciter planèque dicit, Tempia replet multitudo perfusâ lacrymis, ac flagris cruentatâ. Est, qui vix ad Ostiarii munus ascendit, dum prima rudimenta Grammaticæ rudibus pueris exponit, fervidos Alumnos Cœnobiis parat. Alphonsus quoque noster eâ clave, quâ Majoricensi plebi domûs nostræ portam recludebat, innumerabili turbæ Cælum aperuit, &
Infe-

Inferos obseravit. *Ne contemnamus.*
Forſan, qui ſe magnificè circumſpectat
in Poli ſui, & ſpecioſi muneris faſtigio,
quantò eſt eruditionis feracior, tantò
eſt idem emendatarum animarum pro-
ventu ſterilior. Haud inficior equi-
dem, eos ut plurimum ſanctos & fru-
ctuoſos eſſe, quos Deus eximiis dotibus
exornavit, quòſque Religio veluti ſub-
limioribus Candelabris Cathedrarum
atque Exedrarum, & regiminis clavo
nempe, ut plurimum utilitati lucerent,
impoſuit. Quin imò celebriores qui-
que Societatis Scriptores vitam pariter
egerunt probitate illuſtriorem, & Re-
ligioſæ Obſervantiæ laude præſtantio-
rem. Quis enim eſt, qui non veneretur
eximiam & totius perfectione vitæ
abſolutam virtutem Toleti, Bellarmi-
ni, Cornelii, Vaſquii, Suarezii, Tuccii?
Qui omnes Vniverſitatis huius Roma-
næ lumina, & Magiſtri extiterunt? Id
tamen non munerum, quæ gesserunt,
fulgore, ſed Religioſæ obſcuritatis ſtu-
dio ſunt conſecuti, & quòd magnos ſe
repu-

reputarent, non ex sublimitate gradûs, quem obtinebant, sed quòd nullo discrimine labores, & magno in pretio haberent Religiosæ humilitatis jugum. *Virga Moïsis ex nuce, seu Corylo.* Humiles fuerunt omnes vel officiis, vel desideriiis. Certum est, solum Bovem inter Heroicas animantes ab Ezechiele descriptas, transfiguratum in Cherubinum fuisse. Unâ omnes divinitatis Currum, & æquis passibus trahebant, nullâ sociorum invidiâ, nullo contemptu. Quippe tametsi earum frontem crySTALLUS in Cælum effigiata circumdaret, non aliud æstimabant, aut amiebant, quàm ut rerum æternarum cultum, quas suspiciebant ipsæ, proximis pariter persuaderent. *Et similiter. Ezech. 1. 28.*
do super capita animalium Firmamenti, quasi aspectus crySTALLI horribilis, extenti super capita eorum desuper. Hæc gemma, exclamat Gregorius, vultus Ductorum tuetur, & terret. Siquidem ubi Cælum, quo excidere possumus, mentes nostras occupaverit, in æternæ glo-

riæ comparatione nemo non caducos honores proculcat, evanidas laudes abominatur, & ad eam felicitatem aspirat, quæ semel acquisita, nunquam perditur, & olim cum insigni ornamento triumphorum nostrorum peccatores à nobis in Pœnitentiam conversos, & Justos præceptis Evangelicis excultos DEO repræsentabit. *Quasi aspectus Crystalli horribilis extenti.* **FIRMAMENTUM** hoc, quod in similitudinem Crystalli super capita eorum animalium apparet, & horribile & extentum est, quia bonorum mentes **UNDE TERRET, INDE PROTEGIT.** Tam beata Crystallo armatus Franciscus à tædio inter ærumnas, & à fastu inter honores se protexit. Idcirco in contemplatione Cali, quo muniebatur, defixus animorum famem, & dignitatum fastidium concepit, semper ad novorum Regnorum conversiones festinans, semperque ab ea gloria refugiens, quam in Oriente universo inauditorum prodigiorum patratrix dextera, & Apo-

*Hom. 7. in
Ezech.*

Tom. 32.

III.

& Apostolici Spiritus ardor ipsi conciliaverant. Talem se ille præstitit, talesque nos erimus, si ejus exemplum secuti ad munia pariter, & ad domicilia perinde affecti, Isaia Oraculum reapse factisque comprobaverimus. *De-di te in lucem Gentium, ut sis salus mea*

usque AD EXTREMUM
TERRÆ.





EXHORTATIO X.

In Pervigilio S. Francisci.

*Puto quòd DEUS nos Apostolos
novissimos ostendit tanquam mor-
ti destinatos.*

In hanc sententiam Christianis Co-
rinthiis Gentium Apostolus scri-
psit : In hunc quoque modum di-
xit, atque in dies repetit Societatis
Filiis Indiarum Apostolus.

1. Cor. 4. 9.

D*Atiendi sitis inexpleta,
& commodorum capita-
le odium geminae Aposto-
latus Alæ sunt. Harum remigio ab
uno ad alium Orbem evolavit Fran-
ciscus noster, perinde animorum
amans, & commoditatum inimicus.*
Tan-

Tantumdem in veris Religiosis ejus exemplum præstat, qui privatis muneribus, demandatisque laboribus non contenti, additamenta insuper flagitant, & arcta confinia vel unius Exedræ, vel unius suggesti dedignant, laboribus suis, & suo in animorum salutem studio terminos proferunt exercitatione laborum, quos præter destinatos suscipiunt, & aliene procuratori suffurantur.

110. **Q**uæstus maximos uberri-
mósque, quos ab Orien-
te magnum Societatis
Luminare, & magnum Ecclesiæ Lu-
men S. Franciscus reportavit, tot ani-
marum myriadibus, tot millibus Ur-
bium, Coloniarum, Oppidorum; tot
centenis Provinciis, Regnis, Principa-
tibus, atque Principibus sub Christi ju-
gum missis, rapiunt sine dubio univer-
sos, & sanctâ invidiâ inflammant unum-

quemque nostrum. Non tamen extra dubium perinde positum est, utrum omnibus placeant sudores, quos ubique gentium tot laudibus exornatus Apostolus profudit; incommoda, quæ pertulit; difficultates, quas vicit; non aliam ob causam, quam ut barbaras Gentes Religioni Christianæ subjiceret, & in viam errantes revocaret. Et sancta tamen ambitio Provincias ac Nationes Evangelio submittendi prorsus vana est, nisi caput gravi ærumnarum jugo antè subdiderit, adjunctis Regno DEI populis, quondam coronandum. Quantam mundi nuper detecti partem Crucis imperio Franciscus adjecit? At quantas calamitates antè perpeffus est, quàm Infidelibus Fidem persuaderet. Sanè Tolerantiam & Apostolatam tam arcto conjugio sociavit Deus, ut nullius hominis vires ad ea disjungenda sufficiant. *Deus nos Apostolos novissimos ostendit, tanquam morti destinatos.* Jam verò quoniam unusquisque nostrum tantâ siti animarum

ardet, quantâ ille quoque flagrabat, qui plurimas vastissimâsque Regiones, quæ cis Indum & ultra Gangem fluvios jacent, ad Christum convertit: reliquum est, ut tum vos, tum meipsum exhorter ad Apostolicam tolerantiam eorum incommodorum, quæ nunquam ab Ethnicorum conversione, ac perversorum hominû emendatione separantur. Ad patientiam ejusmodi hujus Domûs Operarios exstimulaturus in tria capita orationem distribuam: in priore considerabimus, quantâ veneratione Magistrorum suorum, à quibus aut ad errorum suorum detestationem, aut ad veritatis lucem deducuntur, Tolerantiâ populi prosequantur: Videbimus deinceps, quò usque in tam admirabili virtute Sanctorum virorum progressus sit ardor: postremò cum lacrymis expendemus, quàm non possit ea, nisi cum ingenti dedecore, deesse iis omnibus, qui vitam Apostolicam sectantur, uti procul dubio Ignatii Filii, & Francisci Fratres universi profitentur.

III. Adeò rerum adversarum patientia cum Apostolatu colligatur, ut S. Jo. Chrysostomus in Apostolo Gentium præ omnibus aliis ejus ornamentis deveneretur magnanimam illam cupiditatem innumerabilium incommodorum, quæ in Christianæ Doctrinæ promulgatione pertulit. Contra illos itaque Chrysostomus differens, qui putabant à Paulo vel Eloquentiæ robore, vel admiratione prodigiorum, tot Gentes ab inanimatorum lapidum cultu ad DEI viventis adorationem traductas fuisse: secus se res habuit, inquit; longè enim Paulum inter Græcos Demosthenes, & inter Romanos Tullius Eloquentiâ superabant. Pariter si Orbis Terrarum prodigiis persuadendus fuisset, Pharaonis potius præstigiatoribus, auctoribus sectæ Religioni majorum suorum prorsus contrariæ, se Abrahami Hæredes dedidissent. In rem quidem Doctores Gentium fuerunt Magi, quos occæcavit; mortui, quos vitæ restituit; Paralytici, quos in pedes è graba-

batis, in quibus jacebant, erexit; Viperæ, quarum virus exarmavit; naufragia, è quibus frustra, ringente morte ac Pelago, evasit incolumis. Non tamen hisce portentis aut Areopagitæ Senatum suum, aut Romani Fasces submiserunt. Nimirum haud aliis armis, quàm invictâ tolerantiam catenarum, virgarum, & quotidianarum ærumnarum repetitis toties mortibus nihil inferiorum, Romæ Imperium, Sapientiam Athenarum, Immanitatem Arabiæ, Judææ pertinaciam, & effeminatas Asiæ delicias domuit, atque debellavit. *Ser. 1. Cor. 2.*

mo meus & prædicatio mea non in persuasibilibus humana sapientiæ verbis, sed in ostensione SPIRITUS ET VIRTUTIS. Animadvertite, monet os aureum, quemadmodum tantus Evangelii Præco patratorum miraculorum splendoribus tolerantium incommodorum squalorem anteponat. Virtus, quæ animabat mortuos, patientiæ concedebat dolores suos dissimulanti, & vitam Lictoribus, quam adimere pote-

Orat. 6. in

I. Cor.

Tom. 43. 61.

rat, condonanti. *In ostensione spiritus
& virtutis; non enim dixit virtutis so-
lūm, sed prius Spiritus, & tunc virtutis.*
Atque ut nulli porrò dubium esset, qua-
nam potissimum virtus, ex omnibus,
quibus præditus erat Apostolus, tantam
innumerabilium populorum turbam,
quos docuerat, post se traxisset, ipsum
(colligit vir Sanctus) id exponentem
audite. *Clamabat: usque in hanc ho-
ram, & esurimus, & sitimus, & nudi su-
mus, & colaphis cadimur, & instabiles
sumus, & laboramus operantes manibus
nostris.* Hoc fortissimæ patientiæ
exemplum machina illa fuit, quā Pau-
lus tertiam Orbis partem commovit,
coëgitque fastus sui supercilium humi-
litati opprobriorum, quæ Christus in
Calvario moriens pertulit, submittere.
Cum enim Mundus videret hominem
tanto alios homines amore pœnarum
superantem, confessus est, huic ejus
Philosophiæ non posse vel dolum, vel
quæstum subesse, sed indubiè de Cælo
originem duci.

112. Hujus autem Imperii, quod in hominum voluntates patientia, tum quæ ignominias æquo animo perfert, tum quæ corporis cruciatus invictâ constantiâ sustinet, prima lineamenta in Horebi monte Deo ducere placuit. Eò loci Rubus spinis vallatus, insuper à flammis obsidebatur, cùmque frutex ille inter incendii ardores illibatum ramorum virorem conservaret, pertraxit ad se virum inter omnes, qui seculo illo vivebant, faciliè Principem. *Vi- Exod. 3. 2.*
debat quòd RUBUS arderet, & non combureretur. Dixit ergo Moyses, vadam, & videbo VISIONEM HANC MAGNAM. Ipsi etiam Moses in Ægypti Regiâ educati & Israëlitarum Monarchiæ debiti eò accurrunt, ubi per inauditam tolerantiam Ramus aliquis simul ardet, ac floret. *Videbat quòd Rubus arderet, & non combureretur.* Quâ in re notari velim, quòd cùm in arbore Deus ac ignis commorarentur: *Apparuitque ei Dominus in flammis, de medio Rubi:* Id quod ad venerationem Pro-
 phe-

phetam permovit, non fuerit infinita
se prodentis Divinitatis gloria, sed vir-
gultorum constantia inter ignis tor-
menta durantium. *Vadam & videbo*
visionem hanc magnam, QUARE NON
COMBLURATUR RUBUS. Contin-
git sæpe numero, ut in Ministris Apo-
stolicis minùs mirentur homines arctis-
simam, quæ ipsis cum Deo intercedit,
necessitudinem, quàm duros conflictus,
qui vel cum crudelitate Tyrannorum,
vel cum operosis Magisterii sui ærumnis
illos committunt. *Apparuit ei Domi-
nus in flammâ ignis de medio Rubi.* Et
quem alium nos Magnetem fuisse pu-
tamus, qui primo Societatis seculo
Summorum Pontificum gratiam, amo-
rem Principum, concursus populorum,
& novi veterisque mundi admiratio-
nem ad se traxerit. Haud sanè soli
doctrinæ, quæ in tot aliis florebat, id
referri acceptum debet; adscribendum
verò est gaudio illi, quod emicabat è
vultu Patrum nostrorum tot ac tantis
calumniis vexatorum, adeò exagitato-
rum

rum ab invidis, adeò laceratorum à Sattyris, tam malè acceptorum ab Hæreticis, tam proculcatorum à Politicis, tam invisorum perversis, tam rei familiaris egentium, tam miserè habitantium, tam vulgari vilique veste utentium; cùm essent iidem, nihilominus spiritu tam vegeto, tam lætâ fronte, in disputando tam fortes, in dicendo tam ardentes, tam diligentes in scribendo, in editis voluminibus tam eruditi, tam Apostolici in Missionibus, Disciplinæ tam tenaces: ut velut extra corpus positi, quippe à propriis commodis tam alieni, & ob doctrinæ præstantiam Angeli viderentur. Nemo erat, qui cùm nascentem Ordinem Ignatii videret, non exclamaret. *Vadam & videbo VISIONEM HANC MAGNAM, quare non comburatur Rubus.* Non intelligebant, quî fieret, ut Summi Pontificis Oratores, ac Theologi ad Concilium Tridentinum Legati in venerando Ecclesiasticorum Principum confessu tam præclarè differerent, & subin-

de

de ab sacratissimo illo Conventu ad Nosocomia transirent, laboriosam operam ægris navaturi, & inopem vitam mendicantes Clerici tolerarent. Hic scilicet ille Rubus est, qui ardebat, & simul virebat. Atque ubi mundus flammam, & flores junctos conspicit, in tanti miraculi venerationem uno veluti ore proclamat: **VISIONEM MAGNAM!** *Quod Rubus arderet, & non combureretur.*

113. Vereor autem, ut quod in Moyse tanti stuporis sementem fecit, in aliquo fortè nostrum imminuere, ac extinguere omnem penitus admirationem posset: ubi enim sensus doloris abest, quemadmodum in Ramo ardente defuit, tolerabiles utique flammæ sunt. At iis, qui corpore animoque constant, non perinde pœna voluptatem parere, nec qui cruciatur, potest non affligi. Jàmque nos ad secundi capitis considerationem hæc deducit abjectio. Erubescat verò, qui tam demissè ratiocinatus virtutis magnanimita-

tatem truncorum stupori postponit. Et quoniam inter virgulti Mosaici flammæ etiamnum versamur: videamus an ignis violentiæ tranquillitas animi succumbat. Laurentius Ecclesiæ Romanæ Archidiaconus, homo, nisi fallor, carne compactus, nec stipes ligno duratus fuit: nihilominus Valeriani Cæsaris jussu, ferreis candentibusque trabibus superjectus, non pedem movit, non latus inflexit, non suspirium duxit, non lacrymam fudit, non rugâ frontem asperavit, non labra comprefsit: sed in ardenti craticula tam suaviter placidèque quievit, ceu Sponsæ lectulo molli plumâ tumentis, & floribus constrato incumberet. Id certè prodigium in dirissimo illo carnificinæ genere spectatum fuisse testatur Petrus Chrysologus Ravennatum Archiepiscopus, ac tantæ rei memoriam posteris transmisit. *Craticulam supplicii*, Ser. 135. Tom. 13. 181.

LECTULUM QUIETIS PUTABAT. Par Laurentio, ut in ordine Levitæ, ita in patientiæ laude Stephanus furentium

*Ser. de bea-
titud.
To. 13. 11.*

tium Phariseorum lapides veluti sudo
Cælo delapsum rorem exceptit. Sic de
illo Nazianzenus. *Magnus ille Stepha-
nus* VELUT SUAVEM ROREM
crebros lapidum ictus exceptit. Et ne pu-
taret aliquis, tantam animi fortitudi-
nem, primo duntaxat Ecclesiæ Seculo
in juvenibus, aut Apostolorum Disci-
pulis, aut Summorum Pontificum Dia-
conis spectabilem fuisse. En offert
vobis longè posterior adoratæ Crucis
ætas Melaniam sexu infirmiolem, ha-
bitu corporis tenerioré, ortu illustrem,
adeò tamen incommodorum patien-
tem, ut mirari satis Paulinus Episcopus
haud potuerit, quî demum princeps
Matrona tam sereno, & in Angelicam
lætitiâ exporrecto vultu sustineret
Centonibus indui, fune corpus adstrin-
gi, hordeo vesci, vigiliis noctes, diem
lacrymis exigere, exulare à patriâ, in
Terram Sanctam peregrinari, vastas so-
litudines invisere, in Catacumbas se
abdere, & sic corpus mortale circum-
ferre, ut velut omnis sensus expers, cum
Deo

Deo jam regnare videretur. CUI RE- Ep. 10. ad
Sever.
To, 12. 71.
 FECTIO IN JEJUNIO, *requies in*
oratione, panis in Verbo, habitus in pan-
no, lectulus in sagulo è Centone durus in
terra, & sancta anima in Domino VI-
 GILARE, REQUIESCERE EST.
 Quid dicetis modò de tolerantia tam
 magnanimâ contemptrice pœnarum,
 quæ in acerbissimas neces non unius
 horæ, sed complurium annorum spa-
 tio productas vitam commutant. Non
 sunt profectò Quercus istæ, aut Rupes,
 ubi possint flammæ vim suam exitia-
 lem, nullo ardentium damno, exerce-
 re. Neque sola Melania tam prolixo
 Martyrio JESU CHRISTI Patientis
 memoriam venerata est; enimverò co-
 ronabant Ecclesiam Seculo illo aureo
 innumerabiles animæ, sitientes fellis,
 cinerum avidæ, contumeliarum ambi-
 tiosæ, egestatis avaræ, latæ tormentis,
 ægritudinum cupidæ, rebus adversis in-
 expletæ, verbo non aliam ob causam
 vitæ amantes, quàm ut vitæ deliciis sem-
 per emori possent.

114. Hanc rerum naturæ inimicarum esuriem planè Apostolicam in Ecclesia Crucifixi quondam futuram David præviderat, ejusque præscius pariter atque invidus tot ante annos cecinit. *Surgite postquam sederitis, qui manducatis* PANEM DOLORIS. Haud exigua quæstio super Metaphorâ Panis hoc loco Davidi usurpata inter Sacrorum voluminum Interpretes oritur. Voluit sine dubio Rex prælagus Christianorum patiendi desideria significare, dum ea cibum & escam vocavit. *Qui manducatis panem doloris.* In eo autem Quæstionis cardo versatur, ut de Prophetæ mente constet, quam ob causam, dum afflictationes voluntarias cibi nomine appellat, non potiùs Botrum, Peponem, Coturnicem, aut Malum Punicum indigitârit, quæ sanè vocabula omnia sacris litteris à Spiritu Sancto fuerunt inserta. Repudiavit ille omne aliud alimenti genus, & inter omnia Panem selegit. Ejus rei rationem S. Augustinus reddidit in Commenta-
rio

rio, quem super ejusdem Regis Psalmum quinquagesimū secundum scripsit. Vescimur, inquit, interdum leguminibus & oleribus; sed & nonnunquam ab his abstinemus. Carnibus pascimur, & piscibus victitamus; at non semper; Mel ipsum, palato cæteroqui tam suave, fastidium crearet sæpius comedenti; Intermittimus butyrum & lac, ne tam delicatis liquoribus ob assiduitatem nausea succedat. Pane verò quotidie, & semper nutrimur. *Cetera quæ* In Ps. 12.
manducamus, possumus modò illa, modò Tom. 12.
illa, non semper olus, non semper carnem, 194.
semper autem PANEM. Quoniam igitur patiendi ardorem Pani David comparavit, indicavit scilicet, nascituri Messiaæ Sectatoribus continuas nec interpellatas ærumnas amplexandas esse. *Non semper olus, non semper carnem, semper autem Panem.* Atque ideò, *Surgite qui manducatis Panem doloris.* Non est Christi Servus, multòque minùs Apostolorum Collega, qui laboribus quotidianis non vivit. Et quamvis

tam multa dixerit Psaltes, minus tamen dixit, quàm veri Ministri Evangelii faciant. Non quotidie solum, nec in quâlibet cæna Operarii Christi Panem laboris devorant, sed singulis horis incredibili aviditate deglutiant. Quid ajo? singulis cujusque horæ momentis, qui Christi vineam excolunt, ærumnarum amarissimis bolis vescuntur. Quemadmodum de Paulo Apostolo Jo. Chrysostomus testatur. *Quotidie moriebatur ille, quotidie probabatur,* NON ERAT MOMENTUM ALIQUOD, non tempus, in quo non crederet ille cursus. Eò usque vulnorum ingluvies & tormentorum aviditas tenditur. Hæc Dei Sacerdotibus animarum cupidis supplicium augent, non cùm augentur, sed cùm minuuntur.

115. Quòd si de ullo Catholicæ Religionis Alumno verè dici potuit, id profectò à Francisco Indorum Doctore præstitum fuisse dubitare nemo potest. Acerrimus enim hic Idololatriæ everfor angebatur, nisi fatigaretur;

tur; esuriebat nisi jejunaret; æstuabat, ardebat, nisi prono ex Ecliptica Sole torreretur; intolerandis frigoribus & asperrimâ glacie urebatur, nisi per nives nudis pedibus ingrederetur; & si quando in ipsum Pagani fustibus non sævirent, aut Bonzii lapides continerent, nec Mauri venena miscerent, omnium eorum malorum desiderio torquebatur; denique moriebatur, quòd non moreretur, & excruciabatur, quòd incruentam & doloris expertem vitam viveret. De quo Petrus Cellensis vaticinatus fuisse mihi videtur, cum Monachi cujusdam sui durissimum vivendi genus, veramque austeritatis formam descripsit. *Exilium reputat patriam, sine labore laborat,* SINE FAME ESURIT, SINE DOLORE PATITUR, *sine felle & absynthio non cibatur* Vir est in millibus unus, & cum Gigantes gemunt sub aquis, IPSE RIDET. Ita prorsus Franciscus nullius solatii patiens erat, quoties populi, quorum cœcitatem Veritatis lumine collustrabat,

non pœnas ipsi, non supplicia geminabant. Exhorrescebat, nisi per vastas solitudines præruptis scopulis horridas, & indomitis feris infestas iter ageret. Exanimabatur virentium pratorum aspectu, ceu liliorum amœnitas, & rosarum odor in Epicuri Discipulos ipsum referret. Triumphabat contra, quoties per ardentes arenas gradienti serpentes, & insanabiles morstu aspidēs occurrebant. Parum ejus ardori erat, ad incognita littora navigare, nisi, cum exscenderet, ipso Oceano inhospitaliorem terram reperiret, à quâ recto victuque prohiberetur. Et, ut compendio (monet enim tempus) ac verbo complectar, de illo dicebat, quisquis adeò confectum fame, & veste tam squalidum mirabatur, *sine labore laborat, sine fame esurit, sine dolore patitur.* In tanto S. Spiritûs incendio, nec eximius, nec solus videri noster Apostolus possit, dum in Hispaniis Cælum inclamat Teresia, aut pati, aut mori. Domine, inquiebat, sponsalia tecum contra-

tra-

tracta rescindo, nisi Crucis tuæ diros dolores, quibus mors tua producta tam diu fuit, dotales mihi & momentis omnibus præsentēs feceris: nisi enim & mentem meam spinis, & clavis animam, & pectus lanceâ tuâ transfixeris, ego pariter spiritum meum tibi restituo, nec vivere sustinebo, quoniam pro te longâ morte non licet mori. At forsan Xaverius alium à Sancta Matre cruciatus amandi modum invenit. Nam cùm Teresiz pectus hasta transverberaret, in eo accepti vulneris articulo Angelicâ Cherubini specie fruebatur, tantâque divini solatii copiâ vel in ipsis, quos patiebatur, cruciatibus, anima illa inundabatur, ut meritò dubitare possimus, utrùm illi pœnarum suarum acerbitates plus solatii, quàm doloris attulerint. At Beatus noster Nuncius aggeres excitabat, quibus Cæli delicias arceret: solitariam afflictionem, purumque martyrium habiturus. Et hoc quidem ille cùm momentis omnibus toleraret, tum auste-

ritate vivendi ultrò susceptâ, tum suppliciis, quibus illum Orcus mulctabat, de tot Provinciarum dominatu ab illo dejectus; tum extremâ rerum omnium vitæ tolerandæ necessariarum penuriâ, quâ in Apostolatûs sui munere obcundo laborabat, Christo ipsi, cûm eum recrearet, repugnans, sanctâ, & inexorabili repulsâ rejiciebat rorem, quo Deus magni sui Servi animam conspergebat, ut sæpe in tanta dulcedinis affluentia ejus corpus, coram insipientibus, qui seu privatim in Cellâ precati, seu publicè ad Aram in Templo facienti aderant, in sublime tolleretur. Inaudito namque repudio munificentiam divinam rejiciens exclamabat: *Sat est Domine, sat est.* Myrrham ego à te postulo, non Ambrosiam; spinas flagito, non violas; clavos, non annulos expecto, Cruces & lethales cruciatus ambio, non thronos, è quibus super populos imperantis Majestate refulgeam. Atque hi Sanctorum in amore patienti ardores sunt; neque nos Sancti, nisi simi-

similes illis erimus, ærumnarum videlicet cupidi, lætisque suppliciis. Non sum autem tam albæ mentis, ut sperem; nec adeò severus, ut ab unoquoque vestrum exigam, ut tanto ærumnarum ardore magnas illas Animas prorsus exæquet, quæ non exultabant nisi extremis doloribus distraherentur, nec vivere se credebant, nisi sentirent se mori. Non postulo ab iis, qui me audiunt, ut instar Laurentii candenti ferro immoti nullo edito doloris indicio incumbant, vel, ut exemplo Stephani saxa, quibus in Terram affliguntur, tanquam Missiles Citrii floris aquas reputent, quibus recreentur; vel, ut cum Melania cibum se sumere haud credant, nisi præ fame concidant; vel denique ut cruciatus suos ipsas inter delicias quærentis Apostoli Socii rerum adversarum lenimenta rejiciant, ac suavissimos imbres seu tenerarum lacrymarum, quas ipsis Deus in genas deducit, seu felicium ignium, quibus Spiritus Sanctus eorum pectora succendit, ob-

nixi repellant. Id certè optârîm, ut dum profundissimis ærumnarum gurgitibus nos quidem non demergimus littus saltèm raderemus, illique propiores vadum tentaremus Pelagi à Sanctis

Deut. 33. 19. hominibus & sulcati, & poti. *Inundationem maris* QUASI LAC *sugent*

Satis igitur habebò, si quidem cum Francisco immensæ moli ærumnarum humeros supponere grave videtur, si saltèm imitemur in eo, quod ardens Missionarius auctarium esse voluit Ministeriorum suorum, quibus fungebatur, quibûsque semper spatia, per quæ labores sui excurrerent, ampliavit.

116. Ut mentem meam explicem, locus quidam admodum obscurus ex undecimo S. Matthæi capite necessario mihi priùs exponendus est. *A diebus Joannis Regnum Calorum vim patitur, & violenti rapiunt illud.* Multùm enim verò apud Interpretes controversatur, quam ob causam Dei Regnum à primis Baptistæ temporibus vim tulisse dicatur. Colligunt denique violentiam ejus-

Matth. 11.
12.

ejusmodi Cælo admotam tunc fuisse, cum Joannes se in conspectum dedit; nempe cum Puer sanctissimus doceret præscriptos vel à ratione, vel à virtute limites transcendendos esse salutem suam prorsus atque ex animo cupienti. Certè solitudo non nisi ætati adultæ convenit; at Joannes etiamnum puer nemus habitavit, & cunis quodammodo antra conjunxit. Pœnitentia innocentie minimè congruit; sed Joannes integerrimis moribus honestatis suæ crystallum pungentis cilicii asperitate involvit, Pudoris Liliis Cameli setas inserens non nisi peccantibus debitas. Tot igitur afflictationes, tantis incrementis auctæ, vel ætate Superioris, vel certè tantæ virtuti nequaquam debita ad expugnandum Cælum machinas excitârunt. *A diebus Joannis Regnum Calorum vim patitur.* Hujus fortitudinis & beatissimæ violentiæ magnanimus Orientis Domitor Joannis primum Discipulis, & nobis deinceps Magister extitit. Audite: quòd si ex Europâ

ropa transire in Indiam cupiebat, oportebat plurimorum annorum spatio emetiri Oceanum, quâ parte procellosior est, & à zona torrida irritatus stragem miserabilem per lethales morbos edit eorum, qui vastis navium molibus naufragia utcunque fugissent. Naviget sanè; quoniam in tam remota Regna Evangelium inferre decrevit. Cur autem famulorum manum, quos ejus obsequio Rex Lusitanus in navim addiderat, non admittit, & horum destitutus operâ, sibimet esse famulus, atque mancipium cupit? Quamobrem opiparæ mensæ Navarchi non accumbit, sed à vectoribus ac nautis recocti & verminosi panis reliquias emendicat? Quid causæ est, quòd Prætoris navis instructissimo conclavi egressus sub dio, super rudentium spiras, aut anchoras ad somnum capiendum se abjicit? Ecquid, cùm in Mozambicum appulisset invitatus ad vires reficiendas, quas immensus ille Africanorum littorum flexus attriverat, contemptis hospitibus, ad quæ

quæ à Classis Præfectis certatim invitabatur, Nosocomia ingreditur, ad solandos ægros, ad animandos moribundos, ad servandos phræneticos, ad Pœnitentes expiandos, ad noctem pariter ac diem in odiosissimis ministeriis, periculosam servitutem ægris omni ope destitutis, ac fœdâ lue contactis serviendam! At enim mutare Cælum, & externos intrare portus oportuit, ut suscepti muneris partibus faceret satis. Sed quid est, quòd in Orientem appulsus non sedem sibi Goam deligit? Et in eo Emporio Tribunal Nuncius Apostolicus erigit? Non edicta proponit emendandis moribus salutaria? Non Sacerdotes ablegat in Idololatrarum Urbes? Non eruditis Theologis convertendam Japoniam, & erudiendas Molucas commendat? Aut forsàn Diplomati Sedis Apostolicæ, cujus Administer nominabatur, haud obtemperasset, si amplis in ædibus residens copiam sui accedentibus faceret, jacentes sublevaret, eorûmq; frænaret auda-

daciam, libidinem compesceret, qui aut Constitutiones Ecclesiasticas, aut divina præcepta violabant? Nihil horum: quin lustrare ipsemet Indiam universam voluit, nec eam circumiit, aut venalium mancipiorum humeris circumlatus, aut equorum tergis vectus, quoritu per eas Regionem vel postremi hominum peregrinantur: Sed eam peragravit Cannabem indutus: totam inspexit scipione fultus: & maximam ejus partem nudis cruentisque pedibus emensus est, & ad pietatem ipse instituit. An autem hoc non est vim Cælo adhibere, dum tantò præstatur amplius, quàm Muneris ratio postulat? Quòd si Joannes adeò violentus in Cælum fuit, ut sylvas puer habitaret, an minori vi Franciscus illud invasit, dum Vicariorum Christi per illa Regna Legatus percurrit omnia, sudore diffuens & sanguine perfusus, tam excelsæ dignitati humilitatem Peregrini, & mendici Viatoris intolerabiles ærumnas conjungens? Repeto jam ea, quæ dicere

cere pro instructione nostra institueram, cum sententiam Matthæi, & Joannis artes exponerem. Ah ! si Francisci Socii sumus, non satis habeamus de mandato nobis officium implēsse, nisi patientiæ terminos in ejus exercitatione proferamus. Qui de suggestu ad concionem dicit, non contentus studiorum ac Vigiliarum laboribus, indiviso scilicet ejus muneris comitatu, commissa fatentibus aurem alacriter præbeat, & gnaviter expiet, quos ad detestanda peccata permovet: qui bonas artes in publicis Academiis proficitur, adjungat quādam virtutis abundantiam immenso studiorum labori rudium Catechesim, & Catechumenorum culturam: qui Christi Collega pro Pœnitentiæ Tribunali semet accusantibus jus dicit, ab expiatis peccatoribus ad captivos solandos excurrat, & inter moribundos ad illum præcipuè Vigiliis agat, qui jacer inter omnes miserrimus, & diutissimè difficillimèque cum morte luctatur. Ad
sum-

summam, nemo in privato munere penitus acquiescat, & pro se quisque allaboret, parem se Francisco præstare, qui in Provinciæ suæ administratione id demum solatii capiebat, si aliorum emendationi proprii corporis dolores, atque animi molestias addidisset. Præsidi suo exponat unusquisque, tametsi multum laboret, quid porrò aut per facultatum copiam, aut virium robur possit. Quisquis aspirat ad Apostoli nostri trophæa, extimulet Rectores suos, ut operâ suâ liberè utantur ad quemlibet quantumvis ingratum aut periculosum laborem exhauriendum. *Regnum Calorum vim patitur, & violenti rapiunt illud.*

117. Talem industriam non solum Franciscus tantus Christi Administer, verum etiam Theodoricus, acerrimus Hostis Sacrorum, & Religionis Catholicæ perniciosissimus oppugnator nos docuit. Eò Principis illius fortitudo provecta est, ut cum videret quanto præsidio à Copiis suis vallaretur, quàm-
que

que difficulter impeti ab hostibus suis posset, rationem iniit, quâ suorum agminum custodiam eluderet, & inimici exercitus iram provocaret. Quapropter die quæ conflictû antecedebat Regiæ vestis custodi ad se vocato graviter imperavit, ditissimos sibi cultus ex omnibus, quos haberet, depromeret; & cùm ille moneret diem insequentem non novæ nuptæ hymenæo, sed cruentæ pugnæ destinatum esse, quæ de fortunis Imperiôque ipsius decerneret; Eam planè ob causam excepit Theodoricus, tam splendidâ veste me adornabo, ut gemmarum fulgore & sagi opulentiâ illecti Barbari in me curiosius tela dirigant, opimorum gloriâ spoliolum prædæque cupidine incitati. Quod Regis facinus totidem ferè verbis S. Ennodius recenset. CUL-
 TIOREM ME ACIES SUSCIPIAT, *paneg. ad*
Theod.
To. 2. 20.
quàm festa consueverunt. Qui me de
impetu non cognoverit, ÆSTIMET
DE NITORE. Invitet cupidorum
 oculos HONOR INDUMENTI, PRE-

TIOSIOR SPECIES FERIENDUM
EXHIBEAT. Age verò si Rex adeò
felix ac potens tam cupidus fundendi
proprii cruoris fuit, & tantâ vulnerum
ambitione flagravît, ut supellectilis
suæ Gazâ inimicorum suorum impe-
tus acriùs stimularêt, eâque solùm de
causâ, ne à conductis mercede militi-
bus, qui primis in ordinibus cadebant,
fortitudine vinceretur; quis nostrum
erit, qui, ut parem se Redemptoris Apo-
stolis, & Indiarum Apostolo ferat, non
hortabitur Præsides suos, manifestatis,
quibus pollet, facultatibus, ac robore,
quo viget, ut aliis atque aliis muniis
ipsum cumulent, & laboribus oppri-
mant? Ità profectò quemadmodum
Arianus ille Princeps gemmis se one-
ravit, & auro circumdedit, ut spes præ-
dæ digniorem vulneribus faceret, ita
nos facultates, experientiam, ingenium,
eruditionem, vires atque animos pro-
mamus, quibus prodesse proximis, &
Ecclesiam illustrare possumus, eo con-
silio, ut, qui nobis imperant, geminatos labo-

labores, résque longè difficillimas nobis commendent.

118. Et quoniam Heterodoxi Regis exemplo Præcones veritatis extimulâsse, erubescere jure merito deberem, substitutam Theodorico Hæretico Martyrem Catholicum pro Religione suprema perpeffum. Adeò Tyranni crudelitatem & barbariem Carnificum, quam in corpus, atque ipsa ossa exercuerant, invicta Christiani Herois constantia lassaverat, ut innumeris cruciatibus laniatum pro mortuo humi destituerent. Cum ecce! Beatus Pugil ac morti proximus in tantâ Ungularum ac pectinum sævitie, nescio quam corporis partem, tamen si minimam, à ferro & igne intactam animadvertit; & continuò collectis viribus, quas solas illi Suppliciorum acerbitas reliquerat ultimis vocibus, locum à vulnere immunem Tormentoribus commonstrans, & incuriam exprobrans, supplicium quod meriti essent, denunciavit, quòd cutis partem nec concidissent flagris, nec ferreis la-

minis ustulâssent; heus vos, inquiebat, absolvite horum actuum lanienam, ut pars mei nulla invideat alteri, sed omnes pari spe gaudeant, in communi corporum Anastasi cicatrices suas ostentandi, quarum splendoribus stellarum radii concedent. *Ut quæ sola ungulas effugisset, eosque* UT NE HUIC QUOQUE PARCERENT, *inhortans.* Quàm verò Theodoricum vinceret, & Martyrem à Nazianzeno laudatum æquaret is, qui licet esset functionibus prægravatus, & laboribus oppressus, Societati Matri suæ objiceret, quòd non satis ampla spatia sibi laxaret, in quibus vires suæ ac facultates desudarent ad proximorum auxilium, & animarum quæstum uberiores faciendum. Qui exclamaret: plura possum, quàm præsto; nec aut tam breves mihi vires sunt, ut duriores longè labores ferre non possim, aut ardore animi tam sum defectus, ut non multò productiores vigilias, asperiora itinera, expeditiones magis arduas, & labo-

S. Greg.

Naz. Orat.

in Jul.

Tom. 115.

72.

labores longè difficiliores, minúsque in vulgus speciosos mihi deponcam. Superfunt mihi tempora, quæ obedientiæ obsequiis impendam, restant destinata nondum perfecta vitam in pauper-tinis Domibus, ignobilibus locis, & functionibus ingloriis transigendi. Qui differeret in hanc sententiam, is perfectò apparatus donorum, à quibus instructus est, sagittis, quibus peteretur objiceret, & illibatum integerrimúmque corpus ostentaret, ut in se regentium onera, curarum partem, necessitatesque deponeret. Ipse quoque Regis Gothi magnanimitati suppar Ennodii calamo celebraretur. *Invitet cupidorum oculos, HONOR INDUMENTI, pretiosior species ferendum exhibeat.* Atque hic Apostolicæ perfectionis est apex nullam cum laboribus pacem, nullas inducias admittere, cohortarique Præfides suos, ut in sua terga quidquid est ponderis, quod subire aliorum humeri recusant, deonere-tur.

119. Quòd si alicui gravis Instituti Religiosi Sarcina, & laboriosa vita, quam inter hos parietes agit, fortè videretur, is Hieronymum audiat: qui, cùm cogitationem ejusmodi oboriri posse Virgini Eustochio prævideret, sic eam adversùs desidiàm, semper eos, qui Claustra inhabitant, inquietantem pramunivit; si fortè, inquit, Religiosæ Vitæ Leges ac consuetudines graves tibi molestæque videbuntur, sacras paginas aperi, & secundam Pauli ad Corinthios Epistolam perlege: Illic reperies tam longum indicem voluntariarum & gravissimarum afflictationum, ut tibi ea, quæ pateris, Reginæ Babylonicæ, quam in Apocalypsi suâ Joannes descripsit, ob immensam deliciarum affluentiam ad Rogum damnatæ imitamenta quædam esse videantur.

Ep 12. ad

Eustoch.

Tom. 17.

125

2. Cor. 11.

11.

Quando tibi grave videtur esse, quod sustines, Pauli secundam Epistolam ad Corinthios lege: In laboribus plurimum, in carceribus abundantius: In plagis supra modum, in mortibus frequenter. Quis

nostrum saltem minimam portionem de Catalogo harum sibi potest vindicare virtutum? Eadem ferè possent à me in ignavos socordèsque dici: sed quæ Dei Clementia est, non tam longè petenda nobis exempla sunt, quibus incitari ad cursum resistentes, & jacentibus addi alæ possint. Cui laboriosior æquo domûs hujus Disciplina, & multò durior Societatis vita videtur, relegat in ejus annalibus labores, studia, cruentas pugnas, & neces tot Fratrum ac Patrum nostrorum, qui per utrasque Indias tot Ecclesias Ecclesiæ condiderunt, & tot Christianos Reipublicæ Christianæ addiderunt. Subinde cum animo suo reputet, num ad se ex tanto laborum & ærumnarum Assè, cujus Hæredes ab iis scripti sumus, pertineat exigua illa portio, quæ, ut sic dicam, secundo loco genitis, & posterioribus sanctarum familiarum fratribus nunquam negari solet. Inspiciat in Ephemeridibus nostris non ea solùm, quæ à primis nostris Patribus gesta sunt,

sunt, nobisque alicubi Sanctorum Sacerdotum, alicubi novorum Apostolorum nomen pepererunt; sed & aliorum innumerabilium Operariorum Seculi nostri, qui tanta & egerunt, & passi sunt apud Corsos, Sardos, Britannos, Batavos: ut nihil dicam de iis, quæ in hodiernum usque diem Hispaniæ, Galliæ, Germaniæ, Poloniæ, atque Italiæ magni Missionarii præstant, in quibus Provinciis innumerus illorum numerus est qui Fundatori nostro laudes gratæque ferunt, quòd se vident è peccatorum naufragiis ereptos, & in littore vitæ castigationis nostrorum hominum operâ constitutos. Non est Provincia, non Civitas, in quâ non complures Societatis Patres, ac Fratres digito monstrantur, quos nulla incommoda unquam absterrent à promovendâ pietate populorum, & evellendis radicitus inolitis vitiis ac corruptelis è Pagis, Oppidis, Agris, Montibus, in quibus Dei verbum disseminant, & incredibiles ærumnas tolerant, ut imperitos erudiant,

diant, improbos à peccando deterreant. Ipsa Roma per omnes anni festos dies prodire in publicum ex Universitate Collegii Gregoriani plurimos nostrorum videt, per plateas Crucifixi signum attollere, tantòque ardore plebi Evangelium exponere, ut gementes lacrymantèsque eò deducant, ubi publicà quidem, sed tamen obductà tenebris diverberatione sui, aut Christianà vindictà noxas admissas ulciscantur, aut vulneribus quos animi ardor aperuit referant Christi Jesu plagas pro nobis in Cruce vità defuncti.

120. Neque verò hoc est quod in primis Alumnis S. Patris, & primis Indiarum Apostoli Sociis adoro. Illud admiror, quòd flocci fecerint innumerales ærumnas, quas perpessi sunt in fulcando Oceano, peragrandà Æthiopia, expeditionibus ad Americanos Idolatras susceptis, quos ab Urbium frequentia immensa fluviorum divortia, montes inaccessi, nemora Tigribus infesta, & latrociniis infamia diviserant.

Erant illi tam hilares in egestate, tam
interriti periculis, & in tormentis tam
fortes, ut ad Assueri epulas sub taberna-
culis purpureis, & super strata gemmis
pavimenta sibi recumbere viderentur.
Hoc ego in illis prædico, quoniam idem
in primis Novæ Legis Sectatoribus Gil-
bertus Abbas est veneratus. Explicans
itaque sententiam illam ex Canticis.

Cant. 3.5. *Adjuro vos Filia Jerusalem per capreas,
cervosque camporum.* Ab auditoribus
suis exquirat, quâ demum ratione Cer-
vis istis primigeniorum Christianorum
vivis Archetypis adeò planus ac flori-
dus ille campus, quem percurrabant,
videri potuerit. **PER CAPREAS
CERVOSQUE CAMPORUM.** An
verò prata florentia, & non potiùs ab-
scissæ rupes, & insuperabiles scopuli
erant, ad Apostolorum pedes abjicere
patrimonia, in spelæa ex urbibus suis
migrare, vivos se in antris tumulare,
catenis graves in ergastula compingi,
lustrare Provincias ferro onustos, vide-
re se damnatos à Judicibus, derisos à
Po-

Populis, invisos Principibus, mundo
 abominabiles, à Tortoribus laniatos, à
 monstrosis belluis discerptos? An non
 quotidie virgis cædebantur, plumbatis
 tundebantur, distrahebantur equuleis,
 frangebantur rotis, & vel molaribus,
 vel anchoris ad colla revinctis merge-
 bantur vastis fluminibus hauriendi?
 An non ex Urbibus in nemora ejecti, è
 Palatiis proscripti, & in cavernas abdi-
 ti, ditionibus suis exuti, & in servos
 venundati, à consanguineis divisi, &
 associati sicariis fuerunt? Quâ ratione
 igitur. *Per capreas Cervosque* CAM-
 PORUM? Nimis profectò inhospita-
 les Alpes, nimis depressæ fossæ, & sine
 fundo Abyssi erant, ad quas damnati vi-
 tam miseri tolerabant. At enim ani-
 mi lætitia solitudines in viridaria, præ-
 cipitia in planitiem, montes in prata
 illis converterat. *Cervos CAMPO-*
RUM dicit, quòd illis qualibet aspera,
& ardua qualibet plana sunt, & pervia,
& inoffensis pervia cursibus QUASI
 PLANIORIS AQUORA CAMPI.

illis

*Gilbert. ser.
 14. in Cant.
 To. 109.52.*

Illis condensa non sunt, quorum Dominus perficit pedes quasi Cervorum, QUI NULO INJURIARUM OBICE TARDARI POSSUNT, magis autem complacent sibi in tribulationibus. Paria vos quoque de quocumque primorum Litteratorum Ordinis nostri dicatis licet, qui tantis lætitiis incedebant inter inexplicabiles difficultates, & inextricabiles labyrinthos, quos illis Hæresis per ea tempora subnascens, & Mundus omni vitiorum genere marcidus objiciebat. Quid? Teneras iis lacrymas sacra lætitia exprimebat, cum propius illucescere cœpisset anniversarius dies, quo fugam ex Ægypto arripuerant, & crebrò nostrorum Collegiorum parietes de genibus osculabantur: neque finem faciebant Deum laudandi, qui se ab Ægypti cæpis ad fruedum Manna sub umbrâ nubis, ac Sinai, transtulisset. Quotiescunque in memoriam revocabant, vivere se à mundo secretos, & Crucis sanctæ Præconibus sociatos esse, toties animam pari-

pariter & corpus Muniis illis devovebant, quæ vel durissimis laboribus, vel longissimis cruciatibus sibi starent. Quapropter & ego cum Gilberto incomparabilium illorum virorum memoriâ provocatus, exclamo. *O misera hæc tempora nostra! Quomodo ab hac regulâ in contrarium resiliamus? Ubique obicem patimur.* Et quamvis tam amara objurgatio nec in omnes, nec in plures, sed in paucissimos cadat, illi tamen pauci, qui sub levissimo consuetudinum nostrarum onere ingemiscunt, Apostolatam nostrum haud parum dehonestant. Tot inter ardentissimos Operarios, qui diu noctuque ab adjuvandis proximis, erudienda juventute, sublevandis afflictis studia sua nunquam patiuntur quiescere, inventus est non nemo, cui grave visum sit, aut moribundo unam alteramque noctem advigilare, aut paucorum dierum iter ad rusticanos montium nostrorum habitatores expiandos suscipere. Heu!

UBIQUE OBICEM PATIMUR.

Ita-

Itane paucorum hominum peccatorum vinculis exsolvendorum molesta gravisque nobis cura videbitur, dum tot Socii nostri pro Corollis roseis æstimant immensarum regionum procurationem, & Catechismos Guineæ Mauris expositos intra graveolentia ergastula, quibus detinentur miseri illi ad fodienda metalla damnati? Haud grave est Vitæ nostræ Institutum, sed est infirma id credentis patientia. Idipsum dixit Augustinus sermone vigesimo secundo post primos ducentos *de Tempore*, vas quodlibet vitreum, vel levem ictum claviculi ferre non potest, cum aurum interim à ferreis malleis, quibus millies tunditur, illustrius puriusque reddatur. UNA EADEM-
QUE TUNSIO *bonos producit ad gloriam, malos redigit in favillam* Nostrâ scilicet culpâ contingit, si plumæ gravant, & molles Pæoniæ vulnus infligunt. Propriæ ignaviæ adscribatur dolor ille oportet, quem pauci aliqui in servandis legibus nostris & exercita-

tio-

*Ser. 222. de
 Temp.
 To. 44. 26.*

tionem Munerum nostrorum persenti-
 scunt. Foret autem longè deterius,
 si isti (si quidem hujus farinae inter nos
 vel unus unicus versatur) præter pri-
 vatarum querelarum turpitudinem
 per enorme piaculum desidia socios
 insuper quærent. Væ misero illi,
 qui Serpentis, à quo Eva decepta est,
 æmulus effectus à studio laboris stre-
 nuos Sodales abducit. Prohibeat Deus,
 ut in Religione audiantur voces adeò
 execrandæ, quales scilicet forent; Fe-
 rendum non esse, ut nova munia de-
 mandato muneri, vel privato ministe-
 rio, superaddantur: Id quod functio-
 nis ratio postulat, si præstes, sat esse,
 Qui humeros suos Regentium arbitrio
 supponat, ultra modum ut onerentur,
 invitare. Effet hoc quidem novi Apo-
 stolatus genus, sed auctore Lucifero in-
 stitutum; sed inter nos inauditum;
 sed Apostoli nostri Coapostolis invisissi-
 mum. Tam pernicioso Apostolatu,
 qui ut fervorem dissuadet, sic persua-
 det inertiam, aditus omnes occlusit

Pe-

Lib. 6. Ep. 33. Petrus Damianus, cū ad Eremicolas
Erem. Gam. scriberet in hunc modum. ERIMUS
Ab. 14. 85. ALIENI TORPORIS APOSTOLI,

*& non doctrina, sed oblivionis Magistri,
non Duces ad Victoriā, sed Præcessores
ad fugam, quam ob rem dilectissimis
HOC AB ÆTATE NOSTRA PRÆ-
CIDAMUS OPPROBRIUM, & vir-
tutis insigne, quod à Patribus nostris illi-
batum accepimus, integrum in filios
transfundamus, si vita Eremitica mi-
nuenda est, per alios incipiat minui, ne
nos inveniamur in hujus fraudis sacrile-
gio PRIMI. Malè pereat, qui sic vi-
vit; & instar Judæ rumpatur, qui sic
dissert. In talem Apostolarum, qui
ardorem restinguit, qui otio patrocina-
natur, qui pœnitentiam exanimat, qui
currentes sistit, qui Gigantes mutat in
Pygmæos, qui Zelum transformat in
Politicam, qui Evangelicæ vitæ arbo-
rem veneno inficit, ceu inimicum prorsus
Apostolatui Francisci omnium manibus
lapides jaciantur. Dehiscant illi profunda terrarum, & cum Abi-
ro-
ne*

ne & Dathane Inferorum Abyſſus pandatur. Nos eorum Apoſtolorum numero inferi cupimus, de quibus ad Corinthios Paulus ſcripſit. *Deus oſtendit nos Apoſtolos noviſſimos* TANQUAM MORTI DESTINATOS. Vita noſtra eſt, vitam pro animabus ponere, ut mors noſtra ſimilis fiat beatæ morti Franciſci, qui tot Regnis, quæ Chriſtiænæ Fidei ſubegerat, tot Regibus, quos Chriſto genuerat, haud contentus, Sinas pandere tum eſt aggreſſus, cum Deus illi Cælum aperiret, veri & prodigioſi Apoſtolatus ſui Præmium recepturo. Idem precor nobis omnibus contingat.





EXHORTATIO XI.

In Pervigilio S. Francisci.

Mihi autem absit gloriari NISI IN
CRUCE Domini nostri JESU
Christi. Galat. 6.



Ommodorum, gloriae, at-
que excellentiae ODIUM
quemadmodum in itine-
ribus Indicis Sancto Francisco perpe-
tuus comes adhæsit, ita nobis ejus di-
scipulis in obeundis Instituti nostri
Ministeriis semper Dux esto. Equi-
dem nunquam ista fulgorem dabunt,
nisi Crucis ærumnæ consiliorum no-
strorum scopus fuerint. Eò igitur
accurratur, ubi plus sudoris spargi-
tur, & minor seges colligitur. Cum
nos Mundus ita comparatos depre-
hen-

henderit, compereritque; Spirituum suorum quæstum arbitros, & in negotio salutis Magistros nos optabit. Quapropter nullus Societatis Operarius se à Cruce disjungat, quæ sola salutis alienæ cultores titulis sanctitatis exornat, cum ex ædificiorum modestiâ, paupertate vestis, & frugalitate victûs ea palàm eluxerit.

121.

Altitudo ista Mentis prorsus Heroica, quæ constanti vultu, oculisque irretoris contumelias omnes, ac toleratu asperrima quæque provocat, sustinetque; ac magnanimus iste contemptus, qui superbo pede conculcat, quidquid grande, vel illecebrosum Mundus ostentat, ex ore Pauli primùm plaudente Cælo, stupente mundo, attonitis Inferis prodivit. Hæc eadem subinde multis post sæculis magnanimitas, quæ delicias aversaretur, amaret supplicia in Francisci Afflictis linguâ non mi-

nore gaudio Ecclesiæ, quàm Hæresis dolore renata est. Denique cum summa Christiani Nominis, & Societatis ad ultimos Naturæ terminos propagatæ gloriâ ex ore tertii, ejusque nostri Francisci effloruit, ut adeò cum Apostolo Gentium, & ipse Indiarum Apostolus, & cum Fratrum Minorum Duce sacris vulneribus illustri, ob similem vitæ austeritatem, non minùs verè Xaverius noster exclamare posset. *Mihi autem absit gloriari nisi in Cruce.* Hæc nempe Crux deportata humeris, & intimo pectore recepta Crucis cultum Ethnicis persuadet. Hanc Apostolus noster in tot Provinciis Idolorum cultui mancipatis, in tot Regnis ante illam diem ignotis, in Orbe quodammodo extra Orbem posito erexit, quia nimirum in eâ & cogitationes omnes defixit, & amores suos omnes collocavit. Non est autem vera legitimâque Crux Christi, sed fucata & mendax Crux illa, quæ secundùm corporis dolores, quorum ipsa sibi causa est, non cupiat insuper
 adj-

adjici sibi appendicem illam, qualis est à populis divexari, à Discipulis prodi, à Sociis deferi, ab amicis exagitari, & à Deo derelinqui quodammodo; qui ut Filio suo Crucem Cruce aliâ haud paulò graviore geminavit, ita Ministrorum suorum, quæ sibi met inferunt, quæque ab hominibus patiuntur, tormentis, alios in animo cruciatus addit, eosque veluti sanctis eorum studiis offensus in tenebris ægritudinis, internæque Spiritûs ariditate destituit. Quanto autem studio Crucem ejusmodi, quam homines maledictis incesserent, ac Deus ærumnis gravaret, quâ constantiâ tulerit, imò quantâ observantiâ Xaverius coluerit, operæ pretium erit cognoscere: ut perfectissimum & Apostolicum Eclypon ex eo in nobis ipsis describamus.

122. *Mihi autem absit gloriari nisi in Cruce.* Nulla unquam mater tam tenero complexu filium, vel è remotis præliis reducem, vel è tumulo redivivum pectori appressit, præ ut Francis-

scus noster non unam modò, sed mille Cruces est amplexatus. Tametsi enim cum ærumnis & incommodis intolerabilibus, innumeris, perpetuis, maioribusque, quàm assequi cogitando possimus, conflictaretur Vir Sanctus, iis tamen vocibus, quæ non nisi maximis sanctissimisque Evangelii Ministris in usu fuerunt, idemtidem exclamabat. *Amplius, amplius.* Videor itaque mihi comparisonem illam Apostolo Indiarum aptare posse, quam Gregorius Nazianzenus Athanasii tum propriis, quibus in corpus suum sæviebat, tum hostium suorum acerbissimis odiis vexati laudibus inseruit. Adamantis primùm eum nomine celebrat, qui æreis aut ferreis malleis sic restiterit, ut nec flecti potuerit, nec frangi. Et quoniam Adversariorum violentia propriâ crudelitate lassata quietem interdum aliquam invicto Patriarchæ permittebat, seu cùm inter vastas solitudines degeret, seu cùm in sepulchris conderebatur, tum enimverò ex Adamante ver-

sus

sus in Magnetem ipse sibi tormenta ultrò accersebat, impatiens scilicet, sub oculis Christi vitam agere, quam nullæ spinæ coronarent. *Egregiam duorum lapidum naturam imitatur.* PER-
CUTIENTIBUS ADAMAS efficitur, *De Land. Athan. Tom. 19. 133.*
& Magnes arcanâ natura vi ferrum trahens, ac durissimam omnium materiam sibi adjungens. His tam nobilibus preciosisque gemmis Orientis Apostoli Statua formatur. Adamantem profectò sese ille præstitit invictum non minus contranitentibus Prætorum minis, furiis Barbarorum, Bonziorum nequitia, quàm cum à Regiis Oratoribus, maximis Principibus, Præsulibus ac Regibus honoraretur, qui virtutem illius admirati, certatim eum & nobili paratu instruere, & magnis honoribus tollere contendebant. Contra universos diversis licet armis stetit invictus: admittebat injurias, & in plagis triumphabat: at contrà repugnabat imperantium officiosæ humanitati, & laudibus, quibus omnis eum nobilitas ef-

ferebat, repudiatis, tum famulatio, quod in iter Goanum Rex Lusitanus ad-
 diderat, tum conviviiis, quæ Classis Præ-
 fectus in diurnam navigationem ad
 Imperii illius extera Regna tendenti
 obtulerat. Denique obviam euntium
 officiis, quæ vir summæ auctoritatis,
 famæ, scientiæ, & jam tum prodigiis in-
 clytus promerebatur, constantissimè re-
 sistebat. *Percutientibus Adamas efficitur.*
 Et quod eum longè magis exornat, du-
 riorum sese, magisque adamantinum
 præbebat iis, à quibus ornabatur, quàm
 à quibus vapulabat, magisque intracta-
 bilem illis, à quibus ad delicias invita-
 batur, quàm à quibus cumulabatur in-
 juriis. *Adamas efficitur*; non minùs
 liquati sulphuris imbribus, quàm aquæ
 stillatitiæ rore insuperabilis. Sed ta-
 men in animâ Francisci Adamantis
 pretium Magnetis virtus superabat. Hic
 lapis non rotas, Electrum, aut Pyropos
 ad se trahit, & si Cælum ipsum stellas
 suas attenuaret, easque generoso saxo
 admoveret, eas ceu vilem glebam con-
 temne-

temneret, totumque se ad attrahendos
 clavos, cultros, & cujuscumque nomi-
 nis aut formæ arma in cædes nata,
 dummodo ferrea, converteret. MA-
 GNES *arcana natura vi* FERRUM
 TRAHENS. Non fuit labor, quem
 Franciscus non subiret; non vulnus, ad
 quod seu curandum, seu sugendum
 non advolaret; non tormenti genus à
 Sanctis viris usurpatum, cujus amore
 non caperetur; non asperitas vel infor-
 mium asserum, vel rudium saxorum,
 quibus non indormiret; non Appenni-
 nis, aut Alpibus pares scopuli in quos
 ad prædicandam Fidem non enitere-
 tur; non ciborum insipidorum abomi-
 nables reliquæ, quibus non pascere-
 tur; non probra, non repulsæ, non con-
 tumeliæ, quas non optaret; semper
 pejora quæque sitiens, rerum tum bo-
 narum, tum optimarum implacabilis
 ubique hostis. MAGNES *durissi-*
mam omnium materiam sibi adjungens.
 Duabus Nazianzeni gemmis lubet ex
 Gregorio Nysseno, durum silicem ad-

jungere, robur juxta & venustatem Divi nostri simulacro additurum. Animadvertit eruditus Philosophus splendorem eo saxo attrineri, & ingenitæ lucis radios condi, neque tamen è lapide promicare, nisi vi chalybis icto vel fracto. *SILICES obscuri in tenebris manent*, ETIAM SI ILLUMINATRICES VIM IN SE CONTINEANT. Perinde prorsus in Apostolo nostro evenit. Avulsus ille est à Vaticano cum amplissimâ Nuncii Apostolici potestate, & Summi Pontificis Vicario Imperio in omnes Indiarum Antistites, universosq; qui per immensa Orientis Regna dispersi Petro in Successorum suorum pedibus Crucem deosculantur. Tam illustris tamen cum esset Apostolicæ Sedis Legatus, nigra cannabe vestitus apparuit: nullo servulo prosequente, nullo Clerico comitante, nullo penitus vel minimo auctoritatis ac dignitatis sacræ indicio. Muneris ac potestatis suæ titulos, quam Præses supremus obtinebat, inauditâ

mo-

*De hist. sex
dier.*

To. 13. 28.

modestiâ perpetuò pressit, semel aut iterum Petri Gladium de vaginâ eduxit, cùm hanc ei vindictæ Apostolicæ necessitatem imposuisset importunissima cujusdam protervia, qui Evangelii cursum & Dei Opt. Max. cultum pervicaciter morabatur. Et quemadmodum cùm videret nullis jam precibus flecti posse Tartaream Malacensis Præfecti contumaciam, Evangelio Politicam præferentis, & suorum quæstuum cupiditati conversionem Infidelium, & Conversorum constantiam postponentis, in illum denique publici edicti fulmen intorsit, nihil ejus satellitum arma, nihil eorum, à quibus ille concitabatur, potentiam veritus. Antequam verò Anathematis telum vibraret, ictus tam acerbi excidio paterna monita, fervidas hortationes, ac Pastorales minas præmisit. Quid multis? Velut unus è duodenis illis filicibus, qui totidem Apostolorum symbola è Jordane sublatis fuerunt, intra viscera sua ignis ardorem, & zeli fulgura texit, simul.

simulque ut alienâ cogente perfidiâ
 Nuncius Pontificius visus est, simul se
 occuluit, & mendici Sacerdotis & in-
 comitati animarum Patroni amatâ
 sibi specie se involvit. Et dubitamus
 adhuc, posse Franciscum in tam diffi-
 cili honorum fugâ, & pressæ dignita-
 tis latebris, & omnium incommodo-
 rum invictâ patientiâ, verè, ac citra
 omnem Auxesim illud sibi usurpare.
Mihi autem absit gloriari nisi in Cruce.

123. Atque hoc, quod, tametsi com-
 ponatur cum rigore Anachoretarum,
 & Insulas defugientium modestiâ, tam
 est illustre ac ingens, exiguum tamen
 est si animadvertatur, quos aggeres di-
 vinis favoribus Franciscus objecerit, &
 quâ constantiâ cælestem Ambrosiam à
 se repulerit. Hoc loco imperare mi-
 hi non possum, ut taceam, quantâ ad-
 miratione Gilbertus Abbas summam
 perfectionem cujusdam Ordinis sui Ar-
 chimandritæ, ad cujus tumulum dice-
 bat, sit persecutus. Hic, quem mor-
 tuum, inquit, lugemus, toto corpore myr-

myrrha & animi lætitiâ nil est præter
 aromata. MYRRHATA CARNE, *Ser. 41. in*
 MENTE AROMATICA, *crematione Cant.*
continuâ indefessi amoris odoriferum in- *To. 109.*
censum offerebat. 197.

Non idem tamen
 mihi de Francisco affirmare licet, qui
 tamen si esset in attritis suis membris
 laudato illo Monacho multò ama-
 rior, minus tamen solatii percipiebat
 animo, utpote quæ à flumine illo, quod
 Dei Civitatem alluit, vel summis labris
 degustando prohibebat. Quapropter
 sicut Elementis, Cæli haustui, tempo-
 ribus anni seu æstuantis, seu glacie ri-
 gentis, corporis animique ægritudini-
 bus, invictâ constantiâ solebat accla-
 mare. *Amplius, amplius*: ita cælestibus
 visis, crebris animi in Deum, & corpo-
 ris in aërem raptibus, Prophetiæ dono,
 gloriæ prodigiorum, deliciis Spiritûs,
 mellifluarum lacrymarum imbribus,
 flammis innocentibus, quibus ejus pe-
 ctus circumplectebatur, amplexibus,
 osculis, illecebris Charitatis divinæ, ipsis
 mirantibus Angelis, respondebat: Non
 ultra,

ultrâ, non amplius! *Sat est Domine, sat est!* Sic ut de illo, si Gilbertum imitari volumus, scribere debeamus: *Myrrhatâ carne, ut mente myrrhatâ*: Non minori Martyrio, per intolerandas ægritudines excruciaci animam cupiens, quàm quo res creatâ, atque ipse cum iis conjuratus proprium corpus torqueret. Quâ in re non memini me in Annalibus Ecclesiæ legere, qui Franciscum superârît inusitatâ fugâ æterni amoris brachia eluctantem, atque ultrò euntem obviam Deo flagris in ipsum sævienti, & lætitiæ coronas, & prodigiorum diademata offerenti sedulò se suffurari assuetum.

124. Eâ re admirabilis sui ipsius hostis desideria Pauli Apostoli superavit, mysticam quandam mortem à Christianis omnibus requirentis, quæ immobilitate ac horrore cadavera imitaretur. *Mortui enim estis, & vita vestra abscondita est cum Christo in Deo.* Equidem durissima morientis conditio est, corpus sepulchri horrore, vermium gu-

gulæ, & putredini ossa committentis. Attamen quemadmodum caro Justorum post eorum excessum in cinerem denique resolvitur, sic animus ab occurrentibus Seraphinis exceptus, & Cœlo illatus Dei conspectu, & nunquam amittendo imperio potitur. Tum quoque cùm beata illa sedes, quantumvis sanctâ morte defunctis, occlusa persisteret, quietem tamen à laboribus animæ capiebant, & in Limbo Patrum felicissimæ pacis otio fruebantur. Sic quo tempore Pauperis Lazari ulcerosum cadaver deformitate vulnerum, & corruptionis fœtore, stomachum intuentibus movebat, ejus animam Abrahami complexu receptam supplex Epulo infimis precibus invocabat, ut damnatæ linguæ ardores miseratus aspersâ frigidæ stillâ temperaret. Quare Paulus, cùm Colossensibus vivam mortis imaginem commendaret, non aliud eos jussit, quàm ut carnificum lanienas, & latebrarum incommoda infracto animo tolerarent, cordis lætitiâ & men-

mentis solatiis ultrò permiffis. At Franciscus flagellis profciffus, spinis transfixus, fame tortus, sole toftus, torrentibus madidus, gelu ac nivibus obrigefcens, & in tantâ duriffimorum cruciatuum alluvione quovis cadavere immobilior petebat infuper, ut animam fuam æternus Pater multiplicatis tempeftatibus agigaret, folatiorum fenfu, & fpiritualium conviviorum gultu negato : *Sat eft, Domine, fat eft.*

125. Et quoniam contrarium votis fuis Deum experiebatur, ut qui itinera fua & prædicationis per Indiam, & obedientiæ per Europam laboriofam exercitationem fuaviffimis folatiis profequeretur, tam fævum fibi nobiliffimus Amator Crucis fefe carnificem exhibuit, ut ficut vicerat feveriffimas Pauli præceptiones mortuis pares dogmatum fuorum auditores cupientis, fic Petrum æmularetur, vel in ipfa morte mortis tormenta quærentem exaggerantemque. Ad fupplicii locum Apoftolorum Princeps à lictoribus raptus,

tus, ad funestæ trabis conspectum eam ob causam ingemuit, quod pro DEO non satis dura pateretur. Non explebant Petri desideria, vel Nero, illa Tyrannorum Megæra, vel Crux, ultima suppliciorum omnium meta. Quapropter exclamans, non imitor, inquit, Christum, nisi morte prorsus simili me Crux ista sustulerit. Ubi enim spinæ, quæ cerebrum mihi transfigant, ubi gravia plumbo flagra remanserunt, quibus mea membra lacerari debuerant? Non fel, quod hauriam, video; non latrones socios aspicio, qui unâ mecum Cruci confixi in me maledicta conjiciant. Non me Discipuli mei fugâ destituunt, neque alium ego Petrum habeo, qui me neget. Quare si Magistrum meum imitari cupio, adjungere me oportet ligni clavis novam dolorum catastrophem. Obtestatus igitur sævientes satellites est, ut capite deorsum verso in crucem se attollerent; tormenti genere tam diro, ut Japoniis deinceps usurpatum in horribili

carnificinæ suæ fossa, citra ferrum, citra crucem Martyrio morte omni supra, quàm dici possit, atrociorē damnos excruciet. Ambrosium audiamus, quem extra se posuit Magnanimitas Petri non contenti nec sanguinarii Cæsaris furiis, nec geminæ trabis supplicio, ultra quas nihil licere Tyrannidi, nihil crudelitati concessum esse videbatur. *Petrus* CRUCEM SUAM INDIGNAM *arbitratus, inverso suspendi poposcit vestigio* : UT ALIQUID PASSIONI SUÆ ADDERET, *cujus acerbare ipse sibi supplicia non timeret.* En vobis instauratos in Francisco ardores Petri! Parum quippe visum est beatissimo sui tortori Xaverio Romam peregrinari solo scipione nixum, nullius jumenti ope; pedibus per Alpium nives ingredi, nisi, ut molestias itineris exaggeraret, crura insuper funibus adstringeret, usque dum exanimis prolapsus parum abesset, quin vitam in vastis montibus poneret. Levem eum laborem arbitrabatur, quòd bis Zonam

*Lib. 1. de
Interpel.
To. 10. 245.*

tor-

torridam navi transmitteret, pane nautico, eoque verminante, fœtentique aquâ victitans, nisi & Oceani subsultantibus æstui, & gravissimis sub Eclipticâ sæviente toleratis molestiis alias adderet, ac super anchorarios funes ad quietem se abjiceret, ministraret ægris; morientibus advigilaret, mancipiorum munera occuparet, alienam suamque vestem elueret. Mozambicum appulsus, nec dum satur tot incommodis inter maris tempestates devoratis, nec porritus illius, ob æstus furias, & Cœli lucem navigantibus infestissimi, putri aurâ contentus; nisi quàm primùm, neglectâ omni valetudinis suæ curâ, Nosocomia intraret, & in multiplices ærumnas, quarum feracissima erat illa ægrorum curâ, se conjiceret; ac nisi in eodem lecto iisdemque stragulis acquiesceret, in quibus illâ ipsâ nocte homo fœdâ lue contactus animam egerat. Indiam ingressus, in quâ nec vini nec panis gustus est, cùm videretur victus ab Europæo diversissimi insolentiam resarcire leva-

mento aliquo debuisse, sponte suâ omnem sibi carnis usum interdixit, nec aliud opsonium, quo aleretur admisit, modicâ orizâ & tenuibus herbis aquâ subactis vitam tolerans, mortem arcens. Cedò autem, ut se verum Apostolum demonstraturus tot Regna nullo vel Mauri unius comitatu, vel aselli vecturâ instructus percurrat, quid est, quòd cum tot centena leucarum millia pedibus conficeret, eos in plerisque suis itineribus calceis exarmavit? & nudis cruorèque manantibus plantis montes conscendit, ferventes arenas pressit, horridas vepribus solitudines peragravit? Quem in finem inter tot ærumnosissimi Apostolatûs lethales angores, non modò nullum, ne per noctem quidem fomentum, quo ad futuros labores convalesceret, afflictis suis artubus indulsit, verùm etiam culcitrà, quid dico? verùm paleis quoque ac stramentis rejectis multas noctis horas vigil, & de genibus ardenti prece traducit, & subinde in nudum solum pro-

procumbens atterit potius, quam in quietem membra componit? Nunquam certè adeò, quæ pro nostro in virtute profectu monere constitui, pervenirem, si vel compendio Sancti Viri austeritatem & ærumnas perstringere animus esset. Possim sanè Jobum aliquem eum dicere, non quidem Caco-dæmonis invidiâ, sed Christi pro eo Crucifixi reverentiâ laceratum. Equidem mirabilis ille, & invictæ patientiæ Heros, cùm se videret altissimo Dei consilio Inferorum furori objectum, & toto corpore vulneribus deformatum, quamvis è rapinâ latronum superessent prædia, tôtque amplissimæ domus, quibus ventorum furiaæ pepercerant, vel, si his quoque eum Sathanas spoliavit, prompta tamen essent amicorum & consanguineorum præsidia, à quibus fascias, & balsama in vulnerum suorum curam, ac in amœnas ædes receptum impetraret, ubi afflictum corpus recreare posset, nec admisit ista, nec in vulneribus & Lepra, quibus totum ejus

§ 18 APOSTOLATUS HONORES

corpus Cacodæmon infecerat, atque
 laniaverat, satis esse supplicii, aut par
 desiderio suo patiendi argumentum
 arbitratus est: quin ut Conditoris sui
 voluntati perfectiùs obsequeretur, in
 fimo se collocavit, & asperâ testâ erum-
 pentis tabi profluvium radere perseve-
 ravit. Ea propter S. Gregorius Ponti-
 fex fimi sordibus, aureis characteribus,
 Elogium inscripsit Viri adeò dolores
 suos amantis, ut impiè à Dæmone per-
 cussus, inhumaniter à familiaribus in-
 crepitus, & à Deo virtutem explora-
 turo inter turbinis nebulas reprehen-
 sus, non ferret duntaxat tantum sup-
 pliciorum cumulum, sed triumphanti
 similis insuper amplexaretur. In cla-
 dibus suis pacatus, quas passus erat,
 constans in angustiis, quibus urgeba-
 tur, & quod magis stupeo, & à Gre-
 gorio ceu Corona afflictissimi Athletæ
 temporibus imponitur, ipsis lætus ca-
 lunitatibus, quibus hominem tum ani-
 mi ægritudo omni solatio destituti,
 tum Dei ejus dicta in speciem objur-
 gan-

gantis indignatio penitus oppressisse *Job. 38. 1.*
videbatur. *Respondens autem Dominus Job de turbine, dixit. Quis est iste involvens sententias sermonibus IMPERITIS?* O Prodigium, exclamat ille, ingens ac novum! En hominem qui cum morte colluctatur, & ridet! huc scilicet tendebat Beati Francisci ardens amore pectus, ut Encomium promereretur, quo Pontifex Maximus Jobi ad incitas redacti fœtentem latrinam exornavit. *Adversis gaudet, passione reficitur, MOERORE REFOVE-*
Lib. 8. Moral. cap. 3. To. 33. 130.
TUR. Proh! Quantis gaudiis inces-
sisset ardens Missionarius noster, si corporis attriti cruciatibus calamitas animi perturbati, ac reprehensi à DEO potiùs, quàm recreati, & approbati per omnia respondisset. Tum enim verò, cum mentem pariter ac corpus Cruces obsedissent ad vocis usque defectum, & cum Paulo & cum Francisco exclamasset. *Mihi autem absit gloriari NISI IN CRUCE.* Hanc ille tantâ industriâ excolebat, quantâ de Epicuri gre-

ge nullus arborem vitæ irrigasset, ut voluptates haberet immortales. Quod si non vereretur, ne hujus cænaculi sanctitatem profanarem, adductâ in medium Hydrâ, quam Poëtarum theatra genuerunt: dicerem profecto Franciscum, ut erat doloribus inexplabilis, & cupidissimus injuriarum monstro tam fero, ut ab eo laceraretur immaniùs, non capita decussurum, sed aucturum, & virum accensurum fuisse. Univerſa prorsus ejus studia in hoc unum insu-
mebantur, ut nova inventa comminisceretur, quibus magis ac magis membra sua lancinaret, & vultum ignominii ac pudore confunderet. Ut adeo ejus vita in implacabilem contra se luctam conversa viveret, ut cruciaretur; & moreretur, nisi cruciaretur. Ut omnis denique dies novum sibi veluti clavum adigeret, & ætas universa non nisi Crux continua videretur. *Absit gloriari nisi in Cruce.*

126. Atque hanc nobis vitæ formam Lux festa proponit, quam cras qui-

quidem jejunio, & insequente die Pa-
negyricis & Symphoniis venerabimur.
Cæterum si credimus solâ Pervigilii in-
ediâ festum diem abundè celebrâsse,
hallucinamur profectò. Haud sum
ignarus homines nostros omnes in
parte gloriæ ponere, quòd primis S.Pa-
rentis Consiliariis, primisque Societa-
tis Ducibus accensere possint Aposto-
lum, quem tot terrarum Regna in Præ-
stitem ac Tutorem suum elegerint:
quémque universa Christi Ecclesia in-
ter maximos Sanctos, qui sint Aris im-
positi, deveneretur. Novi, cùm ab
aliis sacris Ordinibus illustres Ecclesiæ
Doctores, invicti pro Fide Pugiles, se-
verissimæ austeritatis Magistri, anima-
rum Quæstores diligentissimi, corona-
ti primarum Urbium Præsules, quorum
nomina fastis Romanis Summi Ponti-
fices publico decreto inscripserunt, no-
bis objiciuntur, à vobis pariter ac me
ipso reddi omnibus illis Franciscum In-
diarum Apostolum, credereque hujus
soli imaginis splendoribus, & hujus

unius veneratione nominis illustres, ac nullo illorum inferiores nos esse, studiosèque dissimulatis aliorum nostrorum Beatorum ac Sanctorum prodigiis hujus unius Viri tam coruscam lucem arbitremur, ut sub ejus umbrâ & contra calumnias muniri, & piâ Orthodoxorum omnium invidiâ frui gloriemur. Nec vanè jactata, sed verè dicta omnia. Dubito tamen, quin, si vita nostra Sancti vitam non exprimeret, illud objicere nobis Christus posset, quod Israëlitis, quos à Patriarchis ducti natales inflaverant, Ambrosii ore exprobravit. *Nil tibi proderit, si dicas, Abrahæ sum Filia. Abraham quidem salvatur, SED TE NOBILITAS GENERIS NON JUVABIT. Non te decipiat data Patribus repromissio. NON SUSCIPIO PRÆROGATIVAM GENERIS, NISI VIDERO CONGRUENTEM GENERI MORUM NOBILITATEM.* Fuit sanè Franciscus è Majoribus nostris, sumus unà cum ipso Filii pariter Ignatii, & Di-

*S. Ambros.
Ser. 2. in
Ps. 118.
To. 41. 19.*

Discipuli; sub iisdem signis militamus, iisdem legibus vivimus, ad ejus fortia facta desideriiis inardescimus, ejus vestem induimus; at nisi per vestigia, quæ ille in angustissimis semitis Consiliorum Evangelicorum impressit, pariter incedamus, non in laudem nobis, sed acerbam reprehensionem, ac periculosam ostentationem vertetur, quòd ejus pallio tectos paribus cum illo votis ac Societatis vinculis adstrictos nos esse vanissimè prædicemus. NOBILITAS GENERIS NON JUVABIT, *nisi videro congruentem generis nobilitatem.*

127. An subinde in omnibus nobis morum nostrorum forma Francisci Moderationem, Nuditatem, Obedientiam, Demissionem: Divina meditandi, afflictiandi sui salutemque alienam promovendi præclara studia referat, ex uniuscujusque operibus dijudicandum relinquo. Enimverò totis artibus contremisco atque animo concido, quoties acerbis illas exprobrationes

nes lego, quibus S. Jo. Chrysoſtomus Chriſtianos Antiochenos exterruit, eo ſolùm nomine ad omnem vitæ ſanctitatem procurandam planè devinctos, & ineluctabili neceſſitate adſtriſtos pronuntians: quòd Paulus Apoſtolus Aſiam minorem percurrerit. Hic Paulus (ajebat ille) multa in victûs inopiâ, tenuitate veſtis, ſqualore carceris perpeſſus eſt, periculis & incommodis itinerum multa: plurima verò in mutatione hoſpitiſſorum ex unâ in aliam urbem, & à notis Provinciis in Regionem alias à ſuis prorsus abhorrentes migratione ac fugâ. Quid enim aliud Apoſtolus omnèsque illius Coapoſtoli clamabant, quàm: *Uſque in hanc horam & eſurimus, & ſitimus, & nudi ſumus, & colaphis cadimur.* ET INCERTIS VAGAMUR SEDIBUS. Sic enim voces illas: *Instabiles ſumus,* Chryſoſtomus explicat. Secundùm hæc exardeſcens eloquentiſſimus Sacerdos, vitæ tam aſperæ commemoratio-
ne non jam reprehendit, ſed opprimie
popu-

1. Cor. 4. 11.

populares suos omnes. Ergone in conspectu Magistrorum nostrorum pane, panulâ, tecto, patriâ carentium nos de generes eorum alumni, vel in proximos pagos detrectamus excurrere, quamvis extra hæc mœnia vel Neophytos instruendi, vel convertendi Idololatrias, spes nos evocet? Nos, dum illos nec luteæ casæ, aut conferta virgultis mapalia tegunt, ædes attollimus peregrino marmore, Cupressinis, & auro illulis trabibus suffultas? Nos, conspectâ Evangelistarum nostrorum macie, non modò non expallescimus, sed exquisitè condiri epulas & lautitias desideramus? Heu! quantum illorum fortia facta, desidiâ nostram ac molitiem accusant! quantum illorum flammis gelu nostrum adversatur! *Nos Orat. 6. in autem* NE PATRIA QUIDEM AUDEMUS EGREDI, *sed delicias quarimus, 1. Cor. 4. 70. 43. 62.* ET ÆDES SPLENDIDAS, & omnem abundantiam. Quæ sanè verba exanimant audientes. At multò majore metu ego contremisco, veritus ne

ne paucos aliquos nostrum ea fulmina contingant. Haud equidem domicilia nostra Romana lustraturus ingrediar, ut quæ à Summis Pontificibus aut è Serenissimâ stirpe genitis Cardinalibus amplissimis, & sub oculis Decessorum meorum constructa sunt; atque hi, uti fas est credere, illorum auctoritati repugnare haud potuere, ferre videlicet coacti ædificiorum apparatus commodatorum, ut sic dicam, nobis, at non structorum à nobis. Submitto cervicem quantumvis reluctantem Vicariorum Christi, & Ecclesiæ suæ Principum munificentiae, neque gemituum meorum suspiria, & querelarum mearum acerbiter admoveo sanctissimis eorum consiliis, qui ætate, regimine, virtute me præcesserunt. Quam enim isti ab omni fastu alieni fuerint, in Romanâ S. Andreæ domo Tyrociniorum nostrorum Prototypo palam videre licet, quam ex omnibus solam Præpositi Societatis nullâ vel ope vel arbitrio Magnarum struxerunt. Hæc quam

quàm salubris, amœna, spatiosa & nostris aptata usibus est, tam est pariter ornamentis vacua, & omni laterculorum, etiam non sectorum, multoque magis illustrium marmorum aut sculptorum lapidum specie caret, ne lævigatæ quidem calcis tectorio inducta. Adeo enim Majores nostri aversabantur omnem magnifici operis umbram, ut non dubitarent injuriæ temporum tantam structuram exponere potius, quàm ut necessariis munimentis, vel vestigium suspecti splendoris miscerent. Quapropter nec ego, nec vos vel minimæ vanitatis, si quis fortè splendor in quâpiam ædium nostrarum reluceat, condemnare illos velut auctores debemus, qui statuam, quam Romæ in unâ earum erexerunt, tantopere abhorruerunt. Non perinde imperare mihi possem, ut eos non detestarer, qui extra Urbem contra nostrarum Congregationum Decreta super struendis ædificiis condita, & contra nostræ mendicitatis modestiam seu copiâ or-
na-

namentorum , seu Propylæorum magnificentiâ venire auderent. Non hæc ornamenta , sed luxûs potius monstret, aliena prorsus ab eo, qui vestem Apostolicam induit , & Paupertati Evangelicæ Sacramentum dixit. Foret autem longè deterrimum , si hoc unquam contingeret, si, qui nostræ Sanctitatis modestiam dehonestârunt , ac nos ipsos ceu gloriosos ac superbos per eam, quæ in oculos incurrit cælatarum imaginum speciem ostentârunt, interim in penetralibus interioribus ædium præscriptam domibus nostris parcimoniam summâ severitate retinerent, nôsque proinde miseri & egentes in conclavium nostrorum angustiis, in tenuitate unius lignæ sedis , Iconis unius chartacæ , lectuli velis, munimentoque omni spoliati, cariosæ mensulæ de rudi ac informi populo, paucorum librorum, quos nostros dicere non possumus, ut pote Moderatorum arbitrio semper subjectos, existimaremur vestibulorum magnitudini , amplitudine cubi-

cubiculorum, & supellectilis magnificentiâ pariter respondere. Evertat Deus, si hoc unquam eveniret, omnem insolentis substructionis fastum, & omnipotenti suo brachio nimis exornatæ ambitiosæque architectonicæ eam stragem edat, quam inferre imprecationes meæ haud possunt. Id verò me nonnullo solatio recreat, quòd paucissimæ sint moles illæ, quas Dominantium potentia in solis studiorum Universitatibus ad commendationem litterarum erexit, non ignaris Catholicis, eas ab invitis nobis ob solam doctrinæ venerationem nec sine dolore tolerari. Nullus mihi hic sermo de Templis nostris est. Hæc enim Deo soli dicata nullâ unquam ratione possunt vel majestate, vel opulentiâ, tum parietum, tum instrumenti sacri, dignitatem infinitam S. S. Triados exæquare. Quam ob rem Ignatius Parens noster, nòsque ejus Filii Dei Optimi Maximi dignitati omni, quo possumus, splendore contendimus respondere, si modò in Tem-

plis etiam modum non excedamus, aut loci vastitate, & altitudine, quæ Ministeriis nostris officiunt, & pietati Religionique adeuntium haud parum incommodant. De domiciliis nostris loquor, quæ nobis destinantur, non Christo: quæ sicubi modulum nostrum superant, id, veluti diximus, nullo ambitionis nostræ vitio contingit, ac vix evenit, neque; impofterum eveniet: eliminantibus scilicet ex ædibus nostris quamcumque fastus umbram statutorum nostrorum excubiis. Nihilominus si dolores mei ex eo aliquantulum temperantur, quod abortus tam lugendi rarissimi sint, & soli obedientiæ, quam Principibus & Magistratibus debemus, imputandos esse constet; possent forsan illi exasperari aliis expetitorum commodorum & ærumnarum studiosè vitatarum abusibus, ac superfluarum rerum novitate, quam Chrysostomus in populo, quem instruebat, fulminavit. O nos felices, si sola tectorum magnificentia diversos à Francisco faceret, quoniam
quæ

quæ in domiciliis suprâ, quàm conditionis nostræ frugalitas ferat, conspicuis culpa est, ea nullâ nostrâ culpâ contingeret: tales enim habitare domus sustinemus, quales earum Fundatoribus visum est condere; Eo autem utique peccaremus, nisi paupertas tam dilecta Sancto, quem veneramur, foret nobis quoque longè carissima; nostrum enim vitium, multoque gravior & Modestix ac Patientix jactura foret, si quæ sunt inter nos paulò illustriora munia nobis arriderent, & labores minùs honorifici, ac domus minùs copiosæ displicerent. *Nos autem ne patriâ quidem audemus egredi, sed delicias quarimus, & omnem abundantiam, quis enim nostrum esuriit propter verbum Dei? Quis fuit in solitudine?* Hic ille pugio est, qui animum meum transverberat, dum inter tot Filios meos conjunctissimos Cruci, & æumnarum cupidissimos, non possum non aliquos deflere, quietis non admodum inimicos, & qui nonnunquam cum magno

quidem & sui & nostri nominis probro admittant, & forsan emendicent etiam, nescio quam inusitatam rerum copiam Ignatii Discipulis, & Condiscipulis Francisci prorsus indecoram: atque Hi, dum se de recto tramite austeritatis religiosæ seduci à naturæ provisionibus sinunt, tantum abest ut myrrham sibi rubosque excolant, ac circumquaque omnes pereuntis gloriæ flores & secularium deliciarum aromata extirpent, ut omnem ignominiz speciem declinent, & vel ad vocationis, vel sanitatis usque periculum mœrori se permittant, si quando eorum cupiditatibus mora injicitur, & violatarum regularum errores publicis animadversionibus castigantur.

128. Idem planè his quod Colosso Babylonico aliàs sæpe producto à me, consideratòque à vobis accidit. Quòd Statua, cùm eam in ferreâ terreâque ejus parte saxum contigisset commota sit, & levissimum attactum non tulerit, vitiùmque fecerit, magnæ profectò

etò infirmitatis indicium, non verò prodigium fuit. At enim indignum tantâ machinâ monstrum fuit illud, quòd tam exiguâ sui parte perculsa universa concussa fuerit, & in minutissimum pulverem dissoluta ad primos auræ afflatus evanuerit. Quòd si Romanarum Pyramidum alicui eâ, quâ nititur parte, quæque major est ejus portio, dodrans de mole defecetur, descenderet illa sine dubio aliquantulum, sed, ut erat, erecta, nullo in latus alterutrum flexu in basim decideret. Secus autem simulacro illi evenit, quòd ictu levissimo percussum, omni suâ parte continuò solutum, Austris ludibrio fuit. *Percussit STATUAM* *Daniel. 2. 35.*
IN PEDIBUS ejus ferreis, & fictilibus, & comminuit eos: Tunc contrita sunt pariter ferrum, testa, as, argentum & aurum, & redacta quasi in favillam æstiva area, qua raptæ sunt vento, nullusque locus inventus est eis. Ita quòd nostrum aliquis quia facultate quâpiam suâ non rite utatur reprehensus,

aut à munere, quo laudabiliter fungitur, abstractus ex animadversione aut missione datâ aliquantulum commoveatur, infirmitas est indigna quidem eo, qui Christi convitiis in Calvario impetiti, & tot annos in abjectæ officinæ latebris absconditi Crucem sequutus est. At verò simillimum monstro foret, si præ impatientia & irâ ad intolerabiles mœrores sese abiciens, fastidiosè, ac cum stomacho negaret in quocumque alio munere obsequium suum Societati approbaturum, & quam inter nos adeptus est scientiam, easque dotes, quas secum è seculo attulit in illis exercitationibus, quæ minùs periculosæ indolis suæ lenitati, & è re nostra magis futuræ viæ fuissent expromere adhiberèque detrectaret. Heu me! Accidit interdum, ut qui ab uno munere submotus est, universa continuo nullo discrimine rejiciat, & qui non tam punitus, quàm nævo, qui vulnum, aut reduviâ quæ digitum illius infecerat purgatus est, mortuum se proclama-

clamet, & ad omnes labores porro in-
eptum se vociferetur. *Tunc contrita
sunt* PARITER ferrum, testa, æs, ar-
gentum & aurum, nullusque locus inven-
tus est eis. Pergamus: Quemadmo-
dum lapillus, quo immanis simulacri
creta icta est, subinde in immensum
montem excrevit, omnesque terrarum
plagas occupavit, sic in Viri Religiosi
vel castigati, vel munere, vel loco mo-
ti animo ea, quæ excepit monita, & in-
juria, quam sibi factam existimat, in
tantam molem excrescunt, ut omnes
corporis sensus, & facultates animæ
penitus opprimant; quô fit ut horis
omnibus, quocunque in opere, ubique
locorum acceptam cladem mente vo-
lutet. Precibus vacanti acceptæ, ut
arbitratur, injuriæ imago obversatur:
sacras paginas volventi characteres in-
umbrat ignominia, quâ sibi affectus
fuisse videtur: dum pœnitentibus au-
rem adhibet, longè magis exaudit ob-
streptentes sibi aut publicatum errorem
suum, aut animadversionem privatam.

Breviter: seu cum proximis agat, seu ad Aram faciat, seu corpus cibo reficiat, seu dormiat, semper tristibus nebulis fanatici contemptus obsidetur. Quare de glarea mundum sibi fabricatus, calcata Crucis mœstus transfuga, nihil præter contumeliam, quæ nunquam est, nec fuit unquam, aut animo versat, aut sermone sonat. *LAPIS autem, qui percusserat statuam, factus est MONS MAGNUS, & implevit UNIVERSAM TERRAM.* Quo in naufragio cordis miserabilibus angoribusmersi eò miserior est afflicti hominis anima, quòd levissimi tactus immerito dolori fabulosum causarum volumen attexat, quæ nec per somnium occurrerunt iis, à quibus se læsum opinatur. Arbitratur infelix lapidem à monte præmeditato consilio eum revellendi, exacuendique fuisse rescissum: libratam limis oculis dexteram ad sensum doloris, quem ab eâ animadversione præsentisceret, infligendum: ratus diù antè multumque à Præposito
in

in arcano Senatu expensum fuisse verbum illud, quo perstrictus est: certò sibi persuadens eam, quæ ipsi negata venia est, aut munus, quod mutare iussus fuit, indè coorta, quòd Præsidum severitatem excitasset implacabilis memoria earum rerum, quas Juvenis atque olim per socordiam ac incuriam perpetraverit. Neque tamen animadvertit infelix inanium prorsus machinarum architectus, perinde sibi ac simulacro evenisse. Id quidem perculit lapis, sed fortuitò à monte seu antegressis pluviis elutus, seu temporis edacitate corrosus, nullo ingenio scalpri, nullà consilii malignitate, aut artificis odio solutus. *Abscissus est LAPIS DE MONTE SINE MANIBUS, & percussit statuam in pedibus.* Ita te Præses ab uno in alium locum transtulit, non ut pudore te afficeret, sed quòd, cùm necessariò subrogandus esset, qui Domui ab Operariis non instructissimæ operam navaret suam, te illo ministerio judicavit aptiorem. Sic quo-

que, si responsa tibi aliquando minùs blanda, nec sesamo papaverèque conspersa reddita sunt, non ea præteriti teporis tui, aut in aversionem obstinati animi, à quo inhumanam repulsam passus es, vindicta fuit; fuit ea potius negotiorum multitudo, quæ Præposito tuo solitam humanitatem, ac spatium ademit antè secum expendendi, quàm negaret, quod concedi non potest, & id jubendi, quod Præfecturæ suæ ratio postulat. Contingit enim sæpenumero, ut vel rerum varietas, vel negotiorum pondus, aut perturbatio animi, aut nova imperia, aut rerum perperam gestarum deprehensa indicia, aut recens incussi metus, eos qui præsumunt, annuere prohibeant, suamque adeò suavitatem mandata non servant. Sufficiat igitur, ut ne acerba illic mysteria fingantur, ubi non sunt, meminisse, non de industria lapillum ad Colossi pedes devolutum fuisse, sed quòd à rupe divisum terræ hiatus, & sua cum gravitas ad

infe-

inferiorem glebæ partem pertraxerint. Ne, quæso, enodandæ simplicissimæ fortuitæque sententiæ advocentur tot Sphyngeſ, quæ suâ interpretatione, non eam explicant, sed pluribus nodis adstringant.

129. Foret profectò supra omnem patientiæ modum misera Regentium conditio, nisi Evangelicæ Obedientiæ, ac Paupertatis Alumni tam molles ac delicati, tam exiguo quoque numero essent; deficeret enim Præsides & de suis statuendi libertas, & negotiis consulendi facultas omnis. Sint nobis sanè Colossi minùs vasti, ac statuæ humiliores, siquidem ingentes illas quælibet tentabundæ manûs tractatio impellit in desperatos mœrores, & obstinatam fugam cujuscumque muneris ab eo, quod ardebant, diversi, quodque illis vel temporis ratio non dum maturi, vel graves aliæ causæ distulerunt. Eam ob rem ego quidem non continuò lætitiæ me permitto, cùm Tyrocinia nostra ingrediuntur adolescen-

scentes ortu illustres, perspicacis ingenii, & oris disertis præclaris ornamentis insignes: contineo tantisper gaudia mea. Quod si enim earum dorum claritati morigera Regentibus docilitas, & in eventis, quæ subinde consequuntur, constantia non responderit, nihil opis est vel in copia ornamentorum quibus præditus est, vel in claritate stirpis, vel in acumine ingenii, vel in existimatione aut gratiâ, quam sibi vel apud litteratos, vel apud Magnates comparavit. Quanta æris, argenti, atque auri vis in eam molem, quam Rex Chaldæus somniaverat, infusa radiavit, & tamen metallorum tam illustrium tam copiosus ac multiplex apparatus, repente concidit, atque evanuit: sic ut ad prodigiosæ majestatis memoriam ne pulvisculus quidem superesset. NULLUSQUE LOCUS INVENTUS EST EIS. Sint sanè Scholastici nostri ac Sacerdotes minus docti, celebres minus, & à splendore sanguinis, & mentis perspicaciâ minus

nus conspicui, sed qui ad sublevandas
 Ductorum suorum necessitates flecti
 se patiantur; nec ullis humanorum
 eventuum impulsibus cedant, quæ ni-
 mirum varietates hanc vitæ humanæ
 imbecillitatem, & religiosæ discipli-
 næ asperitatem nunquam non comi-
 tantur: ut si contingat interdum eos
 modicæ lucis candelabris imponi, vel
 etiam sub occupationum parùm in-
 vulgus probabilium Modio delitescere
 sinantur, ament eum, à quo pre-
 muntur, & DEUM laudent, à quo
 non extolluntur. Pro confirmatio-
 ne doctrinæ non perinde omnibus sa-
 cris Cœtibus familiaris dubium libet
 exponere, quod Romani illi Agricola
 proposuerunt, qui Consularibus fasci-
 bus stivam sociabant. Disceptabant
 isti, utrùm Salices, an Vites plantare
 præstaret? Equidem primam proble-
 matis speciem intuentibus risum quæ-
 stio movet, ac disputantes ludibrio vi-
 detur exponere; qualis enim compa-
 ratio vitis racemis cum sterilibus ra-
 mis

mis falicis intercedere potest ? Quòd si tamen utriusque emolumenta trutinentur, subducanturque rationes, irrisi virgulti stirps palmitem vincit. Fecundæ sunt utique nobilesque vites, at quot impensis, quantâ diligentia stant cultoribus suis ? Pastinum per tot menses nunquam à pedamine removetur. Falcula sæpe in totum, quo vitis brachia extenduntur, spatium vibratur. Ullmus, cui maritatur, vinitoris industriam requirit, quam suo quoque tempore frondare manus debet. Si lacrymanti viti aspirant auræ, vel ab Aquilone oppidò frigidæ, vel ab Austro nimium humidæ, nequicquam ab ea vinum expectes; si parcius pluvix Cælum fuerit, acini non pinguescunt; si largum, marcent. Ita pariter cum gemmascit, rabidorum animalculorum pesti malleoli subjacent, & si pruina caliculum usserit, de vindemiâ conclamatum est. Nihil dico, quàm facilè vinum acescat, quàm ægre per æstatem super humum,

hye-

hyeme verò in subterraneis cellis conservetur. Salicem verò depauxisse fat est : quam cum alternis annis semel circumfoderis , adeò ramorum suorum prodiga est ; ut quo plures reciduntur , tantò feliciùs repullulent , uberrimo lucro coloni. Ea propter Historicus Naturalis scribere non dubitavit , multis partibus ab arbore tam vulgari celebratos adeò vinearum palmites superari : *Cadua salici fertilitas , densiorque tonsura ; nullius quippe*

Lib. 16. c. 38.

To. 57. 137.

tutior est redditus , minorisve impendii ,
 AUT TEMPESTATUM SECURIOR. Bacchentur licet Aquilones , grandinis imbres ruant , & facto agmine arborem inundent Erucæ , Bruchi , Vermes , & Locustæ , salix tamen obnitentibus frustra tot hostibus , & ringentibus necquicquam Elementorum furiis , ramusculos suos profert , & cultori suo vincula ministrat , renascentium usque viminum copiam rependens putationis injuriæ. *Nulla tempestatum securior , nulliusque*
den-

densior tonsura. Atque hoc est, quod conabar exponere, cuique cum verba non invenirem, idipsum quotidie oculis nostris spectandum terra subjicit. Paucorum quorundam Religiosorum nobilissimæ dotes non secus ac Vites post innumeros labores, & maximas expensas fructum reddunt Societati. Molli manu tractari à Rectoribus suis postulant, & à Ducibus suis singularem sollicitudinem exquirunt, ne unquam ipsis desint splendida munera, theatrum amplum, commodæ domus, perhumaniter haberi, & omnium votorum suorum sine morâ damnari, post quemlibet laborem, diuturnam sibi vacationem indulgeri, & immeritis laudibus vel mediocrem operam suam celebrari, & nullo vel humanissimo verbulo perstringi errores suos, semper vigili curâ præferri omnibus, primos in Cœnis accubitus sibi seponi, primas in Synagogis Cathedras, in Conciliis præcipuas sedes sibi servari volunt: Et nisi per viam rosis constrata-

tam

tam passum non promovent, quemadmodum nisi aura popularis aspiret, vocem proferre dedignantur. Sic ego per Metaphorarum umbras dissero, veritus, ne, quem tego, detegam, aut oratione meâ vulnerem, cujus me ratio vivendi cruentat. Constat sanè ab aliquibus, licèt paucissimis, qui mirè sibi placent, nullumquè jaçtandi se se, suâque ornamenta prædicandi, finem faciunt, Præsidibus facultatem adimi, vel necessitatibus Collegiorum prospiciendi, vel munij successorum dandi, nisi blandissimis excusationibus, & amplissimis pollicitationibus eos sibi conciliârint, qui infra dignitatem suam sedem omnem arbitrantur, nisi de summo fastigio prudentiæ, aut sapientiæ suæ lucem latè diffundant circumcincti sideribus & Iride coronati. Cùm interim alij humanis quidem dotibus minùs exornati, sed à Pietate ac virtute longè magis instructi, omnem Urbem pro Hierosolymis, quamlibet sedem pro solio, quamvis ædem pro Salomonis

Templo, unumquodque Collegium, ut Cedrinam Davidis Domum æstiment; quodeunque ministerium quantumvis operosum, exiguum, neglectumque, Aaronis Pontificatu non inferius, & prodigioso Imperio Moysis aperientis maria, & Ægyptum flagellantis sublimius reputent. Vah vites! eradicet vos Deus, à palmitibus Apostolicis tam diversas! Illi enim quolibet in sabulo renascebantur, sub qualibet auræ temperie florebant, & citra cultum ac curam, ultrò fructibus suis mundum ditabant, nec tamen à mundo quidquam reperebant. At contrà rore Cæli ac benigno siderum illapsu salicam humilitatem Christus fecundet, quibus ut germinet, ac fructum ferant, minus nihilo sat est. DENSIORQ; TONSURA, ET TEMPESTATUM SECURIOR.

130. Putari, ac fecundari; tempestatibus obrui, nec commoveri; proprietates sunt ejusmodi, quæ Desertores Crucis à filiis Crucifixi distinguunt.

Quid,

Quid, inquam, non commoveri? Quin
imò chalybis aciem, & stragem Ele-
mentorum Francisci & Ignatij primi
Alumni sponte suâ sequebantur. Id
ab universis Collegium præferbatur,
in quo annona & supellex esset angu-
stior. Ea officia illi importunis preci-
bus prensabant, quæ per continuos la-
bores ducerentur, & nullâ operæ gratiâ
compensabantur: neglecti lætabantur;
læsi exultabant; à Præpositis suis de-
pressi, & à nefarijs hominibus concul-
cati triumphabant. Quotquot Basili-
scos ac Monstra Petri velum concluder-
at, tot generosæ illæ animæ, nullâ refu-
gientis stomachi ne umbrâ quidem,
protinus ut invitati erant, intrepidè de-
vorabant, atque in venenis alimentum,
& in morte vitam inveniebant; Cervo-
rum instar volvebantur Serpentibus
haud segniùs, quàm in Coturnices ir-
ruant helluones. *Coluber illi non erat*
noxa, sed prada. Et illi quidem cum
voluptate viperas ac Dracones glutie-
bant, & nos si fortè in fauces musca in-

S. Ambros. l.

6. in Psal.

118.

To. 41. 69.

volârit, aut formica irrepsit, jugulatos nos vociferamur? Si ab ore Rectorum nostrorum syllaba non mellita, eruperit, aut periodus non ad omnem humanitatem velut ad amussim exacta prodierit: dolore conficimur scilicet, ac sublato ejulatu confossum nobis pectus esse proclamamus? Eadem debilitate, si vel Athei cujusdam virtutem ridentis impudentia, vel Hæretici Theologiam exosi rabies, aut improbi Catholici perfectionem respuentis pertinacia, aut competitoris non ferentis sibi quemquam vel probitatis famâ, vel doctrinæ plausu præferri, invidia nos in vulgus traducat, accuset in Judicijs, Fidem nostram scriptis suis eleuet, in Academijs oppugnet, continuò libros abijcimus, bene cœpta deferimus, docere, scribere detrectamus? Declamamus in ingratum seculi genium salutis Ministros, & Interpretes Evangelij negligentis: opilandas illi fauces esse silentio, aperiendosque oculos luce subtrahâ, ne, quid sentire debeant, videant, & erro-

res

res suos agnoscant, dictitamus. Non est hoc profectò serpentibus pasci, & inter nives florescere. *Coluber illi non erat noxa, sed praeda.* Minus, obsecrò, de ingratissimis, & obrectatoribus queramus, & firmiore memoriâ quid jubeant, suadeântque Constitutiones nostræ retineamus. Nempe ut frontem opprobrijs, pectus gladijs, cor hostib⁹ offeram⁹, ut æquo animo toleremus ingratos, injurias amem⁹, & inimicos amplexemur. Talis in tot adversitatibus, cùm traduci sua itinera, & industrias oppugnari videret, Franciscus fuit; atque ideò amabilem se Barbaris, ut rerum dominis venerabilem reddidit. Ita pariter, qui hunc imitatus avidè labores arripuit, nec gratam vicem eorum, in quos beneficia contulerat, expectavit, urbes totas duxit, quò volebat, & imperantibus imperavit.

131. Id certè Noëmo tot ferarum, quot Arca concluderat, Domitori S. Augustinus scripsit accidisse. Eas ille omnes & frenavit, & rexit: Hoc illi

præmium meruerat ea tranquillitas animi, quâ ratis caliginem, belluarum consortium, Cœli tonitrua, ventorum impetus, undarum procellas, Carinæ Mephitim, & aquarum Diluvium patienter sustinuit. Tantæ rerum omnium perturbationis, mundi communium Exsequiarum, tam horrendæ stragis, & vastitatis prorsus irreparabilis patientia, quâ Senex sanctissimus per demissum obsequium divinis Edictis assensus, nullo querimoniarum ullius suspirio edito, sed indefessâ Psalmodiâ laudes Dei, excidij, illius Auctoris celebravit, illi parère Pantheras, & servire Leones coëgit. *Ibi agnoscit ordinem suum*

Serm. 45. de

Temp.

Te. 41. 152.

feritas, quia se cognovit humanitas; ET
JUBENTI HOMINI OBEDIUNT,
QVIA HOMINEM SUPERIORI DOMINO OBEDISSE COGNOSCUNT.
 Ærumnæ videlicet læto ac lubenti animo toleratæ modestissimum Virum ferocibus Leonibus formidabilem, & vastis Elephantis verendum Rectorem præstiterunt. Sic Patribus nostris Eque-

Equestris ac Senatorius Ordo, Classi-
um Præfecti, Principes, Antistites, &
Clerus se submiserunt, quòd eos viderent
aquis animis inopiam ferre, inter
labores exultare lætitiâ, nullâ cujus-
quam importunitate superari, semper-
que magis ac magis ad instruendos,
sublevandósque populos incendi, quò
minùs gratos se se illis exhibebant im-
probi, quos correxerant; cœtus quo-
rum mores emendârunt; Idololatras
quos ad Deum converterant. Nostrâ
quoque tempestate Altaria nostra, Sa-
cerdotes nostri, Sacri nostri sermones,
ingenti gloriosâque Oratoribus nostris
Concione frequentabantur, eò quòd
Operariorum nostrorum virtuti grave
non esset, noctes insomnes ad morien-
tium lectulos ducere, diem verò aut sa-
cro Tribunali confixos, aut per Nosoco-
mia & carceres distributos exigere.
Quòd si jam ad hujus Templi officia,
minor unda populi conflueret, suspica-
ri forsan liceret, non omnes Sacerdo-
tes, quibus aliënæ salutis procuratio in-

cumbit, tales esse, quales eorum sunt multi, tantâ in loquendo gravitate, tantâ ad audiendum promptitudine, tantâ in relaxandis peccatis benignitate, tam Apostolicâ tum oratione, tum stylo, dum Sacras paginas interpretantur; quales in veteribus illis Roma suspexit. Utinam quemadmodum tot nostri Sacerdotes, tantâ siti animarum, tantâ cupiditate convertendarum Gentium incensi, tam sui obliti, & ad munia sua intenti sunt, sic essent omnes, quotquot informandis ad Sanctitatem animabus præfecti, in hoc primo Societatis nostræ Templo, aut pro Tribunali sedent, aut è suggestu verba faciunt. Neque verò causetur quispiam, si quando rari poenitentes se ad pedes nostros abjecerint, aut infrequens concio dicentibus adfuerit, id à loci à Palatijs circumfessi, & populo vacui solitudine provenire. Nam etsi non negem, hoc domicilium à frequentiore S. Urbis populosioreque parte disjunctum esse, nego tamen Auditorum nostrorum infrequentiam, &

exi-

exiguum sectatorum numerum ejusmodi solitudini adscribi posse. Loci positus idem est hodiéque, qui S. Patris ætate fuit, cùm arctum populis vetus Templum esset, nec Domûs vestibula multitudinem caperent. Plures per illa tempora S. R. E. Cardinales, plurésque Principes accurrebant ad Exegesés sacras, cùm novæ veterisque Legis dubia exponeremus, excipiendas; audiendosque, qui diebus Dominicis per annum dicebant, quàm modò vel in solemnibus diebus, vel sacris per quadragésimam ferijs conveniant. Non est profectò, non est mutatus locus: quare, si quæ diversitas accidit, extra dubium est, id non ab ædificij positu, sed ab Operariorum tepore proficisci. Si Apostolici fuerint Oratores nostri, si studio animarum Confessarij nostri flagraverint; si graves maturæque fuerint sententiæ nostræ, ab omni urbis Regione, advolabunt, qui dubia sua proponant, qui de peccatis se accusent, qui cupiant emendari. Numquid non vicinum

est nobis nec minùs, ac nos, à populi frequentia remotum Collegium Romanum? Et tamen ob ingentem existimationem, quam de sanitate doctrinæ, de singulari peritiâ Magistrorum tam celebris Academiæ scholas regentium, omnes habent, pro se quisque filios illuc suos dimittit, tametsi trans Tyberim, & ultra Pontem Ælium colant, atque illuc summo suo incommodo per hyemis frigora, & ardores Caniculæ se conferunt, ut bene scribendi artem, & rectè sentiendi Disciplinam addiscant? Tantum valet Magistrorum optimorum existimatio, ut ab omni parte Urbis, quamvis remotâ, ad excipiendas, quas tradimus bonas artes, tenera juventus attrahatur. Idem continget quoque, si, ut olim, & nunc etiam magnâ ex parte accidit, Templi nostri Mystas, & porticus nostræ Consiliarios antiquum illum ardorem magis etiam quàm unquam aliàs spirare sibi persuaserint, à quibus videlicet nemo non speret se virtutis egregiæ documenta, & facilem

noxarum suarum veniam consecuturum.

Patres mei! non multi, sed omnes simus, quales veterum Patrū nostrorum singuli fuerunt: cupiamus nimirum non minùs, quàm illi ardentè ad pietatem permovere, atque adjuvare omnes, qui vel in suprema cum morte lucta, vel inter vitæ animæque discrimina constituti opem nostram implo- rant: & deprehendetis subinde verè e- ditum, instauratùmque in nobis Isaia Oraculum fuisse, inundationes populo- rum & incredibilem infimorum juxta & summorum undique accurrentium frequentiam promittentis.

123. Et profectò tam sancta hominum miserorum, suâque com- missa plangentium inundatione nos vi- debimus obrui, si non modò Austeri- tatis & Virtutis amorem dignum eo, cui vel Francisci vel Ignatij licuit esse Discipulo, verùm etiam sitim illam la- borum atque ærumnarum, illam com- modorum patientiam, & beatum illud fastidium honorum ac commodorum

revo-

revocaverimus, instauraverimúsque,
 cui sub prima Religiosæ vitæ, tempora
 insuevimus. Nos quoque cùm abje-
 ctis Ægypti bullis ac phaleris Jesu Chri-
 sti sanguine purpurata insignia indui-
 mus, in primis probationis nostræ ex-
 perimentis admirabili luce refulsimus,
 quam nobis non patiendi solùm, sed
 exquisitos etiam cruciatus perferendi,
 non pietatis tantùm sensum, sed ipsam
 Sanctitatem in proximos transfunden-
 di, ardentia desideria circumdederunt.
 Recurrant nobis in memoriam itinera
 pedibus confecta, somni super stramen-
 ta capti, duri atrique panis alimonia, Ca-
 techismorum simplicitas, divexati cor-
 poris sævities, inopia rerum necessaria-
 rum, ad sacra loca pro more peregrin-
 antibus tolerata: omnia denique ru-
 dimenta illa Sanctitatis cum postero-
 rum annorum processu comparemus.
 Et quemadmodum in multis unà cum
 ætate austeritatis, & animarum ardor
 crevit, ita fieri potest, ut in aliquo mihi
 non absimili, non dicam in ferendâ,
 sed

sed amandâ Cruce pristinum illud ro-
bur nonnihil elanguerit. Nollem e-
quidem, ut, qui se ejusmodi Instituti ac
Vexilli socium, & Commilitonem esse,
ferventissimi Apostoli gloriatur, Palmæ
similis esset. Hæc, uti S. Gregorius de-
cimo nono Moraliū acutè notavit, è
stipite surgit eâ asperitate, exilitate, ac
frondium inopiâ, ut desertissimæ soli-
tudinis humile virgultum videri possit;
subinde quantò altiùs se attollit, tantò
apparet minùs scabra, subsq̃ue ramos
in tantum spatium amplitudinẽque
porrigit, ut de illâ dictum videatur,
quod Jacobo Patriarchæ promissum
fuerat. *Dilataberis ad Occidentem, &*

Genes. 28.

Orientem, & Septentrionem, & Meridi-

14.

em. Palma QVÆ TENUIS, ab imo pro-

Moral. 19.

ficit, VASTIOR AD SUMMAM succrescit.

Qui antehac nunquam ad natales suos
animum reflexerat; qui semper dotes
suas studiosè occultârat; qui quolibet
Dei Domûs angulo indignum se repu-
taverat; qui horis omnibus abiici ac
contemni, corpûsque suum atteri, de-

side-

fideria sua opprimi expetierat, adjugebatque ultrò Ciliciorum cruciatus, flagellorū tormenta, usu; sui ipsius victoriam, precum prolixitatem, indefessi laboris jugum, nunc cunas reteggit illustres, aut velat obscuras: depressionem vitat, & ad honores enititur: manna suspirat, & fastidit legumina, cū laudatur, exultat: cū corrigitur, queritur: rigorem temperat, & ad labores à quiete segnius redit. *Quæ tenuis ab imis proficit VASTIOR ad summa succrescit.* Cui quondam sarrum rectum conclave, cibus conditus, quies moderata, vestis honesta, ministerium non laboriosum, instar damnati luxus, & tanquam deliciae detestabiles videbantur, nunc forsane æqualem se Martyribus putat, si cubiculum, quod incolit, per hyemem meridiano Soli non obvertatur; si togæ limbus resarcinetur; si cibus desint aromata; nisi laboribus suis theatrum pandatur ejusmodi, à quo immortalitati suum nomen consecratur, dicaturque omnes, quot quot ante illum diem eum

præcesserunt universos suâ unius luce
inobscurâsse. Jam verò si monstrum,
tam informe, quod nos in alios ab iis,
qui fuim⁹, commutâisset, IN ALIQUO
NOSTRUM cû aliquâ specie veri argui
unquam posset, continuò infrequentis
illius ad exercitationes nostras concur-
sûs, & venerationis nomini nostro de-
tractæ, manifestè reus ageretur. Aver-
tat Bonum Numen, ut Palmæ simus, &
Cupressi esse desinamus. Quapropter
quantò nos altiùs antiquitas ac celsitu-
do Gradûs, munerum celebritas, popu-
lorum acclamatio, meritorum fama,
provexerit, tantò nos tenuiores, mino-
resque in privata existimatione nostri,
& in externarum functionum specie
reddamus. Sudare magis, quàm reful-
gere cupiamus. Ea sanè Cupressi natu-
ra est, ut ejus altitudo cum tenuitate,
pari incremento crescat, quantò subli-
mioris, tantò gracilioris. Novimus, ci-
tra laborum pondera, & perturbatio-
num nostrarum victoriam innocentiae
quoque coronam negari, nec ipsi quî-
dem

dem Apostolatui bravium concedi, aut diadema elaborari nisi post certamen. *Parum laudis habet corona Virtutum* (ut apud Valerianum legimus) QVÆ EX LABORE NON DESCENDIT.

Hom. 4.
To. II. 166.

133. Prohibeat Deus, ne Augustini seculo seculum nostrum respondeat. Is certè in Tractatu de Opere Monachorum haud paucos Monasterii sui Alumnos tã otiosos, & ab omni subeūdâ molestia tã alienos fuisse quëritur, ut in Religionis Golgotham virorem Libani, & Carmeli fertilitatem transferrent, atque adeò loco poenarum, quas exemplo Christi super infamem scopulum inter duos Latrones confixi ambire debuerant, haud aliter, quàm si pro Calvario Thaboræum montem incolerent, & luce irradiati refulgere, & albescere nivibus inter Eliæ Vatis, & Moyſis Legislatoris obsequia cuperent. *Vitam inopem & laboriosam fugientes, vacui, pasci, ac vestiri voluerūt : Et INSUPER HONORARI AB EIS, à quibus contemni contempnique consueverunt.* Atque utinam isti, ut

De opere
Monach.

Tom. 19. 74

ut sunt à Cruce refixi, & à clavis alieni, quemadmodum otiosas manus, ita pariter quietam linguam haberent! verum enim verò quàm segnes ad laborem manus afferunt, tam in aliorum exitium pròptam linguam habent, quàm teporem ardentibus afflant, & strenuè laborantium industrias injectis vinculis cohibent. Ajunt, unum munus sufficere, ut de Ordine tuo bene merearis. Suadent, ut Camelorum instar onus excutias, si solito majus imponitur. Audacter quiritari & reluctari contumaciter hortantur, quibus vel ob paucitatem Operarum vel Collegiorum necessitates novum aliquod præter usitatum munus adiicitur. Addunt animos illis, qui ad ollas Ægyptias respectant, palearum juxta & fornacum obliti. Ideò exclamat Augustinus. *Utinam isti, qui vacare volunt manibus, omnino VACARENT ET LINGVIS; neque enim tam multos ad imitationem provocarent,* SI EIS NON TANTUM EXEMPLA PIGRA, SED ETIAM MUTA PROPONERENT.

134. Antequam verò tam improbos Declamatores, tamque miserè deceptos Auditores, qui serpentium falsâ Charitatis specie in modestorum præjudicium vigilantis exitiabilissima sibi la pronis auribus hauriunt, Francisci Brachio & cœlestibus telis fulminem, precum mearum prius infelicitas mihi deploranda est. Audistis hætenus quantis rationum momentis, & sacrorum testimoniorum auctoritate ignavam mollitiem reprehenderim, quantaque contentione amorem incommodorum, & constantiam in tormentis nostris hominibus persuaferim. Haud equidem muto sententiam, imò desertorem, nec Ignatiani agminis & Xaveriani signi militem eum esse dico, quisquis simili cum illis ad ærumnas affectu non exclamat. *Mihi autem absit gloriari* NISI IN CRUCE. Hanc uti recipi in amplexum cupio, cum eam nobis vel pauperitatis angustię, vel ardoris nostri exserendi opportunitas obtulerit: Ita nolim eam per eorum, qui præsunt, incu-

curiam illis iniici, qui Societatis curam matrum suarum providentiæ uberibûsque prætulerunt. Equidem toties privatim ac publicè Præsides, ut ad sublevandas necessitates subditorum promptè studiosèque se demitterent, sum obtestatus, ut sæpius mihi faciendum fuisset meritò queri possim. Sicut enim vos à subditis postulatis, uti horam manè contemplationi de genibus impendant, ut per tot alias horas severè silentium custodiant, ut tanto tempore, vel in excipiendis confessionibus, vel in tradendis litteris desudent, ut perfectionem tot Regularum consecutentur, ut à necessariis suis, & à paternis ædibus tam procul degant, à dignitatibus tam sint alieni, nihil à consanguineis conquirant, omni que adeò privatâ sui curâ exsoluti vitam exigant. Sic ad vos spectat, de necessario victu, honesto vestitu, & quibuscumque opportunis refocillationibus curiosissimè illis prospicere, quas scilicet Instituti nostri rationes iis indulgent, qui se vobis crediderunt. Igitur

tūrne tam æquis postulatis frustrato, & tam iniquæ negligentiae dolore contabescenti emoriendum mihi erit? Pudet forsan ad recognoscendas officinas & necessitates inspiciendas descendere? En vobis Regem Gothum, qui hâc ipsâ in Urbe, in qua degimus, è Capitolio se demittens, positis regiis vestibibus, furnos lustrat, & panis pisturam, candom, ac pondus inspicit; haud indignâ majestate regiâ sollicitudinem ratus, inspectorem agere ministrorum, & manuarum operarum, quò subditis suis ritè annona præbeatur. PER OFFICINAS PISTORUM DISCŪRRIS, *pen-*
sum & munditiem panis exigit, nec vile
judicas esse, unde te possit Roma laudare.
 Quòd si eò usque potentissimorum Regnorum Dominus, licèt Hæresi contactus se demisit, ut nutrirentur qui mandatis suis parebant, & ut Fides constaret Mercimoniis eorum, qui cum ad expeditiones suas, quas illi vel furor, vel fastus suggerebat, secuturi erant: quanto potiore jure Præsidem Religiosum
 uti-

Cassiod. l. 4.

Var. form.

19.

Tom. 20, 51.

utilitati eorum animorum, qui propagationi Evangelii consecrati, & familiarissimis Reparatoris nostri Discipulis sunt accensi, allaborare par erit? Quid est causæ, quòd ego in subditis tolerantiam Timothei, & in Superioribus Pauli Charitatem non videam? Ille cum molestis ac continuis exhausti ventriculi resolutionibus laboraret, aquam nihilominus bibere perseverabat. Hic sustinebat humeris suis immensam molem Christianæ Reip. universæ. *Solitudinem omnium Ecclesiarum.* Et tamen ^{1. Cor. 12.} _{18.} pelago quodammersus anxietatum, quas illi cura Christianæ fidei in animis Fidelium in perturbatissimo rerum statu, & inter immaniſſimas carnificinas, quibus illorum corpora distrahebantur, conservandæ longè gravissimas pariebat, tam attentè animum ad cuiusdam sui Discipuli necessitates advertit, ut illi quid quantùmque biberet, præscripserit. *MODICO VINO UTERE* ^{1. Tim. 5. 23.} *propter stomachum.* Felices nos! si Rectorum humanitas tam perspicaci ocu-

lo necessitates inspiceret subjectorum, & si tanta in subditis esset ad molestias austeritatēque propensio, ut vel ægri vulgaria fomenta recusarent, & laboribus suis Gigantum robur æquarent. In contemplatione tam sanctæ contentionis inter Discipulum egentem, & abstinentem; & Magistrum simul gravissimis curis oppressum, simul languenti stomacho consulentem, velut extra se positus S. Joannes Chrysostomus exclamavit. *Concedatis aliquid de Timothei virtute, & Pauli curâ dicere.*

Hom. 2. Pop.

*Ant. de e-
brier.*

Tom. 20, 90.

135. Quòd si autem hoc Providentia Divina siverit, ut inter nos desiderentur, qui Pauli vestigia prementes, quid subditis conveniat, provideant: Timotheos saltē quàm plurimos tribuat, qui quod naturæ defuerit, Gratia viribus suppleant. Nemo verò queratur se inopem vitam agitare, aut grave Votorum jugum ferre non posse; nam qui de iis quereretur, is Dei Filium mendaciis argueret, leve id pondus esse ac suave affirmantem, ac proinde gregalibus Sa-
tha-

thanæ mendaciorum omnium Patris accensus inter primogenitos Dei Filios reprobationis stigma circumferret.

Contra istorum iniquissimas querimonias S. Valerianus tonat, eosque damnato gregi Hædorum annumerat, & ab Agnorum æternæ gloriæ destinatorum consortio sejungit. *Humilitati Pietatiq;* Ham. 2.

servire leve onus, & jugum Domini est, Tom. II 166
quod non gravat nisi

AUT PERDITOS, AUT PERITUROS. At vos lingue vipereæ (si quidem in hoc S. Xaverii mystico Paradiso vel unus serpens repit, qui præceptorum reverentiam dissuadet, & ad laxanda licentiæ frenas sodales hortatur) etiam atque etiam considerate, quantò acerbius Petrum castigaverit Christus, cùm se à Cruce dimovere conaretur, quàm cùm ipsum ejuraret in Palatio. Imprudentis cujusdam miserationis impetu actus Simon. Divino Magistro famæ, vitæque jacturam in atroci Crucis supplicio facientem Discipulis suis prænuntianti, ausus est suadere, ut à se calamitatem illam averteret: *Absit à te Domine.* Vix im-

Matth. 16.

23:

peritus amator preces suas absolverat, cum vehementer commotus Christus, eum à se rejecit, & triumphorum suorum Remoram, ac Luciferi Oratorem appellavit. *Vade post me Sathana: scandalum es mihi.* Sed qui Leonis instar rugiit, cum pravo consilio moneretur tormenta vitare, cum subinde Petrus, à se illum cognosci per summum scelus negasset, & negationi perjuria junxisset; eum ad lacrymas amabili aspectu invitavit, & vix primas stillas ex oculis profundenti horribilem linguæ perfidiam condonavit. Adeò, quod unumquemque nostrum maximis terroribus debet concutere, magis commotus est Servator, cum se à cursu, quem ad Concilii Aulam, ad Columnæ flagra, ad Prætorii spinas, ad Montem supplicii cœperat, audiret revocari; quam cum tot beneficiis ornatus Pōtifex probro sibi duxit, familiarem se ipsius, & amicum profiteri. Igitur hac diversitate pœnæ non internæ quidem, sed apparentis, quâ mulctatus Petrus est, majoris videlicet cum à Christo ignominias & vulne-

ne-

nera removeret, minoris autem, cum ab eodem perfidus transfuga descivisset, attonitus prorsus, & præ stupore vix mihi præsens repeto. *Utinam qui vacare volunt manibus, vacarent omnino & linguis.* Si quis itaque in Dei servitio marcet, sedeat sanè, si sic lubet; sed obmutescat, ut piscis: vapulabit is quidem ob otii socordiam, si jaceat, sed non velut Corruptor castigabitur, si taceat. Væ tepidis, nisi linguam amittant, ac vocem: væ si de propriis vitiis parum solliciti, teporis sui socios conscribant alienæ virtutis objurgatores & ignaviæ patroni! *Neque enim tam multos ad imitationem invitarent, si eis non tantum exempla pigra, SED ETIAM MUTA proponerent.* Spero equidem nullum fore, quem inter Sanctos ardore Francisci lethale hoc frigus adstringat, multoque mihi amplius promitto futurum, ut si quis in tanto ferventium exemplorum, & Apostolicarum cogitationum incendio non nihil aliquando refrixisset, assecclas tamen repudiaret teporis sui, & privatim incurius, sine-

ret, ut omnes alii ceu germana Societatis soboles, Divi nostri adorantes vestigia, magnis animis tormenta provocarent, & generoso contemptu procul à se delicias omnes amoliti, ex animi sui sententia exclamarent. *Mihi autem absit gloriari nisi in Cruce Domini.*
 Quod utin ore omnium est, ita nunquam non futurum existimo.



EXHORTATIO XII.

*Ad PP. Procuratores Provin-
ciarum dicta in Conclavi Congre-
gationis eorum generalis.*

Cúmque descenderet Moyſes de monte Sinai, tenebat duas tabulas testimoni, & ignorabat quòd cornuta eſſet facies ſua ex conſortio ſermonis Domini. *Exod. 34.*

E Quidem de Societate quilibet Sacerdos Legum tenax & exemplis vitæ illuſtris eſſe debet. Id autem præſtare longè magis par eſt eos, qui gradu, & ætate ſunt magis conſpicui. Quod tamen conſequetur nemo, niſi meditationis ſtudium in rebus, quas gerit, omnibus adhibuerit, nec in adverſâ quoque valetudi-
ne

ne omiserit. Subinde Religiosi Veterani Virtutis propriæ studio perfectionis alienæ singularem curâ adjungant, nec ullâ ratione dissimulent, si quid fortè peccatum sit.

136.

QUisquis inter nos post confectos studiorum labores Societatis Sacerdotibus accensetur, nisi penitus se in novum aliquem Instituti nostri Moysen transmutarit, non est is aut verus illius Operarius, aut dignus S. Parente Filius. Quam vitæ perfectionem si ab illo quoque requiro, qui etiamnum, ut sic loquar, in Apostolatûs cunis vagit, recentique chrismate delibutas manus nuper consecratus Sacerdos habet: Vos, qui Domûs Dei Columnæ quædam, ac Arbitri estis tam gravis negotii, quale scilicet est, an Generalem Congregationem cogi nec ne oporteat, decernere; seriò cum animis vestris expendite, quantò major vobis necessitas incumbat

bat, ut Societati universæ vos exhibeat-
tis, non minùs singulari virtutum splen-
dore exactâque observantiæ curâ con-
spicuos, quàm veteris Legis Condito-
rem Abrahami Nepotes suspexerint.
Visus est Israëlitarum castris Divinus il-
le Vir, tam coruscus facie, tam tenax
præceptorum, ut, cùm Virtutis illius
splendoré Electi populi turmæ ferre non
possent, in venerationis, quâ eum reve-
rebantur, indicium deiicerent oculos,
curvarent corpora, & illius dictis audi-
entes se præberent. *Ut non possent inten-* 1. Cor. 3. 2.
dere Filii Israël in faciem Moysi propter
gloriam vultûs ejus. Tantumdem u-
nusquisque Vestrûm à Filiis meis per
Provincias sparsis consequetur, si tum,
vos ipsi, tum omnes earum antiquiores
Patres Constitutionum Tabulas mani-
bus, hoc est operibus, & vultu Angelicæ
modestiz, atque Apostolicæ Sanctitatis
lumen præferre junioribus videamini.
Atque hæ geminz partes erunt oratio-
nis meæ, quibus tertiam pro coronide
adjungam, quam nobis recitata modò

ver-

verba suggererunt : dum demonstrant Legiferi marmoris soliditatem, quod Moyſes manu ſuſtinebat, & diffuſſorum radorum claritatem, quâ ejus vultus coruſcabat à diurnâ intimâque cum Deo familiaritate ac conjunctione dimanâſſe: *Ex conſortio ſermonis Domini.*

137. Atque ut à primo exordiamur, quiſquis Profeſſorum Societatis à Virtute in vitium deſlecteret, iſ extemplo in abominabilẽ illum Cœli Draconem deformaretur, qui lapſu ſuo tertiam partem ſtellarum ſecum in ruinam traxit : quandoquidem ij, qui Ordini noſtro ſeriùs adjuncti fuẽre, gravioreſ Sacerdotes tanquam Ideas vitæ noſtræ, & rectè vivendi formas ſibi præſtituunt. Quam ob rem, qui proceſſiſſe aliquantum ætate ſe novit, accurato ſtudio ſeſus ſuos omnes cuſtodiat, ne præfixas à Legibus metas tranſgreſſus, bene currentibus offendiculum obiiciat, aut vaſtos hiatus aperiat. Et hæc illa cura fuit, quæ Sacerdotem Eleazarum à cibis, ut videbatur, minimè vetiris abſtinuit,

veritum scilicet, ne, si juvenus ipsum,
à patriâ Majorum disciplinâ descivisse
credidisset, Idolatris se aggregaret, & i-
psas cum immundis epulis mensas hel-
luaretur. Exclamabat proindè servi-
dus Senex: antè quid quid est animæ
ac corporis mei ad Inferos, quàm car-
nis, quæ vetita creditur, vel unus bolus
in meas fauces descendat. Cùm pueri,
cùm Levitæ me Impiarum Gentium su-
perstitionibus assensisse crediderint,
calcabunt Leges, & Baccho vinum liba-
bunt. *Respondit citò dicens: PRÆMIT-* *2. Machab.*
6. 23.
TI se velle in Infernum. Non enim etati
nostra dignum est fingere, UT MULTI
ADOLESCENTIUM ARBITRAN-
TES Eleazarum nonaginta annorum
transisse ad vitam alienigenarum, & ipsi
propter meam simulationem DECIPI-
ANTUR. Quòd si seniorum quispiam
prævaricatus fuerit, non unus juvenis
duntaxat prævaricabitur, sed ingens ju-
venum agmen Senis exemplo perver-
sum mores solvet, egregio animi ardo-
re in licentiæ glaciem mutato. UT
MUL-

MULTI *adoleſcentium.* Unus ero, in-
 quiebat invictus Eleazarus, in carnis,
 quam mihi offertis, eſu; at erunt innu-
 merabiles debilitatis meæ ſectatores,
 qui continuo inauditorum Sacrilegio-
 rum Magiſtri effecti omnem deinceps
 poſteritatem corrumpent.

138. Exponat, ſi quis poteſt, quan-
 tam vaſtitatem degeneris viri unius ca-
 nities, proximis quibuſque ipſam intu-
 entibus inferat. Si quando de juvenum
 grege aliquis exorbitat, movetur nie-
 mo, & pro ſe quiſque proclamatur, ari-
 dum ramum ab arbore reſcindendum.
 Contra verò, qui dimidium ferè ſecu-
 lum intra ſacra ſepta tranſegit, ſi mores
 laxârit, & Legum ſeveritatem ſaſtidie-
 rit; continuo ludum pandit, ad quem
 minor ætas curſu ſollicito properat, ut
 libertatē addiſcat, & Religioſam di-
 ſciplinam modeſtiâque dedoceatur.
 Eam ob rem Chriſtus acerbiori ſuppli-
 cio eos adjudicavit, qui puſillis offen-
 diculum præbuiſſent, quàm qui Pro-
 phetas lapidâſſent. *Qui ſcandalizave-*

rit UNUM DE PUSILLIS istis, qui in *Math. 18. 9.*
me credunt, expedit ei, ut suspendatur
mola asinaria in collo ejus, & demerga-
tur in profundum maris. Va mundo à
scandalis! Et quis est, quem tam formi-
 dables minæ non terreant? Haud equi-
 dem Servator dixit, qui Cœnobia Ser-
 vis meis referta pravo suo exemplo of-
 fenderit, is lanceâ confossus occumbat:
 Verùm si vel puerorum uni vitio homi-
 nis auctoritate aliquâ pollentis obje-
 ctum offendiculum fuerit, ejus viri non
 manui, sed jugulo, non quemcumque
 lapidem, sed molam gravissimam, quâ
 in altissimos Pelagi hiatus mergatur at-
 que sepeliatur, illigari jussit. *Qui scan-*
dali zaverit UNUM, suspendatur mola
in collo ejus, & DEMERGATUR in
profundum maris. Ad hujus fulminis to-
 nitrua obrigescat, qui non ardet; con-
 tremiscat, qui non volat. *Va mundo à*
scandalis.

139. Is verò tantæ stragi se subdu-
 cet, qui cum Moyse in ædibus Dei Le-
 gis Tabulas, non tam mente, quàm ma-

nu exhibebit. *TENEBAT duas Tabulas testimonii.* At verò Moyses divinis mandatis inscripta marmora non humeris ferebat curvus sub pondere, ac spiritum ex alto citans; sed utrâque manu ceu levem plumam attollebat ad oculos usque omnium: fuitque lapidibus illis longè gloriosior, quàm si Deus ejus digitis maximas ex Oriente gemmas induisset. *TENEBAT duas Tabulas Testimonii.* Certus vitam priùs, quàm illas amittere. Moyse Judæo simillimus fuit Abrahamus Anachoreta. De hoc S. Ephrem id ipsum testatur, quod nos in illo alio commendamus. Erat Beatus Ascetes tum animo, tum corpore afflictissimus, tum propter vitæ, quam elegerat, asperitatem, tum ob Neptis errantis fugam. Nihilominus, & cum iter faceret, pessimo dolo circumventam puellam ad pœnitentiam reducturus (quæ subinde asperrimam vitam sanctâ morte absolvit) & cum in solitudine suâ versaretur, vitamque asperrimam viveret, adeò semper Instituti sui amans ac re-

nax

nax fuit, ut inedia in cupedias, cilicium
 immigrasse in Purpuram, spelunca in
 Regiam, silentium ac solitudo in Am-
 phitheatra ipsi & amœnissimas scenas se
 laxasse viderentur. *In tantis tribulatio-*
nibus atque angustiis NUNQVAM *Reli-*
gioſæ vitæ ſuæ Regulam INFREGIT, *nun-*
quam remiſſior factus, neque ſegnitie vel
tadio aliquo fatigatus, ſed veluti eſuriens
aut ſitiens, ſic mens ejus NUNQVAM
 SUI INSTITUTI DULCEDINE PO-
 TERAT SATIARI. Quis mihi dabit,
 ut in quolibet Societatis noſtræ Sacer-
 dote, quem ætas venerabilem fecerit,
 ſolitarii Abrahami veram effigiem reco-
 noſcam? Ah! arctius iſte pectori viven-
 di Regulam, quàm vitam appreſſerat:
 cùm magis ſuorum obſervatione rituû,
 quàm herbarum ſuarum alimento vi-
 veret, nunquam ſatur exequi ea, quæ vi-
 tæ genus, in quod ſe contulerat, præſcri-
 bebat. *Mens ejus nunquam ſui Inſtituti*
dulcedine poterat ſatiari. Equidem vide-
 re mihi videor omnes propè Filios Igna-
 tii obſervantiſſimos omnium ejus mo-

nitorum. Id tamen mihi non sufficit videre illos cuperem, non tenaces duntaxat, sed amantes etiam Regularum. *Nunquam sui instituti dulcedine poterat satiari.* Et qualis demum hæc erat Instituti dulcedo, quod Abrahamus sequebatur? silex pro pulvillo, storea pro stragulâ veste, saxum pro dotno, fons in potum, pratum pro mensa, pro ditione vastum nemus, productæ vigiliæ pro quiete, perpetua psalmodia pro relaxatione animi, oculi lacrymis infusi, membra vepris lacerata, pedes, quibus gelu pellem detraxerat; manus, quas in calum labor duraverat; viscera fame discruciatâ, fauces siti tabescentes, anima per contemplationem in Abyssi flammâ immersa, memoria ab omni eo, quo recreari poterat, avocata; tota denique vita per atrox tum animi, tum corporis ducta Martyrium. Jam verò tam asperæ vitæ duritiem ille ceu dulcissimum, mellitissimumque favum, & velut delapsum Cælo Manna reputabat. *Mens ejus nunquam sui Instituti* DULCEDINE

NE poterat *satiari*. De hoc nimirum dici poterat: *Tenebat Tabulas Testimonii*; quod de Moyse proditum litteris fuit.

140. Idem prorsus, ita sperare Christus me jubet, dicendum esse de unoquoque vestrum confido: Fore vos nimirum cujuscumque apicis Instituti nostri, quod in pretiosum summarium compendio redactum, singulis mensibus legitur, & horis omnibus observatur, strenuos Conservatores. Ac prorsus uti Decalogus suavitatem deliciarum, rerum alienarum rapinas, iræ furias, linguæ licentiam, cupiditatum procacitatem, sectarum studium, Hebræis interdicebat, & veluti cœlestis quidam agger omnes propensiones naturæ per Adami gulam corruptæ compescebat: sic à Legibus nostris, quidquid à primis Parentibus vitii contraximus, impugnatur: vetus homo Christi Cruci configitur ut in eum qui secundum Deum creatus est, innovetur, & generale proponitur edictum perpetuæ atque indefessæ impugnationis omnium cupiditatum: præscripto unicui-

que, qui agminis hujus se militem profiteretur, perpetuo & inextinguibili odio rerum omnium, quas Natura offert, & Gratia repellit. Quare, si quis prorsus oderit, quæ placent, & ardentem confectabitur, quod averfatur, poterit is se populis, quos instituit, & Juvenibus nostris in ipsum intentis redivivum quendam Moysen inculpta lapidi mandata præferentem repræsentare. Hujus certaminis in quo nobiscum cōgredimur, quodvis Cœnobium cruentam esse Palæstram Petrus Damianus existimavit. Nil enim aliud vir Religiosus exercet, quam perpetuam perturbationum & cupiditatum suarum carnificinam, eâ in voluptates omnes lanienâ sæviens, quâ Samuel adipatum Agagum concidit. Hic enim sobrietas gulam suffocat; hic suademissio superbiam prosternit; hic Obediencia voluptatem in compedes mittit; hic carnis Temperantia crucifigit; hic Modestia in carcerem oculos compingit; hic Paupertas in mundo nos à mundo excludit; Breviter, omnis
vita.

vita nostra, ceu aurea massa in horas singulas gravissimis malleis Disciplinae Apostolicæ super Evāgelicorum Dogmatum incudem tunditur, ut in hoc corporis luto nobilitatem Angelorum; in sensuum fragilitate, Beatorum constantiam; in tentationum procellis, cum Deo triumphantium Cœlitum referat Apathiam. Audiamus scriptorem purpuratum mirabili eloquentiâ exponentem, quæ à me sunt aliquantò rudiùs declarata. *Illic Agag pinguis* per *ma-*
num sobrietatis in frustra conciditur, illic
in Golia superbie caput abscinditur, in-
Saül inobedientia reprobatur. Illa est offi-
cina in qua mulieris Evāgelicæ DRACH-
 MA quotidie malleis disciplina regularis
 extunditur, ET SIC AD SUI CON-
 DITORIS IMAGINEM REFORMA-
 TUR.

Lib. 7. Ep.
 56. Duciss.
 Sabaud. To.
 14. 98.

141. In ea, quam diximus, Academiâ primam Exedram Jobo universorum, qui se unquam voluntariis poenis attriverunt, facilè principi, & ad magisterium durissimo examine prætentato

concedendam esse arbitror. Post ar-
 mentorum, Filiorum, atque ædium ja-
 cturam toto corpore saucius vir sanctus,
 acerbissimisque vulneribus confectus,
 quæcunque Luciferi crudele ingenium
 poterat excogitare, non modò de dolo-
 ribus suis questus non est, sed novo vi-
 ctoriae genere adversarium profligavit.
 Ipsa te, ò tenebrarum Princeps, artes tuæ
 atque arma, quibus vincere me sperasti,
 vicerunt! Credideras me opprimen-
 dum acerbitate vulnerum, & opum ra-
 pinâ: at ego nequitiam tuam meâ pa-
 tientiam superabo, adjungam vulneribus
 vulnera, dolores doloribus, & inopia nu-
 ditatem. Me de throno deicere con-
 tendebas, & ego in fimo me voluto. Tu
 carnem meam lacerasti, sed ego asperi-
 tate testæ, si qua etiamnum pars sana
 superest, vastabo. *Percussit Job ulcere*
pessimo, à planta pedis usque ad verticem
ejus, qui TESTA sanem radebat sedens
in STERQVILINIO. Ad tantæ totque
 incrementis exaggeratæ patientiæ spe-
 ctaculum omnes ejus inimicos invito.

Cedò

Cedò enim quot in claustris quoque à Religiosis cætera non tepidis balsama conquiruntur, si quando extima cutis leviter perstricta est? En Jobum, qui horrendis ulceribus, quibus totum ejus corpus fædè crudeliterque deformatum erat, nequaquam contentus, pœnas sibi congeminat, & fomenta repudiat. Poterat ille dubio procul à tot amicis, qui concurrerant, vel antidota postulare, vel lectum impetrare ac lintea; nihil ille tamen rerum earum petiit, quibus mitigari ærumnæ suæ possent. Plura se adversa, quàm optaverit Lucifer, dictitans concupiscere. TESTA *saniem radebat, sedens in sterquilinio.* Hinc colligi licet, exclamat Gregorius, quibus modis sua membra, cùm vigerent, acceperit patientissimus Princeps, dum infirma languentiâque tam inhumaniter laniat, QVAM ILLE MOLLITIEM SANÆ Lib. 3. Moral. cap. 4. Tom. 3. 4. 1. SUÆ CARNI concessit, qui non vestem, *sed testam etiam vulneribus admovit?*

142. Et est tamen, qui patientiæ palmam auferat etiam Jobo: Basilium.

video tam avidum dolorum, ut cum austerissimi cruciatus, quos sibi ultrò ingerbat, nihil præter pellem, & ossa, & vivi cadaveris speciem reliquissent, doleret tamen, quòd non cruciaretur; & moribundo quàm viventi propior, ad inusitata genera pœnarum aspiraret. Illud deinde omnem admirationem superat, videre tantum virum, cui neque Neronēs, neque Decii, neque Maxentii fecerant satis, contemnere Leonum rictus, flammæ ardores, totius corporis membratim concisi lanienam, eò quòd omnis hic dolor intra paucas horas finem acciperet. Accusabat mortem Religiosissimus Archimandrita, non quòd à Deo viventibus omnibus esset præstituta, & à Tyrannis per atroces cruciatus inferretur Martyribus; sed quòd semel se tantum, neque sæpius mortalibus indulgeret. *Statutum est omnibus hominibus semel mori.* Non me terret, inquit, denunciatio supplicii; id enim verò me exanimat, quòd illud repetere sæpius non licet. Non eò me feralis sententia terret,

Hebr. 9. 22.

terret, quòd MORI necesse sit, sed quòd
 semel. Quid enim est, quod me verat
 centies tormentis oppressum, centies
 per annum mori? SEMEL MORI? E-
 quidem vobis non invideo Laurenti ac
 Vincenti, quibus tamen diù mori con-
 tigit, lento igne super ferreas crates ex-
 coctis. Inviderem potiùs damnatis Tar-
 tari Civibus, qui semper vivunt, & sem-
 per moriuntur, si modò ii perfidiæ pœ-
 nam in pœnitentiæ Holocaustum con-
 verterent. Dolebo itaque, quia non do-
 leo, quantum vellem; & moriar, quia
 vivo sinè spe plus quàm semel moriendi.
 Horum desideriorum Interpretem ex-
 hibeo vobis Gregorium Nyssenum, qui
 ab amplificatione verborum meorum
 omnem Auxeseos suspicionem remo-
 vet. CUI CLADES ERAT, quòd non
 SÆPE posset Martyrum certamina imita-
 ri: cùm UNI MORTI natura obnoxia
 sit. Ex illo pariter Gregorius Nazianze-
 nus tam sublimes Ideas patientiæ descri-
 psit, ut procedere longiùs haud possit,
 aut scribentium stylus, aut asperrima
 quæ-

Orat. in
 laud. Basil.
 To. 13. 31.

Orat. in
laud. Basil.
To. 34. 118.

quæque amantium vota. *Divitiæ illie-
rant* NIHIL HABERE, ET CRUX,
*quam solam totâ vitâ familiarem habe-
bat.* Et hæc prototypa nobis ante oculos
versentur oportet, ut domi forisque
tum Juvenibus nostris, tum civibus lu-
cem præferamus, utrosque videlicet au-
stera vitæ radiis veluti totidem facibus
ad fugiendas delicias, & abominandas
voluptates inflammaturi. Hi thesauri,
hæ opes Basilii erant nuditas, & Crux;
quarum altera omni eum solatio priva-
ret, altera tormentis omnibus expone-
ret. NIHIL HABERE ET CRUX. Jam
verò cubicula, vestes, scripta nostra inspi-
ciamus, dispiciamusque, num eorum ad
doctrinam vitamque necessario usui, ul-
la se affluentia misceat, quæ severam il-
lam proscriptionē, quā se Basiliius dam-
naverat, promereatur. Expendamus
num suppellectilis tenuitatem æquet af-
flictationum, quarum ipsi nobis aucto-
res sumus, copia, sic ut non voluptatibus
modò Paupertas nos privet, verum e-
tiam cum Christo crucifigat austeritas.

Nihil

Nihil habere & Crux. Neq; verò vir sanctus Quadragesimæ solùm, & Adventus sacris temporibus, ac solis primis Monasticæ vitæ annis eam amplexatus est: imò per omnem vitam & omnia ejus momenta, nunquam sinè Crucis comitatu acerbissimus sui tortor, & Monasticarum Legum Conditor conspectus est, ut priùs eum vita desereret, quàm Crux. *Nihil habere & Crux : quam solam TOTTA VITA familiarem habebat.* Atque, hæc ea, quam cum sensibus nostris pugnam sacra nobis Evangelia indixerunt, Metas habuisse, & non ultrà produci potuisse videri possit.

143. At si cum Jona navim conscendimus, non quidem ut à Deo fugiamus, sed ut propiùs ejus monitis accedamus: videbimus infelicem Prophetam de navi præcipitatum in mare, & inter undas à Pisce devoratum. Jam verò quibus in angustiis gemino naufragio haustus Israëlita deprehensus fuerit, pro se quisque secum exigat. Cœlum ut perduellem damnaverat: Aër spiritum interclu-

tercludebat: Terra portu prohibebat:
 Unda naufragium minabatur: Cetus
 captivum attinebat: præfenti periculo,
 vel dentibus eum comminuendi, vel
 hausto mari suffocandi. Agnoscens ta-
 men errorem suum Vir Dei, & in hâc
 tot calamitatum immensitate nihil
 animo perturbatus monstrofi carceris
 illius angustias itâ sustinuit, ut nec ge-
 mitu dolores suos egereret, nec suspirio
 prosequeretur. Psallebat, philosopha-
 batur, altissimâ contemplatione in suū
 se Conditorem recipiebat, neque minùs
 tranquillè in monstri visceribus agita-
 vit, quàm deinceps placidè sub hederæ
 umbrâ obdormivit. ET ORAVIT JO-
 NAS *ad Dominum Deum suum* DE
 VENTRE PISCIS, & dixit: *qui custo-*
diunt vanitates frustra misericordiam
suam derelinquunt. Hic Hieronymus
 tantæ rei prodigio attonitus, manûsque
 tanquam extra se raptus jactans, profite-
 tur vix à se credi, quod sacræ Literæ te-
 statur. Ergone de Adami Nepotibus ali-
 quis vitiatâ carne involutus, tot pericu-
 lis

Jon. 2. 39.

lis circumfessus, tot ærumnis oppressus,
 in ipso mortis & naufragii aspectu nul-
 lum interitûs vitandi modû videns, no-
 vâq; semper infortuniorum suorum in-
 crementa timens, ceu in fauces Balenæ,
 non vorticibus tempestatum prope-
 diem hauriendus, sed in Sancta Sancto-
 rum inter fragrantia Thymiamata sa-
 crificaturus intrâsset, Deo pro peccan-
 tibus supplicat, impios arguit, atque ad
 emendationem exhortatur peccatores?
 Id quod ego, prosequitur Hieronymus,
 in consecratâ Bethlemi speluncâ inter
 Monachorû meorum mellifluas lachry-
 mas vix obtinerem, præstat Jonas inter
 furentis Oceani fluctus decumanos. O- *In c. 2. Jon.*
ravit Jonas de ventre piscis, qui custodiunt *Tom. 21. 118.*
vanitates frustra misericordium suam de-
relinquunt. Quid verò præcipuè obstu-
 puerit Hieronymus, audite; cerne ma-
 gnanimitatem (inquit) Propheta in pro-
 fundo maris, in ventre tantæ bestia æternâ
 nocte coopertus, non cogitat de periculo
 suo, sed de naturâ rerum generali senten-
 tiâ PHILOSOPHATUR. Quale verò

& quantum in tam invictæ patientiæ
 comparatione dedecus nostrum foret,
 si vel dicto in transeuntes temerè jacto
 leviter perstricti, vel quâpiam domi ve-
 niâ frustrati, vel oculo minùs benigno à
 Præside aspecti, aut responso minùs re-
 verenti à subditis reddito, aut, penè di-
 xissem, cibo super cœnam minùs con-
 dito, vel potu ad prandium non, quan-
 tum volebamus, refrigerato, sic animo
 perturbaremur, ut orationis hora se no-
 bis in conceptæ indignationis, ac ran-
 coris non repressi theatrum converte-
 ret? Hæ illæ Phocæ sunt, quas subire nos
 oportet, à quibus absorberi necessum
 est, quin tamen in tepescamus in precia-
 bus, & à suggerendis salutis æternæ mo-
 nitis desistamus: *Oravit Jonas de ven-
 tre piscis.* Itane verò immobilis ille,
 in tantâ rerum confusione perstitit, &
 Nobis auræ lenis susurri quietem eri-
 pient? Quomodo nos Judici Christo ex-
 cusabimus, cùm omnis spiritualis exer-
 citationis jactum fecerimus, si fortè ni-
 hili rebus offensi, vel ad sacras litteras
 medi-

meditandas, vel ad excutiendam conscientiam prorsus nos ineptos vociferemur? Et fieri tamen potest, ut is etiam cui necessitatem amandi paupertatem, ut Matrem, sui ipsius divexationem consecrandi ut præmium, in doloribus exultandi, triumphandi inter opprobria, necessitatē Leges imponunt, mirum in modum commoveatur, cum error ipse aliquis vulgatur, cum ornamentum aliquod suum negligitur, cum Junculam amisit non suam. Hos dicemus scilicet alteros quosdam Moses Evangelicorum Consiliorum Tabulas circumferre, si Crucis loco, quæ fuerat humeris deferenda, quemadmodum jubet Christus, nostrumque Institutum nos hortatur, nè frondes quidem rami, aut spicæ festucam ferunt? Sumus profectò, sumus interdū simillimi Colosso Chaldaico, qui, cum tot suis relucens membris conspicuus esset, atque mirabilis, si lapillus oculæ unius cretam actionis cujuspiam non omni ex parte perfectæ percussisset, continuo in pulve-

Dan. 2. 34.

rem resolvitur. Querimur, ceu nihil de luto, cujus tamen habemus plurimum, haberemus, quia scilicet non toti eo constamus, cumque nos auri, argenti, æris ingens vis exornat, quæ nos non grandes modò, sed Gigantes efficiunt, unius digiti lutum carpi impotenter ferimus. *Percussit statuam in pedibus ejus ferreis & fictilibus. Tunc contrita sunt pariter ferrum, testa, æs, argentum, & aurum, & redacta quasi in favillam æstiva aræ, quæ rapta sunt vento.* Heu me! Tam tenera quorundam mollities est, ut, tametsi sint à rebus necessariis instructi, bene habiti, & in summa Religiosorum pinnaculorum fastigia sublati, se tamen affectos injuriâ, contemptos ac depressos putent, ac vociferentur, cum in tantâ rerum necessariorum & honestissimorum munerum copiâ iis quidpiam vel levissimi momenti justas ob causas negatum est. Pes unus icitur, & tota continuo in ruinam statua nutat, & in exacerbata cupiditatis non expleta memoriâ tenuissimus lapillus (quemadmodum

modum anno superiore me dicere meminī) quia se inquieti hominis cupiditati in ceram aut lanam emollire non potuit, in tantæ magnitudinis montem excrescit, ut universum occupet Orbem terrarum. Nihil eo qui se læsum immeritò queritur, aliud coquente, quàm repulsam sexcentis licet justissimis rationibus excusatam, totidémque promissis unam quampiam non promptam indulgentiam infinitis aliis compensandi conditam. Quapropter cum Jeremia exclamo *A. A. A. nescio loqui*. Haud enim verba reperirem, quibus ejusmodi querelarum, si eæ unquam inter nos audirentur, indignitatem exprimere, considerem. Ardor ille, quem in omnium vultu conspicio, quo Cruci præacutis Constitutionum nostrarum clavis configi, nec vinearum Chananæarum uvis, sed felle Montis Calvarii expleri concupiscitis, securum me jubet esse, fore, ut pro se quisque contendat, reddere semet Apostolicæ vitæ atque asperitatis vivum exemplar. Sic ut, qui pau-

ciores nobis annos numerant, amorem Crucis concipiant, cum eam in unoquoque Senum nostrorum expressam viderint: futurum quoque spero, ut munda- ni homines odio implacabili in libidinis incentiva, & vanitatis blanditias ferantur, pallore nostro commoti, & Religione nostrâ ad virtutem emendati. *Tenebat duas Tabulas Testimonii, & ignorabat quòd cornuta esset facies sua.*

144. Offert se modò nobis examinanda pars altera, quam proposui, Exempli scilicet ac Lucis, ut quæ nunquã à moribus, & à vultu eorum disjunguntur, qui cum beata religiosæ vitæ duritiâ in perpetuam societatem se conjunxerunt. Atque hic Exempli splendor adeò necessarius est sacrorum Ordinum veteranis Patribus, ut eo ad sanctitatem informant eos, qui pauciora stipendia in Religione fecerunt, adeò idem ab universis Dei Ministris requiritur, ad mundi sectatores corrigendos, ut in omni loco & rebus omnibus, ceu Veritatis ac Religionis Soles quidam debeant clarâ
in.

in luce oriri ; ita tamen ut animarum profectui occidant nunquam. Et amborum quidem effigiem in se ipso David expressit, dum canit. *Qui timent te, vi-* *psal. 118.*
debunt me, & latabuntur Nisi Professi nostri, dum è cōclavi pedē efferunt, universos, à quibus videntur, accendant, non sunt eo gradu digni, ad quem eos Societas evexit. Ego certè fateor, me, sub prima studiorum meorum tempora in plerosque Sacerdotum nostrorum incidisse nunquam, quin radii ab eorum gravitate relucens, mores meos componerent, ad virtutem excitarent, & torporem meum excuterent. Eandem vim atque efficaciam Philosophicis atque Theologicis scholis nostrorum scholasticorum præsentia ministrabat. Qui ceu divinâ luce radiantes Planetæ linguæ silentio, oculorum gravitate, maturitate gestuum, vultûs modestiâ, scriptionis diligentîâ, religiositate disputandi, accuratâ motuum omnium compositione, tum Collegiorum Pontificiorum Alumnos, tum Discipulos univer-

fos, vel ad horrorem vitiorum concipiendum, vel ad perfectionem ardentibus votis consecrandam promovebant. Gravissima prorsus necessitas nos premit adeò quidem, ut, si secùs fecerimus, jam illi non simus quos esse oportet, tantam sanctitatis lucem diffundendi in eos, qui nos aspiciunt, aut nobiscum agunt, ut fateri cogantur omnes, se ab aspectu nostro sacras flammæ Christianæ fortitudinis haurire, quibus omnes terrenarum paleæ cogitationum exurantur, & totum, quod habent, cælestium desideriorum aurum ad purum ex-

Serm. 10. in

Ps. 118.

Tom. 2. 50.

coquatur. Qui timent te, videbunt me, & latabuntur. Plerisque enim justis aspectus admonitio correctionis est, perfectioribus latitia est. Glossam subinde suam S. Ambrosius absolvit, cum dicto: *Quam pulchrum ergo, SI VIDEARIS ET PRO-*
SIS! In itineribus, allocutionibus, visitationibus, congressibus, disputationibus, plateis, convivis nisi eos, qui nos aspiciunt sanctos efficiamus, nec Successores, nec Filii Patrum nostrorum sumus:

mus; namque eorum quilibet quocumque pervenisset, tanto fervore corda replebat, ut quantamlibet solutis moribus Babylonem, in dolentem Niniven converteret. Proles suas Parentes intra penetralia domuum abscondebant, si quando Ignatii Operarii vel per Urbes transirent, vel ad concionem dicerent: quòd omnes ferè, qui eos vel audiebant, vel videbant, in Carthusias se recipere, & ad sacra Cœnobia sese proripere consuevissent. *Quàm pulchrum, si videaris, & prosis!* Secus autem eveniret (quæ quidem foret maxima nostra calamitas) si tot inter alios, qui per domos nostras Angelicâ specie refulgent, pauci aliqui officii sui obliti, non modò eos, qui peccatis suis indormiunt, vocum suarum tonitruis, & actionum suarum, fulgoribus non excitarent, sed altiùs etiam sopirent, eò certius in rerum caducarum luxu ac vanitate, quam adorant, interituros. Quam enim sanctitatem in alios ille transfunderet, qui in diversoriis, ad quæ illum iter detulisset,

conclave commodius, ac molliorem
 culcitram cum stomacho flagitaret?
 Quis non honorum, divitiarumque cu-
 piditate inflammaretur, cum in familia-
 ri colloquio stolidâ veneratione adora-
 re dignitates atque divitias serviliter ob-
 stupefcere deprehenderemur? Nimio-
 pere subinde seculares offenderentur, si,
 quem mensæ suæ convivam adhibue-
 runt, vina æstimantem, & condimenta
 commendantem audirent. Heu me!
 Si Crucis Alumni quidpiam mirantur,
 præter transfixi Servatoris spinas, irrifi
 Christi arundinem, æterni Verbi Præ-
 sæpe, dolores ac contumelias, quas susti-
 nuit, jam illi non sectatores, sed perdu-
 elles sunt, ac proditores Perfectionis, cui
 sacramento se addixerunt. *Quàm pul-*
chrum, si VIDEARIS ET PROSIS! Nisi
 æternarum rerum amorem fluxi tem-
 poris mancipiis inferamus, necesse pror-
 sus est, nos de culmine nostræ professio-
 nis excidere. Sit ergo totius nostri cor-
 poris habitus volumen quoddam pro-
 pheticum, quo vel viso, nè dum devora-

to, virtutis desertoribus viscera inamar-
rescant, & emendari cupientium ora
dulcescant.

145. *Videaris & pro sis?* Nimis pro-
fectò Vocationis nostræ majestatem de-
primo, si à Filiis Societatis requiro, ut
ipso aspectu suo ad pietatem intuentes
permoveant. Quid? Nomina quoque
nostra Laicis hominibus in memoriam
revocata, solâque aspectûs nostri recor-
datio id in cordibus hominum vanitati
deditorum præstare debent, quod Spi-
ritus sanctus in animis Discipulorum in
Cœnaculo Sionæo collectis effecit. Id
enim verò eveniebat Civibus Nazianze-
nis, quoties Matrem, Patrémque Gre-
gorii Theologi nominabant. Ad eo-
rum nominum sonum petulantes con-
tinebant se se; manum à rapinis avari
retrahebant; lascivorum flammæ re-
stinguebantur; superbos sui fastûs pude-
bat; Impii demum, Sacrorum & Chri-
stianæ Religionis hostes Christo capita
submittebant. *Gregorium dico & Non-*
nam (itâ de genitoribus suis scribebat

Orat. in
laud. Greg.
To. 59. 87.

rantæ auctoritatis Doctor) nam NE
NOMINA QUIDEM IPSA PRÆTER-
ELUNDA SUNT, UT QVÆ VEL SO-
LA *virtutis studium in hominum animis
excitare queant.* Id hodièque in aliqui-
bus nostrum renovatur, quorum excel-
lens virtus omnes, à quibus nominan-
tur, manu pectora plangere, & ex ocu-
lis profundere lacrymas cogit. Equi-
dem incredibili lætitiâ gestio, si quando
viri amplissimi & Ecclesiastici venerabi-
les illato fortè sermone de iis, quos vel
in Litteris Magistros, vel Duces animarū
suarum habuerant, attoniti ac lacry-
mabundi eorum laudes celebrant, & ca-
pta ex iis pietatis emolumēta recensent.
Sat est, inquiunt, præceptionum, quibus
nos instruxerunt, & sanctitatis, quā vi-
tam exegerunt, meminisse, ut Christia-
næ innocentiae imaginem renovemus,
quam in animis nostris maiores vestri
descripserunt, dum litterarum Palæstras
in totidem egregiæ virtutis, ad quam
nos inflammabant, Sanctuaria conse-
crarent. *Ne nomina quidem prætereun-
da*

*da sunt, ut QVÆ VEL SOLA virtutis
studium in hominum animis excitare que-
ant.* Neque mihi difficile foret eorum
virorum nomina referre, nisi longissi-
mus eorum texendus Catalogus esset,
totum præsentis dissertationis tempus
occupaturus. Vos ipsi probè nōstis,
quas flammæ in cordibus nostris tot Se-
nes nostri excitent, qui nobiscum vitam
agunt, Disciplinæ observantiâ venera-
biles, & vix imitabili virtute conspicui.

146. Ab his si diversos in publica-
rum afflictationum frequentiâ, privato-
rum colloquiorum ardore, modestiæ
virginalis purpurâ, exterioris pieratis
fulgore, affusis Sacrificio Divino lacry-
mis, cruciatuum usitatorum austerita-
te, cælestis meditationis voluptatibus,
Apostolicæ prædicationis fervore, Reli-
giosæ studio nuditatis, sanctarum æru-
mnarum desiderio, ambitione cedendi
omnibus, cunctis famulandi, subjacen-
di universis: si dissimiles, inquam, nos
præstaremus, enimverò pro gloriâ, quæ
à Majoribus nostris in os derivata est,
probra,

probra, minas, atque supplicia in nos provocaremus. Id Alumnis suis denuntiabat Bernardus, cum veteres Monachos commendaret, paucosque aliquos prioribus illis dissimiles, reprehenderet.

Ser. 60. sup.
Cant. Tom
212. 176.

Malè prorsus tibi cum tua radice convenit. ARBOR PUSILLA, tortuosa, nodosa. Radix enim sancta. Quid eâ dignum tuis APPARET IN RAMIS? Ficus, inquit, protulit grossos suos. Non hos nobili à radice traxisti, semen nequam, quod in eâ est, DE SPIRITU SANCTO EST, ac per hoc subtile totum, ac suave. Quid nos juvat, quòd suspensæ de portis nostris imagines fulgeant hominum nostrorum, quos Ecclesia in numerum Sanctorum retulit; Beatorum nostrorum, quos Aris imposuit; tot illorum Sacerdotum, qui in utraque India à Barbaris jugulati, fuso sanguine duris Ethnicorum cordibus Evangelium inscripserunt. Tot illorum nobilium Scriptorum nomina, qui voluminibus suis confutârunt Hæreses, Diœceses erudierunt: quid, inquam, in rem nostram erit, si nostrum

nostrum aliquis ab eorum pietate diversus vitam desidem ageret, & ignavam mortem oppeteret? Qui enim temporis beneficio contactus sic animam exhalat, nã is supremis vitæ suæ momentis à primis Patriarchis Societatis illo Bernardi tonitru fulminatum se deprehendet. MALE TIBI CUM TUA RADICE CONVENIT, *Arbor Pusilla & tortuosa*. Tunc tam parum à terra te sustuleris, qui eo in solo succrevisti, quod Cedros suas ad Stellæ usque provexit? Primarum arborum folium quodlibet, *erat ad sanitatem gentium*. Inviçtum, *Apoc. 11. 2.* illud odium, quo Præfecturas ac Dignitates quaslibet abominabantur, omnes elati animi motus comprimebat. Inextincta illa sitis, quâ & sudare semper, & nunquam non aspera quæque pati ardebant, extimulabat animos effeminatos, ut desertis Epicuri viridariis ad Hilarionis & Antonii nemora se conferrent. Cum palam in calumniis, injuriis, & exiliis triumpharent, adeo fidem omnem inanibus atque evanidis superbæ

biæ molitionibus, & Magicis humanæ gloriæ præstigiis abrogabant, ut innumerabiles essent, qui de summis, in quæ ascenderant, Honorum ac Magistratum fastigiis in abjectæ vitæ humilitatem, & ad contemptæ vulgò professionis latebras se dimitterent. Ut ad cò S. Ephrem majores suos describens de nostris vaticinatus fuisse videatur. *Quis e-*

*De Vita Re.
lig. To. 50. 89.*

nim admirandam illorum cernens humilitatē ANIMO NON EST COMPUNCTUS? Aut quis eorum mansuetudinem aspiciens stupore non est correptus? Quis ità pecunia deditus, UT, ILLORUM PAUPER TATE PERSPECTA, NON ILLICO MUNDI ODIUM CONCEPERIT? Quis fornicator aut profanus illos precibus intētos prospexit, ET NON CONTINUO PUDICUS effectus est.

147. Patres mei! Per nos stat, utrū malimus; aut majorum nostrorum vestigia premendo coli ac commendari, aut ab illis degeneres reprehensioni Bonorum, & Improborum satyris expositi ætatem exigere. Postquam
enim

enim Insignia Christi semel induimus, seculi pedicas evasimus, & ad Apostolorum dignitatem sublatis sumus, non licet nobis ampliùs mediocribus esse, aut inter homines non instar Apostolorum vivere. Miseros nos! nisi ob fervoris vehementiam flammis quaquaversum ejaculamur. Quippe in medio Evangelicorum Heroum & virtutis amantium secularium positi spirituum damnatorum, qui Cælo delapsi remanserunt in aëre, Angelorum in sedibus beatis regnantium, & Justorum in Ecclesiâ Divinæ Gratiæ sanctitatisque ornamentis fulgentium spectatores, nec tamen illorum præmiis, nec horum meritis fruuntur, sortem longè miserrimam repræsentaremus. Dæmon quilibet, ait Bernardus, *in aëre isto, medium inter Cælum & terram de Cælo cadens sortitus est. Quàm miser, cùm suspicit Cælum, in quibus innumeros Montes intuetur, divinâ claritate fulgentes; divinis laudibus resultantes, sublimes in gloriâ, abundantes in gratiâ! Quàm miserior, cùm respicit terram, Montes*

Ser. 54. su-

per Cant.

To. 112. 166.

tes

*tes nihilomin⁹ quàm plurimos de populo ac-
quisitionis habentē, Fide solidos, Spe excel-
sos, Charitate speciosos, cultos virtutibus*

148. Immortales autem Christo gratias debemus, cujus nomen ædium nostrarum valvis inscriptum, multoque melius mentibus impressum nostris tam pudendi supplicii ignominiâ nos eximit. Non profectò, non sumus nec inferiores iis, qui domi nostræ cælestis virtutis famâ insignes ante nos fuerunt: quin etiam illis palmam nos erepturos esse confidimus, qui suis in domibus Patrimonio suo sobriè usi Evangelio laudabiliter deserviunt. Equidem ità mihi persuadeo, nullum de Societate unquâ in publico conspici, quin manu sustineat Consiliorum Evangelicorum accurato studio servatorum tabulas, & vultu præferat splendidos radios morum, plusquam dici possit, ad omne virtutis exemplum illustrium: Hoc tamen effectum dare haud possemus, nisi Moisen imitati, diu multumque cum Deo versati antè fuissetmus. *Ex consortio sermonis Domi-*

ni. Tam copiosâ luce facies Stephani coruscabat, ut Pharisæorum pariter ac Scribarum oculos hebetaret. *Intuentes eum omnes qui sedebant in Concilio, viderunt faciem ejus, tanquam faciem Angeli.* Nempe vos in illo Cherubinum videre videmini, quia ipse Jesum inter nubes contemplatur, à quo & robur ducit, ut lapidum jactus excipiat, & lucem, quâ homine major augustiôrque videatur. Sic de illo ad Irenæum S. Ambrosius scripsit. *Stephanus Jesum videbat, & lapidari non formidabat.* Qui mente oraverit, & interiores animæ suæ oculos in Divinæ Naturæ Perfectiones defixerit, is veluti arbor vitæ fructum pietatis mortalibus omnibus impertietur. Quòd si verò nostrum aliquis meditandi usum negligeret, quid aliud quàm sterilem atque aridum truncum eum futurum existimas, securibus debitum, & flammis devotum? Prorsus ut, nisi fontanis aquis, aut cœlestibus pluviis irrigata, nullæ stirps germinat: Ità teste Joanne Chrysostomo nullus Religiosus sinè precum,

*Ep. ad Iren.
To. 40. 53.*

*Lib. de o-
ran. Deum.
To. 46. 179.*

usu famâ sanctitatis florere potest. *De-
cet igitur* NOS CUM PRECATIONE
CURSUM VITÆ PER AGERE, *atque*
hanc mentem assiduè rigare. Siquidem cū
omnes homines non minùs opus habemus,
QVAM ARBORES AQVARUM HU-
MORE. *Ille fructus producere, nisi bi-
bant humorem non valent, neque nos pie-
tatis fructibus poterimus esse gravidi,* NI-
SI PRECIBUS IRRIGEMUR. Mirami-
ni forsantam sterilem interdum cujus-
dam Operarii nostri laborem esse, ut è
tam multis, quos excolit, nè unum qui-
dem ad pietatem permoveat? Nimirum
meditationis horam otiosè transigens
misellus cælestibus imbribus se privat,
ac proinde aridus & exsuccus iis, quibus-
cum agit, vitam inspirare neutiquam
potest. Ejus verba non modò non susci-
tant Quatriduanos, graveolentes, pu-
trésque Lazaros, sed velut discordia
Cymbala molestissimo tinnitu aërem
replent, audientésque affligunt potiùs,
quàm excitant. Ejus actiones ceu frigi-
dissimi simulacri exanimes umbræ, nec
jaccr-

jacentes erigunt, neque nutantes confirmant. *Neg, nos pietatis fructibus poterimus esse gravidi, nisi precibus irrigemur.*

149. Atque utinam Divinarum Litterarum, & sacrorum Evangeliorum meditatio id prorsus, quod arboribus aqua, Religiosis animabus præstaret. At enim contrà accidit: Nam sub sudo etiam Cælo diu stipites vivunt, & si fortè non florent, virent tamen aliquanto temporis spatio. At contrà quisquis non contemplatur, statim frondes amittit, & protinus marcet. Ea propter dicta retractat Chrysostomus, atque ut ineluctabilem precandi necessitatem luculentius exprimat, Evangelicam contemplationem virtutis nostræ animam, & animarum nostrarum spiritum appellat. Jam verò, ut unumquodque corpus, quantumvis rubustum, vividum, vegetumque, si ab animâ destituatur, simul & colorem, & vires amittit, ac paulatim in saniem diffluens horrorem movet oculis, & naribus pestem afflat: Ità pariter Religiosus rerum cælestium æterna-

*Lib de oran.
Deum. To.
46, 178.*

Ibid.

rúmque ac sacrorum oraculorum meditatione defectus, modestiæ colorem deperdit, zeli nervis destituitur, in Disciplinæ custodiâ friget, alios pravi exempli contagione corrumpit, & totum denique, in quo versatur, Cœtum incit, atque dehonestat. *Quemadmodum enim* CORPUS *hoc nostrum* SI NON ADSIT ANIMA, PROfecto MORTUUM EST *ac fœtidum: sic anima, nisi se ipsam incitet ad orandum, mortua est ac misera, & graviter olens.* Ah! Ignatii progenies, ac viscera mea! Mori malimus, quàm non orare! sic ego dico, quia laudatus Doctor ità scripsit. *Oportet* QVAVIS MORTE *tristiùs existimare,* si quis DEPRECATIONE PRIVETUR. Si morbus fortè Cilicium nobis detraherit, Orationem tamen vel ægri non omittamus. Inter febris quoque ardores intentos in Crucifixum oculos habeamus, & quantum per capitis infirmitatem licet, brevius quidem, nec tamen minus ferventer ad Deum nos sustollamus, & totos immergamus æternitati.

San-

Sandapilam nobis admoveri feramus patientius, quàm à precandi consuetudine dimoveri. Sublevati ad superos animi suspiria cum extremo vitæ deficientis halitu confundantur. MORTE TRISTIUS, *si quis* DEPRECATIONE *privetur.* Expendite modò vos an propter quodcumque negotium, aut studia quælibet vel abrumpi, vel negligi meditatio debeat. Meditari nos oportet in lectum prostratos: & contemplationem omitemus scilicet, cum vel navigamus, vel equitamus? Non Joannes Patriarcha nobis auctor est, qui hæc litteris mandavit; non Paulus Apostolus, qui hæc doceat; non Jeremias Propheta, qui suadeat; Christus est Dei vivi Filius, qui jubet, qui loquitur: OPORTET SEMPER ORARE, *& nunquam deficere.* Luc. 18. 12 Quid edicto tam manifesto vos opponetis, animæ, quæ tam facilè à Deo oculos animosque avertitis, & præscriptæ orationis ob quamlibet terreni negotii vel levem umbram, jacturam facitis? SEMPER ORARE, *& nunquam deficere.*

re. Hæc consuetudo semper sanctæque
custodita simillimos nos Moyſi efficiet,
non Divinæ Legis ſolùm Tabulis & lu-
cis ſplendore, verùm etiam illâ zeli divi-
nitate, quo inflammatus Legislator
campos cadaveribus texit, & foſſas ſan-
guine inundavit; cùm externorum ri-
tuum & aureorum vitulorum ſacrilegia
vindicaret. Quemadmodum ego vos
Patres, qui Provinciarum noſtrarum co-
lumnæ Principes eſtis, atq; in hanc Ur-
bem proſecti, ut vivum Societatis Tem-
plum fulciretis, ceu redivivos Moſes,
Conſtitutionum noſtrarum cuſtodiâ, &
exemplorum fulgore præſtâtes intueor;
itâ reduces vos illi, qui aliquantùm à re-
cto virtutis tramite deflexerint, à vobis
increpiti, & ad internecionem deleti, ſi
quidem in degeneri ſitu computreſcunt,
nec frigoris ſui emendationem promit-
tunt, Prophetæ illius Æmulos experian-
tur. Neque verò ſeveritatem ejuſmodi
Religioſorum Ordinum Veteranis ipſo-
rum arbitrio permiſſum fuiſſe credatis.
Eſt id præceptum ipſo naturæ jure ſan-
citur,

citum, ramos aridos amputantis, ut stirpem fecundet. Tigrium instar ululant in Inferno toti Ovium greges, illic ardentium, quia hîc in solitudine Religiosâ repuerunt. *Sicut OVES IN INFERNO positi sunt.* Abbatem Godefridum eum locum interpretantem audiamus. *Oves ibi, non propter veram innocentiam, sed propter INHONESTAM SIMPLICITATEM; QVA MALIS RESISTERE NOLUNT, VEL NESCIENT, eos appellat, quos sinè fine perituros esse denuntiat. Et ideò rejecto simplicitatis velamine palàm loquamur veritatem, cum Prophetâ dicentes: Quis consurgat nobis adversùs malignantes, aut quis stabit nobiscum adversùs operantes iniquitatem? Nos tales sumus, aut tales esse debemus, qui laudes hominum non affectemus, neque eorum vituperationem expavescamus.* Et quoniam omnes in Societate aut Præsides estis, aut eritis, par est abominari vos prævicationes, & prævicatoribus non parcere. Quòd si forte aliquis descendens ex Hierosolyma in

Latrones inciderit; perbenignè defæcatis-
simòq; oleo curetur, reducatúrq; ad o-
vile: Latro autè qui viatores lethali vul-
nere prosternit, juguletur. Infirmis ten-
dantur auxiliares manus, iis verò, qui of-
fendiculo sunt imprudentibus, Mola in-
tentetur, denunciétúrq; naufragiù: Nam
si clausis oculis noxas prætermitterem⁹,
& noxios palparemus, non jam Pastores
gregis essemus, sed Lupi. *Quomodo Deum*
(prosequitur memoratus Abbas) ac Do-
minum sequimur vidētes abominationem
stantem in loco sancto, SI TACEMUS?
Si quis est Domini jungatur mihi, occidat
vir fratrem, & amicum, & proximū suum;
si ergo ille Dei dicitur, qui CONTRA DE-
LINQVENTES Zelo Divini amoris exci-
tatur: PROPECTO SE DEI ESSE DE-
NEGAT, qui eorum pravæ actiones incu-
sare recusat. Video, video in altera ma-
nuum vestrarū Decalogum Mosaicum,
& in alterâ gladium Apostolicum, hoc ut
à Societate quidquid vitiosum est sub-
moveatis; illo, ut eam disciplinæ custo-
diâ reddatis gloriosam; ac sicut non satis
habuit

habuit Propheta, divina sibi præcepta, privatim injungere, nisi populis, quos ducebat, eorum observationem demandaret; Ità vobis non sufficiat vitæ vestræ sanctitas, nisi subditos vestros ac Filios sanctos esse cogatis, vestrorum morum clarissimâ luce viam illis commonstrante, atq; illustrante. Et siquidem Exempli lumen suffecerit, supplicii gladium, indulgentiæ vaginâ recondite. Impigrè verò illum stringite, si quâdo, ut ferventibus sua virtus, & Societati sua fama cōservetur, etiam rescindendus esset, qui admonitus non resipiscit, qui erectus à casu non evadit in sublime, qui Dei vestrisq; vocibus se contumacem præbet. In hunc modum omnes nostræ domus attentis excubiis communitæ quemlibet Operariorum nostrorum talé formabunt, qualem descripsi, qualémque ipso principio Allocutionis meæ optavi, nempe Moysen aliquem ob Legum custodiam, & splendorem vitæ populis omnibus venerādum; quales scilicet estis, futurique sunt universi. *FINIS.*

INDEX

RERUM PRÆCI- PUARUM.

Numerus Paragraphum non
Paginam indicat.

A

A Bbas Cassinensis cupidissimus aru-
rumnarum §. 115.

Abrahamus Anachoreta Regularum
suarum retinentissimus. 139.

Abrahamus Patriarcha Filio non parcit, nec
timet Isaacus, dum voluntatè Divina obse-
quuntur. 13.

Filium ligat, nè superveniente ictu se com-
moveat. 5.

Obedientia Typus tum in admittenda, tum in
repudianda Agare. 10.

Ejus Pastores discordiâ suâ Chananeos exci-
tant. 84.

Adamus feris imperat, dum obtemperat Deo.

111

Ægri meditandi studium non deponant. 149.

Angeli Abrahami Tentorium, in quod ex itine-
re divertunt, sanctitate imbuunt. 49.

Anima-

*Animalia Ezechielis indifferentissima ad loca
qualibet. 98.*

*Anulus originem suam sumpsit à lapide ferro in-
cluso, subinde ad Smaragdus & Adamantes
peruentum. 64.*

*Apostolatus laborum sitiens atque erummarum,
93. vide in voce Mortificatio.*

*Apostoli nulli Civitati aut Provincia privatim
addicti. 99.*

*Aqua semper inferiorem locum quarit, quid si-
gnificet? 107.*

*Archithalassius Classarios in stagnis prius & in
portu erudit, quàm in Oceanum educat. 62.*

S. Athanasius erummarum avidus. 122.

*Avari sumus cum Deo, sed in explendis cupidi-
tatibus nostris profusi. 8.*

*Aurum purgatur à flamma, non corrumpitur.
76.*

B

*S. Basilus ad quasvis Regionis perinde affectus,
nullo in loco exulare se putat. 100.*

*S. Benedictus veneno petitus, quòd Disciplinam
Monasticam urgeret, & suo eam restituere
vigori conaretur. 74.*

C

Cadaver: schola Mortificationis. 124.

*Cacus Jerichuntinus stolidè patitur ipsius volun-
tati Christum obsequi. 6.*

Canes.

- Canes lambunt vulnera, non exasperant.* 17.
*Cervi sic ad Montes, ut per plana camporum
procurrunt.* 120. *venenis aluntur.* 130.
*Cochleæ Religiosorum Monasteriis suis obnoxie
affixorum symbolum.* 100.
*Concionatores auditores suos non movent, nisi
ipsi sint contemplationis studiosi.* 70.
*Concordia Cætibz Religiosis Auctoritatem in
vulgus parit.* 83.
*Confessarii sint peccata sua confitentibus Clemen-
tes Judices.* 93. 94. 95.
*Conscientia subditorum non se aperit Superiori-
bus, si austeri sint, vel inhumani.* 15. 16.
Ejus manifestatio propria Societatis Tessera.
14.
Ejus arcana Superiores summâ fide tegant.
16.
*Manifestata mediocres roborat, quemadmo-
dum occultata optimos quosque in exitium
trahit.* 17.
Non manifestata ruinis exponit. 18. 19. 20.
Aperiatur Superioribus. 14.
*Ejus manifestatio perfectis quoque necessa-
ria.* 21. 22.
*Eam haud difficulter aperit, qui nihil impro-
bum molitur.* 18.
Consiliarii perniciosi patientiam improbant.
120.
*Conversatio aliquantò familiarior, aut minùs
gravis, quamvis fortè Religiosis Ordinum
anti-*

*antiquiorum non incommodet, noxis tamen
vehementer obest. 64.*

*Christiani veteres vexati, quod eorum sanctita-
tatem Mundus non ferret. 74.*

*Christus eodem tempore fugebat ubera. & stel-
las circumagebat. 46.*

Ut peccatores emendet, cali obliuiscitur. 39.

Animos tenebras amantes repudiat. 17.

*Prandebat cum Publicanis & Phariseis, ve-
rum ut eos sanctos efficeret. 69.*

*Non numerat annos, in quibus non conver-
tisset improbos. 27.*

Moritur ex obedientia studio. 4.

*Cupressus Religiosorum Typus, qui cum atate Di-
sciplina & Austeritatis studium augent. 132.*

D

Dæmones Tepidorum Religiosorum Symbolū. 147.

*Daniel, & lapillus ab eo descriptus. 105. 128.
129. 143.*

*Lapis ille indifferentiam nobis ad Loca &
Munia suadet. 105.*

*Darius Rex, si modo vivat, Conjugi captive ca-
tenas dulces reddit. 42.*

*David amatur, dum canit; odio habetur. cum
triumphat. 76.*

*Prosternit Gigantes, quia prius Leones pro-
straverat. 62.*

*Quia peccata sua non tegit, sed vulgat, cele-
brem premioque dignam Penitentiam suam
fecit. Contrà quàm Adamo evenit. 17. Di-*

*Discordia ac Emulationes inter Religiosos; eos
insidiis & injuriis improborum produnt. 84.
Duellum quàm fœdè laudatum ab ore Religiosi
cujusdam. 63.*

E

*Ecclesiasticis quam ob causam veneratione inter-
dum deficiat. 79.
Eclipses non nisi in majoribus Planetis depre-
henduntur. 74.
Eleazarus cibo abstinet, ac mortem appetit, nè
Levitis Junioribus offendiculum præbeat. 137.
Epiphanius ab Hereticis quoque observatus ob
summam virtutem. 82.
Eva in peccatum corruit, quia in Præcepto du-
bitationi locum facit. 2.
Exemplum virtutis, quântum valeat in animos
Peccatorum. 87.*

F

*Familiaritas cum externis cauta sit ac seria. 83. 90.
Filius Prodigus à Patre secedens in varias cala-
mitates incidit. 12.
Fons Baptismi Conversationum Religiosarum
Idea. 56.
S. Franciscus Indiarum Apostolus dura quæq; to-
lerandi cupidissimus. 115. 116. 122. 123. 124. 125.
Quàm nullo discrimine habuerit loca & Mu-
nia. 97.*

Alienus

Alienus ab imperando, & laborum avidus.

106. 122.

G

Gallus Indicus Gigantes alit, Infantes strangu-
lat. 64.

Gemma multorum funerum rea. 32.

Gloria humana fugiatur. 108.

Gradus humiliores meritorum saepe feraciores.
108. vide Ministeria obscura, & in vulgus
minùs probabilia, verbo Humilitas.

H

Haterius vanissimus in dicendo. 70.

Hercules clavâ colum mutans Ecclesiasticorum,
tepidorum Typus. 81.

S. Hieronymus odio habitus, quod sacras litteras
exponeret, & Hereses profligaret. 73.

S. Hilarion eas Provincias fugit, à quibus cole-
batur. 108.

I

Jacob Patriarcha quietem capit in saxo, at si-
mul id adorat, & in Aram dedicat. 53.

Jericho solâ Levitarû modestiâ expugnatur. 86.

S. Ignatius quanto animarum studio arserit. 35.
Quantum Mundo linguâ suâ utilitatis attu-
lerit. 85.

Ejus primi Socii cruciatuum & laborum am-
bitiosissimi. 41. 146.

Imitatio sanctorum Virorum è Societate nostrâ.
126. 146.

Indifferentia ad Collegia minùs copiosa. 103.
104. 127. Item

Item ad Collegia, tametsi Religiosa in iis Disci-
plina magis vigere videatur. 102. 103.

Quàm sit necessarium, ut nullum faciat inter
Domicilia & Munia discrimen; quantàque
ejus utilitas. 97. 98. 99. 101. 106.

Infectiones virtutis, & conservata Majorum
Disciplina indicium. 71. 72. 73. 74. 76.

Causam illis prabet interdum nonnullorum
repiditas. 77. 78. 80. 81.

Extinguuntur & cessant, ubi virtus summa
est. 77. 78. 79. 82. 84.

S. Joãnes Chrysostomus virtutis causâ vexat. 75.
Erga S. Pauli sacra lypsana miro desiderio
incensus. 85.

Job in maximis suis tormentis concionatur. 42.
125.

Vulneribus suis dolorem addit. Ibidem.

Jonas in naufragio sibi constans. 143.

Joseph Patriarcha tam sanctus in culina quàm
in Regia. 106.

Isaaci sacrificium passim celebratur, & parvulo-
rum liberum agmina Idolis immolata nulla
Tabella representat. 8.

Judith in exercitu temperat sibi ab Assyriis epu-
lis, quia Domi suæ jejuniis assueverat. 61.

L

Lapillus Danielis aurum præterit, & ad Cre-
tam decurrit. 105. v. Daniel.

Latrones obedientissimi Duci suo. 7.

S. Laurentius triumphat in flammis. 113. Lin.

Lingua Religiosa de profanis rebus sermonem ne seruat. §.

91. 92.

Accendat & soletur. §. 87.

Litterati Religiosi ceteris plerumq; sanctiores. §. 109.

Littere, quas scribimus, sint spirituales, licet ad Principes datae. §. 68.

Loth Sanctus in Sodomis, quod voluptates odisset. §. 52.

S. Lucas Evangelium scripsit, quia Sanctus, & contemplationi deditus. §. 70.

Luna cursum suum prosequitur, siue majori, siue minori lumine fulgeat, vel etiam nullo. §. 107.

M.

Magnes aurum negligit, ferrum attrahit. §. 122.

Malleus vitra perdit, & metalla nobilitat. §. 120.

S. Maria Magdalena Christum inter Angelos non videt, videt Stephanus inter Lictores. §. 102.

S. Martyr Carnifices increpat, quod corporis sui partem illibatam reliquissent. §. 118.

S. Melania arumnarum cupida. §. 113.

Ministeria humilia ambita §. 121.

Laboriosa & minus celebria cupidiùs querantur. §. 106. 107. 109.

Modestia oculorum oppido necessaria. §. 91.

Mortuus est Deo, qui non meditatur. §. 149.

Mortificatio sit quotidiana. §. 114.

Querat, quid doleat. §. 116. 117. 125. 141. 142.

Exultet in laboriosis & duris rebus. §. 112. 113. 114.

116. 118. 120. 130. 143.

Odio habita à tepidis Religiosis. §. 119. 120. 127.

128. 135. 145.

Anopes domus habitare cupiat. §. 103.

R r

Su-

Superiores castiget, si parçè affligatur. §. 118.
Cum non loco suo ac tempore adhibetur, tanto est me-
ritorum feracior, & coronis dignior. §. 116.
Mofchus odorem suum etiam longè positus communicat. §.

34.

Moyſes atque ejus rubus. §. 112.

N.

Natura dotes ac ornamenta niſi magnis animis in a-
rumnas ferantur, nec multum Religioſis Ordinibus
utilitatis afferunt, nec in iis quidquam eſt præſidii.
§. 43.

Niſi à virtute regantur, plurimùm obſunt. §. 129.

Naves Carthaginienſium exuſta finem Punico Imperio fe-
cerunt. §. 101.

Noë in rebus adverſis conſtans. §. 131.

Novitii quàm ſibi duri. §. 132.

O.

Obedientia Beatorum Spirituum præcioſiſſima Marga-
rita. §. 9.

Niſi prompta ſit, pretium ſuum amittit. §. 5.

Si aliquantulum à Superioris præſcripto diſcedat, pe-
nitus interit. §. 5. 12.

Præcipuum inter tria Vota. §. 1.

Votum inerme, atque adèò injuria patens. §. 86.

Præcepta non trutinat. §. 2.

Quanto durior, tanto præmiorum feracior. §. 7.

Perſectiſſima in Abrahamo Circumciſionis ritum ob-
ſervante. §. 3.

Tam cara primis Chriſtianis, ut citra præceptum age-
rent nihil. §. 10.

Eâ invitâ nullum Munus retineatur, volente, omnia
ſuſcipiantur. §. 10.

Ri-

Ridetur potiùs, quàm impleatur, ab eo qui Præsident
ad desideria sua pertrahit. §. 6.

Ejus causâ quod agere nobis difficillimû est, aut omni-
nò non agitur, sæpe in amicorum aut consanguineorum
gratiam liberaliter præstatur. §. 8.

Quantopere à S. Ignatio commendata. §. 1.

Si obedientes erimus, Ministeria nostra Mundus ve-
nerabitur. §. 11.

Obediens licet aliis illustribus ornamentis destitutus, plu-
ris est, quàm qui cum maximis sit à Natura dotibus
instructus, Majoribus non obtemperat. §. 10.

Oculus è capite revulsus vincitur à digito Corpori con-
iuncto. §. 10.

Oratio Mentalis. §. 148. 149.

Utilissima. §. 96.

Orator sit modest⁹ & circûspectus in Prooëmio. §. 47.

P.

Palma Religiosos, qui perturbationes suas non domue-
runt, notat. §. 132.

Palme à Vite rescissus, fructû deinceps nullû reddit. §. 12.

Pastores Patriarcharum inter se discordes. §. 84.

S. Paulus Apostolus Timotheo usû vini præscribit. §. 134.

Eam Urbem deserit, in quâ eum Proconsul perhumana-
riter habebat. §. 104.

Ignavam, ut videtur, fugâ arripit, quâ de causâ. §. 36.

Eò currit, ubi nullas laudes, pericula verò & incom-
moda plurima sperabat. §. 37. 38.

S. Petrus Crucis supplicio non contentus, nisi in eo no-
vum tormentum comminiscatur. §. 125.

Acerrimè reprehenditur à Christo, quòd se à passione
suâ remorari conatus sit. §. 135.

Porta quatuor Societatis omnes ad meritum quaestuose. §. 14.
Portarum Religiosarum vestibula non sint rerum novarum Theatra, sed virtutis Gymnasia. §. 55. 56. 60. 70.

R.

Regula observentur exactissimam custodiâ. §. 139.

Religiones quò recentiores, eò modestia exterioris magis opus habent. §. 47.

Religiosi vita sua exemplo, & austeritate sint insignes. §. 144. 145. 146.

Seniores sint Legum tenaces, & virtute singulari conspicui. §. 136.

Religiosi eo nomine digni, quod patiâtur, inquirât. §. 117.
In loquendo sint circumspecti, ac sanctitatē spirēt. §. 70.
Fugiant curiosa rerum profanarum, & luxûs spectacula. §. 66. 67. 91.

Æquo animo ferant, si res ipsis necessaria defuerint. §. 134. 135.

Malè illis sit, cum in Magnarum edibus laetis mensis coguntur accumbere. §. 67. 69. 144.

Non intrent Palatia, nisi Sanctitatē inferant. §. 69.

Secum colloquentes amore sanctitatis accendât. §. 87.

Non loquantur de rebus Politicis, neq; de seculi Pompis. §. 68. Vide Zelus animarum serius cum Proximis.

Non vulgent qua domi aguntur. §. 89.

Venerabiles ob contemplationem. §. 148.

Ob austeritatem vitæ & morum compositionem. §. 131.

Tantò majori odio habiti, quantò Disciplina sunt retinentiores, & plus fructus in publicum conferunt. §. 73. 74. Vide Insectationes.

In itineribus non sint delicati. §. 144.

Honorabuntur, & honore digni erunt, si negotia profana

fana exosi, ad Munia duntaxat Apostolica incur-
bant. §. 79. 80.

Perturbationibus suis obsequentes. §. 129. 135.

Pleni suspicionibus eorum professione indignis. §. 128.

Superbi, qui aequales juxta, & superiores contemnunt.

Demonis fraudibus plurimum patent. §. 22. 23.

Recreationes Domestice in Religiosis Domiciliis sint se-
ria ac spirituales. §. 64. 91. Vide Zelus animarum de
Deo domi loquatur.

Parum pie à rebus curiosis ad satrorum colloquiorum
tadium prolabuntur. §. 64.

Robertus Bellarminus tam Sanctus in Purpurâ, quàm
in Societatis veste. §. 58.

Rubus Mosaicus viret inter flammâs. §. 112.

S.

Salix Vite potior, quia minorem culturâ postulat. §. 129.

Sanctulo Panis simul cum labore in struendâ Basilicâ de-
ficit. §. 33.

Scandalum Junioribus Religiosis datum graviter puni-
tur. §. 138.

Sceptrum Pharaonis gemmis distinctum Virga Moysis ce-
dit. §. 11. 109.

Scientia non obsunt virtuti, sed eâ promovent. §. 109.

Serius cum Proximis gravissq; agendi modus, eos non de-
terret ab adibus Religiosis. §. 46. 68.

Sermo Religiosorum sit spiritualis. §. 92.

Sit serius cum Sacularibus. §. 88.

Sermones de rebus Divinis, venerationem Religiosis Ordî-
nibus conciliant. §. 92.

Sine studio precationis pondus non habent. §. 70.

De rebus profanis illati omnem caelestem saporem a-
dimunt. §. 64. 65.

Rr 3

Se-

*Superitas in Religiosa Disciplina perturbatores expro-
menda. §. 149.*

*Sigillum licet à Cerâ remotum, impressam imaginem re-
linquit. §. 50.*

Silentium omnium Fons Virtutum. §. 59.

*Societas Jesu eo nomine oppugnata, quia errores confu-
tat. §. 75. Vide Insectationes.*

*Sed eodem modo in terra Specubus vim suam exerit, quo
in hortis Principium. §. 97.*

*Sponsa, de quâ in Sâcris Canticis, percussa, cùm de Deo
taceret. §. 80.*

Laudata in ærumnis, & in deliciis contempta. §. 41.

Splendet, quia Jesum videt. §. 148.

*Statua Danielis Religiosos impatientes & perturbatos
notat. §. 128. Vide Daniel, & Lapillus.*

S. Stephanus inter Carnifices Christû intuetur. §. 102.

Superiores erigant lapsos, non pessumdent. §. 15. 16.

Abûdent charitate in subditos imperfectos. §. 93. 94. 95

*Prospectant subditis de necessariis, & opportunis subsi-
diis. §. 134.*

Non sint in imperando nimis timidi. §. 13.

*Nimiùm molles ac placidi subditorum merita immi-
nuunt. §. 7. 13.*

T.

Templa sint magnifica, sed non vasta nimis. §. 127.

Tepiditas quàm perniciosa. §. 16.

*Incipit à modicis principijs, & ad extrema vitiorum
progreditur. §. 64.*

Tepidi & prolapsi in optimos interdum evadunt. §. 16.

Theodoricus Rex vulnerum desiderio ardens. §. 117.

*Se demittebat ad curandam Romæ annonam, & pa-
nem inspiciendum. §. 134.*

S. Te-

S. Teresa dura quaeque pati cupit. §. 115.

S. Timotheus quamvis ager aquam bibebat. §. 134.

V.

Verborum officia, seu Aulica phrasēs ac facetiæ Religiosos dedecent. § 68.

Virgines Constantinopolitana minùs honorata, ob liberiorē Vitam, & cultum corporis exquisionis. §. 78.

Virgines satuae ob Charitatis inopiam Delo exclusae. §. 32.

Z

Zelus Animarum Virtus nobilissima. §. 28.

Ad eam comparandam ineptus prorsus est, qui fugit incommoda. §. 40.

Vt summum, ferat, quando aliter nequit, nunquam verò prober vanitatem ac luxum. §. 52. 54.

Ad sanctitatem Vitæ permoveat secum agentes. §. 87.

Amet erumnas. §. 35. 103. 110. 132.

Friget aliquādo in multis Praesidib⁹ & Religiosis. §. 29

Cohibeat linguam in Templis, & oculos in plateis. §. 43

Cum repet, infinitarum animarum interit⁹ reus est. §. 32.

Sanctitatem post se relinquat, ubi semel hospitatus est. §. 50.

Eo currat, ubi plus periculi. §. 104.

Familiarissimus Christo & Deo. §. 26.

Magis inardescat, quò magis cruciatur. §. 42.

Quam bellè reluceat in iis qui per fora concionantur. §. 43.

Missionarios præ Cathedraliū Magistris commendat. §. 43

Non est Consilii, sed Præcepti. §. 33.

Non querat privatum commodum, aut delectationem cum agit cum externis, sed eos ad pietatem extimulet. §. 55. 60.

Non

Non ingrediatur Magnatum ades, nisi salutem illi ferat. §. 48. 49. 50. 56.

Non moretur in Palatiis, nisi ad Sanctitatem Incolas effingat. §. 130.

Vanitati non seruiat, nec in secularium, inter quos versatur, mores degeneret, honores, aut opes Consanguineis procurando. §. 54. 55.

Non ostendet Politicarum Artium scientiam, sed Virtutem, & Religiosae Disciplinae studium praferat. §. 58.

Non Rusticanos solum homines in suis Mapalibus erudiat, sed in Regia Principes quoque ad Sanctitatem informet. §. 57. 58.

Non sit paucis contentus; nec quiescat donec omnes convertat. §. 59.

Non erit serius cum Proximo, nisi domi de Deo loquatur. §. 60. 61.

Restinctus aut extinctus ob levissimas causas. §. 31.

Intepescens Sacris Ordinibus scientia ac creditum inopiam parit. §. 33

Sit serius cum Proximis. §. 44. 46. 47. 88. 92.

Sit in hominibus convertendis insatiabilis. §. 36.

Illic etiam Sanctitatis fructus producat, unde adest. §. 34.

Cum pauperculis libentius versetur. §. 105. 106.


Suavis, sed sanctus, saxum Jacobi amuletur. §. 53.


Nihil non obtinet exempli efficacitate. §. 86.

Suavitatem gravitati conjungat. §. 46.

Zelus Discipline necessarius. §. 146.

O. A. M. D. G.





Biblioteka Jagiellońska



stdr0029890

